

10.11.1979

A

10.5.153

PH/151





# VERITAS VINDICATA

SIVE

PERMULTÆ SENTENTIÆ AUCTORUM  
SOCIETATIS JESU  
IN THEOLOGIA CHRISTIANA  
DOGMATICO-MORALI  
MINUS SINCERE RELATÆ


*Suæque integritati a quodam ejusdem Societatis Theologo  
Restitutæ.*



L U C Æ MDCCLIII.

---

Typis PHILIPPI MARIE BENEDINI.  
SUPERIORUM PERMISSU.



10015

A

10.5.153

PH/151



# VERITAS VINDICATA

SIVE

PERMULTÆ SENTENTIÆ AUCTORUM  
SOCIETATIS JESU  
IN THEOLOGIA CHRISTIANA  
DOGMATICO-MORALI  
MINUS SINCERE RELATÆ

*Suæque integritati a quodam ejusdem Societatis Theologo  
Restituta.*



L U C Æ MDCCLIII.

---

Typis PHILIPPI MARIE BENEDINI.  
SUPERIORUM PERMISSU.

10.5.153



# PRAEFATIO.



**E** iis plurimis, quæ in causa fuerunt, cur de Morali Patris Concinz Theologia merito questi sumus; unicum rerum genus in hoc opusculo pertractatum exhibeo. Falsas nimirum criminationes lectorum oculis subjicio; quibus vel invidiosæ sententiæ, quas numquam tradiderunt, Societatis auctoribus affinguntur; vel, si tradiderunt, ita truncatæ, aut deformatæ exhibentur, ut illo sub adspectu constitutas nemo pro suis aut agnoscat, aut velit. Ad hoc autem consilium capiendum complura me impulerunt. Primum, quodd innocentium reorum defensionem suscipere, si alicujus præsertim conjunctionis vinculo tecum contineantur, ipsius naturæ vox non hortatur modo, verum etiam præcipit. Quamobrem nihil mihi antiquius esse debuit, quam ut nostri Instituti Theologis hoc pietatis, atque adeo justitiæ officium persolverem, id est ut eos ab iniquis criminationibus vindicarem. Deinde quodd cætera per se ipsi lectores, nullo monstrante, animadvertere facile possunt. Mordax scribendi genus, acres declamationes, incitatissimi impetus, turpis-

4  
 fima convicia, & notæ in omnium oculos statim  
 incurrunt. Exquisitum artificium, quo Jesuitæ  
 nominatim ac propriè in odium adducuntur; &  
 apud accedentes ad Poenitentix tribunal in sus-  
 picionem vocantur, nemo non videt. Intempe-  
 ratæ censuræ, quibus permultæ nostrorum opi-  
 niones, summis cæteroquin cujuslibet Instituti  
 Theologis, validisque rationibus commendatissi-  
 mx, foedè dehonestantur; juxta ne sint, an se-  
 cus, quilibet vel mediocriter in hoc studio ver-  
 satus, cum præsertim opiniones easdem ferè solis  
 contumeliis refelli viderit, haud magno negotio  
 dijudicabit. Illud addo: sat est *epistolas Provinciales*,  
*Theologiam moralem Jesuitarum*, *Henricum a S. Ignatio*,  
*Sinnichium*, *Gennetium*, pau-  
 cosque alios severioris disciplinæ patronos vel  
 cursim perlustrasse, ut intelligatur, unde hæc  
 tandem fere tota Theologia exscripta sit. At verò  
 illa detegere, quæ per calumniam auctoribus af-  
 ficta sunt, improbum quemdam laborem postulat.  
 Plurimi enim adeundi sunt libri; plurimæ dili-  
 genter excutiendæ quæstiones; plurima loca inter  
 se conferenda; ut siquid lateat fraudis, deprehen-  
 datur. Qui labor nisi esset a me susceptus, a le-  
 ctoribus profecto neque ob illam securitatem, quæ  
 omnia summa fide relata esse existimassent, expe-  
 ctandus erat; neque ob molestiam honestè postu-  
 landus. Postremo ad hoc præstandum illud me  
 adduxit, quòd inaudieram, tum scriptis, tum ser-  
 monibus disseminari; omnia tandem, quæ in  
 Patris Concinæ Theologia lente fastidiosèque exa-  
 mi-

minata nobis displicuerunt; non plura esse, quàm  
 quæ ipse nota sua *Declaratione ac sincera Prose-*  
*statione* complexus est: Quod a vero quamlong-  
 gissimè abhorret. In eo enim scripto, ad quod  
 illa *Declaratio* exacta est, neque omnia rerum,  
 genera, neque singula sub unoquoque genere con-  
 tenta, sed brevissimum tantum aliquorum speci-  
 men proposuimus; ne cuius minimè debebamus,  
 patientia atque clementia abuteremur. Quod, ut  
 plurima omittam, satis intelligi ex hoc opusculo  
 licet. In ea enim *Declaratione* sex, septemve sen-  
 tentiæ minus bona fide relatæ enumerantur: cùm  
 ego hic centum, eoque amplius proferam, alias-  
 que permultas, ut sanctè affirmo, paratas apud  
 me, & digestas habeam. Quas huc conjiciendas  
 non esse duxi, propterea quod cùm longam ha-  
 beant & litigiosam disputationem; eas dumtaxat  
 seligendas existimavi, quas lectores minima men-  
 tis intentione, atque uno quasi oculorum conje-  
 ctu videre possent. His ego causis adductus sum,  
 ut hanc opellam emitterem; suamque innocentiam  
 nostris auctoribus falso accusatis assererem. Quod  
 nemo reprehendere, aut hoc nomine mihi suc-  
 censere poterit; nisi facultatem hominibus a Na-  
 tura ipsa concessam negare idem, ac per summam  
 injuriam auferre velit. Equidem de cæterorum  
 ordinum Theologis eandem curam non suscepi.  
 Sed ideo fuit, quia illi, quos hujusmodi res pro-  
 pius contingit, multo, quàm ego, sapientiores  
 sunt; neque mea opera egent, ut idem copiosè,  
 luculenterque perficiant. Quæcumque tamen vel

6  
nostris vel extraneis auctoribus imposita sint; illud sincera persuasione pro certo habeo, nihil malo animo actum, sed omnia vel ab incuria quadam, vel a nimia festinatione, vel ab otii defectu profecta esse. Lectores demum non admonitos solum, sed vehementer etiam atque etiam rogatos volo, ut in his perlegendis non plus fidei mihi habeant, quam documenta, quæ afferro, mereantur. Siquid est, quod productis a me textibus evidenter non conficiatur; jam hinc illud indictum volo.

VER-



## V E R B A

*M. L. Bail Doctoris Theologi, ac Proposuitensiarii  
Parisenfis.*

Tom. 1. Conciliorum Pag. 811., & seqq.

**R**Enovatum est bellum jam antea idemtidem repetitum adversus Theologiam Moralem Summistarum, (casuitas dicunt;) nec non gravissimos plebsque Theologos tam ex antiquis, quàm ex modernis, qui quæstiones de moribus definierant ....

Initium fecerunt ab INSIGNI VOLUMINE Thomæ Sanchez: & quidquid in eo eximium est, prætermittentes; dubia illa, quæ de debito matrimonii apud alios tractantur impune, in Catalogum suum concluderunt cum ipsius ad ea dubia resolutionibus. De quo indiculo meminit obiter Servinus Advocatus Regius in Parlamento Parisenfi in una disertarum illarum orationum, quas in eodem Parlamento habuit. Ludimagister Bernensis Christophorus Luthardus petulanter admodum illud ipsum volumen impetit, non obstante confirmatissima ejus eruditione, & utilitate ipsis perspecta, qui sunt de salute, & puritate animarum solliciti. Cui simile opus vix sperari potest intra quingentos annos a quoquam scriptore æquè doctum in lucem emittendum: & licet quædam de materia foedorum actuum tangat, turpior tamen est infernus; & si foedus est sermo, foc-

foedius est in peccato putrescere, ut Petrus Blesensis aiebat *Tractatu de Confessione*. Ille auctor medicus est animarum, qui aliquas spurcicias movet, sed ad egrotantium curationem. Si Angeli essent homines, talibus non indigerent. Facto autem initio a Thoma Sanchez progressi sunt ulterius: quibus etiam ALII IN FIDE SANI se adjunxerunt SUB PRÆTEXTU REFORMANDI LAXIOREM vitam hominum. Unde PLURES INDICULI ALII postea. Nec ulla ratio habita est Casuitarum in eandem sententiam conspirantium, & plurium ac ingentium voluminum, quæ hoc sæculo prodierant. Nam in toto sæculorum quindecim decursu non numerari plusquam duodecim casuitas, cunctas admodum lubrica sit de conscientia, & de distinctione venialium a mortalibus disputare. Nunc verò, ut conquererentur, casuitarum nubem exortam esse, qui tamquam Ægyptiaca rana in Ecclesiam incubuerunt, & nihil penè jam in moribus integrum reliquerunt.

Exstat de his gravissima querela R. YPRENSIS in suo libro prooemiali capite octavo. Tam laxas, inquit, effecere conscientias sub prætextu accommodandi se infirmitatibus hominum, ut nihil opus sit, nisi sceleratiores fieri homines, ut nova aliqua, & licentiosa regula fabricetur ..... Ut re vera plerisque christianis scientia recentioris Theologiæ ad nihil deserviat, nisi ut sensa diversa diversorum suis apta cupiditatibus noscendo & sequendo deposita simplicitate christiana versutiores, & probitate nequiores fiant....

Tales autem controversiis omnes complexus est auctor innominatus operis illius posthumi; quod anno 1667. in proelo exiit, & sequenti flammis devoratum est auctoritate Judicis. In quo auctor Moralem Theologiam casuitarum confundens cum Morali Theologia scriptorum Asceticorum, quos vulgo Mysticos aut spirituales dicimus, ait initio; finem ac scopum Theologiæ moralis casuitarum in eo reponi, ut homines ad virtutem promoveant, & ad laudabiles actiones, & eos deterrendos a vitis, & peccatis.

A quo scopo est non deficiat Theologia Moralis caluitatum, non tamen est proprium illius munus id spectare præcisè: sed magis quid licitum, & non licitum, ubi leges silent, & nihil dicunt, ostendere.....

Inde est quod Auctor illius Centonis minimè attingens scopum proprium, & finem peculiarem morales casuisticæ, QUIDQUID ferè pietatem & perfectionem asceticam non sapit, ferula sua castigandum censeret; & ut horrorem incuteret maximum, quàm fieri posset, illius Moralis, ordine methodico illam in tres partes dividit..... de quibus agit eo fine; ut probet, Theologiam Moralem quorumlibet debita officia depravasse, ut impune liceat quibusvis obligationi legitimæ proprii status deesse absque ullo metu peccatorum septem mortalium, quæ fere in venialia desierunt. Quin etiam tollit omnia media, quæ Christus subministravit peccatoribus, ut ad bonam frugem redeant.

Tantem concludit manifestando, PURITATEM SUÆ INTENTIONIS non aliam fuisse, quàm tollere abusus simplicium, & iis, qui sibi obcoecare oculos noluerint, & rebelles esse lumini, propalare totam doctrinam morum & casuum non alio tendere, quàm licentiæ peccandi, & totius mundi corruptioni favere. O zelosum! Compilatores!

At si credimus homini innominato, foedere juncti sunt Theologi morales, ut idem moliantur. Quis hoc sibi persuadere valeat? quis in mentem inducere, quod Theologi ex omni parte Europæ in hoc conspirent, ut universi orbis homines in laxis moribus corrumpantur; quorum potius labor assidue in hoc impenditur, ut destruat corpus peccati; & sit hic fructus omnis, ut auferatur peccatum?....

Quàm longe hæc distita sunt ab Innominati Centone, quem excutere magis cogitaveram, nec pauca ad id idonea parata habebam ex varia lectione, & collatione locorum ad tollendam larvam, qua obtegatur; nisi quod verius illi

ada-

*adaptari potest, quam Theologia morali, IN QUAM  
DESÆVIT, illud Augustini in Psalm.22. „ Talibus ma-  
„ lis magis prolixus gemitus, ac fletus, quàm prolixus libri  
„ debentur „. Nam & sic ex omnibus antiquis Docto-  
ribus SELIGENDO EA SOLUM, QUÆ IN IPSIS IN-  
FIRMIORA SUNT, CENTO IMPURUS, ET ODIQ  
HABENDUS CONFICERETUR.*





I N D E X  
THEOLOGORUM  
SOCIETATIS JESU

IN HOC OPERE VINDICATORUM

*Numeri Capita indicant quibus ii vindicantur.*

- A**MICUS xxxvi.  
**ARRIAGA** lxxviii.  
**AZORIUS** xii. xcviij.  
**BAUNIUS** x. xxx. xlvi. lxii.  
**BUSEMBAUM** xliii.  
**CARDENAS** xxxii.  
**CASTROPALAU**s. iv. xxxiii. lxxviii.  
**CONINK** lxxix.  
**LA CROIX**. xxi. xxii. xxiv. xxxi. xliii. lxvii. lxxxviii.  
xcv. xcix. cv.  
**FAGUNDEZ** v. xviii.  
**FILLIUCIUS** xvii. li. lii. liv. lvi.  
**FRANCOLINUS** lxxxvii.  
**GOBAT** xxii. xl. xlvii. lxxviii. lxxxix. xcl.  
**LAIMAN** xiii. xiv. xvii. xlii. xlix. lxxxi. xc. xciv.

**LEG.**

LECCHIOUS LVI.

LESSIUS XII. XLII. LXVI. LXX. LXXIII. LXXVI. C.

DE LUGO LXX. LXXI. LXXII. LXXIII. XCH.

MARIN XXV. XXVI.

MOLINA LXXIII.

MOJA VI. IX. XXII. XXIII. LVIII. LXXIV. LXXVIII.

PELLIZARIUS XVI. LXIX.

REBELLEUS LXXIII.

REGINALDUS LXXV. XCVIII.

SANCHEZ THOMAS III. IV. XI. XVI. XIX. XX. XXXIII.

XXXV. XXXVIII. XLII. LIII. LXI. LXXVII. CI. CIII. CIV.

SUAREZ LV. LX. XCVIII.

TAMBURINUS I. II. VII. VIII. XXVII. XXVIII. XXIX. XXXIV.

XLV. LXIII. LXVIII. LXXXII. LXXXIV. LXXXV.

TERILLUS LVIII.

VALENTIA LVI. LXXII. LXXV. XCVI.

VASQUEZ XII. XV. XXXIX. LIX. LXXXIII.

VIVA XXXVI. XXXVII. XLVIII. L. LVII. LXIV. LXXIX. LXXXVI.

XC. XCIII. XCVII. CII. CV.



## CAPUT I.

*Vindicatur ab impostura P. Tamburinus.*

P. CONCINA Tomo I. pag 62.

Satis est actum fidei semel in vita elicere. *Hanc quoque opinionem docet Tamburinus loco citato num. 8.*



Hec est evidens impostura contra Tamburinum. Tamburinus enim loco citato num. 8. numquam docet præfatam propositionem proscriptam, sed aliam longè diversam: ut jam ostendo.

Locus citatus est liber. 2. in *Decal. cap. 1. §. 1.* Tamburinus ibi num. 2. distinguit NECESSITATEM MEDII, quam etiam appellat NECESSITATEM SALUTIS, a NECESSITATE PRÆCEPTI. Aliud est, inquit, *querere quidnam credendum sit de necessitate SALUTIS, seu MEDII, sine quo scilicet ad ultus justificationem, atque adeo salutem consequi non potest; aliud quid de necessitate PRÆCEPTI tantum.*

Deinde numero 3. docet, satis esse, elicere semel in vita, non IN GENERE actum fidei; sed IN SPECIE.

A

actum

actum fidei NECESSARIUM NECESSITATE MEDII  
*Tria, inquit, insuper hic adverto. Primo in bene mora-  
tis, vel confiteri solitis supponi posse, SEMEL hæc my-  
steria credidisse: SEMEL, inquam, Nam EX NECES-  
SITATE MEDII SEMEL SUFFICIT, ..*

Demum num.8., ubi P. Concina dicit, Tamburinum  
docere prædictam opinionem damnatam; ita scribit  
*Vel primo sermo est de actu fidei NECESSARIO NECES-  
SITATE SALUTIS; & HUNC quidem (advertat dili-  
genter P. Concina; HUNC, non alium) SEMEL in-  
vita elicere satis esse, modo vidimus num 3.*

Ubi evidentissimum est, Tamburinum loqui de actu  
fidei NECESSARIO NECESSITATE MEDII; tum quia  
numero 2. pro eadem acceperat NECESSITATEM SA-  
LUTIS, & NECESSITATEM MEDII: tum quia nu-  
mero 3., cujus doctrinam hic se repetere profitetur,  
apertissime dixerat „ EX NECESSITATE MEDII SE-  
MEL SUFFICIT „ Ac proinde opinio, quam citato  
num 8. Tamburinus docet, limpide & nitidissime hæc est;  
SATIS EST EX NECESSITATE MEDII ACTUM  
FIDEI SEMEL IN VITA ELICERE.

His positis. Illa propositio 17. damnata ab Innoc.XI.  
*Satis est, actum fidei semel in vita elicere, æquivalere huic  
universali, NULLA EST NECESSITAS eliciendi in vita  
actum fidei plusquam semel.* Opinio Tamburini æquivalere  
huic particulari: NON est NECESSITAS MEDII eli-  
ciendi in vita actum fidei plusquam semel.

Jam vero Vel P. Concina putat has duas propositio-  
nes esse valde diversas, vel non putat. Si secundum;  
revincetur a quolibet summulista, qui noverit, quantum  
discrimen intercedat inter propositionem universalem, &  
particularem; inter GENUS, & SPECIEM. Si primum,  
idest si putat esse valde diversas, ergo impostura est,  
Tamburinum docuisse primam propositionem; cum do-  
cuerit, ut evidenter ex ejus verbis ostendimus, solum  
secundam.

CA-

## CAPUT II.

*Vindicatur ab alia non absimili impostura  
idem Tamburinus.*

P. CONCINA TOM. I. pag. 64.

Sufficit illa mysteria semel credidisse. *Hanc EXPRESSE docet Tamburinus lib. 2. in Decalogum Cap. 1. n. 3.*

\*\*\*

**N**EQUE EXPRESSE, neque implicitè hanc docet Tamburinus. Sed hæc est alia impostura superiori non absimilis, quæ ex dictis facilè refutatur. Propositio enim damnata æquivalet, ut de propositione superiori dicebamus, huic universali: *NULLA DATUR NECESSITAS credendi illa mysteria, plusquam semel.* Et opinio Tamburini est hæc particularis: *NON DATUR NECESSITAS MEDII credendi illa mysteria plusquam semel.* Ita enim scribit citato num. 3. *Semel, inquam, nam EX NECESSITATE MEDII semel sufficit.* Porro sicuti qui diceret, *equus non est ANIMAL RATIONALE*, profecto non diceret, *Equus non est ANIMAL*: Ita qui dicit *NON DATUR NECESSITAS MEDII*, ut dicit Tamburinus; profecto non dicit, *NULLA DATUR NECESSITAS*, ut dicit propositio damnata.

Reperiat P. Concina, si potest, in toto Tamburino illas propositiones indefinitas, illimitatas, & æquivalenter universales *satis est altum fidei semel in vita elicere: sufficit illa mysteria semel credidisse.* doceat ubi sint; in locis enim citatis certissimè non inveniuntur. Quod si reperire non potest, nisi hæc definitas, limitatas, & particulares: *Ex necessitate medii satis est semel: Ex necessitate*

4  
tate *medii semel sufficit*; quo jure affingit Tamburino utramque illam damnatam propositionem?

Hæc clarissima sunt, & ad refutandam imposturam sufficiunt. Nihilominus, ut cognoscant lectorer, me non defendere Tamburinum, nisi ubi defendendus est; hæc adiungo.

Tria docuit circa actum fidei Tamburinus, quæ rem nostram propius contingunt.

Docuit primo, Fideles numquam obligari PER SE, ET EX VI DIRECTA præcepti Fidei, ad credenda ea mysteria, quæ credenda sunt SOLA NECESSITATE præcepti. Et in hoc erravit; atque hæc doctrina damnata postea fuit in hac prima propositione Alexandri VII. *Homo nullo unquam vitæ suæ tempore tenetur elicere actum Fidei, Spei, & Caritatis EX VI præceptorum divinorum, ad eas virtutes pertinentium*: & in hac 16. Innoc. XI. *Fides non censetur cadere sub præceptum speciale, & secundum se*. Neque aliam excusationem meretur Tamburinus, nisi quòd illud scripserit ante damnationem, veluti titubanter, & id EXPRESSE subiiciendo S. R. E. judicio. Audi ipsum lib. 2. in Decal. cap. 1. §. 1. n. 9. *Vel secundo*, inquit *sermo est de actu fidei EX NECESSITATE PRÆCEPTI, quo scilicet obligamur credere ea, quæ diximus num. 5.* (ibi enumeravit credenda sola necessitate præcepti) *sane nondum obviam habui Doctores, qui mihi id explicando satisfecerint: unde omnibus perpensis, SUBDENDO tamen ut hoc, ita & omnia alia mea S. R. E. judicio, puto PER SE ET DIRECTE numqua obligari fideles ad credenda prædicta mysteria EX VI necessitatis præcepti Fidei.*

Docuit secundo, dari tamen obligationem PER ACCIDENS, & EX VI aliorum præceptorum; credendi illa mysteria SÆPISSIME. Ita enim statim subdit post recitata modo verba: SÆPISSIME vero obligari PER ACCIDENS, EX VI aliorum præceptorum. Tantum abest, ut negaverit OMNEM NECESSITATEM credendi plusquam

quam semel, ut negant illæ duæ propositiones proscriptæ, quas ipsi affingit P. Concina. Quod si SÆPISSIME eliciatur actus fidei, tamen ex vi aliorum præceptorum, ut exigit Tamburinus, quod attinet ad praxim tuti sumus; tunc enim satisficit cuicumque obligationi PER SE, ut in re simili rectè concedit P. Concina inferius pag. 342.

Docuit demum tertio in locis citatis a Patre Concina definitè & limitatè, EX NECESSITATE MEDII satis esse semel credere. Sed numquam in iis locis docuit, ut ostendimus, propositiones illas indefinitas, & illas Tamburino affingere dicimus esse imposturam.

### C A P U T III.

#### *Restituitur sua integritati doctrina Thomæ Sanchez.*

P. CONCINA Tom. I. pagina 65. in *Elencho propositionum*,  
*quas recenset ut damnandas.*

Et quidem in praxi existimo, numquam aut rarissimè denegandam absolutionem ob doctrinæ christianæ ignorantiam; Quia rustici ignorantes non habent commodè doctorem, NEC confessor potest illos instruere, nec ipsi majorem addiscendi capacitatem habent. *Thomas Sanchez lib. 2. summæ cap. 3. n. 21. Hæc propositio parum distare videtur ab hac proscripta: Absolutionis capax est homo, quantumvis labore ignorantia mysteriorum fidei.*



THOMAS Sanchez scripsit ET, non vero NEC; quæ mobrem commutatione unius particulæ commutata est tota ejus sententia. Audi ipsum loco citato.

*Et quidem in praxi existimo, numquam aut rarissimè*

*simè denegandam absolutionem ob doctrinam christianam ignorantiam: quia rustici ignorantes non habent commodò doctorem, ET confessor potest illos instruere, nec ipsi majorem addiscendi capacitatem habent.*

Confessarium vero non tantum posse, sed debere illos instruere, docet initio citati numeri his verbis. *Ex his deducitur, teneri confessarios interrogare poenitentes doctrinam christianam, quoties probabiliter iudicari potest, fore, ut illam ignorent.*

Propositio igitur Conciniiana, in qua commutatum est ET in NEC, parum distat a proscripta: At propositio Sancheziana, in qua legitur ET, non NEC, mirum quantum a proscripta distet. Etenim si Confessor per Patrem Sanchez ET potest, & debet ante absolutionem tales ignorantes instruere; quomodo per P. Sanchez absolutionis capax erit homo quantumvis laboree ignorantia mysteriorum fidei?

## C A P U T IV.

### *Restituitur sua integritati sententia Castropalai.*

P. CONCINA Tom. I. pag. 144.

*Catholicus videns SACRAS IMAGINES CONTERI; CRUCIFIXUM CONTUMELIIS AFFICI, tenetur ne suam fidem prodere, SACRASQUE IMAGINES a contemptoribus vindicare? Respondeo Pater Castropalaus Tract. 4. Disput. 1. Puncto 12. num. 7. docet, ut etiam advertunt Salmanticenses, teneri utique fidem profiteri, si considat, hac sua publica confessione compescendam fore infidelium proterviam, & impietatem: Secus vero si ex sua confessione prævideat irritandos magis fore,*  
at-



7

atque in blasphemias erupturos contemptores. Hanc opinionem COMMUNITER auctores rejiciunt. SANCHEZ lib.2. in Decal. cap.4. n.5..... Ratio est, quia tunc fides catholica despicitur; Deoque honor debitus subtrahitur per contrariam contumeliam. Ergo confitendæ fidei præceptum urget: ergo sua publica confessione tenetur, quoad fieri potest iniuriam Deo, & SACRIS IMAGINIBUS irrogatam propulsare.



**N**ON refertur sincerè sententia Castropalai, & adiunctis iis, quæ sua non sunt, conflatur ipsi multo major invidia, quam mereatur. Castropalaus non loquitur de atroci casu, quo SACRÆ IMAGINES CONTERANTUR, quo CRUCIFIXUS AFFICIATUR CONTUMELIIS, ut persuasum lectoribus relinquit P. Concina. Quo casu certè magis invidiosum esset negare, etiam sub conditione adiecta, obligationem vindicandi sacras imagines a contemptoribus, & subducendi Crucifixum a contumeliis. Sed loquitur de casu, quo detur simplex irrisio fidei, quæ contraria laudatione compensari possit. Et tunc negat obligationem laudandi fidem, si ex tali laudatione timeantur secutura graviora crimina; idest si timeatur, IRRISORES magis irritandos fore, & in blasphemias erupturos. Quæ negatio, ut per se patet, multo minus invidiæ continet. Audiamus ipsum tractatu & disputatione citatis, puncto 13. (non 12. ut citat P. Concina) num.7.

*Tertio, inquit, si videas FIDEM IRRIDERE, & absque tuo gravi incommodo possis IRRIDENTES compescere, vel fidem laudare, teneris id præstare; quia tunc laudatione videtur irrisio falsa diminui, & quasi compensari. Quod si timeres, irrisores ex tua laudatione magis irritandos fore, & in blasphemias processuros; non credo, te esse obligatum, siquidem cessat finis, ob quem tua lau-*  
*da-*

*datio præcipitur, qui est fidei christiana excellentiam. promovere.*

Igitur Castropalaus luquitur de simplici IRRISIONE. P. Concina substituit SACRAS IMAGINES CONTRITAS, & CRUCIFIXUM CONTUMELIIS AFFECTUM. Castropalaus disputat de obligatione LAUDANDI fidem. P. Concina substituit obligationem VINDICANDI SACRAS IMAGINES & CRUCIFIXUM. Et deinde jactabit sæpenumero, ut videbimus in hujus opellæ decursu, se integrè & sincerè referre sententias Jesuitarum.

Fallitur deinde, & lectores suos fallit P. Concina, dum dicit opinionem Castropalai COMMUNITER ab auctoribus rejici, & nominatim a P. Sanchez. Pater Sanchez loco citato ne verbum quidem habet, quo rejiciat prædictam opinionem. Immo num.3. habet aliquid, quod nonnihil favet. Ita enim scribit.

*Quando autem ex publica confessione fidei NULLA UTILITAS speratur, sed sola infidelium perturbatio, non est laude digna. Sic D. Thomas 2.2. quæst.3. artic.2. ad 3. Immo vituperio eam dignam esse merito asserunt Angelus, Sylvester, Tabiena, Armilla numero præcedenti allegati: atque temerariam illam appellat Toletus lib.4. summa cap.2. num.4.*

## CAPUT V.

*Vindicatur ab impostura P. Fagundez.*

P. CONCINA Tom.I. pag.217.

*Daturne materia parvitas, quæ legentem hæreticorum libros ab excommunicatione excuset?..... Fagundez, EXTENDIT hanc materiæ parvitatem ad paginam CUM DIMIDIA..*



**L**iberalitas Patris Concinae erga Patrem Fagundez extendit illam materiæ parvitatem ad paginam cum dimidia. Cæterum Pater Fagundez extendit ad UNICAM TANTUM PAGINAM. En ejus verba in primum præceptum Decalogi lib.I. cap.14. num.4.

*In assignanda parvitate materiæ maior est difficultas: in quâ mihi magis placet sententia Sanchez, Emmanuelis Rodriguez, Vivaldi, & Sà; asserentium esse UNAM SOLAM PAGINAM.*

## CAPUT VI.

*Vindicatur ab iniusta criminatione  
P. Moya.*

P. CONCINA Tom. I. pag. 339.

*Præterire hic minime valeo IMPOSTURAM, quam P. Moya tract. 6. disp. 6. quæst. 1. §. 2., & 3. impingit Magistro Bannez, qui conceptis verbis docet, mandatum caritatis speciale esse, pluries in vita urgere, & potissimum splendente primo rationis lumine. Deinde subdit, difficile satis esse tempora definire præcisa, in quibus urget. Putat tamen eos, qui sumunt Eucharistiam semel in anno implere præceptum istud. Cujus sensus non est, ut CAVILLATUR Moya, quod sumptio ipsa Sacramenti sit observantia præcepti. Sed quod fieri vix potest, ut fideles accedant ad hoc divinum convivium, quod ultimum & supremum est divini in nos amoris argumentum, quin redament Deum illum, qui se in eorum alimentum præbet.*



**A**ffero prius textum Magistri Bannez; tum videbimus, an iusta sit criminatione. Ita igitur scribit 2. 2. quæst. 44. artic. 1. Dub. 1. conclusione 3.

*Nihilominus Dico 2. quod sine scrupulo credi potest, quod qui dignè sumit Eucharistiam semel in anno, adimplet simul speciale præceptum Caritatis.*

Præmisso textu Dico, sensum Magistri Bannez ipsum esse, quem illi attribuit Moya; non vero quem pie meditatus est P. Concina.

I. Quia

I. Quia verba Bannezii, si in sua propria significatione sumantur, favent Moyæ, non Patri Concina. Significant enim propriè solam sumptionem: & neque propriè neque æquivoce significant amorem, qui juxta P. Concina vix separari potest a sumptione.

II. Quia pia meditatio Patris Concina nullo nititur fundamento. Quod enim Bannez doceat, mandatum Caritatis speciale esse, & sæpius in vita urgere, nihil evincit. Contenditur enim, sensum Magistri Bannez hunc ipsum esse: *Quamvis mandatum caritatis speciale sit, & pluries in vita urgeat: NIHILOMINUS sumptio Eucharistia semel in anno supplere potest & compensare dilectionem præceptam, & mandati obligationem extinguere.* Atque sermè in hunc modum exposuit hanc sententiam. Magister Serra Dominicanus infra citandus.

III. Quia si Bannez habuisset in mente sensum excogitatum a Patre Concina; illum certissimè Lectoribus explicasset. Poterat enim, & debebat. POTERAT; & quidem nullo negotio, & paucissimis verbis, ut est evidens. DEBEBAT; ne scilicet in re tanti momenti lectores dubios incertosque relinqueret, quid tandem ipsis agendum foret, ut Maximum & primum mandatum observarent. Nimirum num sufficeret sumere Eucharistiam semel in anno, ut ejus verba præseferunt? an ad sumptionem adiungendus præterea esset amor? quod ipse nusquam dixit. Quamobrem cum se explicare potuerit, debuerit, & ne verbum quidem fecerit; consequens est, ut de Concina illo sensu non cogitaverit.

IV. Demum, Quia Petrus de Ledesma perdoctus Dominicanus, quem citatum secutus est Moya, intellexit Bannezium eodem sensu. Audi ipsum in summa a P. Raymundo Ladefou ejusdem ordinis latinè reddita: ubi *parte 2. tract. 3. cap. 5.* hæc habet.

*Sexta sententia asserit, eum, qui dignè sumit Eucharistiam semel in anno, adimplere simul speciale præceptum Caritatis. Ita sentit M. Bannez loco citato S. Thomæ. Sed*

*hic modus dicendi videtur mihi valde difficilis; quia præceptum de diligendo Deo longè diversum est a præcepto SUMMENDÆ Eucharistiæ. Ergo per ejus SUMPTIONEM non adimpletur præceptum caritatis.*

His positis, ubi est IMPOSTURA Moyæ, & CAVILLATIO? Nempe in eo; quod verba Magistri Bannez accipiat in sua propria significatione: quod non subintelligat piam meditationem P. Concina, quam Bannez non adiunxit, & adiungere potuisset, ac DEBUISSET, si in mente habuisset sensum, quem P. Concina meditatus est: Quod non adhibeat interpretationem, nullo fundamento suffultam: Demum, quod in interpretatione Bannezii exemplum atque auctoritatem Ledesmae Dominicanæ secutus sit. Utrum iusta sit criminatio, lectores judicent.

Addo Magistrum Serra Dominicanum 2. 2. quæst. 44. in fine referre, & non REJICERE sententiam Magistri Bannez his verbis. CERTUM est præceptum caritatis obligare, ut pluries in discursu vitæ actum dilectionis Dei, & Proximi eliciat homo. Sunt NIHILOMINUS, qui dicant absque scrupulo credi posse, præceptum caritatis adimplevisse eum, qui semel in anno quolibet Eucharistiam sumpsit.

Quare immerito P. Concina Tomo 1. pag. 285. & seqq. acerbis declamationes intorquet contra P. Vivam, quia sententiam Bannezii & Serra in eundem sensum accepit, in quem illam multo ante ipsum acceperat Ledesma insignis sane Theologus ejusdem Ordinis. Sed Ledesma, cujus auctoritatem duo illi Jesuitæ secuti sunt, a P. Concina ne nominatur quidam. Moya traducitur ut IMPOSTOR: Viva declamationibus exagitatur. Succenseat primùm fontibus P. Concina; tum de rivulis cogitet. Sed hoc monito nimium sæpe indiget, ut videbimus, in hac sua Christiana Theologia.

## CAPUT VII.

*Restituitur sua integritati sententia  
Tamburini.*

P. CONCINA Tom.I. pag.458.

*Duo Religiosi ejusdem Coenobii orta rixa omittunt consuetam salutationem; peccantne mortaliter? Resp.. Adfirmant Tamburinus lib.5. cap.5. §.3. num.13. Sporer Tract. 2. cap.6. sect.2. num.30. ADDIT Tamburinus, cui de more subscribit Sporer, excusari illos posse a culpa gravi, si PROBATA EORUM VIRTUS COMPERTA ESSET. Verum suspecta mihi evaderet eorum virtus vel ex hoc, quod mutua ejusmodi consueta officia omitterent. Brevitas temporis, LEVITASQUE DISSIDII, & ALIÆ CIRCUMSTANTIÆ possunt interdum a gravi excusare culpa. PROBATA INIMICORUM VIRTUS SATIS MINIME EST ad purgandam a crimine ejusmodi omissionem.*



**S**I Tamburinus legatur in Tamburino, non modo apparebit, satis truncatè referri ejus doctrinam; verum etiam, quod majus EST, ipsum cum P. Concina mirificè consentire.

Minimè satis est P. Concinae probata inimicorum virtus: neque probata inimicorum virtus satis est Tamburino. Postulat præterea Pater Concina levitatem dissidii, levitatem dissidii postulat & Tamburinus. Alias quoque circumstantias exigit Pater Concina; Alias item circumstantias exigit Tamburinus. Audiamus ipsum loco citato.

Ex.

*Excusari, inquit, a mortali tunc possent, quando comperta esset horum probata virtus; (Nunquid hoc tantum? Si audiamus P. Concinam, hoc tantum: hoc enim tantum retulit. Sed pergamus audire, quæ truncata sunt) ET RIXA; EJUSQUE CAUSA FUISSET LEVIS (en levitas non modo dissidii, ut postulabat P. Concina, sed etiam CAUSÆ DISSIDII, quod est aliquid amplius.) Unde judicentur, NON EX ODIIO GRAVI, SED EX LEVI QUADAM PASSIONE, VEL IN SIGNIFICATIONEM ACCEPTI GRAVAMINIS ET INIURIÆ (en aliæ circumstantiæ) moveri ad omittendam salutationem. Idem usvenire poss: video in timoratis secularibus LEVI CAUSA (en rursus levitas) rixæ existente.*

Clamamus ne iniuria, truncatas referri Jesuitarum sententias?

## C A P U T VIII.

*Vindicatur ab artificiosa impostura quæ est in indice, idem Tamburinus.*

In Indice Tom. I. V. Tamburini.

*Aliæ ejusdem (propositiones) laxæ pag. 17. ALIÆ ITIDEM LAXÆ, pag. 463.*



**Q**UI legunt relata Conciniani indicis verba, sine dubio sibi persuadebunt, Tamburinum docuisse non DUAS propositiones laxas, sed DUAS catervas propositionum laxarum; quarum altera recenseatur a P. Concina pagina 417: altera vero pagina 463. Atqui sciant lectores, ut ipsi videre possunt, unam, eandem, atque ipsif-



15  
finam esse Tamburini doctrinam, quam P. Concina retulit primo loco, & repetiit secundo; in eo sitam, quod putarit probabilem falsam quamdam opinionem Castropalai.

Si una eademque Tamburini doctrina reponatur sapius in indice, & representetur ut alia semper, & diversa; index laxitatum contra Tamburinum excrefcere hac arte poterit in integram bibliothecam. Hoc autem vitium in indicibus non semel a me deprehensum est, & alia quædam exempla referam in decursu.

## C A P U T IX.

### *Vindicatur ab impostura P. Matthæus Moya.*

P. CONCINA Tomo 2. pagina 4. in catalogo propositionum, quas recenset ut damnandas.

Nemo EX NECESSARIIS AD SUUM STATUM conservandum tenetur eleemosinam pauperibus largiri, ETSI EXTREMA NECESSITATE LABORENT.  
P. Matthæus Moya Tomo 1. tract. 6. disp. 6. quæst. 4. §. 3. num. 21.



HÆC est manifestissima impostura. Tantum abest, ut P. Moya doceat propositionem, quam P. Concina recenset ut damnandam, ut disertissime doceat contradicentem. En ejus verba Tomo 1. tract. 6. disp. 6. quæst. 4. §. 5. non 3. num. 23, non 21. ut citat P. Concina.

Præceptum eleemosinæ obligare IN EXTREMA NECESSITATE ad subveniendum Proximo EX NECESSA-

SARIIS AD STATUM etiamsi ex eo patiaris grave  
damnum in dignitate & fastu externo, est communis Do-  
ctorum sententia, & VERISSIMA.

Quid clariùs?

## C A P U T X.

*Vindicatur ab impostura Pater Baunius.*

P. CONCINA TOMO 2. pag.100.

Baunius loco citato (Tomo 3. lib.2. tract.9. quæstione 4.)  
cum Lessio, & uno aut altero recentiore laxissimam  
INVEXIT opinionem. Contendit præceptum largiendi  
reditus ecclesiasticos superfluos in pios usus esse dumtaxat  
ecclesiasticum; quod contraria valeat consuetudine abro-  
gari. Quare defendit, beneficiarios tum in Gallia, tum  
in Hispania non validè modo, sed etiam licitè testari  
de rebus superfluis in usus non pios.



INVEXIT? Hæc est impostura. Verbum enim illud  
INVEXIT significat, Baunium fuisse illius opinionis  
inventorem, vel saltem antesignanum. Quod est falsis-  
simum; siquidem multis annis ante ipsum ab aliis Docto-  
ribus, & quidem non exigui nominis, traditam ipse  
postea amplexus est. Seligo duos.

Covarruvias Hispanarum certè consuetudinum peri-  
tissimus, in C. Cum in offic. de Testam. num. 7. hæc ha-  
bet. Ad hæc accedat etiam, quod prohibitio testandi  
clericis indicta est JURE HUMANO.... Alioqui si jure  
divino esset prædicta prohibitio indulta, NON POSSET  
PERMITTI ULLO PACTO DISPENSATIO ROMA-  
NI PONTIFICIS.

Et

Et num. 9. loquens de consuetudine hæc habet: *Quoties animadverto; reditus hos Ecclesiasticos, de quibus agitur, a Canonibus Ministris Ecclesiarum assignari separatim ab aliis bonis, quæ Ecclesiis conceduntur ad ædificia, vestes, aliaque necessaria: quoties video, ac memoria repeto, hanc testandi prohibitionem JURE HUMANO statutam fuisse; non possum CONSUETUDINEM PRÆMISSAM damnare; quippe qui certo sciam, ROMANUM PONTIFICEM, Ecclesiæ Principes, totiusque Orbis Christiani consensum vel applausum eam probare, saltem tacite, ut inde conjecer sapissimè, remissam SUMMUM PRÆSULEM, ac CARDINALES, Episcopos, Cæsarem, & Reges cogitasse, & huic usui consensum præstitisse: cum nulla possit causa proponi, cur mores istos TOT ANNIS jam convalescentes intactos dimiserint, ni eos proprio consensu probassent. Si sane Carolus Cæsar Hispaniarum Rex anno 1523. Comitibus totius Regni Pintia habitis c. 47. jussit, hanc consuetudinem uti legitime inductam servari. Idem APUD GALLOS COMMUNI USU observatum est, ut præter alios testatur Glossa in pragmaticam Sanctionem tit. de Annatis.*

Et tandem loquens de vi hujus consuetudinis eodem numero 9. prope finem hæc habet. *Hæc consuetudo idem efficit, quod Principis licentia & Privilegium..... SED PAPA POTEST PRIVILEGIO HANC LICENTIAM EXHIBERE. Igitur consuetudo ista totius Orbis poterit idem efficere: cum & consuetudo LEGI HUMANÆ de- roget.*

Et pro hac sua Sententia, quæ est ipsissima, quam exscripsit Baunius, allegat alios Doctores antiquiores se.

Garcias de Beneficiis Parte 2. cap. primo num. 11. & 12. statuit primum, beneficiatos Episcopis inferiores propter prædictam consuetudinem posse testari *validè* his verbis. *Tertio dico, ex consuetudine posse beneficiatum testari de acquisitis ex beneficiis, quæ consuetudo est in Hispania quoad Clericos Episcopis inferiores, nempe quod*

C

pos-

possint de illis testari, & eis ab intestato succedi..... Et hæc consuetudo est approbata per Rotam in una Palentina fructuum Archipresbyteratus de Portillo 26. Februarii 1580. coram Illustrissimo Lancelloto

Deinde num.13. movet difficultatem, utrum possint testari licitè, & refert Auctores negantes his verbis. Difficultas est, an stante dicta consuetudine possint Beneficiati LICITE testari etiam ad usus profanos, eaque relinquere consanguineis, etiam divitibus; an verò debeant testari ad usus pios tantum; aliàs peccent mortaliter. Et non posse licitè testari ad usus profanos, aliàs peccare mortaliter, si in notabili quantitate id faciant, quamvis testamentum valeat, & ex eo acquiratur dominium maxime in foro exteriori; tenent Cosmas... A vendann.... Molin. &c.

Demum num. 16. prodit sententiam suam affirmantem his verbis: Contrarium tamen verius existimo; nempe STANTE DICTA CONSUETUDINE, posse Beneficiatum licitè testari etiam ad usus profanos, & relinquere dicta bona consanguineis divitibus; eamque consuetudinem in conscientia excusare, nam dicta consuetudo non est contra jus divinum, aut naturale, sed contra JUS HUMANUM, quo inducta est prædicta prohibitio testandi.

Et pro hac Sententia affert deinde tredecim Doctores, qui ante ipsum eam tradiderunt.

Jam verò Covarruvias in editione Veneta, quæ, utor, impressus est anno 1568. Garcias in editione Moguntina impressus est anno 1614. Baunius impressus est Parisiis anno 1645.; Nempe 77. annis post Covarruviam, & amplius 30. annis post Garciam. Nihilominus Baunius INVEXIT.

Sciant Lectores, hoc esse artificium Patri Concine familiarissimum; ut de iis sententiis disputans, quas ipse laxas appellat (quas autem ex iis, quæ libertati favent, non appellat?) quamvis a magnis plurimisque Doctores,

bus, nec raro Dominicanis, tradantur: nihilominus vel pro illis solos Jesuitas producat; vel solos Jesuitas nominatim infectetur, solos in legentium oculis conetur infigere, tamquam si essent earum Sententiarum fundatores, unici defensores, vel Primipili. Quod artificium cum in allato nuper exemplo satis elucet; tunc ex iis, quæ consequentur, manifestius fiet. Quod quidem, utrum aptè cohæreat cum ea vacuitate a studio partium, quam tantopere jactat, & credi vellet; alii viderint.

Utrum vero relata Baunii, vel potius Covarruvizæ, Garcizæ, aliorumque sententia mereatur notam LAXISSIMÆ: Utrum argumentum petitum a dispensatione Pontificum P. Concina rite solvat respondendo, Pontifices multa concedere aut errore deceptos, aut importunitate victos; ad institutum meum non pertinet; aliis judicandum relinquo.

## C A P U T XI.

### *Vindicatur ab impostura P. Sanchez.*

P. CONCINA Tom.2. pag.165.

*Licitumne duellum est ad evitandum periculum vite, honoris, aut fortunarum? Respondeo. Non modo acceptare licitè duellum, ad ejusmodi declinanda mala; verum indicare etiam te illud posse docent..... SANCHEZ lib.2. in Decalogum cap.39. num.8.*

Et pagina sequenti hæc subdit.

*Excusandi tamen sunt perdocti Salmanticenses de re theologica optime meriti, mihiq; variis titulis magnopere colendi, quod ante damnatam propositionem scripserunt, & quod A SANCHEZ PRIUS TRADITAM DOCTRINAM acceperint.*

**H**Æc est impostura, & quidem nimis evidens. P. Concina dicit, Sanchezium docere propositionem affirmantem; & Sanchez non poterat disertius, & apertius docere negantem. En ejus verba loco citato.

*Tertia causa est defensio vitæ propriæ. & ob hanc causam NON LICEAT sponte duellum acceptare. Quia, etsi liceat vim vi repellere se ab invasore defendendo, etiam eum necando, quando aliter vita defendi nequit: at hoc non est duellum; sed quando ex condicito sponte indicitur, aut acceptatur certamen: quod non est vitam defendere, sed eam periculo exponere.*

Et num.9. loquens de defensione honoris, ita pergit.

*Quarta causa est defensio proprii honoris..... At dicendum est, HANC NON ESSE JUSTAM ACCEPTANDI DUELLI CAUSAM; SED ESSE CULPAM MORTALEM ACCEPTARE.*

Pro defensione fortunarum quæstionem non tractat. Nec dubito quin, si tractaret, negaturus esset. Qui enim negat esse licitum indicare, aut acceptare duellum pro defendenda vita, & honore; multo magis negaret pro defendendis fortunis.

Quod ait P. Concina, excusandos esse perdoctos Salmanticenses, quod doctrinam A SANCHEZ PRIUS TRADITAM acceperint: præterquamquod est falsissimum, ut modo vidimus; cur non excusat similiter Jesuitas, quodd per multas doctrinas, quas insectatur, A THOMISTIS PRIUS TRADITAS acceperint; quod a me, cum se dabit occasio, palàm fiet?

## CAPUT XII.

*Restituitur sue sinceritati Sententia  
PP. Vasquez, Azorii, & Lessii.*

P. CONCINA Tom.2. pag.177.

*Licetum ne est domos, & vestes locare meretricibus, & usurariis? Respondeo. Adfirmant communiter Recentiores: Sanchez lib.1. in Decal. cap.7. num.2. (Scribendum erat 20.). AZORIUS lib.12. (Præmittendum erat Parte 2.) cap.18. quæst. 3. VASQUEZ Opusculo de Scandalo quæst.43. art.8. dub.5. num.48. (Scribendum erat 38.) ..... LESSIUS lib.2. cap.14. (Scribendum erat 24.) dub.7. .... Tamburinus lib.5. in Decalogum §.4. num.34. Etiam nulla, inquit, excusante causa. Excipiunt tamen communiter, nisi Domus magis apta esset ob situm conditionem ad peccandum, & ad homines alligandos; & vicinitas meretricis multum noceret honestis feminis in vicinia commorantibus. Nam tunc requiritur causa, qualis certè sufficiens esset, non posse aliis honestioribus locari; Concludit Tamburinus loco citato. AUDISTIN? ETIAMSI DOMUS HÆC APTIOR SIT AD EXERCENDUM MERETRICIUM; ETIAMSI LOCATIO DOMUS, ET MERETRICIS HABITATIO MULTUM NOCERET HONESTIS FEMINIS IN VICINIA COMMORANTIBUS; licetum est talem Domum IN HIS CIRCUMSTANTIIS meretricibus locare. HOC EODEM MODO loquitur Diana loco citato cum Sanchez ALIISQUE LAUDATIS JUNIORIBUS.*

Inter



**I**Nter laudatos Juniores sunt etiam hi tres, VASQUEZ, AZORIUS, & LESSIUS. Porro falsissimum est, tres istos loqui EODEM MODO, ac loquitur Tamburinus. Nemo enim istorum docet, NON POSSE ALIIS HONESTIORIBUS LOCARI, esse causam sufficientem locandi domum meretrici, ETIAMSI DOMUS HÆC APTIOR SIT AD EXERCENDUM MERETRICIUM; ETIAMSI LOCATIO DOMUS, ET MERETRICIS INHABITATIO MULTUM NOCERET HONESTIS FEMINIS IN VICINIA COMMORANTIBUS.

Quod attinet ad P. Vasquez, ne verbum quidem habet de honestis feminis in vicinia commorantibus, & de damno ipsis obventuro ex inhabitatione proxima meretricis; ut patebit legentibus illud dubium quintum, quod non rescribo ob nimiam prolixitatem:

Quod attinet ad Azorium, non solum nihil habet de prædictis circumstantiis, sed satis clarè indicat oppositum. En ejus verba loco citato.

*Tertio quaritur, an sit licitum locare Domum meretrici IN EA PARTE URBIS, UBI MERETRICES HABITARE PERMITTUNTUR? Nam id videtur occasionem præbere peccandi. De hoc dubio Navarrus cap. 17. num. 195. & Major 8. dist. 15. quæst. 35. Respondeo id esse licitum, dummodo non locetur illi Domus ad meretricium.*

AUDISTIN? Docet, licitum esse locare Domum meretrici IN EA PARTE URBIS, UBI MERETRICES PERMITTUNTUR, & non docet aliud. In ea, autem parte Urbis locum non habet circumstantia Domus aptioris; nec circumstantia vicinitatis honestis feminis nocituræ.

Quod attinet ad Lessium; ipse quoque non modo nullam mentionem facit de illis circumstantiis; sed indicat potius contrarium. En ejus verba loco citato.

*Unde*



*Unde sequitur, non esse peccatum, SI ALIAS ABSIT SCANDALUM, elocare Domum meretrici; si multæ aliæ Domus æquè COMMODÆ non sint ei defuturæ: vel si expedit Urbi ad majora mala vitanda illas permitti.*

AUDISTIN' ? Docet, posse locari Domum, SI ABSIT SCANDALUM, ET SI ALIÆ DOMUS ÆQUE COMMODÆ NON SINT DEFUTURÆ. Et non docet aliud. Porro si Domus hæc esset aptior, aliæ Domus non essent æquè commodæ. Et si vicinitas nocitura esset honestis feminis, scandalum non abesset.

Cur ergo P. Concina affirmat sine ullo discrimine, atque exceptione, LAUDATOS ALIOS JUNIORES loqui EODEM MODO cum Tamburino?

## C A P U T XIII.

*Vindicatur ab impostura P. Layman.*

P. CONCINA Tom.2. pag.417.

*Beneficiarius omittens Officium Divinum uno, aut altero die, vel per octo aut decem dies, tenetur ne restituere, fructus respondentes tali tempori? Respondeo. Negant plures recentiores Probabilistæ. PAULUS LAYMAN tract.7. cap.5. num.1. Bartholomæus Medina.... Joannes de la Cruz.... Ludovicus Lopez.... & alii non pauci.*

\*.\*.\*.\*

**P** Arcant Lectores, si sæpius utor hoc vocabulo. Nam & dico, quod res est: & illo eodem utitur P. Concina, quando putat ab Auctoribus societatis aliquid falsi attributum esse Scriptoribus sui Ordinis.

Hæc igitur est evidens impostura. Layman non modo

do non liberat Beneficiarios a dicto onere restitutionis: Non modo illud acriter tuetur: sed enucleatè, ac minutim explicat obligationem, & modum restituendi; & quidem innixus iis constitutionibus Concilii Lateranensis, & S. Pii V., quibus P. Concina pugnat contra Laymannum, quem sibi hostem fingit.

Audiatur Layman non Tract. 7. cap. 5. num. 1. ut citat P. Concina: hoc enim in loco Layman nihil habet de hujusmodi quæstione: sed lib. 4. Tract. 2. cap. 5. ubi sic loquitur.

*Beneficiatus post primum semestre Canonicas Horas dicere omittens ante Judicis sententiam RESTITUERE TENETUR FRUCTUS TEMPORI NEGLIGENTIÆ CORRESPONDENTES; eo pacto, ut si v. g. 360. annuos aureos ex beneficio uno, vel pluribus percipiat, UNUM AUREUM in USUM pium erogare cogatur ob integrum UNIUS DIEI intermissum Officium: DIMIDIUM AUREI vero ob intermissum Officium MATUTINUM CUM LAUDIBUS. Ita habetur in distis Constitutionibus CONCILII LATERANENSIS, & PII V. & consentiunt Doctores communiter contra Sylvestrum Verbo Clericus 4. quæst. 23. Etsi vero Sotus lib. 10. quæst. 5. art. 6., Covarruvias 3. Resolut. cap. 13. num. 10. in fin. quibus favent Bartholomæus Medina citato §. 11. Lopez part. 2. Instruclorii cap. 95. in ea opinione fuerint, quod Beneficiatus uno, aut altero anni die Officium Canonicum prætermittens ad nullam fructuum restitutionem obligetur; quia neque pius, & clemens Dominus de salario famuli detrahit ob unius vel alterius diei neglectum servitium, si reliquo toto anno, sicuti oportebat, præstitum fuit: reliqui tamen Doctores fere communiter repugnant. Quia in Constitutione Pii V. clarè exprimitur, non tantum OB UNIUS DIEI, sed etiam UNICÆ HORÆ culpabilem officii omissionem restituendi obligationem PRO RATA incumbere.*

His vero positis Laymannus certè hic non eget excusa-

cusatione; cum non defendat Sententiam ipsi a P. Concina affectam; sed contrariam. Si tamen egeret, in promptu esse posset excusatio Salmanticensium; quod Doctrinam a Sylvestro, Soto, Medina, Lopez Dominicanis prius traditam acceperit.

## C A P U T XIV.

*Restituitur suæ sinceritati alia sententia ejusdem Laymani.*

P. CONCINA Tom.I. pag.426.

*Nec minorem laxitatem prodit, quod subdit Leander ex Bonacina, LAYMANO, & aliis; posse nempe (Beneficiarium obligatum ad restitutionem) extendere hanc fructuum applicationem AD SORORES, FRATRES, ET MATREM, non solum si sint mendici, sed etiam si necessariis AD DECENTIAM PERSONÆ, ET STATUS careant.*

\*.\*.\*.\*

**E**Go nescio ex quo Laymano P. Concina hæc eliciat. Verus Layman loco supra citato, ubi hujusmodi quæstiones tractat, ne verbum quidem habet de SORORIBUS, FRATRIBUS, MATRE; & multo minus de invidiosa illa conditione adjecta; NON SOLUM SI SINT MENDICI, SED ETIAM, SI NECESSARIIS AD DECENTIAM PERSONÆ, ET STATUS CAREANT. Sed solum docet, si Beneficiarius pauper sit, fructus restituendos applicari IPSI posse per modum elemosinæ: monens præterea, consultum fore in tali casu, ut Confessarius aliquam aliam satisfactionem ipsi imperet;

D

v.g.

v. g. ut pro defuncto Beneficii fundatore preces fundat, vel Sacrum faciat. En ejus verba.

*Illud rectè admonet Navarrus Cap. 7. de Orat. num. 34., aliique sequuntur; si ipse Beneficiatus pauper sit, tunc fructus restituendos eidem per modum elemosinæ applicari posse. Tametsi consultum erit hoc casu, si Confessarius aliam similem satisfactionem imperet; v. g. ut oret, vel sacrificet pro defuncto fundatore: sicuti monet Suarez citato cap. 30. num. 19.*

Nec amplius quidquam addit quod ad hanc rem pertineat. Ubi, quæso, hic sunt SORORES, FRATRES, ET MATER?

## C A P U T XV.

### *Restituitur sua sinceritati Sententia P. Vasquez.*

P. CONCINA Tom. I. pag. 480.

*Peccat ne mortaliter, qui BREVIUS loco LONGIORIS Officium recitat?... Quæstio est, utrum peccatum mortale sit ABSQUE CAUSA, SED EX SOLA QUADAM ACIDIA, ut inquit Salmanticenses, SESE CITIUS EXPEDIENDI CAUSA, propria auctoritate permutare Officium LONGIUS IN BREVIUS, puta recitare Officium de aliquo Sancto loco Officii de feria, vel Dominica, & non tantum bis, vel ter, sed QUOTIES LIBUERIT. Hanc defendunt (nempe non esse mortale) plurimi docti juniores..... Lessius lib. 2. cap. 73. (scribendum erat cap. 37. Dubit. 12.); Valentia Tom. 3. (addendum erat, Disput. 6. quæst. 2. punct. 10.; VASQUEZ de benefic. cap. 4. §. 1. (scribendum erat dub. 2. non §. 1.) Azorius lib. 10. cap. 10. quæst. 2. ....*

Vas-



**V**asquez igitur, si Patri Concina habenda est fides, docet, peccatum mortale haudquaquam esse, commutare Officium **LONGIUS IN BREVIUS**; commutare **ABSQUE CAUSA**; commutare **EX SOLA ACIDIA**, **UT CITIUS SE QUIS EXPEDIAT**; commutare **QUOTIES LIBUERIT**. Verbum ut omnia secus!

Primum P. Vasquez non loquitur de permutatione Officii **LONGIORIS IN BREVIUS**, sed Officii **DE TEMPORE** in Officium **DE FESTO**: Porro officium de Festo potest esse aliquando longius; multa enim Officia novem Lectionum longiora sunt Officiis Feriæ tertiæ, & Feriæ quartæ. Atque eodem modo loquuntur alii tres Jesuitæ citati Lessius, Valentia, Azorius; apud quos nusquam voces illas invidiosas reperies **LONGIUS IN BREVIUS**.

Deinde P. Vasquez non docet, illam permutationem fieri posse **ABSQUE CAUSA**, & multo minus **EX SOLA QUADAM ACIDIA**, **UT CITIUS QUIS SE SE EXPEDIAT**, sed **RATIONABILEM CAUSAM** discretissimè postulat.

Præterea non docet fieri posse **QUOTIES LIBUERIT**; sed solum **ALICQUANDO**.

Postremo talem permutationem his etiam conditionibus factam non liberat a peccato mortali omnino affirmatè, sed veluti subdubitans, & titubanter. En verba.

*An liceat Officium mutare, ut fiat de FESTO, quando de TEMPORE erat dicendum? .... si ALICQUANDO EX RATIONABILI CAUSA id fiat, NON AUDEREM peccati mortalis damnare. Sed si SINE DELECTU fieret, & COMMUNITER; non audeam etiam a culpa mortali, & restitutione immuneficere, & asserere.*

Confertant, quæso, Lectores Vasquesii verba cum sententia descripta a P. Concina, & utrum jure illa attribuat Vasquesio, ipsi sint Judices.

D 2

Quam

Quam tamen non docuit Vasquez, docuit apertissime Sylvester Dominicanus in Summa V. Hora quæst. 12. his verbis. *Si fiat IN FRAUDEM, ut dicatur Officium BREVIUS; secundum Archidiaconum non est absque gravi peccato. Non tamen intelligas, quod sit MORTALE, quia determinatum Officium non est in præcepto.*

Si quis auctor societatis hæc scripssisset, clamaret statim P. Concina, ipsum docuisse propositionem damnatam „ *In die Palmarum recitans Officium Paschale satisfacit præcepto* „ vel saltem, ut ejus verbis utar, *so- rorem, aut consobrinam damnatæ.*

## C A P U T XVI.

*Vindicantur ab impostura Pellizarius,  
& Sanchez.*

P. CONCINA Tom. 2. pag. 487.

*Quæ causa requiritur, ut licitè quis anticipare, vel postponere recitationem precum Canoniarum possit? Respondeo. Convenit penes Theologos ferme omnes, culpam venialem perpetrare eum, qui vel nimium anticipat, vel postponit Officium divinum; puta, si recitares PRIMAM tempore COMPLETORII, vel CONTRA ... PELLIZARIUS Tomo primo tract. 5. cap. 8. sect. 2. quæst. 21. num 103. cum P. SANCHEZ contendit, SOLAM MAJOREM COMMODITATEM sufficere, ut quis valeat vel anticipare, vel differre Officium divinum. Verum hæc opinio FALSA, ET LAXA EST CONTRA COMMUNEM DOCTORUM SENSUM.*

Hæc



**H**Æc est manifestissima impostura . Neque Pellizarius , neque Sanchez loquitur de ANTICIPATIONE , quam ipsis affingit P. Concina ; nimirum de anticipatione , qua quis recitet PRIMAM tempore COMPLETORII , vel CONTRA . Cujus anticipationis si contenderent justam causam esse SOLAM MAJOREM COMMODITATEM ; eorum opinio falsa , & laxa esset , ac contra communem Doctorum sensum .

Verum loquuntur de ANTICIPATIONE longè diversa ; de ea scilicet , qua quis recitet pridie , & quidem hora debita , Matutinum diei sequentis . Et ad hanc anticipationem dicunt sufficere SOLAM COMMODITATEM . Quæ opinio verissima est , & communi Doctorum sensui consentanea . Habeatur fides eorum verbis .

Pellizarius loco citato ita loquitur . *Dixi , excepto Matutino : Quia quod attinet ad recitationem Matutini & Laudum ; ex Romana consuetudine ubique recepta , ea possunt recitari tam æstate , quàm hyeme post Vesperas , & Completorium diei præcedentis publicè recitatas : quod est dicere ab hora quarta post meridiem , qua ea solent esse recitata etiam æstate , & ubique . Ita Tiber. quæst. 95. ex S. Thoma , Bellarmino , Suario , Filliuc. Reginal. Vasquez , Lessio , & Comitolo ; qui lib. 1. cap. 50. num. 4. dicit , horam congruam recitandi Matutinum cum Laudibus esse , cum Sol magis distat a meridie , quam ab occasu . Unde Vere , & Autumnno , idest Martio & Aprili in Vere ; Septembri , & Octobri in Autumnno tempus recitandi Matutinum coincidit cum hora 21. horologii solaris : Æstate autem , idest Majo , Junio , Julio , & Augusto cum hora 20. & dimidia plus minus . Hyeme denique , idest Novembri , Decembri , Jannario , & Februario , cum hora 21. & dimidia circiter . Ita Filliucius Tract. 23. num. 274. Addens AD ANTICIPANDUM MATUTINUM MODO SUPRADICTO quamlibet causam sufficere , qualis est MAJOR COM-*

COMMODITAS STUDII, lux diei, & major securitas anticipandi. Quod confirmat Sanchez supradicta Dubit. 37. num. 2. dicens, AD ID sufficere non solum necessitatem, sed etiam COMMODITATEM.

Audistis? ad quid sufficiat, Auctoribus Pellizario, & Sanchezio, MAJOR COMMODITAS? AD ID; AD ANTICIPANDUM MATUTINUM MODO SUPRADICTO; qui modus a Pellizario minutius, & luculentius explicari non poterat.

Sanchez lib. 7. Consiliorum cap. 2. Dubit. 37. num. 2. ita loquitur. Hoc supposito, circa horam recitandi MATUTINUM convenit inter Doctores, posse recitari VESPERE MATUTINUM DIEI SEQUENTIS propter rationem dictam; quod idem probari videtur ex generali consuetudine. Dicunt tamen plures Doctores, esse peccatum veniale recitare VESPERE, nisi adsit justa causa. Sic D. Thomas quodlibeto 5. num. 28. Angelus V. Hora num. 21.... & quidam recentior valde doctus Magister: addens sufficere causam justam, quæ inducat non tantum necessitatem, SED ETIAM COMMODITATEM.

Audistis? iterum ad quid sufficiat COMMODITAS? Non ad recitandum COMPLETORIUM tempore PRIMÆ, vel CONTRA; ut finxit P. Concina; sed AD RECITANDUM VESPERE MATUTINUM DIEI SEQUENTIS. Referantur ne sincerè Sententiæ Jesuitarum?



## CAPUT XVII.

31

### *Restituitur sua integritati sententia Filliucii, & Laymani.*

P. CONCINA Tom.2. pag.493.

*Qui solus nequit, cum Socio vero potest Officium persolvere; tenetur ne Socium adhibere, si commodè eo uti possit? .... Quæstio autem excitatur, dum Socius commodè haberi possit. Nam si opus esset SOLUTO PRETIO socium acquirere, verisimilius est cum tanto onere neminem obligari.... FILLIUCIUS, LAYMANUS DISTINCTIONE UTUNTUR. Si oculis caligans, vel cæcus effectus solitus erat socium adhibere in recitandis horis, antequam impedimentum contraheret, tenetur socium adhibere, ut pensum solvat: secus vero, qui talem non habebat consuetudinem. HÆC DISTINCTIO INANIS EST, ET RATIONIS VACUA.*

\*.\*.\*.\*

**D**istinctio quidem inanis est, & rationis vacua. Verum neque Filliucius, neque Laymanus eam adhibent; sed hæc est mera impostura.

Filliucius docet tantum; qui recitare horas solus non potest; potest autem cum socio, teneri recitare cum socio, SI SINE MAGNO INCOMMODO illum habere possit. En ejus verba Tract. 23. cap.9. num. 289.

*Qui non potest dicere solus, si possit cum socio, & illum habeat ad manum SINE MAGNO INCOMMODO, tenetur horas recitare, quia hoc ipso, quod facile potest cum socio, non potest dici impotens. Idem dicendum de cæco, si memoriter sciat horas, vel cum socio possit alter nos versus Psalmorum dicere.*

Ex-

Extundat ex his verbis P. Concina, si potest, distinctionem illam inanem, & rationis vacuum. Si non potest, fateatur se imposuisse.

Laymanus non docet, qui non habebat consuetudinem, NON TENERI DEINDE RECITARE CUM SOCIO, ut P. Concina fingit; sed NON TENERI SOCIUM SOLUTO PRETIO CONDUCERE; ut ipse P. Concina rectè concedit. En Laymani verba lib.4. tract. 1. cap.6.

*Si aliquis, qui cum socio recitare solitus ante non fuit, ob incidentem morbum v.g. oculorum, solus recitare non potest, NON EST OBLIGATUS, UT SOCIUM SIVE FAMULUM STIPENDIO CONDUCAT.*

Ex his item verbis quo pacto elicere, aut exprimere potest P. Concina distinctionem illam inanem, & rationis vacuum, SI ANTE IMPEDIMENTUM SOLITUS ERAT RECITARE CUM SOCIO, TENETUR: SI NON ERAT SOLITUS, NON TENETUR?

## C A P U T XVIII.

*Restituitur sua integritati sententia  
P. Fagundez.*

P. CONCINA Tom.3. pag.4.

*Quando nam hoc præceptum ( Adorationis ) per se obligat? .... Recentiores quidam Probabilistæ P. Thomas Tamburinus lib.2. in Decalogum cap.4. §.2. num.4. FAGUNDEZ lib.1. in Decal. cap.32. Roccafull. lib.3. in Decal. cap.5. Dub.2., alique, quos citat Leander, docent, NULO TEMPORE hoc præceptum PER SE, ET INDIRECTE' adorationem imponere, sed tantum INDIRECTE', ET PER ACCIDENS.*

P. Fa-

**P.** Fagundez loco citato numquam docet, præceptum adorationis obligare **TANTUM INDIRECTE'**, **ET PER ACCIDENS**: sed solum docet, **NULLUM DARI CERTUM**, **ET DETERMINATUM TEMPUS**, in quo vi sua obliget; **ET HUIUSMODI DETERMINATIONEM** desumendam esse, vel ex circumstantiis, & arbitrio Prudentis; vel ex jure positivo Ecclesiæ. Sed norunt omnes Theologi, quam hæc duo diversa sint inter se, **OBLIGARE SOLUM INDIRECTE'**, **ET PER ACCIDENS**: **ET NULLUM DARI CERTUM**, **AC DETERMINATUM TEMPUS**, **IN QUO OBLIGET VI SUA**. Præceptum Caritatis obligat sine dubio **VI SUA, DIRECTE'**, **ET PER SE**. Et tamen nondum est **CERTUM**, **ET DETERMINATUM præcisum tempus**, in quo obligat; & in hoc assignando Theologi dissentiunt. Ex Doctrina Ecclesiæ habemus, obligare infra quinquennium. Aliqui Theologi dicunt obligare semel in anno: aliqui quolibet mense: P. Concina octavo quoque die. Numquid hæc temporis **INCERTITUDO** efficit, aut probat, præceptum Caritatis obligare **SOLUM INDIRECTE'** **ET PER ACCIDENS**, non vero **DIRECTE'**, **ET PER SE**? Minimè certè. Quod ergo Fagundez doceat, **NULLUM DARI CERTUM TEMPUS**, quo præceptum adorationis **VI SUA** obliget; non est quod doceat, præceptum adorationis obligare solum **INDIRECTE'** & **PER ACCIDENS**. Cur igitur in damnum Patris Fagundez hæc duo confundit P. Concina?

Sed afferamus verba Patris Fagundez, ut videamus, utrum doceat illud tantum, quod ego dixi.

*Respondeo, inquit, nullum tempus CERTUM dari, quo teneamur EX VI hujus præcepti divini, & naturalis Deum colere, & adorare. Sunt enim multa præcepta juris naturalis, quæ CERTUM tempus minimè assignant;*

**E**

**ut**

ut præceptum Fidei, dilectionis, & Spei, ut supra probavimus. DETERMINATIO ergo temporis desumenda, est vel ex circumstantiis externis, ut arbitrio Prudentis, vel ex jure positivo Ecclesiæ.

Est ne in his verbis vestigium ullum obligationis SOLUM INDIRECTE, & PER ACCIDENS.

## C A P U T XIX.

*Vindicatur ab injusta criminatione*

*P. Sanchez.*

P. CONCINA Tom.3. pag.51.

**DIVINATORES** tenentur ne restituere pretium pro DIVINATIONE acceptum? SINGULARIS opinio. Pater Sanchez refutatur.

Et post pauca ita subdit.

P. Thomas Sanchez lib.2. in Decal. cap.38. num.96. SINGULAREM hac de re opinionem habet.

Tum fideliter recitat prolixum textum Patris Sanchez, qui opinionem suam sic exponit.

**ASTROLOGUS** ille, vel **DIVINATOR** operam suam apposuit, & arte Diaboli res ita evenit; non tenetur pretium restituere, quia ipse operam suam, etsi turpem, apposuit... quia ea diligentia a Mago illo apposta est pretio æstimabilis.

Demum recitato textu Patris Sanchez, in eam opinionem invehitur Pater Concina acerrima declamatione, quam concludit more suo his liberalibus verbis.

**HÆC MIHI VIDENTUR MONSTROSA PARADOXA**, quæ communi sensui repugnant. **INVENTA** tandem opinio est, quæ utile, & lucrosum esse docet cum Diabolo commercium, & quod lucrum ex tali Diabolico com-

commercio acquisitum RETINERI POSSIT.  
VAH ERRONEA COMMENTA.

35

\*.\*.\*.\*

**I**njusta, & ad invidiam aptissima criminatio est, Patrem Sanchez docuisse opinionem SINGULAREM. Habet enim illa opinio patronos antiquiores, quorum unum si P. Concina legisset; a nota singularitatis, & ab acerbis conviciis temperasset. Illam igitur docuerunt ante Sanchez.

Sanctus Antoninus part.2. tit.2. cap.5. his verbis.

Tertio modo dicitur illicitè acquisitum, non quod ipsa acquisitio sit illicita; sed illud, ex quo acquiritur, est illicitum: ex quo transfertur dominium, nec competit repetitio; ut in meretricio, ET HUIUSMODI. Nam meretrix turpiter agit, & contra legem Dei fornicando; sed ipsa acceptio, vel datio pecuniæ pro huiusmodi illicito non est illicita, nec contra legem Dei; & hoc propriè dicitur turpe lucrum. De illicitis ergo isto tertio modo secundum Thomam, & Raymundum potest dari eleemosina; ET POTEST ETIAM RETINERI, nisi superfluum per fraudem, & dolum mulier extorsisset, quia illud est restituendum. Et ad hoc pertinent lucra facta ex histrionatu illicito; ex Duello, ex Torneamento; ex scrtis factis de floribus, & aliis huiusmodi, quorum usus communiter est ad lasciviam; ex decius factis EX ARTE MATHEMATICA SEU DIVINATORIA.

Duo hic adverto. antequam progredior. Primum. Omnis divinatio, ut docet S. Thomas, aliquod commercium cum Diabolo includit. Omnis divinatio, inquit Angelicus 2. 2. quæst. 95. art. 2. ☉, ex operatione Dæmonum provenit, & art. 3. ☉. Omnis divinatio utitur ad præcognitienem futuri eventus aliquo Dæmonum consilio, vel auxilio, & art. 5. ☉; Dicendum, quod, sicut dictum est, divinationi, quæ ex opinione falsa, vel vana procedit, in-

E 2

gerit

gerit se operatio Dæmonis, ut hominum animos implicet vanitati, aut falsitati. Vana autem aut falsa opinio, utitur, si quis ex consideratione stellarum futura velit præcognoscere, quæ per ea præcognosci non possunt. Secundum. Quemadmodum P. Sanchez dixit ASTROLOGUS ILLE, VEL DIVINATOR: Ita S. Antoninus dixerat EX ARTE MATHEMATICA, SEU DIVINATORIA. Redeo ad Auctores.

Petrus Navarra de restit. Tom. 2. lib. 4. cap. 2. num. 100. his verbis. Tercio igitur colligo de acceptis ob turpem causam (non esse nimirum restituenda) maxime quando tale peccatum est intrinsecè malum; ut si accipias pecuniam, quo aliquem occidas, vel infames, vel ob lenocinium, SORTILEGIUM, ob sententiam injustam ferendam, ob sacrilegium committendum.

Vasquez de restit. cap. 6. dub. 4. proponit hanc questionem. Utrum datum propter peccatum patrandum, vel denique ob turpem quemcumque actum lenocinii, SORTILEGII, &c., sit in conscientia restituendum. Et deinde post relatas Sententias ita loquitur num. 25. . Sexta sententia est Navarri, Sylvestri, Angeli, & Antonini locis citatis asserentium, quod UNIVERSALITER quidquid datum fuerit propter peccatum faciendum, non est restituendum alicui de necessitate, nec pauperibus.... Horum auctorum opinio mihi maxime placet, si loquamur intra limites juris naturalis seclusa ordinatione juris positivi.

Et demum eam opinionem ante Sanchez IMPLICITÉ docuerunt omnes illi, qui tradiderunt UNIVERSALITER, turpe lucrum peccato perpetrato, & seclusa legum irritatione, non esse restituendum, quando accipiens ponit aliquam industriam, vel operam suam utilem aut voluptuosam illi, qui pretium dedit. Videri potest Petrus Ballarinus Auctor Patri Concina non suspectus Prælectione 3. in secundam partem S. Antonini §. 22.

Cum igitur opinionem Sanchezii docuerint ante ipsum

37  
ipſum **EXPRESSE'** S. Antoninus , Petrus Navarra , &  
Valquez , & **IMPLICITE'** alii Auctores ; Docuit ne San-  
chez opinionem **SINGULAREM**?

Illa vero acris declamatio , qua ſola refutat P. Con-  
cina opinionem Sanchezii , regeri tota poteſt contra S.  
Antoninum , & contra opinionem docentem , **UTILE** ,  
**ET LUCROSUM ESSE MERETRICIUM CUM**  
**AMASIIS COMMERCIIUM** ; ut per ſemetipſos adverte-  
re , & præſtare Lectores poſſunt .

## C A P U T XX.

*Reſtituitur ſua integritati ſententia*  
*P. Sanchez.*

P. CONCINA Tom. 3. pag. 109.

*Qui conſuetudine blaſphemandi tenentur , debent ne abſolvi  
antequam a conſuetudine prava receſſerint ? Reſpondeo.  
Adfirmat de more Leander diſp. 7. Quaſtione 67. , proba-  
bilis ſibi eſſe abſolvendos blaſphemos , ſi verè de pecca-  
tis doleant , tametſi ſæpius admoniti non reſipuerint : &  
pro hac ſua opinione laudat SANCHEZ . . . & alios .  
Recenſita Leandri , & aliorum ſententia proſcripta eſt  
ab Innocentio XI. in hac propoſitione . Pœnitenti habenti  
conſuetudinem peccandi contra legem Dei , naturæ ,  
aut Eccleſiæ , LICET EMENDATIONIS SPES NUL-  
LA APPAREAT , nec eſt deneganda , nec differen-  
da abſolutio , DUMMODO ORE PROFERAT ſe  
dolere , & proponere emendationem . Juniores Caſu-  
iſtæ noſtri , ut conſulant laudatis Theologis , de more  
clamitabunt , aut ab aliis etiam Theologis ſimilia doce-  
ri ; quod ſi verum eſt , & illi reiſciendi ſunt ; aut MI-  
NUS SINCERE' iſtorum opiniones relatas eſſe ,  
QUAM*

QUAM CANTIONEM *valde rancidulam pluries at  
ridiculam propulsavimus.*

\*.\*.\*.\*

**V**erba P. Sanchez lib. 2. in Decalog. cap. 32. num. 45.  
hæc sunt. *Secundo dico; quando nil curæ apposit  
ad emendam, admonitusque est saepe in aliis confessionibus,*  
POSSE adhuc hunc IN RIGORE absolvi statim, SI VE-  
RE DOLEAT *de præteritis, ac imposterum EMEN-*  
DAM FIRMITER PROPONAT.

Videamus nunc, utrum Sanchezii sententia sincerè  
proponatur Lectoribus, dum affirmatur absolutè, atque  
intrepidè, illam esse proscriptam.

Propositio proscripta dicit, Pœnitentem illum non  
modo POSSE, SED DEBERE ABSOLVI, *nec deneganda,  
nec diffrenda est absolutio.* Sanchez dicit solum.  
POSSE; & quidem IN RIGORE; quasi dicat, multas  
posse circumstantias occurrere, ob quas, licet IN RIGO-  
RE POSSIT, tamen absolvi non debeat.

Propositio proscripta dicit, Pœnitentem illum DE-  
BERE ABSOLVI, LICET EMENDATIONIS SPES  
NULLA APPAREAT; P. Sanchez de hac absurda  
adjectione, ne verbum quidem; immo illam satis aper-  
tè excludit, dum requirit VERUM DOLOREM *de*  
præteritis, & FIRMUM PROPOSITUM *de* futuris;  
quæ certè fundare possunt spem aliquam emendationis.

Propositio proscripta dicit, satis esse si ORE PRO-  
FERAT se dolere, & proponere emendationem. P. San-  
chez nusquam dicit, sibi sufficere testimonium illud VO-  
CALE; sed postulat dolorem, qui sit VERUS, & pro-  
positum re ipsa FIRMUM. Quæ possunt hic & nunc in-  
notescere ex aliis signis, præterquam ex verbali Pœni-  
tentis protestatione.

Posito autem hoc multiplici solidoque discrimine in-  
ter propositionem damnatam, & Sanchezii doctrinam;  
Repre-



39

Repræsentatur ne sincerè a P. Concina Patris Sanchez opinio, dum affirmat, eam ab Innoc. XI. in allata propositione proscriptam esse?

Utrum vero rancidulam cantionem pluries satis validè propulsaverit; & apparet ex dictis hætenus; & erit mihi sæpe in posterum monendus, ut validius propulset.

## CAPUT XXI.

### *Restituitur suæ sinceritati sententia P. La-Croix.*

P. CONCINA Toin. 3. pag. 117. in *Catalogo propositionum*,  
*quas recenset ut damnandas.*

Si VOVISTI redimere jacturam temporis, comprehendi-  
sti ludum etiam moderatum, itemque lusum pro alio,  
quia verè luderes cum jactura temporis. Poteris tamen  
per alium ludere, licet aspiciendo perdas tempus. La-  
Croix lib. 3. part. 1. num. 454.

\*.\*.\*.\*

L A-Croix loco citato loquitur de illo, qui vovit non  
amplius ludere ob hunc finem; ne tempus perdat:  
& non scribit si VOVISTI, ut refert P. Concina; sed  
SI VOLUISTI redimere jacturam temporis. Porro hæc  
permutatio, licet unius vocalæ, mirum quantum de-  
met sententiam Patris La-Croix; ejusque sensum cor-  
rumpat.

Nam si VOVISTI redimere jacturam temporis, re-  
demptio jacturæ temporis est MATERIA voto promif-  
sa, ac proinde fidem frangis, & votum violas, quacum-  
que in re, sive aspiciendo alienum ludum, sive per te-  
met-

metipsum ludendo, tempus perdas. At si vovendo abstinere a ludo tuo personali VOLUISTI redimere jacturam temporis; redemptio jacturæ est FINIS, & RATIO voti; & abstinere a ludo tuo personali est MATERIA voto ad promissa. Quando vero non adest materia voti, etsi adsit FINIS & RATIO voti, votum non obligare in conscientia, solidè ostendit Suarez *Tom. 2. de relig. lib. 4. de voto cap. 3. num. 9.* Aliter postquam vovisti non ludere, ne tempus perdas; violares votum colloquendo cum Amicis sola temporis fallendi causa; otando in tuo cubiculo; & demum quocumque alio modo perdendo tempus.

Ne queratur ergo P. Concina, si clamitamus, sententias non sincerè referri: Et propulset paulo validius congiunculam.

## C A P U T XXII.

### *Vindicatur ab impostura La-Croix, Moya, & Gobat.*

P. CONCINA Tom. 3. pag. 142.

Postquam multis rejecit opinionem Leandri docentis, votum castitatis simplex non obligare, & irritum fieri ob supervenientes libidinis vexationes, & crebros lapsus; hæc habet.

*Ne multa: Hæc doctrina, qua assertitur, supervenientes difficultates, molestias, transgressionem crebras reddere rem promissam materiam ineptam pro voto, & votum ipsum dissolvere irritumque facere; sicut de medio tollit fere omnia vota, ita etiam promissa omnia inter homines infringit, ac humanum abrumpit commercium..... Neque alicujus momenti est, quod subdit Leander citata quæst.*

quæst. 2., nempe quod non relinquitur cuiusque iudicio ferre sententiam, num omnibus circumstantiis inspectis salubrius sit matrimonium contrahere, sed tantum iudicio pii, & prudentis Confessarii, nempe perdocti Casuista. Nuga ista sunt, vanique fuci, qui minime LACISSIMÆ DOCTRINÆ HORROREM obtegere valent, aut imminuere. Quin verus Iudex molestiarum, tentationum, & lapsuum in Venerem nemo peritior est illo, qui talia experitur. Posito ergo, quod recensita incommoda nulla efficiant emissæ vota, ut contendunt Casuista laudati, jam quisque nullum votum suum iudicare poterit. AD SUMMUM consulere poterit Confessarium aliquem, qui pro Magistris habeat Leandrum, MOYAM, licet proscriptum, LA-CROIX, GOBATIUM, cæterosque in uno docendi genere consentientes.



**I**llo Sarcasmo persuadet Lectoribus P. Concina tres illos Jesuitas consentire cum Leandro in hac sententia; Quod votum simplex Castitatis ob supervenientes difficultates, molestias, crebrosque lapsus irritum fiat. Hæc autem omnia manifestæ sunt imposturæ.

La-Croix in rota tractatione de voto de ea sententia ne verbum quidem. Immo neque usque alibi hanc quæstionem attingit, aut P. Concina doceat ubi.

Moya tantum abest, ut magisterio suo faveat illi sententiæ, ut disertissimis verbis tueatur contrariam. Docet enim Primo, votum illud etiam post subortas difficultates, & crebros lapsus manere in possessione obligandi. Docet secundo, Homini illi adhibenda esse alia orationis, & pœnitentiæ remedia, quibus a vehementibus tentationibus carnis liberetur, & sibi meliorem reddat cælibatum, quam matrimonium. Docet Tertio, Hominem illum ad hæc remedia adhibenda obligari **EX VI VO.**

VOTI; Et tunc implicitè se ad hæc obligasse, cum simplex votum Castitatis emisit. Integrum textum dabo, ne his rescribam, capite sequenti.

Gobat tract. 10. num. 406. disertissimis item, & gravissimis verbis docet oppositum. Loquens enim de iis, qui obstricti voto simplici Castitatis moralem continendi impossibilitatem sentiunt, sic ait.

*Omnes Catholici PERNEGANT, talibus esse licitum, ne dum necessarium, primam fidem irritam facere.*

Et paulo post docet aliquid amplius: nempe subsistere non modo votum emissum ante carnis molestias, & crebros lapsus; sed etiam emissum post cognitam suam fragilitatem. En verba. *Omnes communiter Doctores contra Ledesnam (Dominicanum) apud Sanchez loc. citato, & contra Homobonum apud Dianam part. 4. tract. 4. resolut. 102. fatentur SUBSISTERE VOTUM Castitatis, quod etiam POST cognitam suam fragilitatem emisit ille miserandus homo.*

Et nihilominus P. Concina Pœnitentem illum, qui experet votum simplex Castitatis ob supervenientes carnis molestias declarari irritum, mittit ad Confessarium, qui utatur magisterio Moyæ, & Gobati. Saltem non jactaret, se pluries ut ridiculam propulsaſſe rancidulam cationem.

Sed siquidem Gobat citavit Patrem Sanchez, indico ejus locum; quod & libenter facio, ne quis forte suspicetur, Sanchezium involui inter CETEROS IN UNO DOCENDI GENERE CONSENTIENTES. En igitur ejus verba lib. 4. in Decal. lib. 8. num. 10.

*Discendum est, valere ea vota emissæ ob eam incontinentiam patienti; & A FORTIORI, quando illis emissis hæc supervenit, non cessare eorum obligationem. Ducor, quia oppositum asserere video esse contra communem Ecclesiæ usum: quantumvis enim quis carnis illecebris vexetur, & incontinens sit, si voto Castitatis se devinciat, aut antea devinxerit, sciet a Pontifice dispensationem impetrare:*

43

nec illi conceditur nisi rigidissima commutatione injecta.  
Nec credo, virum aliquem doctum & pium ausum fuisse,  
hunc ab ea obligatione eximere.

Ita loquuntur, ut Patris Concinae verbis utar, RE-  
CENTIORES PROBABILISTÆ. Quamobrem si ille  
Pœnitens consulat Confessarium, qui pro Magistris ha-  
beat Moyam, Gobatum, Sanchezium, & ceteros com-  
muniter Jesuitas; audiet responſionem, ipsi denuncio,  
quæ non multum sibi placebit.

## C A P U T XXIII.

### *Vindicatur a duplici falsa criminatione* *P. Moya.*

P. CONCINA Tom.3. pag.145.

*Antequam huic quæſtioni finem facio, juvat recensere ja-  
dictum, quod in hanc opinionem a me hætenus oppugna-  
tam fert P. Matthæus Moya in Quæſtionibus selectis  
Tract.2. disput.1. quæſt.1. de voto, & juramento. Hanc  
controversiam prolixè versat tribus paragraphis. Pri-  
mo in paragrapho refert Auctores disputantes super va-  
lore voti emissi ab eo, qui, antequam voveat, procli-  
vis in Venerem est; & vericrem pronunciat opinionem  
illam, quæ validum esse votum propugnat. (Addo ego:  
& citat Petrum de Ledesma Dominicanum tamquam  
antesignanum opinionis, quæ propugnat, votum illud  
esse invalidum. Ex qua ceteri deindè a P. Concina  
vexatissimi intulerunt ob paritatem rationis, invalidum  
quoque fieri votum propter fragilitatem supervenien-  
tem) Tum in paragrapho secundo in medium affert  
sententiam, quæ sustinet, votum dissolvi, & irritum  
fieri per supervenientem in res venereas proclivitatem.*

F 2

Aucto-

*Auctores istius sententiæ appellat doctissimos : UT superlativum encomium quid ponderis tribuat opinioni , ( TO , UT , quo P. Concina interpretatur intentionem Moyæ , totum est suæ humanitatis ). PRO EA ALLEGAT Doctissimos Dominicanos , Dominicum Baltanam , Sylvestrum , Tabienam ; qui SOLUM docent , fieri nullum votum , quoties ejus materia evadat inepta vel impossibilis . Quod autem castitas voto Deo adpromissa , ex propensione superveniente in venerem fixa inepta , & observatu impossibilis , nemo eorum dixit ; ( Neque eos dixisse , Moya , ut videbimus , dixit ) . Tandem in paragrapho tertio suam statuit opinionem , & ait . Quamvis opinio proposita §.1. valde probabilis sit , contrariam tamen tenendam censo ; Consequenter valde probabilem judicat quoque secundam , quam §.2. num.14. necessario profluere ex prima indicat . ET RE IPSA EAM NON IMPUGNAT ; Sed cum suis argumentis illam Lectoribus proponit .*



**D**Uæ sunt in textu P. Concinae adversus P. Moyam falsæ criminationes, sive imposturæ .

Prima est, Patrem Moyam allegare doctissimos Dominicanos Baltanam , Sylvestrum , Tabienam PRO EA sententia , quæ docet votum dissolvi per supervenientem in res venereas proclivitatem ; ideoque ipsis imponere id , quod non dicunt . P. Moya non allegat PRO EA sententia , sed pro eo , quod verè docent ; scilicet pro hac regula universali , *Id , quod , si prius esset , votum impediret ; si superveniat , irritat votum emissum* . Laudatos vero Dominicanos applicare hanc regulam prædictæ sententiæ , in toto Moya P. Concina nusquam leget . En ejus verba loco citato num.12.

*Quod autem circumstantia adveniens post votum emissum , quæ si antea adfuisset , irritum redderet ; ejus obli-*

gationem aut tollat, si est perpetua; aut suspendat, si temporalis; tradit cum omnium magistro Divo Thoma M. Dominicus Baltanas in Margarita Confessorum Hispalis edita anno 1526. folio 66. dicens; Secundum Beatum Thomam quidquid votum impediret, si prius esset, aufert obligationem etiam voto facto. Et idem de juramento docet folio 133. Idemque tenet cum doctissimis Dominicanis P. Thomas Sanchez lib. 4. cap. 2. num. 23. dicens, D. Thomam, Sylvestrum, Tabienam, & plures Doctores HANC REGULAM tradere: Id liberat voti, aut juramenti obligatione, quod si a principio accidisset, impediret ea fieri.

Haecenus Moya. Doceat nunc P. Concina, ubi Moya alleget laudatos Dominicanos PRO EA SENTENTIA. Doceat, quid attribuat ipsis, quod verè non dixerint. Ipse non refert bona fide eorum doctrinam. Dicit enim, eos SOLUM docere, fieri nullum votum, quoties ejus materia evadat inepta vel impossibilis; cum doceant rem valde diversam, nempe regulam illam universalem superius expositam.

Secunda impostura est, P. Moyam RE IPSA NON IMPUGNARE EAM SENTENTIAM; sed cum suis argumentis illam Lectoribus proponere.

In primis P. Moya citato paragrapho tertio impugnat primam opinionem, quæ docet irritari votum ob fragilitatem antecedentem; impugnat, inquam, rationibus non solum communibus, sed a fortiori militantibus contra secundam, quæ docet votum irritari per fragilitatem supervenientem. Quod satis esset ad refellendam imposturam. Verum hoc omisso:

Duo tantum sunt argumenta a suis patronis allata pro secunda opinione. Primum est molesta paritas petita ex prima. Secundum est, fragilitatem supervenientem, & crebros lapsus reddere Castitatem moraliter impossibilem, ac proinde materiam ineptam voti.

Hæc duo non proponit Lectoribus P. Moya sine solida responsione. Dissolvit primum, negando primam sen-

sententiam, destruendo ejus fundamenta, amplectendo, ac probando contrariam rationibus a fortiori militantibus contra secundam, ut dictum est. Dissolvit secundum dicendo, Castitatem fieri posse moraliter possibilem per remedia Orationis, & Pœnitentiæ, Hominemque illum obligari EX VI VOTI ad hæc remedia adhibenda, ut Deum sibi propitium, & moraliter possibilem Castitatem reddat. Proponit igitur quidem P. Moya eam sententiam cum suis argumentis: sed proponit etiam solutionem; quidquid in oppositum persuadere enitatur Lectoribus P. Concina.

Advertit præterea P. Moya, votum jam ante fuisse emissum; ideoque esse in possessione obligandi. Quo posito; & adjuncta solutione illius duplicis argumenti; continetur in verbis Moyæ, si eam P. Concina videre velit, solidissima hæc ejus sententiæ impugnatio, quam hoc pacto efformare juvat. Ex una parte votum illud, utpote emissum ante supervenientem fragilitatem, est in possessione obligandi. Ex alia nulla est solida ratio deturbandi votum a sua possessione: non paritas petita a prima sententia, quia illa falsa est: non moralis impossibilitas Castitatis; quia ille homo obligatus est EX VI VOTI ad remedia Orationis, & Pœnitentiæ adhibenda, quibus reddat Deo juvante Castitatem sibi moraliter possibilem. Ergo illud votum in sua possessione perseverat.

Hujusmodi vero impugnationem contineri in doctrina, & verbis Moyæ, facile ostenditur producto textu. Nam Moya postquam §. 3. num. 20. & 21. impugnavit primam sententiam, ex qua desumitur paritas pro secunda; ad hanc deveniens num. 22. ita loquitur.

*Si vero post emissum votum fragilitas carnis adveniat, specialis est difficultas, quia neque implicite videtur vovens se obligasse ad media RIGOROSA Abstinentiæ, & extra ordinariæ Pœnitentiæ: & forsan si propensio illa in Venerem præcessisset, non emitteret votum, & quandoque id certo moraliter judicat. NIHILOMINUS cum hic casus*



47

*sus non sit ex raro contingentibus, sed ex illis, qui pro  
diversitate occupationis, & ætatis evenire solent, ET  
ALIUNDE VOTUM SIT IN POSSESSIONE OBLI-  
GANDI, PRO ILLO SENTENTIAM FERENDAM  
CENSEO; IDEOQUE TENENDUM, VOVENTEM  
IMPLICITE SE OBLIGASSE AD ALIA ORATIO-  
NIS, ET PŒNITENTIÆ REMEDIA ADHIBENDA,  
QUIBUS A TENTATIONIBUS CARNIS VEHE-  
MENTIBUS LIBERETUR, ET MELIUS SIBI RED-  
DAT A MATRIMONIO ABSTINERE, QUAM OP-  
POSITUM.*

Dicant, quæso, Lectores, quid hic Moya insolutum  
relinquat? Dicant quid ego in efformata impugnatione  
impulerim, quod in doctrina, & verbis Moyæ non in-  
cludatur? Et tamen si Patri Concina habenda est fides,  
Moya RE IPSA EAM SENTENTIAM NON IMPU-  
GNAT, SED ILLAM CUM SUIS ARGUMENTIS  
LECTORIBUS PROPONIT.

Non scripsit quidem ad eam sententiam impugnan-  
dam P. Moya hæc, quæ sparsim habet P. Concina in  
hac tractanda quæstione. Pag. 137. „ *Utrum hujusmodi  
principia faveant LUTHERO, CALVINOQUE obgan-  
nientibus adversus Catholicorum vota, quod sint humane  
fragilitati importabilia, & lumborum ardoribus contra-  
ria, ceteri videant* „ Pag. 138. Ego tamen inquirō, cur  
castitas his in circumstantiis evadat incongrua voti mate-  
ria? An quia sit homini fragili, & vexato carnis stimu-  
lo impossibilis? Si asseris, HÆRETICUS ES. Pag. 140.  
„ *Non est ergo SOLUS LUTHERUS EFFUTIENS ca-  
stitatem esse impossibilem. Probabilista hic noster rotundo  
ore non modo ait, sed supponit ex communi Doctorum,  
Castitatem ob supervenientes tentationes fieri ineptam, &  
impossibilem voti materiam* „ Pag. 141. „ *Quod supervenien-  
tes tentationes & lapsus in venerem impossibilem reddant  
Castitatem HÆRESIS EST LUTHERANA* „ Pag. 144.  
„ *Probabilistæ isti ansam non levem HÆRETICIS præ-  
bent*

bent *carpendi vota monastica*., Hæc, inquam, & familia Moya non scripsit; quia putavit etiam sine ipsis posse solidè, & theologicè impugnari sententias.

## CAPUT XXIV.

### *Restituitur sua sinceritati sententia P. La-Croix.*

P. CONCINA Tom.3. pag.183.

*Non est autem audiendus P. La-Croix, qui lib.3. part.1. num.148. (scribendum erat 448.) NIMIS LAXE contendit INTEGRUM Rosarium omittere, levem esse materiam.*



**N**IMIS laxè procul dubio; siquidem id doceret P. La-Croix. Verum tantum abest, ut loquens de Rosario, quod juxta ipsum est materia levis, adjungat illam vocem INTEGRUM, quam pro sua mera liberalitate adjungit P. Concina; ut disertissime profiteatur se non loqui de Rosario INTEGRO, sed de PARTE EJUS TERTIA. En verba loco citato.

*Si vovisti orare Rosarium, & omittas duas decades, non est mortale, licet duæ decades respectu Rosarii sint pars notabilis, scilicet tertia. Immo Rosarium ipsum censetur quid exiguum in ordine ad cultum Beatæ Virginis, vel Dei..... Per ROSARIUM autem communiter intelligitur NON INTEGRUM psalterium, sed PARS EJUS TERTIA.*

Audistis? quid intelligatur a Patre La-Croix per ROSARIUM, quod est quid exiguum in ordine ad cultum

49

tum Beatæ Virginis, vel Dei ? Non intelligitur INTEGRUM, sed PARS EJUS TERTIA. Cur ergo P. Concina adjunxit INTEGRUM, quod auget invidiam, & amplificat laxitatem ; cum non modo non reperiatur in Patre La-Croix ; sed sit contra manifestissimam protestationem Patris La-Croix ?

Non libet a laxitate liberare illud ipsum quod docet P. La-Croix. In hoc enim Opusculo de laxitate, rigore, veritate, & falsitate sententiarum nullo modo disputare decrevi : eas omnes relinquo, ut cum Juristis loquar, IN STATU, QUO. Sed dico, vocem INTEGRUM valde immutare sententiam, quæ proinde non est sincerè relata. Quamobrem posset P. Concina aliquanto longius propulsare rancidulam cationem, quæ sæpissimè adhuc est in proximo.

Obiter hoc adverto. P. Concina hoc in loco carpit, & jure carpit Patrem La-Croix, quod pro sua sententia non bene citaverit Tamburinum. Et concludit hoc gravi monito; HINC COLLIGE NECESSITATEM LEGENDI AUCTORES IN FONTE. Rogo Lectores, ut diligenter hoc monitum memoriæ mandent, quia sæpenumero erit usui.

## CAPUT XXV.

*Restituitur sua integritati sententia  
P. Marin.*

P. CONCINA Tom. 3. pag. 234.

*P. Marin censet probabile esse, Voventem virginitatem non teneri ad castitatem. Tractatu 9. disp. 3. sect. 2. num. 39. Ex Burgh. cent. 1. casu 59. quia virginitas corporis tantum integritatem significat : sed hæc opinio* & LA-

G

XA

*XA NIMIS est, & ledens communem sensum.*

*Et pag. 117. in catalogo propositionum, quas recenset ut damnabiles.*

*Probabile est, eum, qui vovit virginitatem, non teneri ad perpetuam castitatem; sed tantum ad servandam integritatem carnis, quam illa vox virginittis propriè significat. Marin tract.9. disp.3. sect.2. num.39.*

\*.\*.\*.\*.\*

**Q**ui legunt recitata verba Patris Concinae certissimè duo existimabunt. Primum; Patrem Marin loqui indiscriminatim, universaliter, & nulla adhibita distinctione de QUOCUMQUE vovente virginittatem, & de QUOCUMQUE pronunciare, probabile esse, illum non teneri ad castitatem. Secundum; Patrem Marin docere IN SENSU ABSOLUTO propositionem, quæ offertur ut damnanda, sine ulla conditione adjecta, quæ illam temperet, & reddat conditionalem. Reperant, oro, Lectores citata verba, & sibi metipsis dicant, an non statim imbibant animo hæc duo, quæ dixi. Porro utrumque falsissimum est.

P. Marin supponit primo, vocem virginittis significare propriè integritatem corporis, sive abstinentiam a primo actû venereo, per quem deperditur; non vero abstinentiam a secundo, tertio, vel quarto, supposito primo, per quem jam amissa est. Atque ita qui in primum jam lapsus est, si abstineat deinde ab aliis, dicitur quidem servare castitatem, sed non virginittatem. Supponit secundo, posse dari discrimen inter votum virginittatis, & votum castitatis, id est posse aliquem vovere abstinentiam a primo lapsu, quin tamen voveat abstinentiam ab aliis consequentibus primum, per quem virginittatem amisit. Deinde distinguit inter eum, qui novit propriam significationem illius vocis virginittas, & discrimen quod dari potest inter unum votum, & aliud, & eum qui hæc non novit.

His

58

His positis, quando P. Marin docet esse probabile, voventem virginitatem non teneri ad castitatem, non docet hoc indiscriminatim & universaliter de QUOCUMQUE VOVENTE; sed determinatè de eo solo, qui novit significationem propriam illius vocis, & discrimen inter unum votum, & aliud; & prælucente ejusmodi notitia votum emisit. Loquens vero de eo vovente, qui hæc non novit, ut communiter sunt Juvenes, & puellæ, apertissimè docet, hunc teneri ad castitatem, ut statim ex ejus verbis perspicuum fiet. Demum propositionem, quam P. Concina truncatè recitat, non profert in sensu absoluto, quem præbet ut truncata refertur; sed temperat adjecta conditione, quæ reddit illam conditionem. Audiamus ipsum loco citato.

*Nihilominus probabile est, eum, qui vovit virginitatem, non teneri ad perpetuam castitatem, sed tantum ad servandam integritatem carnis, quam illa vox virginitatis propriè significat; NISI CONSTET FUISSE ALIAM MENTEM VOVENTIS; AUT IGNORASSET HANC SIGNIFICATIONEM VOCIS.*

Verba majusculis characteribus scripta duo evidenter ostendunt. Ostendunt primo, Patrem Marin non loqui indiscriminatim, & universaliter de QUOCUMQUE VOVENTE virginitatem, sed solum de eo, qui novit significationem vocis. Ostendunt secundo, Doctrinam P. Marin non esse illam absolutam, quam præfert propositio mutilata; sed esse hanc conditionatam: *Probabile est, non teneri ad castitatem, SI NOVIT SIGNIFICATIONEM VOCIS: SI VERO SIGNIFICATIONEM VOCIS IGNORAVIT, non est probabile.* Et tamen illa verba, quæ adeo immutant sententiam Patris Marin, eamque adeo temperant, a Patre Concina, qui rancidulam cantionem pluries propulsavit, ut ridiculam, de-truncata sunt.

Sed pergamus audire Patrem Marin, qui sese ulterius explicat numero immediate sequenti.

5<sup>2</sup> Verius judico cum Moya tom.1. traſſ.2. diſp.1. quaſt. 2. num.8. **DISTINGUENDUM** taliter : Si vovens agnovit differentiam inter votum virginittis , & caſtitatis ; votum virginittis ſolum eſt parziale , obligans ſolum ad integritatem corporalem ſervandam . Si non agnovit differentiam , eſt votum **TOTALE** ; quia ſi non agnovit differentiam , ut communiter accidit puellis , & Juvenibus , ad **TOTALEM** caſtittatem cenſentur obligari .

Doctrina P. Marin talis ne eſt , qualem ego depinxi , an qualem depinxit P. Concina ? - Lectores judicent . At etiam ſic laxa eſt . Sit : hoc non pertinet ad inſtitutum meum . Quod dico , hoc eſt : ſententiam Patris Marin limitatam , particularem , conditionatam propoſitam fuiſſe minus ſincerè a Patre Concina veluti univerſalem , illimitatam , & abſolutam : Perinde ac ſi P. Marin docuiſſet univerſaliter , indifferenciatim , nulla adhibita diſtinctione , & conditione , **QUEMCUMQUE** voventem virginittatem non teneri ad caſtittatem : quod ex dictis patet eſſe falſiſſimum .

## C A P U T XXVI

*Vindicatur ab alia falſa criminatione  
idem Marin .*

In Indice Tomi 3. V. MARIN .

*Marin ( P. Joannes ) LAXAM docet propoſitionem de voto . pag.117. num.7.... LAXE' docet voventem virginittatem non teneri ad caſtittatem pag.234. num.22.*

Hic



**H**ic in Indice P. Marin repræsentatur Lectoribus auctor **DUPLICIS** sententiæ laxæ; quarum una referatur pag. Conciniana 117. altera diversa referatur pag. 234. Atqui sciant Lectores, unam esse atque ipsissimam sententiam, quæ utrobique refertur: sententiam nempe superiorem, quam P. Concina truncatè refert, ut vidimus, sua pagina 117., & rursus refricat sua pag. 234. Jam aliàs monui, facile fore, ut indices hoc artificio in integram bibliothecam excrecant.

## CAPUT XXVII.

### *Vindicatur a falsa criminatione P. Tamburinus.*

P. CONCINA Tomo 3. pag. 390.

*Duo hic docet Tamburinus: quorum unum certissimè falsum est; nempe QUOD JURANS SINE ANIMO JURANDI, NON JURET: quæ propositio ab Ecclesia DAMNATA est, ut infra videbimus. Alterum &c.*



**C**ertissime falsum est, prædictam propositionem esse ab Ecclesia damnatam; ideoque certissimè verum est P. Concinam falso criminari Tamburinum, quodd docens illam primam propositionem doceat id, quod est damnatum.

Propositio damnata est hæc 25. Innoc. XI. **CUM CAUSA LICITUM EST JURARE SINE ANIMO**  
JU-

**JURANDI, SIVE RES SIT LEVIS, SIVE GRAVIS.** Quæ falsa est, & merito proscripta; quia licet **JURANS SINE ANIMO JURANDI, NON JURET;** tamen non est licitum, ne cum causâ quidem, invocare Deum in-  
testem cum illa simulatione.

Porro quantum propositio damnata differat ab hac doctrina **JURANS SINE ANIMO JURANDI, NON JURAT;** quamquam oculis pateat; nihilominus ex eo etiam evidenter liquet, quod fatente ipso Patre Concina usque ad hæc sua tempora ea doctrina ita communis sit inter Theologos, ut **NEMO DE ILLA DUBITET.** Audiatur ipse hoc Tomo 3. pag. 439. ita loquens.

*Quæstio VI. An QUI DELIBERATE JURAT SINE ANIMO JURANDI, VERUM PROFERAT JURAMENTUM? Respondeo. COMMUNITER auctores docent VERUM NON ADESSE JURAMENTUM ex defectu intentionis necessariae ad juramentum: ET NEMO HOC IN DUBIUM REVOCAT.*

Loqueretur ne hoc pacto P. Concina si ea doctrina, **JURANS SINE ANIMO JURANDI, NON JURAT,** damnata foret?

Præterea rejicit quidem ipse eam doctrinam contra communissimam Theologorum sententiam. Sed numquam utitur ad eam rejiciendam ulla damnatione, quod certè facere non omisisset, si potuisset. Utitur solum quadam ratione, quam sibi jam obiecerat P. Suarez, & dissolverat; ut videbimus capite sequenti.

Quod ait P. Concina, **UT INFRA VIDEBIMUS;** infra, & usquam nihil assert, in quo ea damnatio videri possit, sed solum assert ea, quæ modo retuli, ex quibus evidenter conficitur, non existere in rerum natura illam damnationem.

Et tamen ea doctrina, quæ pag. 439. ita communis est, ut **NEMO DE EA DUBITET;** pag. 350. ubi sermo erat de Tamburino, certissimè erat falsa, & ab Ecclesiâ damnata.



## CAPUT XXVIII.

55

*Vindicatur ab aliâ falsa criminatione  
idem Tamburinus.*

P. CONCINA Tom. 3. pag. 390.

*Duo hic docet Tamburinus: quorum unum certissimè falsum est; nempe quod JURANS SINE ANIMO JURANDI, NON JURET; quæ propositio ab Ecclesia damnata est; ut infra videbimus: alterum, quod jurans si non advertat se jurare; seu si præscindat ab invocatione divini testimonii, non juret; quæ pariter propositio falsa omnino mihi est & SCANDALI PLENA. Sed quod magnopere animadvertere debemus, est, Tamburinum testari, has suas propositiones communiter a Doctoribus edoceri. Laudat namque Layman, qui sane lib. 4. Tract. 3. cap. 1. num. 3. eas docet. Citat deinde pro se etiam SUAREZ lib. 1. de Juram. cap. 1. num. 4. SED FALSO: NIHIL ENIM IBI HABET INSIGNIS ISTE THEOLOGUS, QUOD HIS OPINIONIBUS FAVEAT.*

\*.\*.\*.\*

**U**Na impostura pertinet ad illam primam Tamburini opinionem, quod JURANS SINE ANIMO JURANDI, NON JURET, refutata est capite superiori. In istam aliam criminationem nunc repellam, in eo sitam, quod Tamburinus falso pro se citaverit Patrem Suarez; & quod NIHIL HABEAT INSIGNIS ISTE THEOLOGUS, QUOD HIS OPINIONIBUS FAVEAT.

P. Suarez non modò faveat primæ opinioni Patris Tamburini relatæ hic a P. Concina; sed expressè & distinctè

fertissimè illam docet; validis argumentis communit; & a contraria obiectione liberat. Postquam enim num. 4. & sequentibus explicavit quæstionem, & adduxit rationem in oppositum, num. 8. ita scribit.

*Nihilominus dicendum est, INTENTIONEM JURANDI esse omnino necessariam AD CONSTITUTIONEM, ut sic dicam, JURAMENTI, & ad veritatem ejus in essendo. Nam juramentum exterius prolatum SINE INTENTIONE JURANDI fictum juramentum est, non verum, etiamsi assertio in quam cadit vera sit. ITA SENTIUNT DOCTORES OMNES, quos infra referemus tractantes de juramento promissorio: hac enim ratione dicunt, juramentum promissorium falsum SINE INTENTIONE JURANDI non inducere specialem obligationem; Ratio enim est, quia illud non habet ESSE juramenti, & ideo non habet effectus ejus. Probari autem potest primo exemplis. Quia votum factum exterius sine intentione vovendi non est votum: nec sacramentum sine intentione factum est verum sacramentum, sed fictum; etiamsi non desit voluntas exercendi exterius omnia necessaria signa. Ergo idem est in juramento, est enim suo modo sacramentum, idest sacrum signum, ut diximus. Ratio denique eadem est, quæ in ceteris cum proportionem adhiberi solet. Quia juramentum debet esse actus humanus, non solum quatenus est materialis quædam licutio; sed etiam quatenus juramentum est. Non potest autem esse hujusmodi, nisi AB INTENTIONE JURANDI procedat.*

Deinde numero 9. respondet obiectioni quam adduxerat; & quam exscribit P. Concina, ut defendat, contra communem, sententiam oppositam. Obiectio autem in eo posita est, quod voluntas proferendi verba apta ad jurandum videtur inseparabilis a voluntate, sive intentione jurandi: ad quam sic reponit Suarez.

*Ad rationem ergo in contrarium respondetur, voluntatem proferendi verba apta ad jurandum separari posse. A VOLUNTATE JURANDI; quamvis e converso VOLUN-*

**LUNTAS JURANDI** *humano modo, seu respectu hominis, necessario includat voluntatem exhibendi signum sufficiens ad jurandum.*

Quæ quidem responsio, suppositis exemplis allatis a P. Suarez ad probandam sententiam suam; immo communissimam; validissima est. Sicuti enim voluntas ponendi exterius res aptas ad sacramentum, e. g. ablutionem & verba formæ, quamvis sit efficax, & aliquid operetur, separabilis est a voluntate baptizandi immo componibilis cum voluntate non baptizandi, quæ licet exteriùs nihil operetur, tamen prævalet in ordine ad impediendum verum sacramentum: ita in casu quem versamus.

Denum P. Suarez eandem Doctrinam repetit lib.2. de Juramento promissorio cap.7. num.2. his verbis.

*His ergo suppositis circa juramentum promissorium, dicendum est primo, ut obligationem inducat, necessarium esse, ut AB INTENTIONE JURANDI procedat. HOC CERTUM EST APUD OMNES... Et probatur; quia juramentum SINE INTENTIONE factum non est juramentum, ut libro primo in principio dictum est.*

Igitur primum, quod docebat Tamburinus, erat, **JURANTEM SINE INTENTIONE JURANDI, NON JURARE.** Pater Suarez non obiter & per transennam, sed ex professo propugnat **JURANTEM SINE INTENTIONE JURANDI, NON JURARE.** Et tamen Tamburinus **FALSO** pro se citat Patrem Suarez; **ET NIHIL HABET INSIGNIS ISTE THEOLOGUS, QUOD HIS OPINIONIBUS FAVEAT.**

Alterum quod docebat Tamburinus, ut ait P. Concina initio hujus capituli relatus, erat, **QUOD JURANS, SI NON ADVERTAT SE JURARE, SEU SI PRÆSCINDAT AB INVOCATIONE DIVINI TESTIMONII, NON JURET.** Tamburinus lib.3. in *Decalogum cap.1. §.3. num.6.*, ad quem locum respexit hic P. Concina, illam **PRÆCISIONEM AB INVOCATIONE DIVINI TESTIMONII** explicat his verbis: **HOC EST;**

**H**

**NEC**

NEC INTENDIT, NEC NON INTENDIT INVOCARE. His præmissis, secundum, quod docet Tamburinus, sive ejus secunda opinio nitide & clarè exposita, hæc est, QUI JURAT, ET CARET TUM POSITIVA INTENTIONE INVOCANDI DEUM IN TESTEM, IDEST JURANDI; TUM POSITIVA INTENTIONE NON INVOCANDI; NON JURAT.

Jam vero P. Suarez, quamvis expressè secundam hanc opinionem non tractet nec propugnet; tamen multum ipsi favet. Hæc enim secunda opinio necessario, ut mihi quidem videtur, ex prima profluit. Ratio brevis & clara hæc est.

Quoties deficit positiva intentio invocandi Deum in testem, deficit essentia juramenti. Sed quando quis NEC INTENDIT, nec non intendit invocare, deficit positiva intentio invocandi Deum in testem. Ergo tunc deficit essentia juramenti. Ergo ille tunc NON JURAT.

Ergo P. Suarez, qui cum communissima Doctorum sententia propugnat propositionem majorem dicti syllogismi, idest primam opinionem; favet consequentiæ legitime deductæ, idest secundæ opinioni.

Non defendo, quod repetere juvat, opiniones Tamburini; & multo minus defendo, quæ immiscet citato in loco Tamburinus. Vindico illum ab iniusta criminatione, sive impostura, quod FALSO pro se citaverit P. Suarez; siquidem P. Suarez & expressè propugnat primam Tamburini opinionem, & propugnando primam multum favet etiam secundæ, ut ostensum est.

Facere hic non possum quin addam aliquid de Patre Layman. Pater Concina dicebat: *Laudat namque Layman, qui sans lib.4. tract.3. cap.1. n.3. EAS docet.* Pater Layman secundam Tamburini opinionem nec propugnat nec tractat; sed solum tractat & propugnat primam. En ejus verba loco citato.

Notandum est tertio. Ad veram rationem juramenti non sufficit, verba juramenti significantia materialiter tam-

39  
tum proferre; NISI SIMUL ADSIT ANIMUS, SIVE  
VOLUNTAS JURANDI, VERUMQUE DEUM IN  
TESTEM INVOCANDI; *alioquin eris non verum, sed  
fictum, vel dolosum juramentum.*

Et nihil aliud habet, quod ad rem nostram perti-  
neat. Ideoque docet solum primam opinionem Tambu-  
rini, quam docet P. Suarez, & de qua, tacente ipso Patre  
Concina, NEMO DUBITAT. Jam vero facio optionem.  
Vel docere hanc primam opinionem est favere secundæ,  
& implicite eam docere; vel non. Si primum: Igitur P.  
Suarez, qui expresse docet primam, favet secundæ; &  
multa habet quæ HIS OPINIONIBUS FAVEANT. Si  
secundum: igitur P. Layman qui expressam mentionem  
facit solum de prima, non docet EAS.

## C A P U T XXIX.

### *Vindicatur ab impostura idem P. Tamburinus.*

In Indice Tomi 3. V. *Tamburinus.*

*Tamburinus LAXE' docet, omittere INTEGRUM RO-  
SARIUM voto promissum peccare solum leviter.*



A UCTOR Indicis calumniosissimè scribit, Tamburinum  
ista docere. Tamburinus non loquitur de ROSA-  
RIO INTEGRO, immo neque loquitur de TERTIA  
PARTE; sed solum de DUOBUS DECENNARIIS; ut  
ingenuè scripsit ipse P. Concina hoc Tomo 3. pag. 184.  
En verba Tamburini lib. 1. in Decal. cap. 1. §. 3. num. 21.

*Vovisti coronam B. Virginis sex decennariis constan-*

H 2

tem:

tem: duo decennaria comparatione dista corona cum sint  
 tertia pars, videntur non modica materia: at quia ad fi-  
 nem intentum, idest ad cultum Virginis, id modicè no-  
 cet; si cetera quatuor decennaria recitentur, VENIALE  
 ERIT DUO TANTUM OMITTERE.

Ut vero laxitatibus Jesuitarum per fas, & nefas in-  
 dices infarcirentur; in eodem indice V. *Votum* ita re-  
 petitur.

Non esset levis materia INTEGRUM ROSARIUM  
 omittere; ut LAXE' docent LA-CROIX, TAMBURI-  
 NUS, ET SPORER.

In quibus verbis est impostura contra P. La-Croix,  
 qui, ut vidimus capite 24., profitetur se non loqui de  
 ROSARIO INTEGRO, cujus nomine communissimè in-  
 telliguntur quindecim decades, sed de TERTIA PAR-  
 TE. Est impostura contra Tamburinum, ut modo evi-  
 denter ostensum est. Est impostura contra P. Sporer  
 Franciscanum, qui Tract. I. cap. 5. §. 4. num. 30. idem do-  
 cet, ut quisque videre poterit, ac Tamburinus;

Demantur ab indicibus tot repetitiones, quas omnes  
 adnotare piget; demantur imposturæ; existat aliquis, qui  
 ad examen revocet sententias, quas P. Concina appellat  
 laxas: & indices fortasse multum decreverunt.

At eos P. Concina non confecit. Id solum in præ-  
 sentia dico. Hoc probat Patterm Concina alios habere  
 fœderatos, qui adversus nostram Societatem eodem ani-  
 mo sunt.

## CAPUT XXX.

*Restituitur sua sinceritati sententia  
Baunii.*

P. CONCINA Tom.3. pag.408.

*An qui in re levissima falsum jurat, peccet mortaliter ?  
..... Auctor Theologiæ moralis Jesuitarum, & Hen-  
ricus a S. Ignatio in Prolegomeno I. cap.1. hanc eandem  
sententiam [ peccare solum venialiter ] adjudicant  
BAUNIO in summa pag.65. Edit. xv., ubi EAM DO-  
CET his verbis: Vocare Deum in testem mendacii  
levis non est tanta irreverentia, propter quam velit,  
aut possit damnare hominem: quæ propositio est 24. in-  
ter damnatas ab Innoc. XI. Dominicus Viva in sua  
trutina theologica interpretatur, Baunium admittere  
parvitatem materiæ in juramento duntaxat PROMIS-  
SORIO. SIT ITA: libenter siquidem & nos sano in  
sensu quoad fieri potest, catholicos Scriptores interpre-  
tamur. QUOD NEGOTIUM FACESSIT, est, iisdem  
omnino verbis esse conceptam propositionem damnatam  
ab Innoc. XI., quam cum ceteris theologis ipse Viva te-  
statur proscriptam fuisse in sensu juramenti assertorii,  
non promissorii. Utcumque res ista se habeat, ratio pro-  
scriptæ propositionis evidens est.*

*Deinde in Indice V. Bauni sic habetur.*

*Bauni ( P. Stephanus ) male docet, vocare Deum in te-  
stem mendacii levis, esse peccatum solum leve. Pag.408.  
num.2. Damnatur hæc propositio ab Innoc. XI. Ibidem.*

Quam-

Quamvis P. Concina iis verbis SIT ITA videatur permittere interpretationem Patris Viva; nihilominus aliis verbis satis apertè ostendit, se hujusmodi interpretationi non acquiescere; & satis apertè persuadere conatur Lectoribus, Baunium verè locutum fuisse de Juramento ASSERTORIO non PROMISSORIO, atque ideo docuisse propositionem damnatam. Ait enim, Baunium EAM DOCERE verbis relatis; ait NEGOTIUM FACESSERE, quod iisdem omnino verbis propositio damnata concepta sit; & demum in indice, differtissimè scribitur, Baunium docuisse illam propositionem quæ ab Innoc. XI. damnata est.

Ut igitur P. Concina sine hæsitatione acquiescat interpretationi Patris Vivæ; ut Auctor indicum discat minus confidenter imponere, atque ut Baunium ab hujusmodi injusta criminatione vindicem: demonstro, ipsum locutum esse de JURAMENTO PROMISSORIO, quo quis promittat committere aliquod peccatum veniale, e. g. mentiri leviter in gratiam alicujus; non autem de ASSERTORIO, quo quis vocet Deum in testem mendacii levis cum juramento prolati. Affero prius textum P. Baunii, ex gallico summa fide latinè redditum, qui sic habet.

*Nequit fieri peccatum veniale, AD QUOD QUIS SE OBLIGAVIT PER JURAMENTUM, quin novum committatur. Tolet. lib. 4. cap. 21. Covarruvias de pactis prima parte §. 6. Additur quod emittendo hoc juramentum, peccatum est mortaliter juxta opinionem aliquorum. S. Th. 2. 2. quæst. 89. Theologi in 3. Sententiarum dist. 29. Lessius lib. 2. de Justitia dub. 4. num. 18. Quia species est blasphemia accipere Deum veluti FIDEJUSOREM OFFENSÆ, ET VADEM PRAVÆ VOLUNTATIS, qualis illa est quam habet, QUI SE DETERMINAT AD ALIQUAM CULPAM, QUAMTUMVIS VENIALEM.*

Con-



*Contraria nihilominus opinia habet Sautores suas ; ( nempe non esse peccatum mortale illud juramentum ) ut S. Antoninum 2. p. tit. 10. cap. 4. §. 3. Sorum lib. 8. quest. 2. art. 3. Valentiam Tom. 3. disp. 6. quest. 7. §. 3. Et possumus illam sequi sub consideratione, quod ACCIPERE DEUM IN TESTEM MENDACII LEVIS NON EST TANTA IRREVERENTIA, PROPTER QUAM VELIT ET POSSIT DAMNARE HOMINEM.*

Relato summa fide textu, evidenter ostendo, quamvis fortasse Lectorum oculis statim patuerit, sermonem esse DE JURAMENTO PROMISSORIO ; & sensum illorum verborum IN TESTEM MENDACII LEVIS esse, in testem mendacii levis PROFERENDI, ET JURAMENTO PROMISSI ; non vero, in testem mendacii levis IN JURAMENTO, ET CUM JURAMENTO PROLATI.

Ostendo primo ex verbis ipsius Baunii. Baunius per illa verba NEQUIT FIERI PECCATUM VENIALE, AD QUOD QUIS SE OBLIGASSET PER JURAMENTUM, loquitur de juramento, quo quis se obliget ad committendum peccatum veniale. Atqui juramentum, quo quis se obliget ad committendum peccatum veniale est JURAMENTUM PROMISSORIUM. Ergo. Præterea Baunius per illa verba ACCIPERE DEUM FIDEJUSOREM OFFENSÆ, ET VADEM PRÆVÆ VOLUNTATIS, QUÆ QUISSE DETERMINAT AD ALIQUAM CULPAM QUANTUMVIS VENIALEM loquitur de juramento, quo quis vocat Deum in testem offensæ faciendæ, & executionis prævæ voluntatis, quæ determinat committere aliquam culpam quamvis venialem. Atqui juramentum hujusmodi est promissorium. Ergo.

Ostendo secundo ex Auctoribus, quos citat pro sua sententia. Baunius loquitur de illo juramento, de quo loquuntur Auctores, quos pro se citat. Atqui illi Auctores loquuntur de juramento PROMISSORIO, quo nempe

pe quis se obligat ad committendum aliquod peccatum. Ergo. Ad probandam minorem seligo ex citatis a Baunio unum Dominicum Soto insignem Dominicanum, qui loquitur determinatè de MENDACIO LEVI, sicuti loquitur Baunius; & sic habet loco citato. *Conclusio vera ostenditur, ubi quis jurat aliquid se facturum, quod non non est nisi veniale malum, nempe JOCOSE MENTIRI, aut otiosum verbum loqui. Tunc enim, quia illud juramentum implere non est nisi veniale; consequitur, ut neque illud fieri graviolem asserat culpam. Ubi de JURAMENTO PROMISSORIO evidenter sermo est.*

Ostendo tertio ex doctrina præcedenti ipsius Baunii. Baunius loquens paulo superius citato cap. 4. de juramento ASSERTORIO docet, Juramentum falsum esse peccatum mortale; & hoc docet universaliter, illimitate, & sine ulla prorsus distinctione inter falsitatem levem, & gravem. Ea ejus verba.

*Conclusio secunda. Hoc perjurium, idest applicare alicui falsitati sanctissimum nomen Dei... peccatum est; & peccatum, quod Theodulphus Episcopus Aurelianensis appellat grande scelus, in lege, & Prophetis, & Evangelio prohibitum, puniendum in alia vita morte aeterna.... quod nos dicimus esse MORTALE: quia est contra honorem debitum Divinæ Majestati eam invocare in testem ALICUJUS REI, QUÆ NEQUE EST, NEQUE FUIT. Quæ locutio est omnino indefinita, neque ullo modo distinguit inter REM LEVEM, ET GRAVEM. sed universaliter comprehendit OMNEM REM, QUÆ NEQUE EST, NEQUE FUIT. Ergo aliena est a mente Baunii proscripta doctrina; nempe, vocare Deum JURAMENTO ASSERTORIO in testem mendacii levis, non esse peccatum mortale.*

Poterat Baunius, quod obiter dictum sit, præter S. Antoninum, & Sotum Dominicanos, citare etiam Cajetanum: qui 2. 2. quæst. 8. a. 7. sententiam Baunii disertè docet his verbis. *Quod non peccet nisi venialiter, patet*  
ex

*ex hoc, quod si quis jurat committere peccatum veniale, puta dicere verbum otiosum, non NISI VENIALITER peccat jurando.*

Sed hoc omisso, & regrediendo ad rem nostram. Si Henricus a S. Ignatio, & Auctor Theologiæ moralis Jesuitarum non avulsissent a suo contextu prædictam propositionem, sententiam damnatam Baunio non adjudicassent. Et si Pater Concina non legisset Baunium in iis auctoribus, sed COLLEGISSET NECESSITATEM LEGENDI AUCTORES IN FONTE, nihil fuisset quod NEGOTIUM ipsi FACESSERET; & interpretationi Patris Vivæ facilius acquievisset.

Demum hic adverto, rectè componi ista duo: Et impugnare aliquas sententias Henrici a S. Ignatio; & tam multa exscribere, atque alia conditione recoquere, quæ Henricus a S. Ignatio, Montaltius, Auctor Theologiæ Moralis Jesuitarum, Sinnichius, aliique contra Societatis Auctores jam pridem summa diligentia collegerunt.

## C A P U T XXXI.

### *Restituitur sua integritati sententia P. La-Croix.*

P. CONCINA Tom.3. pag.410.

*An liceat jurare rem, quam PROBABILITER tantum judicas esse veram? Respondeo. Hoc quæsitum proponit P. La-Croix lib.3. part.1. cap.2. dub.3. quæst.70. n.267. Respondet verò his verbis: „ Sanchez lib.3. cap.4. num. „ 10. Castropalaus part.5. num.2. aliique apud Dianam „ part.4. Tract.4. resol.77 affirmant: quia juras hoc „ quod judicas verum: Ergo non pejeras: unde quod „ aliquis audivit a Viro norabili, & fide digno, potest*

„ SECUNDUM ILLOS AUCTORES ( Nota jam hinc lector: non dicit secundum suam sententiam, sed narrative SECUNDUM ILLOS AUCTORES ) „ affirmare, & extra judicium jurare esse verum: quod „ aliqui apud Dianam extendunt ad juramentum etiam „ in judicio „.

Et paulo post pag 413. P. Concina hæc subdit.

*Recentes Theologi communiter docent, sufficere UNICUM TESTEM FIDE DIGNUM ad jurandum extra judicium, secus in judicio. Sic inquirunt.... LA-CROIX, & plures alii, quos ipsi citant.*

\*\*\*\*\*

**P.** Concina hic duo præstat. Primum adeo mutilatè refert textum Patris La-Croix, ut persuasum relinquat lectoribus, Patrem La-Croix adhærere uoi sententiæ, cum adhæreat omnino oppositæ. Deinde expressè imponit Patri La-Croix, quod doceat, sufficere UNICUM TESTEM FIDE DIGNUM ad jurandum extra judicium; cum hoc nusquam dicat ex propria sententia; sed ad omne juramentum postulet certitudinem moralem. Quæ omnia producto integro textu manifesta fient.

Igitur P. La-Croix post relatam sententiam, contentam in verbis recitatis a P. Concina, hæc ulterius habet, quæ P. Concina suppressit.

**E CONTRA P. Suarez, cap. 4. num. 7., & Dicastillo num. 147. requirunt MORALEM CERTITUDINEM AD OMNE JURAMENTUM; alioquin jurantem fore perjurum: quia qui jurat, significat, se PLUSQUAM OPINARI, & dicit aliquo modo SCIRE. Ergo non licet jurare id de cujus veritate CERTO NON CONSTAT..... ET HÆC ULTIMA SENTENTIA VIDETUR PROBABILIOR.**

Jam

Jam verò, adducere solum verba, quæ persuadent lectoribus Patrem La-Croix adhaerere uni sententiæ; & filere alia, quæ ostendunt Patrem La-Croix adhærere oppositæ; est ne referre INTEGRÉ sententias? Præterea dicere, Patrem La-Croix contentum esse UNICO TESTE FIDE DIGNO ad jurandum extra judicium; cum ipse doceat PROBABILIOUS esse contrarium: est ne referre sententias SINCERE? Lectorum judicium esto.

Antequam de hoc tertio Tomo manum tollam, præterire non possum, quod brevissimè dicturus sum.

P. Concina pag. 383. in catalogo propositionum, quas recenset & offert ut damnandas, ultimam scribit his verbis.

*Similiter non esset plusquam veniale mendacium dicere VRO ablata I, cum verò nihil VRAT. P. Thomas Sanchez lib.3. in Decalogum cap.6. n.3.*

Ego verò subjicio oculis lectorum hanc aliam.

*Si injurius ille nequam sic rogaret: Juras mihi tantam numerare pecuniam? & alter responderet; sic URO, absque I, non esset peccatum mortale; sed simplex mendacium, quia forte nihil tunc URERET. Dominicus Soto DOMINICANUS de Just. lib.8. quæst.1. artic.7. in fine.*

Ipsissima est propositio, quam a Dominicano magistro didicit Jesuita discipulus: & tamen propositioni damnandæ attexitur nomen Sanchezii, nomen Soti altum filetur. Sed ejusmodi exempla in hac Christiana Theologia innumera sunt: pauca adnotare identidem non omitemus.

## CAPUT XXXII.

*Vindicatur ab iniusta criminatione  
P. Cardenas.*

P. CONCINA Toim. 4. pag. 28. proponit hanc questionem.

*Reus juridicè interrogatus, cuique hæc juridica interrogatio certo constat, tenetur ne fateri crimen, tamen si talem confessionem ejusdem mors consequatur?*

Et postquam statuit talem reum teneri sub mortali fateri suum crimen ita pergit pag. 31.

*Contrariam sententiam propugnant non pauci ex recentioribus.... Cardenas differt. 19. cap. 7. hanc opinionem defendit; & PRO EADEM ADDUCIT SYLVESTRUM, & ARMILLAM. Hi duo auctores V. Accusatio locis supracitatis num. 2. CONCEPTIS VERBIS docent, peccare mortaliter reum non consistentem veritatem Judici legitime interroganti, quamquam plectendus sit ob crimen confessum POENA MORTIS.... HINC COLLIGE QUANTUM SIT ISTORUM AUCTORUM CITATIONIBUS FIDENDUM.*



**N**ON P. Cardenas falso citavit Sylvestrum & Armillam Dominicanos pro sua sententia, ut iniuste criminationur P. Concina: sed P. Concina falsissime citavit eos Auctores pro sua. Illi enim auctores defendunt sententiam Patris Cardenas, & CONCEPTIS VERBIS REJICIUNT opinionem Patris Concinae.

Præmitto, tum P. Concina, tum P. Cardenas loqui de POENA TEMPORALI. Nam P. Concina dicit, Reum illum debere sub mortali fateri crimen, tamen si

**talem confessionem EJUSDEM MORS** consequatur; quamquam plectendus sit ob crimen confessum **POENA MORTIS**. Pater verò Cardenas capite citato num.81. *sed oppositam sententiam, inquit, quæ affirmat, non teneri reum fateri suum delictum, si propter illud plectendus sit POENA CAPITALI, VEL TRIREMIUM, AUT ALIA SIMILI, veram censeo.* Quamobrem sententia P. Concinae clauditur hac propositione. **TAMETSI AGATUR DE POENA TEMPORALI, ETIAM MORTIS, SUBEUNDA; ILLE REUS TENETUR SUB MORTALI FATERI CRIMEN.** Sententia P. Cardenas clauditur hac alia. **SI AGATUR DE POENA TEMPORALI, PUTA MORTIS, TRIREMIUM, AUT SIMILI, SUBEUNDA; ILLE REUS NON TENETUR.**

Hoc præmissis: si illi auctores docent quidem, illum reum teneri sub mortali fateri crimen, si agatur de subeunda **POENA SPIRITUALI**, e. g. Excommunicatione, &c simili: sed expressissimè docent, reum illum **NON TENERI** si agatur de subeunda **POENA TEMPORALI**, sine dubio alia &c diversa a poena spirituali; rogo, Vtri favent? Vter illos rectè citat? Cardenas ne, qui docet **NON teneri** si agatur de **POENA TEMPORALI**: An P. Concina, qui docet **TENERI**, tametsi agatur de **POENA TEMPORALI**? Audiamus ergo quid dicant.

Sylvester V. *Accusatio*, postquam dixit, peccare mortaliter talem reum non consistentem; & nullo modo neque **CONCEPTIS VERBIS**, neque non conceptis nominavit **POENAM MORTIS**, ut fingit P. Concina, sic concludit doctrinam suam in fine numeri. **SI TAMEN AGATUR AD POENAM SPIRITUALEM. VIDE INFRA CONFESSIO §.1.** Et infra V. *Confessio*, ad quem locum se remittit, ita loquitur. *Primo vero quæritur, an sit quis obligatus ad interrogationem Judicis fateri delictum? Et dicit Panormitanus in C. Cum super de Confess. si Judex procedit per inquisitionem ex mero suo officio, sic tenetur quis respondere veritatem sub poena peccati mor-*

*mortalis, si factum sit notorium, vel infamia flagrat, vel semiplene probatum est, secundum S. Thomam 2. 2. quæst. 69. articulo 1. Et hoc verum QUANDO AGITUR AD POENAM SPIRITUALEM, NON ALIAM.*

Armilla verò, quamvis Verbo *Accusatio* non se explicet de qua poena loquatur, clarissimè tamen se explicat V. *Confessio judicialis* §.8. his verbis: *Si Judex procedat per inquisitionem ex mero officio suo, tenetur reus respondere veritatem sub peccato mortali si factum est notorium, vel infamia flagrat, vel semiplene probatum est secundum Thomam 2. 2. quæst. 69. art. 1. Et hoc verum est QUANDO AGITUR AD POENAM SPIRITUALEM, NON AD ALIAM.*

Audistis? Quando agitur ad aliam poenam diversam a spirituali, ut est poena mortis, poena tritemium, & similis, per Sylvestrum & Armillam non est verum, reum illum teneri ad fatendum suum crimen, ut docet Cardenas, & contra quam docet P. Concina. Vter ergo pro sua sententia rectè citavit eos auctores? Licebit, puto, etiam mihi regerere in Patrem Concinam sua verba. **HINC COLLIGE QUANTUM SIT P. CONCINÆ CITATIONIBUS FIDENDUM.**

## C A P U T XXXIII.

*Restituitur sua sinceritati alia sententia Sanchez, & Castropalai.*

P. CONCINA Tom. 4. pag. 85.

*An juramentum præstitum de servanda taxa obliget, si taxa sit justa & sufficiens; lex tamen contrario usu abrogata? Respondeo. Leander disput. 31. quæst. 7. Probabilius, inquit, adhuc respondeo, non obligare tale juramen-*



mentum scribas & Ministros . . . quia censendi sunt, se noluisse obligare. Pro hac opinione laudat P. SANCHEZ, PALAUM, Dianam, Trullench. Pradum. Mibi non modo probabilior non est hæc sententia, sed neque probabilis, immo aperte falsa. Quid? TAXA JUSTA EST, ET USUS CONTRARIUS EAM ABROGAT? Justitia ergo, quæ commutans appellatur, qualis est in præfato stipendio. CONSUETUDINI OBNOXIA EST? CONTRARIUS USUS ABROGARE POTEST JUSTITIAM IPSO PRINCIPE REPUGNANTE? En unum ex principiis tot rapinarum, rapacitatum, oppressionum, & injustitiarum, quæ in Foris grassantur. Si enim vel ipsi casuisti docent, USUM ABOLERE POSSE IPSAM JURATAM JUSTITIAM, quid tam sanctum tam justum erit, quod prævalente hominum malitia & abusu violare sibi licitum non reputent ejusmodi ministri? Rejicienda itaque est hæc opinio tamquam omnino falsa, ET ERRONEA; QUIA NULLUS USUS ABROGARE POTEST JUSTITIAM COMMUTANTEM, QUÆ JURIS NATURALIS EST. Quare in hypothesi, QUOD TAXA RE IPSA SIT JUSTA, ut Leander CUM SUIS SUPPONIT, usus contrarius numquam præscribere valet; & potissimum repugnante Principe, qui taxam justè definivit.



Pater Sanchez ne per somnium quidem cogitavit docere sententiam in hac declamatione descriptam; & illas res absurdissimas quæ in ea per figuram interrogationia conglobantur. Numquam docuit USUM CONTRARIUM POSSE ABROGARE EA, QUÆ SUNT JURIS NATURALIS. Numquam docuit, JUSTITIAM COMMUTANTEM ESSE OBNOXIAM CONSUETUDINI. Numquam supposuit TAXAM PERSEVERARE JUSTAM & SUFFICIENTEM. Numquam docuit, posse propter usum contrarium exigere aliquid plus, quam ferat

TA-

72  
**TAXA PERSEVERANS JUSTA & SUFFICIENS.**  
 Immo neque unquam locutus est de usu contrario abrogante legem positivam Principis. Quid ergo est quod docet?

Docet hoc tantum conditionatè: Quod Si taxa justa jurata decursu temporis ob aliquas supervenientes circumstantias FIAT JUDICIO VIRORUM DOCTORUM INIUSTA, ET INSUFFICIENS; & expresse profitetur, quod diligenter advertendum est, se non disputare, utrum & quomodo iste casus possit contingere; sed tamen SI CONTINGAT, docet, inquam, in tali casu juramentum non amplius obligare, quia tuit de servanda TAXA JUSTA, non vero INIUSTA, qualis supponitur judicio doctorum virorum effecta esse taxa prius præscripta. En ejus verba lib.3. in Decal. cap.14. n.14.

*Secreto deducitur quid dicendum sit de quibuscumque ministris publicis, jurantibus servare stipendium lege taxatum, vulgo el aranzel; quando probabiliter judicaretur A VIRIS DOCTIS, ESSE SUCCESSU TEMPORIS MINUS SUFFICIENS, ET INIUSTUM. QUOD QUANDO EVENIAT, NON EST PRÆSENTIS LOCI DISPUTARE; SED IN CASU, IN QUO ITA ESSET, TRACTAMUS. Dicendum enim est, id juramentum non obligare ad eam stipendii laboris taxam, QUÆ INIUSTA EST.*

Dignetur P. Concina me docere, ubinam Sanchez supponat TAXAM PERSEVERARE JUSTAM ET SUFFICIENTEM. Dignetur docere, ubinam Sanchez dicat, USUM CONTRARIUM POSSE ABOLERE JUSTITIAM JURATAM, JUSTITIAM COMMUTANTEM, LEGEM NATURÆ. Dignetur docere, ubinam Sanchez fundet suam assertionem in USU CONTRARIO etiam abrogante legem positivam Principis. Demum dignetur docere, ubinam P. Sanchez faltem nominet USUM CONTRARIUM. De his rebus ne verbum quidem apud Patrem Sanchez.

Quod

Quod attinet ad Palaum: docet ille quidem *Disput. 2. de Juramento, Puncto 7. §. 5. num. 5.*, juramentum illud non amplius obligare, si lex positiva Principis taxantis stipendium contrario usu abrogata sit; quia juras servare legem eo modo quo viget. Sed numquam supponit, taxam abrogata ea lege PERSEVERARE ITA JUSTAM JURE NATURÆ, ut violetur lex naturalis, siquid plus exigatur, quàm erat taxatum: & numquam ipsi venit in mentem hoc absurdum, nempe USUM CONTRARIUM posse abrogare EA, QUÆ SUNT JURIS NATURALIS. En ejus verba.

*Nilominus censeo, te illo juramento non adstringi, non quia ad illud servandum te obligare non poteras; sed quia censendus es, te non voluisti obligare. Cum enim aliquam legem servandam juras; juras eam servare EO MODO, QUO RECEPTA EST; & sub ea obligatione. Quia juramentum est lege accessorium, & illius obligatione vis obligationem legis firmare. Si igitur lex nullam inducit obligationem; quia est derogata, aut solum obligationem levem; juramentum de illius observatione eandem, vel nullam obligationem habebit.*

Ubi hic supponitur a Palao, taxam abrogata ea lege positiva Principis PERSEVERARE JUSTAM? Ubi hic docetur, USUM CONTRARIUM POSSE ABROGARE LEGEM NATURALEM? Certè hæc a Palao non dicuntur. Sed neque ex ejus sententia inferri possunt. Ratio est: Quia ille labor, pro quo taxatum fuit stipendium, sæpissimè non habet ex JURE NATURÆ pretium intrinsecum fixum, & determinatum; sed hoc multum pendet ab arbitrio Principis. Aliter quando hic Romæ aliquis Pontifex pro eodem prorsus labore & officio imminuit vel auget stipendium constitutum ab alio Pontifice, ut sæpe accidit; vel decessor vel successor peccaret contra justitiam commutantem, & contra legem naturæ. Posito autem, quod ille labor non habeat EX JURE NATURÆ pretium intrinsecum fixum & deter-

74  
minatum, atque, ut ita loquar, indivisibile; illa determinata iustitia jurata taxæ pendeat etiam a lege positiva Principis, qua proinde abrogata ab usu contrario, determinata illa iustitia non perseverat; & usus contrarius non abrogat ullam legem naturæ, sed solam legem Principis positivam.

Advertantur duo, ne cavillationibus detur locus. Primum: quando dico laborem sæpe non habere ex **JURE NATURÆ** pretium intrinsecum fixum determinatum, atque indivisibile; sed hoc multum pendere ab arbitrio Principis, vel etiam a legitima consuetudine; intelligo semper intra limites prudentiæ & æquitatis. Secundum: Non propono mihi defendere ullam sententiam: sed solum offendere, neque Sanchez, neque Palaum res illas absurdissimas docuisse, quæ conglobantur a P. Concina in sua declamatione.

At dicit P. Concina, se adduxisse Sanchez, & Palaum, ut citatos invenit in Leandro. **COLLIGAT NECESSITATEM LEGENDI AUCTORES IN FONTE.** Quæ necessitas multo gravius urget, præsertim rigidioris Ethices Professore; quando agitur de imponendis auctoribus sententiis invidiosis, quæ eorum famam graviter lædunt; & quando quis sibi proposuit eos auctores e legentium manibus exterminare: quod fuisse sibi propositum non semel fatetur P. Concina in hac sua Christiana Theologia.

Certè non ita se gerit cum suis Dominicanis. Ut plurima exempla nunc præteream, recolantur quæ dicta sunt capite superiori. Ut vidit citatos apud Cardenam Sylvestrum, & Armillam; properavit confestim ad legendos eos in fonte; & pronunciavit **FALSO** esse citatos. Quamquam ipse falsus sit; siquidem, ut vidimus illud ipsum docent, quod docet Cardenas.

## CAPUT XXXIV.

75

### *Restituitur sua integritati sententia Tamburini.*

**P. CONCINA** Tom.4. pag. 201. in Catalogo propositionum, quas offert ut damnandas.

*An cum indignis possint filii licite contrahere, Patre, vel Genitrice dissentiente? Fateor probabile esse, ac tutum, quod possint. Tamburinus lib.5. in Decalogum cap.2. §.3. num.5.*

Et inferius pag.212. refellit LAXISSIMAM, ut ipse ait, hujus Theologi opinionem: *quia* (sunt ejus verba) **EJUSMODI MATRIMONIA PLURA CONSEQUI SCANDALA SOLENT, JURGIA, RIXÆ, DISSIDIA, FAMILIARUMQUE GRAVISSIMA INCOMMODA.**



**SI** Tamburinus non habet aliud, nisi illud quod **P. Concina** recitat, ut damnabile; nulli querelæ locus est. Sed quid, si Tamburinus alia subdit, quæ illam sententiam temperant, limitant, plurimumque coercent? Quid, si Tamburinus docet ea matrimonia non licere, si timeantur secutura illa mala, propter quæ non licere propugnat ipse **P. Concina**? Jactabitne se **INTEGRE** referre sententias Jesuitarum?

Itaque Tamburinus postquam num. 5. ea dixit, quæ a **Patre Concina** tamquam damnanda recitantur, hæc subdit num.6.

*Hæc dicta sunt, quando ex ejusmodi matrimoniis*  
**NON TIMETUR FORE, UT SEQUANTUR GRA-**

K 2

VIA

VIA MALA, SIVE SCANDALA, SIVE ALIA INCOMMODA. Tunc enim, ut notat Sanchez loc. cit. num. 11. contra charitatem ex alio capite, quàm ex parentum involuntario, peccati labes posset emergere.

Eandem Tamburini opinionem avulsam a contextu, & a limitationibus appositis a Tamburino, proposuit Henricus a S. Ignatio in suo Catalogo num. 90. Sed oportet legere Jesuitas in fonte, & non tantum in Henrico a S. Ignatio, & similibus.

## C A P U T XXXV.

*Restituitur sua sinceritati sententia  
Sanchez.*

P. CONCINA Tom. 4. pag. 225.

Loquens de censura a Tridentino imposita cogentibus  
Filiis ingredi Religionem.

*Quare non placet opinio Leandri, qui disput. 6. quest. 21.  
NEGAT cum Bonacina, & SANCHEZ subiacere censuræ huic illos, qui GRAVI TIMORE perterrefactas  
filias cogunt profiteri statum monasticum.*

\*.\*.\*.\*.\*

**H**Æc est manifesta impostura contra P. Sanchez. P. Sanchez non modo NON NEGAT subiacere illi censuræ, qui GRAVI TIMORE, idest cadente in constantem virum, perterrefaciunt filias, ut profiteantur statum monasticum; sed expressè affirmat: Parum hoc: sed affirmat UT CERTUM: etiam parum: sed notat respectu filiarum posse esse gravem, & cadentem in constantem virum timorem illum, qui respectu personæ for-

uo.

tioris levis esset, Audi ipsum *lib.4. in Decalogum cap. 4. num.4.* ubi agit de illa censura imposita a Tridentino cogentibus foeminas.

*Tertium dubium est, an comprehendantur qui solo metu LEVI, AUT NON CADENTE IN VIRUM CONSTANTEM COGUNT. Et quidem CERTUM EST COMPREHENDI, quando is metus respectu personæ cui incutitur EST CADENS IN VIRUM CONSTANTEM; etsi respectu personæ fortioris esset LEVIS.*

At etiam hic deceptus est a Leandro. Falsum. Nam neque ipse Leander docet sententiam, quam illi affingit P. Concina, neque citat pro ea Sanchezium. Allucinatio P. Concinae in eo fuit, quod non distinxit **TIMOREM GRAVEM**, & timorem gravem **JUSTE' INCUSSUM**. Ipse locutus est de **TIMORE GRAVI in genere**. Et Leander locutus est de timore gravi **JUSTE' INCUSSO in specie**; & pro hoc citavit Sanchez, de quo statim. Sed prius audiamus Leandrum *Tract. 1. de obligatione parentum erga filios disp.6. quæst.21.* Ubi sic.

*An incurrant dictam censuram parentes, qui metu gravi JUSTE' ILLATO cogunt filias ad Religionem?*  
*Respondeo, quod non incurrant, quia tunc non intervenit INJURIOSA coactio parentum. Sic Bonacina loco citato num.4. Pellizarius num.30. & tandem Sanchez num.5.*

Porro de hoc metu gravi **JUSTE' INCUSSO** loquitur Sanchez. Et neque omnino affirmatè pronunciat, non subiacere dictæ censuræ parentes, qui hunc timorem incutiunt; sed cum duplici temperamento. Primò enim dicit, esse **PROBABILE**, ob talem timorem non incurrere dictam censuram, quemadmodum est **PROBABILE**, ob talem timorem non irritari professionem, & Matrimonium. Secundo requirit ad vitandam censuram, ut talis timor licet **JUSTUS**, non incutiat ad extorquendum illum finem; sed sit potius ostensio viæ, qua quis possit evadere periculum pœnæ justæ. Ut si Pater dicat **Filiæ**: Possum justè te accusare in judicio ob talem crimem,

men, ut subeas talem pœnam justam. Ostendo tamen tibi modum vitandi hanc justam pœnam: Si enim ingre-  
diaris Monasterium, non te accusabo. En verba San-  
chezii *cis. num. 5.*

*Comprehenderentur verò cogentes metu gravi JUSTE*  
**ILLATO**: *Ut si quispiam JUSTAM delicti gravis ac-*  
*cusationem minetur alicui nisi ingrediatur Religionem, re-*  
*tenta opinione probabili, quam cap. præced. num. 19. te-*  
*nent aliqui, nempe irritari professionem hoc metu extor-*  
*tam. Quod si teneamus contrariam, quam ibi num. 20. te-*  
*nuimus, videlicet non irritari; dicendum est subinde non*  
*incurri, juxta regulam Glossæ num. præced. traditam. In*  
*utraque tamen opinione dicendum est non incurri, quando*  
*metus non incutitur ad extorquendam professionem, sed tan-*  
*tum datur via evadendi ex periculo metum patienti, si*  
*profiteri eligat.*

Videtis, Lectores, quam diversam faciem præsefe-  
rant sententiæ, quando legantur in suis Auctoribus, ac  
quando leguntur in P. Concina? Detruncavit illas voces  
**JUSTE** **ILLATO**, atque ita deformavit sententiam Le-  
andri, & multo magis Sanchezii adeo limitatè loquentis,  
ut ostensum est. Posset P. Concina aliquanto longius pro-  
pulfare rancidulam cantionem.



## CAPUT XXXVI

*Vindicatur ab impostura P. Viva, & restituitur sua integritati opinio P. Amici.*

P. CONCINA Tom. 4. pag. 310., & 311. post recitatam propositionem 17. Alexandri VII. de occisione calumniatoris, ita pergit.

*Hanc propositionem docuit P. Franciscus Amicus disp. 36. de Justitia num. 118. P. Dominicus Viva in sua trutina ad hanc 17. propositionem contendit, P. Amicum, DISPUTATIONIS GRATIA propugnasse hanc sententiam.... AT QUONAM quæso PRINCIPIO id asserit P. Viva cum HOC NON INDICET P. Amicus, qui ABSOLUTE, NULLAQUE DECLARATIONE ADJECTA hanc SANGUINARIAM doctrinam in lucem publicis typis evulgavit? .... HINC COLLEGAT LECTOR, QUANTI FACIENDA SINT INTERPRETAMENTA P. VIVA. Probabilistarum nonnulli laxa commenta evulgant: opiniones ERRONEAS typis edunt, quæ Lectorum mentes, & animas inquinant. Cum autem ad Evangelicæ doctrinæ tribunal revocantur, tum CLAMANT, AUT NON ESSE SINCERE EXCERPTAS, AUT ALIO INSENSU, AUT DISPUTATIONIS GRATIA PROPOSITAS FUISSE.*



**E**Rgo, si credimus Patri Concinae sincerissimè Jesuitarum sententias referenti, P. Amicus non proposuit eam opinionem DISPUTATIONIS GRATIA : P. Viva Nullo PRINCIPIO id asseruit : Pater Amicus id NON IN-

INCIDAT : P. Amicus NULLA DECLARATIONE ADJECTA sanguinariam doctrinam in lucem edidit. Audiatur P. Amicus, qui postquam proposuit momenta rationum pro damnata postea illa opinione, dictum numerum 118. ita concludit.

*Verum quia hæc apud alios scripta non legi, NOLO ITA SINT DICTA, UT COMMUNI SENTENTIÆ ADVERSENTUR : SED SOLUM DISPUTANDI GRATIA, maturo judicio relicto apud prudentem Lectorem.*

Hactenus conceptissimis verbis P. Amicus. Habuit ne P. Viva ALIQUOD PRINCIPIUM ID ASSERENDI? INDICAT NE HOC P. Amicus? Evulgavit ne typis SANGUINARIAM doctrinam NULLA DECLARATIONE ADJECTA? Tam intrepidæ imposturæ fieri ne possunt evidentiores? HINC COLLIGAT LECTOR, QUANTI FACIENDÆ SINT ASSERTIONES PATRIS CONCINÆ.

Utrum verò JURE clamemus, præfatam opinionem DISPUTATIONIS GRATIA fuisse propositam: utrum jure clamemus, sententias Jesuitarum sæpissimè non esse SINCERE EXCERPTAS, INTEGRÆ relatas, atque IN SUO VERO NATIVOQUE ADSPECTU COLLOCATAS ex dictis, & dicendis Lectores judicabunt.

Sed ut Zelo Patris Concinæ in præsentia præter modum succenso latior campus aperiatur ad insectandas sanguinarias doctrinas: placet ipsius oculis subijcere, quo hoc in genere progressi fuerint quidam alii Theologi non DISPUTATIONIS GRATIA, ut Amicus; sed ABSOLUTE, NULLAQUE ADJECTA DECLARATIONE.

Cajetanus Dominicanus docuit, posse de consensu Principis acceptari duellum oblatum a calumniatore, qui obtinebit a Judice occisionem, vel mutilationem innocentis; quando non detur alia ratio evadendi illa mala a calumniatore mediante Judice inferenda. En ejus verba 2. 2. quæst. 95. a. 8. *Is*

In uno tamen casu licitum mihi videtur acceptare duellum, quando scilicet accusator evidenter calumniatur, & praevalet contra me innocentem ad mortem, vel mutilationem. Tunc enim ex quo accusator impetit me iudicis gladio iniustissime, sine dubio occidet, vel mutilabit me; ego non habens aliud refugium, habeo justum bellum defensivum contra eum. Et propterea si ipse offert mihi duellum, ego possum acceptare de consensu Principis, & tueri me meliori modo, quo possum.

Dominicus Bannez Dominicanus docuit Primo, posse occidi aggressorem, qui paravit insidias, tametsi non sit, ut dicimus, *incontinenti*; tametsi tunc non aggradiatur *PHYSICE*, sed solum *MORALITER*, quatenus jam posuit actionem connexam cum meo damno; tametsi tunc QUIESCAT: si non potest alia ratione vitari damnum illud. En ejus verba 2. 2. *quest. 64. art. 7. concl. 2.*

Postquam jam aggressor fecit aliquam actionem parando mihi insidias, quas ego aliter effugere non possum, nisi occidendo illum; tunc licitum est mihi *MEDIO TEMPORE* antequam insit meum damnum occidere insidiantem, *ETIAMSI PRO TUNC QUIETUS SIT*. Ratio est, quia tunc proprie loquendo est defensio *vita mea*: nam, profecto *MORALITER* loquendo ille est *ACTUALIS* aggressor. V.G. In casu posito potest mulier adultera occidere maritum, de quo certa est, quod jam habet vel venenum paratum, vel gladium, aut quid simile: tunc enim vim repellit *MORALITER* loquendo; quamvis *PHYSICE* pro tunc maritus nihil agat.

Dominicus Soto Dominicanus loquens non quidem universaliter, ut Bannez, sed de casu uxoris, & item non adulteræ, sed innocentis, cautissime sine dubio disputat. Admittit nihilominus, damnandam non esse talem uxorem, quod maritum praeveniat, si hæc praeventio sit defensio, non aggressio. En ejus verba *lib. 5. de Justitia quest. prim. art. 8.*

*Fac innoxiam mulierem eodem lecto cum marito jacentem*

*tem evidenter scire, eum sub cervicali abdidisse gladium, quo ipsam dormientem jugulet; neque patere miseræ suffugium aliud: numquid non ipsa posset eundem gladium sursum arripere, & fabulam antevertere? Profecto res est dubia. Ad quam aliud responderi non potest, quam quod dum actus ille aggressio est, nullatenus est licitus, SI TAMEN EST DEFENSIO, NON EST CUR CONDEMNATUR.*

Sed omisso Soto, qui, ut dicebam, cautissime loquitur, redeamus ad sanguinarias doctrinas Magitri Bannez. Igitur

Idem Bannez docet Secundo, posse occidi calumniatorem, qui vadit ad Judicem, & admonitus non vult retrocedere, si aliter non possint defendi vita, vel RES. En verba ibidem.

*Similiter dico de secundo casu: quod si ille qui vadit ad Judicem fuerit admonitus, & noluerit retrocedere; poterit is, qui injuriam patitur, occidere illum defendendo se, VEL SUA, si aliter non potest.*

Idem docet tertio, similiter esse discurrendum de illo, qui INJUSTE vadit ad Judicem, ut accuset de crimine vero, sed occulto, ex qua accusatione certum imminet periculum vitæ, vel INFAMIÆ. En verba ibidem in responsione ad primum argumentum.

*Sed rogar quis, quid agam ego, si quis vadat ad me accusandum de crimine VERO, sed occulto, ex cujus accusatione mihi certum periculum creatur mortis, VEL INFAMIÆ? Respondetur, quod si ille non habet jus ad me accusandum, neque procedit secundum justitiam legalem, ita me possum defendere ab illo, sicut ab imponente falsum crimen.*

Idem docet quarto, seu potius magis expresse confirmat, non requiri, ut occisio sit *incontinenti*; seu non requiri, ut aggressio sit actualis *PHYSICE*; sed sufficere ad licitam occisionem, si sit actualis *MORALITER*. Etenim postquam in tertio argumento sibi ita objecisset

= Pro-

= Propriè vis non dicitur, nisi quando aliquis ACTUALITER aggreditur aliquo facto per se nocivo. Sed ille accusator nondum sic aggreditur. Ergo tunc non verificatur, quod vim vi innocens repellit = respondit objectioni his verbis.

Ad tertium argumentum respondetur, quod MORALITER loquendo ille jam coepit facere vim, QUANDO APPONIT CAUSAM CERTAM PERICULI FUTURI: sicut, qui parat laqueum pedibus meis in loco per quem mihi necesse est transire; neque enim debeo expellere ad repellendam vim, quando jam nullum erit remedium. Sed tunc verè me defendam, QUANDO JAM POSITA EST ALIQUA ACTIO, PER QUAM PER BONAM CONSEQUENTIAM SEQUITUR MEUM PERICULUM; alioquin postea nullus est locus defensionis resistus.

Magister Serra Dominicanus 2. 2. quæst. 64. a. 7. admittit totam doctrinam Magistri Bannez, hoc uno excepto, quod putet nullum, vel metaphysicum esse casum, quo necessaria sit aggressoris occisio pro defensione honoris, quia = *Vix est, inquit, quod honor non possit aliter defendi, quàm per mortem occisoris* = In cæteris cum Bannezio convenit; ejusque verba non refero, quia sermone syllabarum Bannezium excribit.

Si doctrinas Cajerani, Bannezii, & Serræ in aliquo Jesuitarum libro P. Concina reperisset, quàm acres declamationes non audiremus? Ut statim in catalogum propositionum damnandarum illas conijceret? Ut statim ad evangelicæ doctrinæ tribunal eas revocaret? Ut statim profertret hanc propositionem 18. damnatam ab Alex. VII. = *Licet interficere falsum accusatorem, falsos Testes, ac etiam Judicem, a quo iniqua certo imminet sententia, si alia via non potest innocens damnum evitare* =? Et tamen illi Dominicani ne levissimè quidem sollicitantur. Magnum argumentum VACUITATIS a studio partium.

Hæc verò a me commemorata sunt, non ut quidquam iis Theologis sanè doctissimis detrahā, Sed ut vi-

deat I. P. Concina, sapientissimos etiam Auctores in aliquibus non leviter labi; nec tamen ideo ex omnium manibus exterminandos esse. Ut videat II., quod ipse hoc in loco pag. 312. num. 5. interrogat, **UNDENAM TAM SANGUINARIA, TAM IMMANIS, TAM EFFERATA ERUPERIT THEOLOGIA:** è sua nimirum schola, & e fontibus Patre Amico antiquioribus. Ut videat III. quod apertius videre poterit in decursu; nos quoque, posse, si liberet, catalogos laxarum propositionum per-textere; Indices conficere; altum declamare; præsertim cum nobis etiam Verrinæ, Catiliniæ, Philippiæ non omnino ignotæ sint.

## C A P U T XXXVII.

*Vindicatur ab impostura idem P. Viva.*

P. CONCINA Tom. 4. pag. 311. post sua verba capite Superiori relata nullis interjectis ita pergit.

*Verum misso P. Amico; dico, ipsum P. Dominicum Viva in commentariis præfatæ propositionis damnatæ quidpiam docere, quod, ut ego quidem arbitror, AUT PEJUS EST, AUT SALTEM ÆQUE NOXIMUM, ac propositio damnata. Quippe thesis proscripta, ob enormia crimina, & magnam infamiam irreparabilem, calumniatorem occidendum asserit. AT P. VIVA ULTRA PERGIT: & magnitudine criminum ac infamiae prætermissa, statuit, IN ALIQUO CASU aliquam dehonorationem sustinendam esse. „ Ideo toleranda potius IN ALIQUO CASU ab innocente aliqua dehonoratione, quam permittenda defensio isthæc occisiva „ loc. cit. n. 4. ERGO EXCEPTO ALIQUO CASU absolutè non est toleranda ab innocente aliqua dehonoratione. ERGO gravis dehonoratione seu infamia absolutè IN NULO CA-*

CASU ferenda erit. *Quæ sanè ILLATIONES sunt in  
relata propositione evidenter proscriptæ.*

§:(o):(o):(o):(o):§

**C**LAMAMUS, opinionem P. Vivæ non esse SINCERE EXCERPTAM. Clamamus, DIVERSISSIMO IN SENSU a P. Viva fuisse propositam. Clamamus, ILLATIONES P. Concinae a doctrina Patris Vivæ non DIALECTICE, sed CALUMNIOSE deductas esse. Ut hæc omnia evidenter pateant, afferendus est prius integer textus P. Vivæ in commentario præfatæ propositionis 17. n.4. qui sic habet.

*Ratio a priori, cur NEMINI ID LICEAT, (occidere calumniatorem) fundatur in illa Maxima, & Regula generali, quod scilicet, ut possit invasor licitè interfici, DUO REQUIRUNTUR: & quod EVIDENTER DAMNUM GRAVE INFERAT & QUOD EVIDENTER NON POSSIT MORALITER ALIA VIA DAMNUM ILLUD IMPEDIRI. Aliter, ut notant communiter Doctores, innumeris cædibus aperiretur ostium cum magna reipublicæ perturbatione. Sed in casu nostro NEQUE EST EVIDENS, quod damnum grave sequatur ex eo quod aliquis nitatur calumniam inferre; cum sæpe calumnia apud cordatos viros ut calumnia habeatur, atque adeo solum calumniatorem debonestat. NEC EST EVIDENS, quod non possit aliter gravis infamia declinari; nempe per Judicem, adhibendo testes, &c. ET QUAMVIS ALIQUANDO (attendant, quæso, lector, nam hic est ille ALIQUIS CASUS, quem calumniosè interpretatur P. Concina) POSSIT ALICUI UTRUMQUE EVIDENS APPARERE, & quod grave damnum ex parante calumniam imminet, & quod non suppetat alius modus illud declinandi, quàm per necem invasoris; NON PROINDE LICITA ESSE POTEST CALUMNIATORIS OCCISIO, QUIA FACILE HOMINES EX PASSIONE*

HAL-

HALLUCINANTUR; UNDE DEBUIIT ABSOLUTE A NATURA TALE MEDIUM AD VITANDAM CALUMNIAM PROHIBERI: eo quod majus esset damnum in republica ex frequentibus cadibus, quæ haberentur, quam bonum quod inde sequeretur. Et quia bonum, publicum prævalere debet privato (nunc incipiunt verba; quæ sola recisa & avulsa a reliquo contextu recitavit P. Concina) ideo toleranda potius IN ALIQUO CASU ab innocente aliqua dehonoriatio, quam permittenda defensio isthæc occisiva.

Supposito integro textu; non dico probabile, sed evidens est, ea verba IN ALIQUO CASU, non habere sensum attributum a P. Concina; scilicet, EXCEPTO ALIQUO CASU, IN CETERIS OCCIDI POSSE CALUMNIATOREM: sed hunc alium, TAMETSI ALIQUANDO UTRUMQUE ILLUD POSSIT INNOCENTI APPARERE EVIDENS; NIHILOMINUS ETIAM IN TALI CASU, QUI POTEST ALIQUANDO CONTINGERE, FERENDA EST POTIUS AB INNOCENTE ALIQUA DEHONORATIO, QUAM PERMITTENDA A NATURA DEFENSIO ISTHÆC OCCISIVA: quæ proinde, ut ait P. Viva, debuit a natura ABSOLUTE, idest in omni casu tum in eo, quo detur duplex illa evidentia, tum in iis, quibus non detur duplex illa evidentia prohiberi.

Paucis. Ex integro contextu evidens est, P. Vivam in NULLO prorsus casu concedere licitam occisionem calumniatoris. Demonstrò hoc ratiocinio fortasse feliciori illationibus Concinianis.

Vel UTRUMQUE ILLUD, nempe & quod sit grave, damnum illatum a calumniatore; & quod non possit moraliter alia via aliud damnum impediri: Vel inquam, UTRUMQUE ILLUD apparet EVIDENTER innocenti; Vel non apparet EVIDENTER. Nullus est casus intermedius; versamur siquidem inter duas propositiones sibi mutuo contradicentes. IN CASU, quo UTRUM-



**TRUMQUE ILLUD** appareat **EVIDENTER**, non est licita per P. Vivam occisio calumniatoris, quia homines ex passione hallucinantur; & debuit etiam **IN TALI CASU** defensio occisiva a natura prohiberi. **IN CASU**, quo **UTRUMQUE ILLUD** non appareat **EVIDENTER**, quo fortiori multo minus licita est talis occisio. Ergo per P. **VIVAM IN NULO** prorsus casu occisio calumniatoris licita est.

Sed quid opus est argumentis, cum habeamus ipsum P. Vivam apertissimum & clarissimum suimet interpretem? Audi hæc ejus verba in Propositionem 2. Alexandri VII. num. 9.

*Dubitat tamen hic primo, an liceat saltem Viro equestri duellum acceptare a provocante, quem scit suum esse calumniatorem, quin possit alia via gravem ignominiam a calumnia proveniente repellere, quam illum occidendo? Respondeo nullatenus posse (Cajetanus docuit posse de consensu principis) sicut NON LICET hunc calumniatorem occidere, ut constat ex propositione 30. Innoc. XI. ... quod pavidè confirmant propositiones 17., & 18. ab eodem Alexandro VII. confixæ..... Et ratio videtur esse..... quia facile homines sibi persuadent, se per calumniam offendi, nec aliam viam evadendi suppetere præter mortem calumniatoris. Et quamvis IN ALIQUO CASU certissimè constaret tum de calumnia; tum de carentia alterius medi ad ignominiam vitandam præter mortem calumniatoris; NEQUE POTERIT EO CASU aut occidi calumniator, aut acceptari duellum..... posito quod de se, & fere semper animus in hac re obnoxius est hallucinationi.*

Audistis **QUEM CASUM** significant illa verba **Vivæ IN ALIQUO CASU** toleranda est potius dehonoratio? Significant **CASUM**, quo **UTRUMQUE ILLUD** certissimè confitetur; appareat evidenter. **IN QUO NIHILOMINUS NON EST LICITA OCCISIO CALUMNIATORIS**. Ex quo quælibet dialectica rectè inferet. **ER-**

GO

GO MULTO MINUS licita erit in aliis, in quibus U-  
TRUMQUE ILLUD non est evidens.

Audi etiam hæc alia ejus verba in Propositionem 27.  
ejusdem Alex. VII. num 9.

*Sicut in casu adducto impossibile moraliter est, quod  
nequeat alia via vitari ignominia orta a calumnia, quam  
per decisionem calumniatoris: Et idcirco ne aperiatur ostium  
homicidiis, & vindictis, NUMQUAM LICET has opi-  
niones in praxim deducere; etiamsi aliquando quis credat  
EVIDENS esse quod alia via non suppetit, ut loco laudato  
(nempe loco, quem versamus, & quem P. Concina ca-  
lumniosa interpretatione deformavit) ostendimus.*

Audistin quid P. Viva profiteatur se ostendisse in  
hoc loco? NUMQUAM LICERE. Sed potest P. Viva  
repetere quantum velit, & clamare usque ad sydera  
NUMQUAM LICET. Dialectica Patris Concinæ sem-  
per infert, Patrem Vivam docuisse aliquid pejus propo-  
sitione damnata, vel æque noxium: Docuisse scilicet, EX-  
CEPTO ALIQUO CASU, in ceteris omnibus licitam esse  
occisionem calumniatoris.

## C A P U T XXXVIII.

*Restituitur sua integritati sententia  
P. Sanchez.*

P. CONCINA Tom. 4. pag. 355. in catalogo propositionum,  
quas recenset ut damnabiles.

*Si Rusticus a Viro existimato docto ac pio audisset, forni-  
cationem & furtum externa esse peccata: At licere for-  
nicandi aut furandi desiderium; quibusdam neotericis do-  
ctis videtur hanc ignorantiam minime excusare; quod  
hic*

*hic liberè velit obiectum externum, quod esse peccatum novit..... Quamvis hoc probabile sit; probabilius tamen credo illum actum internum excusari omnino a malitia. Sanchez lib.1. in Decal. cap.16. n.16. & 17.*



**C**Lamamus sententiam Patris Sanchez non esse INTEGRE propositam; & detruncata illa esse, quæ non modo eam temperant, sed ejus sensum immutant. Nam in propositione, ut refertur a Patre Concina, nulla fit mentio IGNORANTIÆ INVINCIBILIS. Et P. Sanchez expressè loquitur de rustico, qui sciat quidem fornicationem externam, & furtum externum esse peccata; tamen INVINCIBILITER IGNORET, esse peccatum desiderium internum. Et de hoc loquens dicit probabilius esse, hunc non peccare in desiderio interno RATIONE ILLIUS IGNORANTIÆ INVINCIBILIS. Porro, est ne idem sensus, est ne sententia adeo invidiosa, affirmare hoc de rustico IGNORANTE INVINCIBILITER, ac esset affirmare de rustico sine ulla mentione IGNORANTIÆ INVINCIBILIS? En igitur totus textus Sanchezii loco citato.

Demum circa IGNORANTIAM INVINCIBILEM triplex difficultas restat. Prima est, an INVINCIBILITER IGNORANS, actum internum esse peccatum, cognoscens tamen actum externum esse peccatum, excusetur a culpa actum solum internum admittens. Ut si Rusticus a Viro existimato docto ac pio audisset fornicationem & furtum externa esse peccata; At licere fornicandi aut furandi desiderium, quibusdam neotericis doctis videtur, hanc ignorantiam minime excusare, quod hic liberè velit obiectum externum quod esse peccatum novit.... Quamvis hoc probabile sit; probabilius tamen credo, illum actum internum excusari omnino a malitia RATIONE ILLIUS IGNORANTIÆ INVINCIBILIS.

M

Non

90  
Non defendo, more meo, sententiam Sanchezii, etiam ut ab ipso scripta est. Sed quæro a P. Concina, cur detruncavit hæc ultima verba, sine quibus non rectè percipitur Sanchezii mens, & sententia apparet multo durior? Ipse Henricus a S. Ignatio proponens ut damnandam eandem Sanchezii doctrinam in suo celebri catalogo num. 127., & Theologia moralis Jesuitarum eandem referens pagina 100. non suppresserunt, ut P. Concina, illa ultima verba **RATIONE ILLIUS IGNORANTIÆ INVINCIBILIS.**

## C A P U T XXXIX.

*Restituitur sue integritati sententiæ  
P. Vasquez.*

P. CONCINA Tom. 4. pag. 334. in eodem catalogo.

*Dicendum est, peccata luxuriæ contra naturam, etiamsi magis turpia appareant, & majori nota infamiae digna, EX GENERE tamen SUO minora esse, quam peccatum furti. P. Vasquez in 1. 2. D. Thomæ Tomo 1. quæst. 73. a. 4. in notation. num. 30.*



**S**I P. Concina referret integrè propositionem P. Vasquez, nec detruncaret rationem, quam Vasquez nullis interiectis adiungit, multo minorem invidiam apud lectores DOCTOS Vasquez subiret. Hæc igitur est ratio statim adiuncta, & a P. Concina resecta.

*Quia furtum JUSTITIÆ; illa autem peccata CASTITATI opponuntur.*

Hæc

Hæc autem ratio manifestat, sententiam P. Vasquez ex principiis S. Thomæ deductam esse, ut re ipsa illam deducit Vasquez in illo articulo. Deducitur verò hoc pacto :

*Majori virtuti opponitur majus peccatum.* Hæc propositio major traditur a D. Thomæ citato artic. 4. in corpore, ubi sic: *Dicendum, quod virtuti opponitur aliquod peccatum, uno quidem modo principaliter & directe, quod scilicet est circa idem obiectum; nam contraria circa idem sunt; & hoc modo oportet, QUOD MAJORI VIRTUTI OPPONATUR MAJUS PECCATUM.*

Atqui *JUSTITIA*, cui opponitur furtum; est virtus major *CASTITATE*, cui opponuntur illa peccata: Hæc minor traditur a S. Thomæ 1. 2. quæst. 66. artic. 4. ubi in Corpore probat hoc ipsum, & post allatas rationes sic concludit: *Unde JUSTITIA EST PRÆCLARISSIMA VIRTUTUM, ut dicitur in quinto Ethicorum.*

Ergo furtum est majus his peccatis; sive illa sunt minora furto. Hæc consequentia legitime descendit:

Videtis, opinor, lectores, quantum noceat P. Vasquez suppressam esse illam rationem, quam ipse statim adiunxit.

Prædictam Doctrinam P. Vasquez detruncata item ratione proposuit Henricus a S. Ignatio in suo Catalogo num. 29.

## CAPUT XL.

*Vindicatur a calumnia quater repetita  
P. Gobat.*

P. CONCINA Tom.4. pag.355. in eodem catalogo propositionum damnabilium.

*Liquido scio crebro fieri, præsertim inter plebejos & rusticos, ut in eodem lecto puella cum præco cubens aliquot horas induti & exuti; & tamen nihil omnino impudicum agant; vel NON NISI OSCULA, & TURPES ATTRECTIONES EXERCEANT: (advertant diligenter lectores ad illa duo puncta, quibus solis P. Concina distinguit orationem superiorem ab iis, quæ sequuntur) unde judico non posse a Confessario negari absolutionem omnibus illis puellis plebejis, quæ non videntur habere propositum numquam amplius admittendi præcum in lectum suum. Idem (Gobat) volum.2. cui titulus Quinarius tractatum tract.5. cap.32. sect.2. n.19. & 20. pag.552. & 553. edit. Constantiensis anno 1670.*



**Q**Uater hanc calumniam impegit P. Concina Gobato. Semel hic. Iterum hoc 4. Tomo pag.438. Tertium Tomo 9. pag.9. ubi iterum illam offert ut damnabilem in alio catalogo. Postremo eodem Tom.9. pag.462.

Dixi calumniam. Nam P. Concina detruncando verba Gobati, quæ maximi momenti sunt; confundendo quæstiones, quas Gobatus distinguit; & coniungendo in unam periodum partes orationis, quas Gobatus separat in diversos paragraphos; mirum quantum deformaverit sen-

sententiam Gobati, & quàm adulterinis coloribus depi-  
ctam lectorum oculis proposuerit. Ostendo.

P. Gobat citato tractatu quinto, quem inscribit *Ju-  
ridico-moralem*, initio sectionis secundæ proponit hanc  
quæstionem.

*Quæres forte an actiones, quas diximus sufficere AD  
VIOLENTAM PRÆSUMPTIONEM ADULTERII,  
sufficiant etiam AD VIOLENTAM PRÆSUMPTIO-  
NEM FORNICATIONIS; si videlicet versentur circa  
personas omnino solutas?*

Huic quæstioni merè juridicæ, & pertinenti ad fo-  
rum externum ita respondet.

*Respondeo, absolutè non sufficere omnes & singulas,  
eo quòd constat, valde sæpe inter solutas exerceri ejusmodi  
actiones nonnullas ea solum intentione, ut aliquam dispo-  
sitionem ad sponsalia faciant; & (hic incipit propositio  
oblata damnationi) liquido scio, crebro fieri, præsertim  
inter plebejos & rusticanos, ut eodem in lecto aliquot horas  
induti, & exuti cubent, & tamen nil omnino impudicum  
agant, vel NON NISI OSCULA, & TURPES AT-  
TRECTATIONES EXERCEANT.*

Soluta hoc pacto quæstione juridica de requisitis &  
sufficientibus AD VIOLENTAM PRÆSUMPTIONEM  
FORNICATIONIS in foro externo: non interjectis duo-  
bus tantùm punctis, ut fecit P. Concina; sed exordiens  
a capite alium numerum seu paragraphum, & instituens  
quæstionem moralem ita pergit.

*Unde judico, non posse a Confessario negari absolutio-  
nem OMNIBUS illis puellis plebejis; aliud ob varias con-  
siderationes sentio de nobilibus, quæ non videntur habere  
propositum numquam amplius admittendi in lectum procum  
suum; (hic desinit propositio Conciniæ, & omnia, quæ  
sequuntur, & complent sensum illorum, quæ immediatè  
dicta sunt in hoc paragrapho, P. Concina detruncavit)  
sed si qua, ut quandoque fit, asserat, illum SEXIES VEL  
OCTIES serum in eodem lecto jaruisse (hic Gobat non-  
di-*

dicat **INDUTUM, VEL EXUTUM**, ut dixit in quæstione juridica) **VERUM NIHIL MALI PETISSE, AUT FECISSE**, absolvendam videri, esto non proponat, non amplius illum admittere. Ratio est; quia confessarius non debet absolutionem negare poenitenti ea solam de causa, quod hic nolit deferere occasiones remotas peccandi; nec enim tenetur eas vitare poenitens.

His positis, P. Concina, ut videtis, malè consuit in unicam propositionem duas partes, quarum una pertinet ad quæstionem juridicam, altera ad moralem; una ad numerum seu paragraphum superiorem, altera ad numerum seu paragraphum consequentem. Detruncavit verba superiora, ex quibus dignoscitur, primam partem propositionis ab ipso relatæ pertinere ad quæstionem juridicam de PRÆSUMPTIONE. Et, quodd pejus est, detruncavit posteriora, quæ apertissimè ostendunt, Patrem Gobat non concedere absolutionem puellis, quæ **OSCU LA & TURPES ATTRECTIONES EXERCUERUNT**; sed iis, quæ cum in eodem lecto, non iudicæ & **EXUTÆ**, cubaverint cum proco aliquot horas **SEXIES VEL OCTIES, NIHIL MALI** fecerunt, aut rogatæ sunt.

Paucis. Propositio Conciniana persuadet lectoribus, Patrem Gobat concedere absolutionem puellis, quæ iudicæ & **EXUTÆ, OSCULA & TURPES ATTRECTIONES CUM PROCO EXERCUERUNT**. Pater Gobat concedit iis tantum, quæ cum **SEXIES VEL OCTIES** [non exutæ] cum proco cubaverint in eodem lecto per aliquot horas, **NEQUE OSCULA, NEQUE TURPES ATTRECTIONES, NEQUE QUIDQUAM MALI EXERCUERUNT IPSÆ, NEQUE A PROCO PASSÆ AUT ROGATÆ SUNT**. Quia, ut ipse ait, in istis circumstantiis, occasio peccandi est tantum remota.

Ut ut se habeant Germanorum mores; opinionem Gobati, etiam ut ab ipso proponitur, ego non defendo. Hoc tantum dico, quod ad meum institutum attinet, cam :



eam opinionem fuisse a Patre Concina enormiter deformatam. Et nihilominus præter alias ejus querelas, quas attulimus, hanc iterat Tomo 9. Monito 1. pag.xxiv.

*Alit, inquit, subinclamant, opiniones esse aut truncatas, aut alio sub aspectu propositas, vel artis rhetoricæ phaleris transformatas.*

Aliquam tamen excusationem prætere hie posset P. Concina. Nam Henricus etiam a S. Ignatio eandem Gobati opinionem eodem prorsus modo transformatam. proposuit in suo catalogo num.36. sed non satis esse videtur legere Jesuitas in Henrico a S. Ignatio, auctore proscripto, & Janfeniana lue inquinato. Verùm **COLLIGENDA ESSET NECESSITAS LEGENDI EOS IN FONTE.**

Præsertim cum **QUATER**; ut dictum est, impostura hæc repetatur: Cum P. Concina hoc Tomo pag. 438. gemebundus ita interroget; **CONFUTATIONE ISTA EGENT, AN SUNT LACRYMIS ABOLENDA?** Et demum cum Tomo 9. pag.162. ita scribat. **NULLA OPUS EST EJUSMODI DOCTRINÆ CONFUTATIONE; SUO ENIM NATURALI HORRORE LECTORES COMMOMET.**

## CAPUT XLI.

*Vindicatur ab impostura Pater Sanchez.*

P. CONCINA Tomo 4. pag. 408.

*Culpa ne gravis est aspectus membrorum turpium sive mulieris sive Viri? Resp. SANCHEZ lib.9. de matrimonio disput.46. num.21..... Et alii NEGANT, tales aspectus ob captandam delectationem sensitivam NOXIOS GRAVITER ESSE..... Dico, adspicere deliberatè verenda mulieris esse peccatum mortale, quia hæc cum sint valde turpia natura sua GRAVITER AD VENEREM PROVOCANT. Idem de muliere verenda viri spectante deliberato animo dicendum est.*

.§\*\*\*§\*\*\*§.

**P.** SANCHEZ NEGAT præfatos aspectus esse GRAVITER NOXIOS? En quomodo neget citata disput.46.n.22.

*Absque urgenti necessitate virum conspicere verenda foemina, aut e contra, MORTALE EST; quamvis non ex libidine fiat, sed ex indiscreta mortificatione, aut curiositate..... Quia valde honestati naturali adversatur..... Deinde (en ratio Patris Concina) quia aspectus talis est argentissimus luxuriae stimulus, & gravissimo illius periculo expositus.*

Deinde ita pergit etiam rigidius, quàm P. Concina.

*Atque idem credo de partibus valde vicinis membris pudendis ob eandem rationis.*

Novum enimvero negandi genus.

CA-

## C A P U T XLII.

97.

*Vindicantur ab impostura Escobar,  
& Lessius.*

P. CONCINA Tom.4 pag.444.

*Daturne materia parvitas in genere luxuriæ? Respondeo  
ADFIRMAT.... ESCOBAR Theolog. moral. tract.1.  
examine 8. cap.3. LESSIUS lib.4. de Just. cap.3. dub.8.  
num.49.*



**A**DFIRMAT ESCOBAR, & LESSIUS? En quomodo  
affirmet Escobar loco citato.

*Datur ne in rebus venereis parvitas materiæ? MINI-  
ME. Cum enim nulla sit tam exigua fornicatio, quin sit  
peccatum mortale; & delectatio sequatur naturam actus,  
omnis delectatio morosa in hac materia ERIT PECCA-  
TUM MORTALE.*

En quomodo affirmet Lessius lib. cap. & dub. citatis,  
sed num.59. non 49.

*Hæc sententia (de parvitate materiæ in genere luxu-  
riæ) videri possit ALICUI (non dicit sibi) probabilis, &  
speculativè vera. Unde in eam valde inclinat Navarrus,  
eamque tenet Martinus de Magistris, & aliqui recentio-  
res.... Verùm COMMUNIOR sententia est in istis esse  
PECCATUM MORTIFERUM; quæ ET MIHI PRO-  
BATUR; tum quia communior; tum quia tutius est, ut  
omnia ista quam maxime vitentur.*

Capite superiori vidimus novum negandi genus. Vi-  
demus hoc capite novum genus affirmandi.

N

CA-

## C A P U T XLIII

### *Vindicatur ab injusta criminatione Busembaum, & La-Croix.*

P. CONCINA Tom. 4. pag. 456.

**P. Claudius La-Croix lib. 3. p. 1. num. 916. EX BUSEMBAU, & Taberna Dicit** ; puellam non peccare, si ob evidens periculum mortis, vel ingentis infamiae non adhibeat omnia omnino media ad depellendum stupratorem; V. G. si hunc, cum possit, non occidat, si non inclamet viciniam; sed merè patiatur coitum, TAMEN SECLUSO OMNI PERICULO CONSENSUS; & licet hanc propositionem editis libris teneant Auctores plusquam 50. .... tamen non expedit eam PUBLICÈ proponere, aut defendere, quia apta est causare abusus, praesertim apud rudes.

Et paulo post subdit.

**CORNELIUS a Lapide** linguarum peritia, eruditione, atque doctrina inter divinae Scripturae interpretes valde conspicuus recensita opinioni auctoritatem conciliavit.

Et paulo infra.

**Dico ergo, laudatam sententiam CORNELII a Lapide aliorumque recentiorum falsam, improbabilem, & LAXAM esse; atque CUM SACRA SCRIPTURA MANIFESTE PUGNANTEM.**

Et hoc Tom. 3. pag. 355. illam opinionem in suo Catalogo propositionum damnabilium recensuerat; appposito solo nomine CORNELII a Lapide.

Hic

**H**ic habemus injustam criminationem adversus Busembau, & La-Croix; & invidiam injustissimè conflatam CORNELIO a Lapide.

Busembau præfatam opinionem non propugnat; illam non tractat; illam non attingit; ne minimam quidem de illa mentionem facit: vel P. Concina doceat UBI?

La Croix nusquam pro illa opinione citat Busembau; vel item P. Concina indicet locum. Certe hoc in loco, quem habemus præ manibus, nihil est hujusmodi. En omnia verba Patris La-Croix.

*Taberna p.1. t.1. c.3. §.1. dicit, puellam non peccare, si ob evidens periculum mortis, vel ingentis infamiae non adhibeat omnia media ad depellendum supratorem: Cum reliquis recitatis a P. Concina.*

Ubi hic P. La-Croix nominat Busembau? Ubi illud DICIT EX BUSEMBAU? Perfectiora perspicilla comparet sibi P. CONCINA, quando ipsi Auctores Societatis legendi sunt.

Injustissimè deinde tota ejus opinionis invidia exoneratur nominatim in solum Cornelium a Lapide. Mitto, nullum patronum ejus sententiæ, ex iis quidem quos ego legerim; legi autem multos, sed non omnes; adducere auctoritatem CORNELII a Lapide. Mitto hoc.

Ante Cornelium docuerat hanc sententiam (quidquid in oppositum dicat P. Concina, de quo postea) Dominicus Soto doctissimus Dominicanus lib.5. de Just. qu. 1. art.5. his verbis.

*Quod si hic obiter quæras, quid ferre debeat pudica puella, antequam in suprum CONSENTIAT? Revera quodecumque genus mortis. At vero, utrum si non pro virili sua contra pugnet, membrisque resistat, sed immota manens nihil agat, consentire censeatur? Respondetur. In*

N 2

fors

foro exteriori si immobilis tacensque maneret; rea stupri judicaretur. Sic enim jubebatur Deuteronomii 12. ut puella, quæ in urbe comprimeretur, quia tacuerat, lapidibus obrueretur. Tamen IN FORO CONSCIENTIÆ TANTUM TENETUR NON CONSENTIRE; neque sceleris accommodare. QUOD SI METU TACET, NON PECCAT MORTALITER; dummodo nullum præbeat consensum. Neque verò manum in alterum tenetur iniicere. Tamen si quæ honesta est, & ingenua, non debet facere quantum debet, sed quantum potest.

Conatur quidem P. Concina quoquo modo Sotum defendere; sed frustra. Dicit, Sotum Susannæ, de qua loquitur Cornelius a Lapide, non meminisse. Hoc verum est: sed loquitur generatim de quacumque fœmina; sub quo genere Susanna quoque comprehenditur. Dicit, Sotum non ita forte scripturum fuisse, si divina verba, quibus factum Susannæ narratur, præ oculis habuisset. Primum mihi difficile est, ea verba latuisse doctissimum Soto: certè verba Deuteronomii ad hanc rem pertinentia non latuerunt. Deinde quid scripturus fuisset in ea hypothefi Sotus, soli Deo est notum. Postremo nos non quærimus, quid tunc icripisset; sed attendimus quid absolute nunc scripserit. Dicit, Sotum obiter rem versare. Illo. Sed tamen obiter rem versando manifestissimè aperit mentem suam. Dicit, Sotum de metu MORTIS loqui, INFAMIÆ non meminisse. Primum Soto loquitur de morte, quando docet, quid pudicæ puellæ ferendum sit potius, quàm in stuprum CONSENTIAT: quando vero loquitur de metu, loquitur indefinitè, SI METU TACET, & neque addit MORTIS, neque INFAMIÆ. Deinde Cornelius loquitur de metu simul infamiæ, & mortis, IN TANTO PERICULO, inquit, INFAMIÆ, ET MORTIS; non de alterutro vel INFAMIÆ, VEL MORTIS; quare nequit inferri, sufficere Cornelio solum timorem infamiæ. Dicit tandem, Sotum concludere, ingenuam feminam debere pro viribus resistere. Hoc item

verum est. Sed Tò DEBERE non significat obligationem sub gravi; aliter Soto, qui eam paulo ante negaverat, sibi statim contradiceret: sed significat decentiam, & consilium. Et sensus est, Honestæ, & ingenuæ puellæ non id solum præstandum esse, ad quod gravi obligatione tenetur; verùm illud etiam totum, quod in sua est potestate.

Post Cornelium a Lapide eandem sententiam docuit insignis alter Dominicanus, & acerrimus Antiprobabilista Gonetus, de act. hum. disp. I. num. 39. his verbis.

*Sed quæres, quanam media externa teneatur opponere Virgo ad resistendum oppressioni; ut inde dignosci possit, quandonam oppressio sit ipsi voluntaria interpretativè, & indirectè, si talia media non adhibeat? Respondeo cum distinctione; si enim Virgo non timeat in se periculum consentiendi, & aliunde grave damnum vitæ, VEL HONORIS (eo metus INFAMIÆ) metuit SI CLAMET, vel aggressorem occidere tentet; NON TENETUR CLAMARE, vel aggressorem interficere; quamvis licitè utrumque possit, eo quod id præstet in sui defensionem; quia tunc resistere aggressori est præceptum affirmativum, quod non obligat pro semper, NEC CUM TANTO PERICULO.*

Monet quidem postea Gonetus, CONSULENDUM ESSE virginibus, ut omnibus modis tunc resistant; quia raro contingit, ut non detur periculum consensus. Sed SI NON DETUR, in qua solum suppositione loquitur Cornelius, & alii, apertè docet, fœminam NON TENERI CLAMARE, si ex clamore timeat grave damnum vitæ, VEL HONORIS.

His positis, cur non dixit P. Concina, præfatæ opinioni conciliasse auctoritatem duos illos insignes Dominicanos; præsertim cum Cornelius a Lapide illam doceat fretus auctoritate Soti, quem ibi citat? Cur dixit nominatim, laudatam sententiam CORNELII A LAPIDE, & non potius SOTI, ET GONETI, falsam, improbabilem

lem, & LAXAM esse, atque cum sacra Scriptura manifestè PUGNANTEM? Cur in Catalogo propositionum damnabilium apposuit illi doctrinæ solum nomen Cornelii, SOTUM VERO, ET GONETUM omnino siliuit? Cur in indice nomen Cornelii lego, nomen Soti, & Gonetii non lego?

Hoc est unum, & quidem frequentissimum, ex multis artificijs, ob quæ de P. Concina jure querimur. Plurimas sententias, quas ipse censuris, notis, conviciis dishonestat, æquè docuerunt Jesuitæ, & Dominicani: immo a Dominicanis Magistris Jesuitæ discipuli didicerunt. Nihilominus, ut plurimum, in solos Jesuitas nominatim invehitur, in eos solos declamat, eos solos objectat Lectorum oculis; atque, ut ita dicam, ad excipienda omnia tela primis in ordinibus locat: suos vel nullo modo producit in aciem, vel post terga Jesuitarum protegit. Quod & aliquando advertimus, & advertere in posterum non omittemus.

At inquit P. Concina tum hoc in loco, quem verſamus, tum alibi in hac sua Theologia; Viva, La-Croix, Tamburinus, & alii teruntur omnium manibus; ceteri verò latent in bibliothecarum angulis, & nullis, vel paucissimis noti sunt. De hac exultatione, quam P. Concina, ut videbimus infra, mutuatus est a Wendrochio, sermo recurret. In præsentia hoc tantum quero: Numquid tam multi, ac tam ingentes Toni Cornelii a Lapide teruntur omnium manibus? Numquid Parochi, Confessarii, Casuistæ volutant Cornelium a Lapide, ut vel discant vel doceant Theologiam moralem? Quis unquam aperuit Cornelium a Lapide, ut casum aliquem conscientie solveret. Quis nequam illum consulit, ut moralibus difficultatibus, & quæstionibus responderet? Lectores judicent.

Fateor, cum primum præfatam Cornelii a Lapide doctrinam damnationi propositam, & consuetis conviciis exagitata legi: laborem improbum Patris Concinae tacitus



citus admirabar; qui octodecim Tomos Cornelii volutasset; ut inde etiam contra Jesuitarum moralem aliquid expiscaretur. Sed omnis brevi admiratio cessavit: sumpto epim in manus Henrico a S. Ignatio, in ejus Catalogo eam reperi numero III.

## C A P U T XLIV.

### *Restituitur sua integritati sententia P. Layman.*

P. CONCINA Tom.4. pag.527. in Catalogo propositionum damnabilium.

*Si aliquem, qui injustum damnum inferre decreverat, consilio, vel hortatu magis confirmasti; utrum ad restitutionem damnificato tenearis? Respondeo, probabiliter negari posse. P. Paulus Layman in Theol. moral. lib. 3. tract.2. cap.5. num.5.*

\*.\*.\*.\*.\*

**S**I P. Concina verba Laymani, quæ refertur maximè intererat, non detruncasset; Laymani doctrinam in propositiones damnandas forte non coniecisset.

Omne consilium, atque omnis hortatus procul dubio addit confirmationem aliquam deliberanti. Sed inspiciendum est, utrum SINE TALI CONSILIO positum fuisset aliunde e.g. furtum, quo casu consilium non dicitur EFFICAX; an verò non fuisset positum, quo casu consilium dicitur EFFICAX. Liberare Consilientem ab onere restitutionis, quando SINE SUO CONSILIO furtum non fuisset positum, doctrina est falsissima, & damnabilis. Liberare verò quando etiam SINE SUO CONSILIO fur-

furtum fuisset positum, doctrina est non tanta festinatione damnanda.

Jam verò detruncata sunt verba Laymani, quæ apertissimè ostendunt, ipsum liberare ab onere restitutionis consiliantem, non in quacumque hypothefi, sed in sola hypothefi, qua furtum etiam SINE SUO CONSILIO fuisset positum; ac pròinde in hypothefi, qua consilium non fuerit CAUSA EFFICAX. Quod multo minus invidiosum est, nec parum immutat aspectum doctrinæ. En verba quæ statim subdit Laymanus recitatæ propositioni.

*Quia non fuisti CAUSA EFFICAX, ut damnum absolute, & secundum substantiam inferretur; quando alter PER SE IPSUM SATIS INCITATUS ERAT AD INFERENDUM, UT ETIAM SINE SUASU TUO INTULISSET.*

Hanc autem Laymani doctrinam, ut ab ipso traditur, si P. Concina vult rejicere inter propositiones damnandas; rejiciat: per me licet, neque impedio. Noverit tamen prius quorum sit.

Est S. Thomæ 2. 2. quæst. 72. a. 7. ubi sic. *In aliis autem casibus enumeratis NON SEMPER OBLIGATUR aliquis ad restituendum; NEC ENIM SEMPER CONSILIUM, VEL ADULATIO, VEL ALIQUID HUIUSMODI EST CAUSA EFFICAX RAPINÆ.*

Et in 4. dist. 15. a. 5. quæst. 3. ubi etiam explicat, ut Layman, quid sit CAUSA EFFICAX; & sic habet. *Non obligatur semper quis ad restitutionem, nisi in certis casibus, quando probabiliter credit, quod consilium suum fuit efficax, & quod ALIAS INJUSTA ABLATIO COMMISSA NON FUISSET.*

Ergo a contrario sensu, QUANDO ALIAS INJUSTA ABLATIO COMMISSA FUISSET, in qua sola suppositione expresse loquitur Layman, non obligabitur ille consilians ad restitutionem.

Est S. Antonini Part. 2. tit. 1. cap. 12. §. 12. ubi sic:

Si

105

*Si autem* ETIAM SINE OPERE ISTORUM *scilicet*  
 CONSILIO, MANDATO, ET HUIJUSMODI, FU-  
 ISSET NIHILOMINUS FACTA RAPINA; & *nihil*  
*plus per quodcumque opus illorum additum est*; NON  
 TENENTUR, nisi quantum de rapina pervenisset ad  
 eos.

Hæc noverit P. Concina, tum faciat, quod libu-  
 erit. Videant tamen Lectores quanti intersit referre  
 INTEGRÉ textus Auctorum.

## C A P U T XLV.

*Vindicatur ab impostura P. Tamburinus.*

P. CONCINA Tom. 4. pag. 698. postquam appellavit  
 NIMIUM LAXAM opinionem Tamburini,  
 de qua statim; ita pergit.

*Nec reponas gaudium defendi ut licitum in hypothesis*  
 QUOD OMISSIO PRÆCEPTI SIT OMNINO IN-  
 NOCENS; secus si revocetur in dubium malitia omis-  
 sionis. Non, inquam, hoc reponere vales. Quoniam  
 P. Tamburinus NON DEFENDIT licitum esse gau-  
 dium de neglecto officio, IN HYPOTHESI, QUA  
 SACERDOS INCULPATE OMNINO OMISSISSET  
 OFFICIUM. SED DEFENDIT, sacerdotem reapse  
*gaudentem de neglecto officio, quod quidem SE INCUL-*  
 PATE OMISSE CREDIT.

☞:[o]:[o]:[o]:☞

EGO nescio in quonam Tamburino P. Concina legat  
 Tamburinum. Certissimè verus Tamburinus defen-  
 dit, quod P. Concina negat ipsum defendere: & non de-  
 fendit, quòd ipsum defendere P. Concina affirmat. De-  
 fen-

O

fen-

fendit enim gaudium de OMISSIONE OFFICII OMNI-  
NO INNOCENTE & INCULPATA; & nihil habet de  
OMISSIONE OFFICII, quæ innocens & inculpata CRE-  
DATUR. En ejus verba lib. 10. in Decal. cap. 5. §. 1. n. 2.

*Gaudebat quidam Sacerdos, se per INCULPABLEM  
OBLIVIONEM matutinum diei hesternæ non recitasse  
(Ubi hic est per OBLIVIONEM, QUAM CREDE-  
BAT INCULPABLEM; QUÆ IN DUBIUM REVO-  
CARETUR, UTRUM FUISSET INCULPABILIS?)  
& reprehendebatur ab alio nimis religioso Sacerdote. Huic  
dixi, potuisse illum gaudere de carentia illa laboris, quæ  
tunc NULO MODO PECCAMINOSA FUIT (Non  
dicit, QUÆ PECCAMINOSA NON FUISSE CREDE-  
BATUR; DE QUÆ DUBIUM ERAT, UTRUM FUE-  
RIT PECCAMINOSA) atque adeo tale gaudii obiectum  
erat AB OMNI MALITIA separatum.*

In qua ergo hypothefi defendit gaudium illud Tam-  
burinus? In hypothefi ne, qua omiffio CREDATUR, &  
quidem sub dubio, innocens, ut affirmat P. Concina: An  
in hypothefi, quæ omiffio FUERIT inculpabilis, NULO  
MODO peccaminosa, & ab OMNI MALITIA separata;  
ut P. Concina negat? Propulfet aliquanto longius ranci-  
dulam cautionem.

Præter manifestiffimam imposturam, duo breviter  
advertenda sunt. I. Tamburinus assignando obiectum  
gaudii, quod defendit, non assignat OMISSIONEM OF-  
FICII; SED CARENTIAM LABORIS, quæ locutio, &  
mitior est, & cautior. II. Tamburinus non adhibet illam  
vocem NEGLECTO, quæ præfertur semper aliquam-  
culpam; sed ea vox intruditur de suo a P. Concina, qui  
hoc etiam artificium non raro utitur; ut in referendis sen-  
tentiis Jesuitarum feligat terminos invidiosiores.

Antequam ab hoc quarto Tomo discedo, præterire  
hoc minime valeo. P. Concina pag. 700. de eodem Tam-  
burino ita scribit: *Quæ ibidem num. 2. adjicit, sunt PON-  
DERATIONE digna. Inquit enim, non licere tibi soluto*  
de-

delectari de copula maritali inter coniuges habita . . . .  
 Fateor tamen posse se . . . . gaudere, vel desiderare, UT  
 LEGITIMI CONIUGES DEBITUM SIBI REDDANT.

In primis Tamburinus addit hoc, quod omittitur a  
 P. Concina. Hoc non est de copula delectationem sumere;  
 sed copulam legitimam approbare. Deinde quid hic, rogo,  
 carpendum est? Numquid erit peccatum, GAUDERE,  
 VEL DESIDERARE, ut impleatur illud grave præcep-  
 tum Apostoli 1. ad Corinth. 7. = Uxori vir debitum red-  
 dat, similiter autem & uxor viro =? Ego non aliud vi-  
 deo PONDERATIONE dignum, nisi impotens deside-  
 rium debonestandi ubique Tamburinum.

## C A P U T XLVI.

*Restituitur sua sinceritati sententia  
 Baunii.*

P. CONCINA Tom. 5. pag. 77.

*An satisfaciat præcepto audiendi Missam, qui duas medie-  
 tates Missæ SIMUL eodem tempore audiat; puta medie-  
 tatem unius Sacerdotis usque ad consecrationem, & al-  
 teram medietatem alterius Sacerdotis celebrantis a con-  
 secratione usque ad finem? Respondeo. ADFIRMANT  
 Diana, BAUNY.....*



**H**ic videbitis, lectores, aliud novum ADFIRMANDI  
 genus. Baunius Tract. 6. de sacrificio Missæ, quæst.  
 9. prius refert auctores NEGANTES satisfieri per illam  
 SIMULTANEAM auditionem. Deinde refert auctores  
 ADFIRMANTES: Tum sic exponit opinionem suam.

O 2

Hæc

*Hæc secunda sententia (AD FIRMANS) quamquam probabilis, tamen IN PRAXI NON EST SEQUENDA, SED PRIOR.*

Baunius expressissimè docet, sententiam **AD FIRMANTEM** non esse in praxi sequendam, sed sequendam esse **NEGANTEM**. Et P. Concina sine ullo additamento pronunciat, Baunium **AD FIRMARE**.

Neque forte hic dicat P. Concina, Baunium reputare probabilem illam sententiam; atque ideo ex vi probabilissimi posse illam deduci in praxim. Hoc, inquam, non dicat.

Primo: quia Baunius non reputat illam probabilem **PRACTICE**; aliter non diceret, **NON ESSE SEQUENDAM IN PRAXI**. Porro, ut ex vi probabilissimi aliquid deducatur ad praxim, non sufficit illud esse utcumque probabile. Sed debet esse probabile **PRACTICE**.

Secundo, quia, hoc omisso, stat semper, sententiam Baunii non esse sincerè & bona fide relata. Qui enim dicit, auctorem aliquem **AFFIRMARE**, significat, auctorem illum adherere sententiæ affirmanti, illam defendere ut suam, illam præponere sententiæ neganti, illam reputare vel unice veram, vel saltem sententia negante probabiliorem. Hoc significat apud omnes lectores, **AD FIRMAT BAUNII**. Et tamen Baunius nihil horum facit, sed omnia contra. Quamobrem hoc sibi persuadeat P. Concina, nondum satis propulsatam esse rancidulam cautionem.

*Restituitur sua sinceritati sententia  
Patris Gobat.*

P. CONCINA Tom. 5. pag. 85.

*Quid dicendum de EO, qui templum ingreditur ad audiendam Missam, quam post quadrantem inchoandam putat. Interim EO NON ADVERTENTE Missa IN ALIQUO ALTARI legitur usque AD SANCTUS, & tum ex CAMPANULÆ SONITU missam recitari cognoscit? Respondeo. GOBAT tract. 5. num. 115. (scribi debuit 215.) dicit. Si habueris hanc intentionem, Volo me esse unum de numero audientium Missam quando-cumque inchoabitur, eum AUDIVISSE etiam primam partem, QUAM REIPSA NON AUDIVIT. Secus si præfatam intentionem non habuerit. Hæc retuli, non ut refutem (quoniam nullo impugnante corruunt) sed ut identidem palam fiat, quousque progrediatur benigna quorundam Theologia. Relatam enim opinionem, prorsus improbabilem reputo. Quia si SOLA INTENTIO assistendi Missæ moraliter præsentem constitueret volentem audire Missam; posset hac ratione quis domi sue sedens Missæ præceptum implere.*

(o)\*.\*.\*.\*.\*(o)

**N**ON poterat coloribus magis adulterinis depingi sententia Patris Gobat.

Gobat non loquitur de EO, idest de quocumque ingrediente templum ad audiendam Missam; quod esse animadvertione dignissimum, patebit statim. Non loquitur de QUACUMQUE INADVERTENTIA (immo neque uti-

utitur hac voce) ad missam inchoatam; e. g. de inadvertentia orta a confabulatione cum aliis; ab evagatione mentis ad alia negotia, a distantia & situ altaris, & similibus. Non loquitur utrumque DE ALIQUO ALTARI, e. g. distant, retruso, & cui talis homo sufficienter non affuit. Ne verbum quidem habet de SONITU CAMPANULÆ AD SANCTUS. Multo minus loquitur de eo, qui primam partem missæ, ut ait P. Concina, RE IPSA NON AUDIVIT. Nec demum ita insanit, ut putet, SOLAM INTENTIONEM audiendi missam sufficere ad præsentiam moralem necessariam ad implendum præceptum: quod, non Theologo benigno, sed soli sulto venire in mentem potest. Sed loquitur de casu diversissimo, quem certissimè lectores ex verbis P. Concina nunquam divinent.

Itaque loquitur de COECO, qui ductus ad templum ad audiendam missam putat, illam inchoatam esse post dimidium horæ. Interim cum non possit cognoscere, sive ADVERTERE OB COECITATEM quando missa inchoetur; ibi AVIDE ILLAM EXPECTANS concipit hanc intentionem conditionatam. „ Domine si missa inchoetur jam nunc, quod ego scire non possum, quia coecus sum, intendo illam audire simul cum aliis ADSTANTIBUS MISSÆ „ Missa reipsa inchoatur, & finitur; atque ita hac tota hypothesi quæritur, utrum COECUS ille, quamquam OB COECITATEM missam recitari ignoraverit, nihilominus præcepto satisfecerit? Et huic questioni, & non alteri Gobat responder, COECUM illum satisfecisse, quia ignorantia orta a coecitate non impedit, quominus intentio illa conditionata transeat in absolutam. En ejus verba loco citato.

*Quæres an si COECUS deductus in sacram adem ad sacrum audiendum putet illud inchoatum iri primum post dimidium horam; incipiat autem mox post ingressum ejus IGNORANTIS penitus quid agatur. Quæres, inquam, an EXPECTANDO INTEREA AVIDE MISSAM, audiatur*



*diat nihilominus moraliter illam? Resp. Vel habet hanc intentionem „ si forte fiat citius sacrum „ quidam putem volo esse unus de numero laicorum SACRO ADSTANTIUM, seu ei interesse quantum in me est „ Vel non habet ullam talem intentionem: si nullam; tenebitur audire aliud; nec enim censuris moraliter interesse actioni & quam ignoras exerceri, & cui non cupis interesse. Si habet, nil officit ignorantia; nam haud impedit, quominus hypothetica voluntas transeat in absolutam.*

Doceat hic P. Concina, ubi Gobat loquatur de eo, qui PRIMAM PARTEM MISSAE RE IPSA NON AUDIVIT. Doceat, ubi distinguat Gobat duas partes Missæ, alteram ab initio usque ad SANCTUS, alteram a SANCTUS usque ad finem. Doceat, ubi Gobat loquatur de homine, qui a SONITU CAMPANULÆ AD SANCTUS cognoscat recitari missam; quod verum esse posset etiam in illo, qui confabulans cum amicis apud Confessionem S. Petri, vel apud Cathedram, audiret pulsari campanulam ad SANCTUS in altari ultimo januæ proximo. Doceat, ubi Gobat tradat ineptissimam hanc sententiam; SOLAM nempe INTENTIONEM audiendi missam sufficere ad satisfaciendam præcepto. Numquid supponit P. Gobat, coecum illum, præter memoratam intentionem, non præstare sufficientem præsentiam materiale; & non esse in vicinia, & situ apto ad implendam obligationem audiendi sacrum? Certissimè ex nullo verbo Gobati elicietur hæc suppositio: immo elicitur opposita ex iis verbis IBI AVIDE EXPECTANDO; & ex illa intentione VOLO AUDIRE MISSAM SI INCIPIAT NUNC. Neque enim Coecus ibi avidè expectaret, aut ita diceret, nisi in vicinia & situ apto ad missam audiendam.

Paucis. Gobat loquitur de COECO IGNORANTE recitari Missam, non OB DISTANTIAM, NON OB SITUM INEPTUM, NON OB EVAGATIONEM AD ALIA; sed unicè OB COECITATEM. Et P. Concina

ita

ita pingit rem, tamquam si Gobat loqueretur de VIDENTE, qui non advertat ad primam partem Missæ, & REIPSA ILLAM NON AUDIAT, ob aliquam ex enumeratis causis: & admonitus A SONITU CAMPANULÆ AD SANCTUS currat ad audiendam secundam partem. Utrum hoc sit sincerè referre sententias, Lectores judicent.

## C A P U T XLVIII.

### *Restituitur sua integritati sententia Vivæ.*

P. CONCINA Tom.5. pag.154. in Catalogo propositionum damnabilium.

*Si probabiliter vel certo moraliter sciant tabernarii, quod hospites peccent coenando; DD. Navarrus, Toletus, &c. permittunt quod illis coena ministretur. ... Quia ministratio illa, immo & ultroque invitatio non fit directè ad non jejunandum, sed solùm ex intentione lucri invitantur ad coenam. P. Dominicus Vivæ in cursu Theologico-morali Tomo 1. p.2. quæst.10. a.4. n.7.*



**T**Runcatè refertur de more sententia P. Vivæ: & ea refecantur, quæ magnopere intererat non refecari; quia multum temperant eam opinionem, ut jam ostendam. Textus integer P. Vivæ iste est.

*Si verò probabiliter vel certo moraliter sciant tabernarii, quod hospites peccent coenando, Navarrus, Toletus, Medina, & alii apud Dianam p.1. Tract.9. Resol.39. permittunt quod illi coena ministretur. Quod etiam docet San-*

*Sanchez lib. 1. cap. 7. Ratio est, quia ministratio illa, immo & ultroque invitatio non fit directè ad non jejunandum; sed solum ex intentione lucri invitantur ad cœnam VELUTI CONDITIONATE, HOC EST, SI VELITIS COENARE, COENATE POTIUS APUD ME, QUAM DIVERTATIS AD ALIUM.*

Hæc postrema verba majusculis characteribus signata, omnia a P. Concina refecta sunt. Porro quantum illa temperent opinionem, nemo non videt. Ostendunt enim, P. Vivam non loqui promiscuè & indefinitè de quibuscumque hospitibus; sed definitè de iis, qui jam coenare vel apud hunc tabernarium, vel apud alium constituerunt. Jam verò valde diversum est, ut per se patet, invitare ad coenam promiscuè omnes hospites, qui prævidentur peccaturi coenando, & invitare hospitem jam peccare & coenare certum, ut, siquidem coenare jam absolutè constituit & vult, det potius lucrum mihi, quàm alteri tabernario; in hac enim secunda hypothese, etsi ego non procurarem mihi illud lucrum, adhuc peccatum hospitis non impediretur. Quamobrem opinio, docens licere hoc secundum, est, non dico vera, ne forte hoc mihi imponat P. Concina; sed multo temperatior, & mitior opinione, docente licere primum. P. Viva in suo textu INTEGRO docet opinionem temperatiorem. In textu MUTILATO a P. Conciua, apparet docere aliam magis intemperantem.

Sed ut semper clariùs palam fiat, quòd aliàs dixi, Patrem Concinam vocare in invidiam nominatim solos Jesuitas: suos verò aut occultare, aut post terga Jesuitarum protegere; proferre placet duos insignes Dominicanos, qui eandem cum Viva sententiam docent.

Cajetanus 2. 2. quæst. 147. artic. 4. in fine hæc habet: *Si autem omnino coenaturi sunt; & ego invito eos ad mecum coenandum, non invito eos nisi ad locum & societatem coenæ, vel ministro illis cibos. Ex nullo autem horum apparet peccatum aliquod; & propterea excusantur:*

P *sicut*

114  
*sicut etiam hospites coenatu-  
ros invitant, ut in suo hos-  
pitio magis quam in alio coe-  
nent.*

Petrus de Ledesma Tomo 2. Summæ de jejunio cap. 2. non procul a fine, hæc habet. *Dico 2. Invitare aliquem, qui jam aliàs paratus est coenare, causa urbanitatis vel hospitalitatis, ad coenam, non est peccatum mortale. Quia tunc ipse invitans non cooperatur peccato alterius.*

P. Concina opinionem Patris Vivæ recensuit inter damnandas, Cajetani, & Ledesmæ non meminit. Jactet minus suam vacuitatem a studio partium; & tam ipsum alii sibi persuadeant, me quoque posse, si velim, catalogos & indices pertextere non breviores.

## C A P U T XLIX.

### *Restituitur sue integritati sententia Laymani.*

P. CONCINA Tom. 5. pag. 161.

*Catholici, qui famulantur hæreticis, carnibus vesci minime possunt, SECLUSO GRAVI DAMNO, AUT PERICULO; quidquid IN CONTRARIUM DICAT LAYMAN lib. 4. Tract. 8. cap. 3. num. 3., quoniam CUM ALII CIBI SUPPETANT, & PERICULUM DAMNI ABSIT, nulla assignari potest vera causa excusans.*



**S**I P. Layman attentè legatur, & fideliter referatur, non modo NIHIL PRORSUS DICIT IN CONTRARIUM; sed, quod majus est, mirificè consentit cum P. Concina in substantia, ut ita dicam, doctrinæ. En ejus verba loco citato. Ad-

*Addo primo; laborantibus & famulantibus catholicis apud nos in OPPIDIS HÆRETICORUM permitti posse, ut diebus jejuniorum carnibus vescantur. DUMMODO SCANDALUM TOLLI POSSIT; si nimirum dicant, se TALI CASU NECESSITATIS Ecclesiæ præcepto non obligari.*

Dignetur me docere P. Concina, UNDENAM repeti possit ILLA NECESSITAS, quam ii catholici famulantes afferre debent, ut hæreticis persuadeant, se tunc non obligari præcepto Ecclesiæ, quemadmodum requirit Layman; UNDENAM, inquam, repeti possit, nisi ex eo, quod NON SUPPETANT ALII CIBI, vel quod ADSIT PERICULUM ALICUIUS DAMNI, quæ per ipsum sunt causæ excusantes? Dignetur docere, qua alia ratione possint catholici illi, ut vult Layman, SCANDALUM TOLLERE; nisi clarè ostendendo iis Hæreticis DEFECTUM CIBORUM ESURIALIUM; qui probabilissimè in OPPIDIS & Domibus Hæreticorum jejunii tempore non reperiuntur; VEL GRAVE ALIQUOD DAMNUM IMMINENS? Quodd si hæc docere non potest, cur imponit Laymano, QUOD DICAT IN CONTRARIUM?

## C A P U T L.

*Vindicatur ab impostura Pater Viva.*

P. CONCINA Tom. 5. pag. 202.

*Non minus improbabile nobis videtur, quod scribit P. Viva Tom. 1. parte 2. quæst. 10. art. 1. num. 7. pagina mihi 108. „ Utrum autem peccet venialiter, qui bibit aut comedit SOLUM OB DELECTATIONEM? Joannes Sanchez apud Dianam parte 3. tract. 5. Resolut. 6. Martinus Perez, Escobar, & alii negant, si non nocet*

saluti; sicut non peccat, qui videt res pulchras, aut olfacit odores solum propter delectationem. Neque id damnatur ab Innoc. XI. Nam propositio damnata dicit, *comedere & bibere AD SATIETATEM ob solam voluptatem non est peccatum*, modo non obest valetudini, quia licet potest appetitus suis alibus frui. Quando enim ad satietatem quis comedit aut bibit ob meram voluptatem facile limites temperantiæ debitæ prætergreditur; & idè venialiter peccat, quòd non accidit neque si comedat aliquid, aut bibat propter voluptatem, non tamen ad satietatem cum periculo intemperantiæ. „ Siccine ergo decreta pontificia eluduntur? Quod itaque homo Christianus comedat ob SOLAM VOLUPTATEM NULLUM PECCATUM COMMITTIT? Tumne solum peccat, quando ob solam voluptatem comedit usque ad satietatem cum periculo intemperantiæ?

Et in indice appellando hanc ipsam paginam 202. ita scribitur.

*Viva* (P. Dominicus) LAXE docet, LICERE in die jejunii bibere vinum, mustum, cerevisiam &c. ETIAM OB SOLAM DELECTATIONEM.



Quis sibi non persuadeat, dum legit superiora verba Patris Vivæ a Patre Concina recitata; dum legit accensam illam declamationem; dum legit indicem; quis inquam, sibi non persuadeat, Patrem Vivam, qui solus ex citatis auctoribus scripsit post Innoc. XI. pontificia decreta eludere; in propria persona omnia recitata scribere; sententiam Sancio, Escobarii, Perezii amplecti; & denique docere, NULLUM ESSE PECCATUM COMEDERE OB SOLAM VOLUPTATEM?

Atqui sciant lectores, Patrem Vivam ex propria sententia propugnare opinionem omnino oppositam; tueri,  
ES-

**ESSE PECCATUM VENIALE COMEDERE OB SOLAM VOLUPTATEM;** & Patrem Concina recitatis folidum verbis, quibus Viva refert alienam doctrinam, **OCULTASSE, & DETRUNCASSE ILLA**, quibus Viva aperit propriam mentem, & docet, ac stabilit propriam opinionem. En igitur, æquissimi lectores, quid subdat Viva.

*Caterum quod NEC ALIQUA VENIALI CULPA VACET comedere & bibere ETIAM MODERATE OB MERAM VOLUPTATEM. PROBABILIS docent quamplures, quos retulimus in Trutina, exponendo præfatam thesim, ex D. Thoma 4. contra gentes cap. 87. Inverteretur quippe naturæ ordo si in his actionibus VOLUPTAS TAMQUAM FINIS amaretur; ubi ea ex institutione naturæ ad vitæ sustentationem ordinantur.*

Et in Trutina in eo loco ad quem hic se remittit, ita habet num. 6.

*Utrum autem non solum sit ILLICITUM comedere, & bibere AD SATIETATEM, sed etiam MODERATE COMEDERE OB SOLAM DELECTATIONEM, quamvis in proscripta thesi ID NON EXPRIMATUR; dicendum tamen juxta communem Doctorum sensum contra nonnullos relatos a Moya Tom. 1. tract. 6. disp. 2. quæst. 3. quibus ipse subscribit, NEQUE ID LICERE.*

Advertatur hoc diligenter, ut præcludatur aditus diviticulis; Non instituo ullam quæstionem de aliis, quæ dicit Viva; nihil probo, nihil improbo, quia ad præsens institutum hoc non pertinet. Hoc dico; repræsentare P. Vivam tamquam docentem, NULLUM ESSE PECCATUM, LICERE COMEDERE OB SOLAM VOLUPTATEM; ut repræsentat P. Concina, ejusque index; esse manifestissimam imposturam; ut ex adductis P. Vivæ verbis ad evidentiam patet.

*Restituitur sua sinceritati sententia  
Filliuccii.*

P. CONCINA Tom. 5. pag. 310.

*Quid si ( qui dormire nequeunt nisi sumant cœnam ) collatione mane sumpta, & prandio in vesperum dilato jejunare possent; tenerentur ne id præstare, ut præceptum observarent? NEGANT plures recentiores Escobarius, Diana, FILLIUCCIUS..... Sed talem opinionem inter LAXAS recensuimus cap. primo. Nunc verò istorum Auctorum rationem expendentes, LAXISSIMAM eam appellamus.*

*Et pag. 149. conjecerat illam inter damnabiles, attexendo ante alios omnes Auctores nomen FILLIUCCII, his verbis.*

*Dormire quis nequit nisi sumpta vespere cœna. Tenetur ne jejunare? MINIME. Si sufficit mane collatiunculam sumere, & vespere cœnare; tenetur ne ad id? NON TENETUR. Quia nemo tenetur pervertere ordinem refectiois. Ita FILLIUCCIUS, Teobar, Leander.*

§:(o):(o):(o):(o):§

**C**OLLIGAT P. Concina NECESSITATEM LEGENDI AUCTORES IN FONTE. Filliuccius neque in tota sua tractatione de Jejunio, neque uspiam alibi, ( vel doceatur Ubi ) non dico, resolvit; sed ne nominat quidem, quæstionem, quam proponit P. Concina. Nimirum, Utrum illi, qui jejunare possent sumpta mane collatiuncula, & prandio in vesperum dilato, teneantur



antur id præstare, ut præceptum observent? Et multo minus Filliuccius docet, ejusmodi homines AD ID NON TENERI. Sed agit quæstionem diversissimam; & excusat, saltem a peccato mortali, non eos, qui nolint pervertere ordinem refectiois, nam de hac re nihil habet, sed eos solum, qui BONA FIDE excedunt in refectiuncula, putantes id sibi licere vel ob debilitatem, vel OB CAPIENDUM SOMNUM. En ejus verba Tom.2. tract. 27. Part.2. cap.6. num.130.

*Qui BONA FIDE CREDIT, se habere justam causam, non jejunandi, & propterea non jejunat; is non peccat saltem mortaliter.* Paludanus dist.15. quæst.4. num.1. Antoninus Part.2. tit.7. cap.2. Sylvester V. Jejunium cap.21. Cajetanus cap.3. Navarrus num.20. Ideoque si causa non sit omnino sufficiens peccabit venialiter defectu debite diligentie inquirendi, an causa justa esset nec ne. QUO PACTO excusari possunt multi solventes jejunium, VEL EXCEDENTES IN REFECTIONUNCULA; putant enim se non teneri ex variis causis, ut ob debilitatem, vel AD CAPIENDUM SOMNUM.

Ubi hic est, Lectores æquissimi, quod Filliuccius instituat quæstionem, Utrum teneantur pervertere ordinem refectiois, qui collatione mane sumpta, & prandio in vespertum dilato jejunare possent? Ubi est, quod doceat, istos hunc ordinem pervertere non teneri? Exculpat P. Concina, si potest, ex adductis Filliuccii verbis opinionem, quam ipsi imponit; & quam adjecto ante alios omnes Filliuccii nomine inter damnandas recenset. Sed posse aliquem sine debita inquisitione infamare Auctores, & sub eorum nomine offerre damnationi sententias, quas nunquam somniarunt, erit forte opinio PROBABILIOR.

Quod si fortasse velit P. Concina insectari sententiam, quæ verè traditur a Filliuccio; insectetur; nihil ad me. Sciant solum Lectores, Filliuccium eam exscripsisse a Cajetano Dominicano in summa V. Jejunium cap.3., ubi eam docet his verbis.

Et

Et ex hoc capite innumerabiles persona timorata excusantur sapissime a transgressione præcepti de jejuniis; dum vel ex multis reputatis secundum ipsos rationabilibus causis solverunt jejunium, AUT COLLATIONEM EXCESSIVAM putarunt sibi licere absque solutione jejunii propter debilitatem, AUT PROPTER SOMNUM HABENDUM.

## C A P U T LII.

*Restituitur sue integritati alia sententia ejusdem Filliucci.*

P. CONCINA Tom.5. pag.321.

*An DIVITES, qui exercent artes laboriosas, non ex indigentia, sed solum majoris lucris acquirendi gratia, a jejuniis excusentur? Excusari defendunt.... FILLIUCIUS.... aliique.*

\*.\*.\*.\*.\*

**N**ON una de causa querimus minus sincere repræsentari hic sententiam Filliucci. Nam & aliquid additur, quod augeat Filliuccio invidiam; & occultantur duæ limitationes a Filliuccio appositæ, quæ multum temperant, immo immutant ejus opinionem; ac proinde invidiam multum imminuerent, si bona fide legentibus proderent. Verba Filliucci hæc sunt. Tom. 2. tract.27. part.2. cap.6. num.120.

*Ostavo quæro; an qui ob lucrum non necessarium ad propriam sustentationem..... non jejunant, excusandi sint? Respondeo, & dico, SI LUCRUM NOTABILE sit, ejusque OCCASIO NON SEMPER DETUR; excusare possunt.*

Pri-

Primum Filliuccius non nominat **DIVITES**, quæ vox in re præfenti, de qua tractamus, est multo magis invidiofa. Loquitur quidem de lucro **NON NECESSARIO AD PROPRIAM SUSTENTATIONEM**. Sed fieri poteft, ut quis non indigeat hic & nunc hoc lucro ad propriam sustentationem, quin tamen fit **DIVES**; fed fit aliquis artifex, qui laboribus, & sudoribus fuis vitam toleret, & habeat nihilominus quantum fatis est ad femetipfum sustentandum hac die, vel hac hebdomada.

Deinde Filliuccius non loquitur indefinitè de **QUOCUMQUE MAJORI LUCRO**, ut præferunt verba, quibus P. Concina quæftionem exponit. Sed apponit hanc primam limitationem, ut lucrum majus **SIT NOTABILE**.

Demum non loquitur de **QUACUMQUE OCCASIONE** majoris lucri acquirendi: fed de **OCCASIONE EXTRAORDINARIA** rarè occurrente; & quæ, fi permittatur elabi, non ita facile reditura fit. Ut effet e.g. Si quis Princeps Roma tranfiens, & brevi difceffurus, imperaret artifice, habenti cæteroquin quantum fatis est hic & nunc ad propriam sustentationem, opus ali-quod elegans magni pretii, quod, eo Principe Roma regreffo, a nemine forte amplius imperabitur.

Quantum hæc omnia temperent, & immutent opinionem Filliuccii nemo non videt. Et tamen nihil horum Lectores ex verbis P. Concina: perpexiffent; nifi a me Filliuccii verba in medium prolata effent. An hoc fit referre **INTEGRE**, & **SINCERE** fententias Jefuitarum, ipfas judicandum relinquo.

## CAPUT LIII.

*Refellitur impostura impacta in indice  
P. Sanchez.*

In Indice Tomi 5. V. Sanchez.

*Sanchez (P. Thomas) LAXAM propositionem docet de  
jejuniis Pag. 154. LAXE' eximit a jejuniis etiam diebus,  
quibus non concionantur, ter, vel quater concionantes  
in hebdomada, Pag. 328.*

\*.\*.\*.\*.

**H**ic P. Sanchez representatur legentibus indicem  
tamquam auctor duplicis diversæ LAXITATIS;  
quarum una referatur a P. Concina sua pag. 154. & altera  
ab eodem referatur sua pag. 328. Atqui sciant Lecto-  
res, in utraque pagina sermonem esse de una, eadem-  
que opinione Patris Sanchez, quam P. Concina pag. 154.  
recensuit inter damnabiles; & deinde reficit, atque  
impugnare conatur pag. 328.

Placet verò hic referre suis verbis sententiam P. Sanchez;  
ut ea collata, si velint, cum locis Conciniianis,  
Lectores judicium ferant, quod libuerit. Ita igitur ha-  
bet lib. 5. consil. cap. 1. dub. 13. num. 6.

*Tertio nota, quod quando ex hujusmodi operibus con-  
trahatur TANTUS LABOR, UT NON SECUM  
COMPATIATUR JEJUNIUM, relinquendum est AR-  
BITRIO BONI VIRI; (non dicit ipse concionatoris)  
qui debet judicare habita ratione non tantum roboris se-  
cundum se; sed etiam QUALITATIS, ET COMPLE-  
XIONIS PERSONÆ in particulari, ET MODI CON-  
CIONANDI. Hinc concionatores, qui in Quadragesima con-*

concionantur ter vel quater in hebdomada, COM MUNI-  
TER, ET REGULARITER EXCUSANTUR; itaut  
in nullo die Quadragesima teneantur jejunare; & hoc ma-  
xime SI CUM FERVORE concionentur..... Ratio, quia  
hoc videtur requisitum ad robur necessarium AD BENE,  
ET FRUCTUOSE concionandum: quia, ut viri docti  
dicunt, qui debet officium exercere, non tantum attendere  
debet, an possit in hac Quadragesima, VEL IN HOC  
DIE simul jejunare, & prædicare. Sed etiam ut conser-  
ventur vires, ut possit PLURES DIES, & Quadrage-  
simas prædicare.

Hæc est sententia P. Sanchez; quam P. Concina, ut  
dicebam, recenset ut damnandam pag. 154. quam acriter  
& irrisorie impugnare conatur pag. 328. & quæ ab indi-  
cum compositore repræsentatur ut duplex, & diversa.  
Placet ne, Lectores, hujusmodi festiva ratio amplifcan-  
di indices in damnum Jesuitarum.

## C A P U T LIV.

### *Restituitur sua integritati sententia Filliuccii.*

P. CONCINA Tom. 5. pag. 367. loquens de Parochianis,  
qui propter gravem necessitatem non solverunt  
Parocho Decimas, ita scribit.

Cum tamen fors melior affulgeret, ad restituendas decimas  
tenerentur. Nec audiendus FILLIUCCIUS, qui tract.  
27. 2. p. cap. 8. num. 166. probabile esse judicat; ejusmo-  
di Parochianos ad restitutionem NON teneri, etiam  
divites effectos. Siquidem communiter Theologi hoc re-  
probant. In sola enim extrema necessitate, quæ consu-  
muntur, restitutioni non subjacent juxta communiorum  
Theologorum doctrinam.

Q 2

II-



**I**llud NON in Filliuccio non reperitur, sed additum est a P. Concina liberaliter de suo. En Filliucii verba loco citato.

*Licet verisimile sit, eos, qui non habent necessaria, ad congruam sustentationem, non obligari ad solvendas Decimas cum tanto rigore, ut ex antiquo Canonista moderatur hanc obligationem Suarez loco. cit. num. 16. & 17. : tamen si postea ad pinguorem fortunam venerit, PROBABILE EST TENERI AD EAS INTEGRAS RESTITUENDAS : & interim necessitatem comprobet Ecclesie Pastoribus. In extrema tamen necessitate nec tenetur ad Decimas, nec ad restitutionem ; ut neque is, qui in tali necessitate surripit alienum.*

At fortasse dicet P. Concina : Si Filliucius dicit esse PROBABILE, TENERI, per bonam illationem judicat probabilem etiam partem oppositam, nempe NON TENERI. Sed non satis per hoc consultum est bonæ fidei, quam hic desideramus.

Primo : Quia verba P. Concina in sua naturali, & obvia significatione persuadent, Filliucium apponere illud NON conceptissimè, & non per illationem ; ut ex propria experientia testari possunt Lectores.

Secundo, quia nempe præfata illatio est universaliter bona. Fieri enim potest, ut sit probabilis una pars, quin sit probabilis altera opposita. Quia fieri potest, ut pro una parte militent bona argumenta ; & pars opposita omni prorsus ratione destituatur. Ergo neque provocando ad vim illationis potest se satis tueri P. Concina ab impostura.

## CAPUT LV.

*Vindicatur ab iniusta criminatione*  
*P. Suarez.*

P. CONCINA Tom. 5. pag. 405.

*Franciscus Suarez Tomo 4. in 3. p. disput. 36. n. 3. (debebat scribere disput. 36., sect. prima num. 2.) refert, quosdam Theologos docuisse hoc præceptum (annuæ confessionis) non per se, sed per accidens obligare, ratione nempe Eucharistiæ percipiendæ: & subdit, in hanc sententiam IVISSE S. Thomam in 4. dist. 17. quæst. 3. artic. 1. quæstiunc. 4. & D. Antoninum 3. p. tit. 14. cap. 9. §. 3. Mirum est, doctum & accuratum Theologum istius sententiæ patronos constituere Aquinatem & Antoninum; cum ipsi IN LOCIS LAUDATIS oppositum doceant..... Immerito itaque Suarez IMPONIT sanctis his doctribus, quod docuerint, præceptum annuæ confessionis solum PER ACCIDENS obligare; cum aperte oppositum doceant.*

Et in indice V. Suarez ita scribitur.

*Suarez (P. Franciscus) IMPONIT SS. Thomæ, & Antonino, dum ait, eos docuisse, præceptum annuæ confessionis obligare, non per se, sed per accidens, ratione scilicet communionis faciendæ. Pagina 405. n. 3.*



**N**ON Suarez SS. Thomæ & Antonino; sed P. Concina IMPONIT Suariorum. Afferamus prius verba Suarii loco citato, ubi sic.

*Alii verò dicunt PER ACCIDENS obligari hominem ad confessionem semel in anno faciendam RATIONE COM-*

**COMMUNICATIONIS**: non tamen **PER SE**, **EX VI** proprii præcepti. Ita **INDICAT D. Thomas dist. 17. quest. 3. artic. 1. questione 4. & quodlibeto 1. artic. 11. & D. Antoninus 3. p. Titulo 14. cap. 19. §. 3.**

Obiter adverto. P. Suarez non scribit, eos SS. Doctores **IVISSE** in illam sententiam; ut non satis sincere refert P. Concina: sed illam in locis ab ipso Suario laudatis **INDICASSE**: quod multo minus est, ut per se patet. Hoc dissimulato: Videamus, utrum S. Thomas, & S. Antoninus **IN LOCIS LAUDATIS** a Suario doceant oppositum, ut expressè dicit P. Concina: an verò **INDICENT** illam sententiam, ut dicit Suarez: atque ita patebit, uter sit impostor.

Primus locus S. Thomæ laudatus a P. Suarez iste est.

*Ad confessionem actualiter faciendam obligatur aliquis dupliciter. UNO MODO PER ACCIDENS; scilicet quando ad aliquid tenetur, quod non potest sine peccato facere nisi confessus; tunc enim confiteri tenetur: sicuti si debet EUCHARISTIAM PERCIPERE; ad quam nullus post peccatum mortale nisi confessus accedere debet copia sacerdotis oblata, & necessitate non urgente. ET INDE venit obligatio, qua ecclesia omnes obligat ad SEMEL IN ANNO CONFITENDUM: QUIA instituit ut semel in anno, scilicet in pascha, omnes sacram communionem accipiant: & IDEO ante tempus illud confiteri tenentur. ALIO MODO obligatur aliquis ad confessionem PER SE. Et sic videtur eadem ratio esse de confessione, & de baptismo differendo; quia utrumque est Sacramentum necessitatis.*

Sistamus hic S. Thomas in hoc loco non assignat aliam rationem, cur Ecclesia præceperit **ANNUAM** confessionem, nisi **QUIA** præcepit annuam communionem: non assignat alium fontem, **UNDE VENIAT** obligatio annuæ confessionis, nisi præceptum sumendæ Eucharistiæ: Affert hujusmodi obligationem in exemplum obligationis **PER ACCIDENS**; dum actu immoratur in



explicatione obligationis PER ACCIDENS; & postquam transit ad explicandam obligationem confessionis PER SE, numquam amplius nominat Confessionem ANNUAM, sed loquitur de aliis temporibus, & discurrit de Confessione in genere, sicuti de dilatione baptismi; & in hoc loco saltem non INDICAT, obligationem annuæ confessionis esse per accidens, non vero PER SE, sive esse solum RATIONE PERCIPENDÆ EUCHARISTIÆ? Provoco ad lectorum iudicium.

Secundus locus laudatus iste est.

*QUIA ex præcepto Ecclesiæ omnes fideles tenentur saltem semel in anno, in festo Paschæ præcipue, sacramenti communionem accipere: IDEO Ecclesiæ ordinavit, ut semel in anno, quando imminet tempus recipiendi Eucharistiam, omnes fideles confiteantur.*

Ubi item S. Thomas non assignat aliam rationem, cur fideles teneantur semel in anno confiteri, nisi quia debent semel in anno Eucharistiam accipere.

Locus laudatus S. Antonini iste est.

*Alii dicunt communius, quod cum sit præceptum affirmativum non obligat nisi pro loco & tempore. Ecclesiæ verò in hoc potuit determinare tempus, cum sit præceptum disciplinæ, non naturæ: UNDE regulariter non tenetur homo nisi semel in anno confiteri, scilicet in Paschæ, QUANDO NECESSE HABET communicari.*

Et statim citat auctoritatem Sancti Thomæ, quam modo attulimus. Quamobrem cum etiam S. Antoninus simul cum D. Thoma non aliam assignent titulum obligationis confitendi semel in anno, nisi RATIONEM SUMMENDÆ EUCHARISTIÆ; profecto INDICANT laudatis in locis, obligationem ANNUÆ confessionis esse PER ACCIDENS, non PER SE.

At quomodo probat P. Concina, SS. Thomam & Antoninum in LOCIS LAUDATIS A SUAREZ docere oppositum? Festiva res est. Hæc loca non assert, non expendit, ne verbum quidem ex iis recitat. Sed produ-

ducit quædam alia loca diversa, quæ P. Suarez numquam laudavit. Uter impostor est, Pater Concina, an Suarez?

## CAPUT LVI.

### *Restituitur sua integritati sententia Valentiae & Filliucii.*

P. CONCINA Tom. 5. pag. 430.

*An qui non potest propria voce confiteri, quia mutus est, teneatur confiteri PER NUTUS, VEL SCRIPTURAM? Respondeo. Multi negant... Valentia Tomo 4. Diss. 7. quæst. 11. puncto 1. Filliucius Tract. 7. n. 63.*

\*\*\*\*\*

**N**Eque sincerè repræsentatur a P. Concina sententia Valentiae, neque Filliucii. Quæstio proponitur disjunctivè, *per nutus, vel per scripturam*. Dicuntur negare Valentia & Filliucius. Qui negat disjunctivam, ut cuilibet Summulistæ notum est, propugnat copulativam. Ut igitur verum sit, Valentiam & Filliucium negare illam disjunctivam; propugnet uterque, oportet, hanc copulativam: *Mutus ille neque tenetur confiteri per nutus, neque per scripturam*. His positis.

Filliucius negat quidem per Scripturam; sed utrum mutus ille teneatur confiteri per nutus, neque affirmat, neque negat, neque hanc quæstionem ullo modo attingit, vel P. Concina proferat Filliucii verba, quibus de hac quæstione loquatur.

Valentia negat quidem ipse etiam per Scripturam: sed per nutus non modo non negat, sed expressissimè affirmat & defendit his verbis.

*Quar-*

*Quarto asserimus, si quis mutus aut linguae ignarus, aut aliter impeditus, possit SIGNIS AUT NUTIBUS peccata sua explicare, DEBERE eum, quantum commodè poterit, ita confiteri.*

Per scripturam verò Valentia, Filliuccius, & multi negant propter periculum, ne Scriptura perveniat in aliorum manus, & peccata illius muti ab aliis cognoscantur. P. Concina defendit hic more suo sententiam rigidiorē; defendit nempe obligationem confitendi peccata per scripturam, quæ legenda Sacerdoti tradatur ab eo, qui nequit propria voce confiteri. Et, quod advertendum est, allegat pro ea sententia Cajetanum in summa V. *Confessio* conditione undecima. Sed Cajetanus ibi Patri Concinae apertissimè contradicit; & sicut Valentia, ac Filliuccius, negat obligationem confitendi per scripturam. En ejus verba.

*Secundo (adverte) quoad scripturam, quòd licet mutus non valens signis confiteri, possit per scripturam potentialiter manifestare sua peccata; NON TAMEN TENETUR ad hunc modum confitendi.*

Admittit quidem Cajetanus ut necessarium quemdam alium modum; qui sic explicatur. Scriptæ sint in uno folio species peccatorum. Scriptæ sint in alio species numerorum. Et in aliquibus diversis schedulis scripta sint hæc verba *Commisi, Credo, Dubito*. Mutus indicet Confessario speciem peccati; tum indicet speciem numeri; tum tradat legendam schedulam respondentem conscientia suæ. Admittit, inquam, ut necessarium hunc modum, quia in eo non est periculum, ut quamquam folia & schedulæ ad aliorum manus perveniant, peccata Muti cognoscantur. Sed hæc non est sententia, quam P. Concina defendit, & pro qua Cajetanum allegat. Neque hanc negat Valentia, immo potius admittit, citans hunc ipsum Cajetani locum. Admittit enim obligationem confitendi per SIGNA, quantum fieri potest: & præfatus modus est potius confiteri PER SIGNA, quàm PER SCRIPTU-

R  
RAM.

RAM. Quare Pater Concina neque sincerè representavit sententiam Valentis, neque Filliucci; immo neque Cajetani sui; qui Valentis & Filliuccio faver, quatenus negat obligationem confitendi per scripturam; & Patri Concina contradicit.

## C A P U T LVII.

*Vindicatur ab invidiosa impostura  
PP. Lecchi, & Viva.*

P. CONCINA Tom. 6. pag. 13. post relatum quemdam textum S. Augustini, quem addaxerat Joannes Barbeyracus in suo Tractatu Theologiæ moralis Patrum contra P. Cellier Benedictinum, ita pergit.

*Textum hunc non opposuere neque Dallæus, neque Clericus severissimi Augustini censores. Ex suis ergo laudatis Magistris, illum, quemadmodum cætera adversus Patres, non transcripsit Barbeyracus; Sed EX NOSTRIS INFERIORIS SUBSELLII CASUISTIS, qui eundem allegant, ut juris naturæ ignorantiam ex Augustini mente invincibilem ostendant. Alter EX HIS est P. Dominicus Viva, qui in commentariis ad secundam propositionem Alexandri VIII. num. 2. falso in sensu laudatum Augustini textum obtrudit, ubi etiam truncatum D. Thomæ textum exhibet, ut suam roboraret opinionem. Alter verò P. LECCHI, qui in suo opere inscripto Avvertenze contrapposte all' Istoria del Probabilismo, hunc locum mihi objecit, ut id ipsum evinceret, quàm vero irritò conatu alias ostendi in libro, cui titulus Esplicazione di quattro paradossi pag. 12.*

Ergo

**E**rgo, si P. Concina habenda est fides, Barbeyracus hæreticus textum illum Augustini EXSCRIPSIT EX NOSTRIS INFERIORIS SUBSELLII CASUISTIS, QUORUM alter est P. Lecchi, alter P. Viva. Ergo P. Lecchi, & P. Viva præmonstratores fuerunt illi Hæretico, & magistri; ut eo textu abuteretur contra mentem Augustini, & contra Patrem Cellier. Si ita se habet res, librum suum composuerit, oportet, P. Lecchi (ut de hoc primum loquar) aliquot saltem dies ante illum Tractatum Barbeyraci, ut eum legere Barbeyracus, & textum Augustini exscribere inde posset. Nonne? Ita profecto. Beac.

P. Lecchi, ut patebit legentibus, librum suum edidit anno 1744. Numquid Barbeyracus edidit suum Tractatum eo anno, vel posterioribus? Audi Morerium in novissima editione anni 1740. Verbo *Barbeyrac*.

*Il donna aussi en 1724. une nouvelle Traduction du Droit de la Guerre, & de la Paix de Grotius, avec de longues & d'excellentes Notes: & en 1728. un Traité sur la Morale des Peres, pour répondre au Pere Cellier Benedictin.*

Et sine ulla auctoritate Morerii, appositum illi Tractatum annum 1728 videri poterit, qui habet oculos. Quamobrem juxta chronologiam Patris Concina P. Lecchi, qui scripsit sexdecim annis post magister fuit ad textum Augustini adhibendum hæretico Barbeyraci, qui scripserat sexdecim annos ante. En quo perducatur studium mordendi Jesuitas.

Quod attinet ad Patrem Viva non possum hac evidentia comprobare imposturam. Verè enim Viva scripsit ante annum 1728. in quo Barbeyracus dedit Tractatum suum. Quis tamen revelavit Patri Concina, Barbeyracum legisse Trutinam Patris Viva, & ex illa Augustini

textum exscripsisse? Hoc saltem habemus, temerè & sine ullo fundamento Patrem Concina hujusmodi odium conflare Patri Vivæ conatum esse.

Ut verò semper clarior appareat vacuitas illa a studio partium, quam tantopere jactat P. Concina, hoc adverte. Memoratum textum Sancti Augustini in eodem prorsus sensu, in quo illum attulerunt F. Lecchi, & P. Viva, attulerat multo ante ipsos Sixtus Senensis Dominicanus in sua Bibliotheca sancta, impressa Venetiis anno 1575. Ubi libro 5. annotatione 89. hæc habet.

*Augustinus lib. 22. capite 37. contra Faustum, & lib. 1. de sermone Domini in monte cap. 29. in dubium revocat, an Sarac pudicitia potuisset barbarorum libidini supponi citra ullum adulterii crimen, quasi pro mariti vita liceat, ipso consentiente, cum alio viro concumbere; sicut olim tempore Constantii Imperatoris Antiochia factum est. Ubi cum Acindinus Præfektus quemdam servaret in carcere occidendum; quia libram auri, quam fisco debebat, non haberet unde solveret; Uxor mariti caritate commota unius noctis concubitu, ipso consentiente marito, vendidit diviti euidam id anxie flagitanti, ac libram auri pro mercede promittenti, ut eo pretio mariti vitam a Præfektore redimeret. Atque hoc factò Acindini pluribus explicato; liberum unicuique permittit, æstimare quòd velit, quamvis in eam partem proptius videatur, quòd id fieri nequitum liceat.*

Ego non disputo, rectè ne, an secus Augustini mentem interpretentur Sixtus Senensis, Lecchius, & Viva; in has me difficultates non induo; quæstiones non resolvo. Sed quæro a P. Concina; cur non meminit in hoc loco Sixti Senensis, quem certissimè a Lecchio citatum legerat? Cur non dixit, Barbeyracum exscripsisse textum Augustini potius a Dominicano, qui scripserat 150 annos ante, quam a Lecchio Jesuita, qui scripsit sexdecim annos post? Cur hanc invidiam iniussimè conflatit Jesuita, non verò Dominicano, cui verosimilius ratione

tem-

133  
porum constare poterat? Oedipo non est opus, ut causa  
divinetur.

## C A P U T LVIII.

### *Vindicatur ab evidenti impostura Terillus & Moya.*

P. CONCINA Tom.6. pag. 32.

*Opinionem Terilli, & Moyæ, docentium cum aliis, fas esse  
eligere sententiam unius docti Viri auctoritate munitam,  
tametsi legi repugnantem, ANATHEMATE CONFI-  
XIT ECCLESIA ROMANA.*

\*.\*.\*.\*.\*

**N**imis impotenter P. Concina studet affingere Jesuitis  
propositiones damnatas. *Opinio ANATHEMATE  
CONFIXA AB ECCLESIA ROMANA* est hæc propo-  
sitio 27. Alex. VII.

*Si liber sit alicujus Junioris, & moderni debet opinio  
censeri probabilis, dum non constet rejectam esse a Sede A-  
postolica tamquam improbabilem.*

Quid verò si hanc opinionem neque Terillus, neque  
Moya doceant? Quid si EXPRESSE eam rejiciant?  
Quid si eam damnatam ab Ecclesia esse gaudeant etiam  
ex hoc capite, quod hujusmodi damnatione eorum judi-  
cium Ecclesia confirmavit? Videamus utrum hæc vera  
sint.

Terillus in suo Tractatu de Conscientia probabili  
quæstione 6. assertionem 10. hæc habet.

*Verum, laus Deo, illa (Ecclesia Romana) non ta-  
cet, sed sub sollicita cura supremi Pastoris ad corrigendas  
la-*

*laxas opiniones in re morali defudat. Nam anno 1665. die 24 Septembris approbante Sanctissimo exiit decretum in quo 28. propositiones ad mores spectantes damnantur tamquam ad minimum scandalosæ, omnibusque in virtute sanctæ obedientiæ, & sub interminatione divini judicii præcipitur, ne quamvis illarum in praxim deducant; sed & sententia excommunicationis ipso facto incurrenda, Romanoque Pontifici reservata omnibus interdicitur, qui illas, aut conjunctim aut divisim docuerint, defenderint, ediderint, aut de iis etiam disputativè publicè aut privatim, tractaverint, nisi eas sic tractent, ut impugnent. Inter has propositiones penultima ex condemnatis ita se habet.*  
*„ Si liber sit alicujus junioris & moderni, debet opinio*  
*„ censeri probabilis, dum non contitet rejectam esse a*  
*„ Sede Apostolica tamquam improbabilem „ EN PRO-*  
*POSITIO, QUAM LUMINE RATIONIS EVIDEN-*  
*TER FALSAM ESSE NOVERAM, CUJUSQUE FAL-*  
*SITATEM HIC DEMONSTRAVI, jam ab Apostolica-*  
*Sede ad minimum damnata est, ut scandalosa.*

*Moya in Selectis Tract. 1. quæst. 4. hæc habet.*

*Ex distis colliges primo; FALSAM & IMPROBABLEM ESSE SENTENTIAM ASSERENTIUM, opinionem typis datam ab aliquo Juniori & moderno, eo ipso debere censeri probabilem, dum non constet ab Ecclesia fuisse rejectam.*

*Et post comprobatam solidis rationibus hanc suam doctrinam directissimè & expressissimè oppositam opinioni damnatæ, ita pergit.*

*Hac ratione, quia revisores librorum non rite funguntur officio suo, experimur quotidie, opiniones plures ab antiquis & modernis traditas, & typis datas, jure fuisse ab Ecclesia damnatas: QUARUM PLURES adduxi in opusculo pro Jesuitis (Guimenio) NULLI VERO SUFFRAGIUM ADIUNGENS, NEC PROBABILITATEM ULLAM ADSTRUENS; sed questionem facti pro Jesuitarum vindictis instituens, ut imposturas aperirem, & a*  
*la-*



laxatum nota innoxios, auctoribus suis opinionibus restitutus, demonstrarem. QUARUM ad viginti, quæ in præfato opusculo ex variis Doctoribus (non Jesuitis) jussu defensionis causa fideliter excerptæ referuntur, ut minimum, ut scandalosæ, inter alias damnavit Sanctiss. P. Alexander VII. anno 1665. & 1666. & fere omnes ipse reprobaverant in editione *Madridensi* anno 1664. Quarum filium feci in libello supplici ad Eminentissimos S. R. E. Cardinales. Inter damnatas autem die 24. Septembris anno 1665. vigesima septima est, quam in præsentì REJICIMUS „ Si liber „ sit alicujus Junioris & moderni, debet opinio censerì „ probabilis, dum non constet rejectam esse a Sede „ Apostolica tamquam improbabilem „ . Nos ergo sufficit, quòd opinio in libro moderni reperiatur, ne quòd ab Ecclesia damnata non fuerit, ut probabilis censeatur.

Igitur, ut dicebam, Terillus & Moya opinionem proscriptam non modo non docent; non modo expressissime rejiciant; sed gaudent, judicium suum ab Ecclesiæ damnatione confirmatum fuisse. Et nihilominus juxta Patrem Concinam OPINIONEM TERILLI & MOYÆ ANATHEMATE CONFIXIT ECCLESIA ROMANA.

Hæc satis ad institutum. Placet nunc asserere verba ejusdem Theologi Patri Concinae neque ignoti, neque invisi. Is est P. Ignatius Camargo Societatis Jesu, acerrimus ille Probabiliorista, ex quo P. Concina tam multa excerptis adversus Probabilitatem: Qui in sua regula honestatis moralis Parte 1. lib. 1. Controversia 3. artic. 3. hæc habet.

Dicendum est, ac firmiter tenendum, non omnem opinionem etiam multorum gravium Auctorum sufficere ad honestè operandum, seu, quòd eodem redit, non omnem esse regulam honestatis moralis. NON OMNEM, inquam, nos enim haud negamus, opinionem gravium Doctorum, immo & UNIUS tantum aliquando licet rarissime, etiam contra opinionem aliorum plurium, VEL etiam COMMUNISSIMAM, esse posse quandoque regulam suffi-

cien-

*cientem ad honestè operandum; dummodo fiat operanti propria, & omnibus inspectis, vera existimetur ab ipso.*

De recitata hujus acerrimi Probabilioristæ Doctrina more meo nihil definio. Lectores judicent: qui forte scire cupiant, quid hac super re Probabilistæ dicant, adire possunt P. Vivam in commentario præfatæ propositionis: & Patrem Cardenas Tract.1. Disput.11. cap.3.

## C A P U T L I X.

### *Vindicatur ab iniusta criminatione P. Vasquez.*

P. CONCINA Tom.6. pag.219. propugnans, non posse dari actus indifferentes in individuo, hæc liberaliter scribit contra P. Gabrielem Vasquez.

*Adeo compertum est, PATRES OMNES hanc propugnare Doctrinam, ut P. Gabriel Vasquez candidè fateatur, illam esse S. Augustini, Prosperi, Fulgentii, S. Thomæ, ALIORUMQUE PATRUM; a qua tamen recedere religioni minimè ille sibi vertit; IDQUE NON RARO PRÆSTAT.*

Et inferius pag.226. nitium gloriosè, ni fallor, ita repetit.

*Sententiam nostram scripturæ divinæ, PATRES OMNES, judice ipso P. Vasquezio, & invicta rationum momenta; Ecclesia ipsa in proscriptis propositionibus EVIDENTER demonstrat.*

Quid-

**Q**uidquid sit de illa sententia, impugnante actus indifferentes in individuo, nihil ad me; ut enim sapius protectatus sum, non ago hic, neque decido ullam questionem. Quæ dico contra FIDEM Patris Concina, hæc sunt.

I. Falsissimum est Patrem Vasquez fateri, PATRES OMNES propugnare illam Doctrinam.

II. Falsissimum est, illa verba ALIORUMQUE PATRUM, vel etiam eorum sensum, reperiri in Patre Vasquez: sed istud omne Pater Concina ad constandam invidiam acutissimo summoque Theologo liberaliter addidit de suo.

III. Quod consequitur ex dictis, injustissima est, & satis conviciosa illa criminatio; Patrem Vasquez non sibi vertere Religioni discedere a communissima doctrina Patrum, & id non raro præstare.

Ad hæc probanda non asseram quidem concepta verba P. Vasquez, quia oporteret rescribere plura integra, & prolixa capita; referam tamen summa fide ejus doctrinam.

Igitur P. Vasquez in 1. 2. Disput. 52., ubi tractat hanc questionem, Capite primo recenset quidem multos Patres, sed non pro sententia negante actus indifferentes in individuo, verum ad stabiliendam notionem VERBI OTIOSI, sive ad constituendum, quid intelligendum sit nomine VERBI OTIOSI, de quo dicitur in Evangelio reddendam esse rationem.

Capite sexto, ubi resolvit questionem, refert Patres faventes præfata doctrina, scilicet S. Augustinum, aliquos ejus discipulos, Prosperum nempe & Fulgentium; & S. Thomam. Hos tantum, & alium neminem, concedit illi opinioni, & provoco Patrem Concina, ut nominet UNICUM alium ex Patribus, qui a Vasquezio pro opinione præfata vel nominatim vel implicite referatur.

S

Eo-

Eodem Capite sexto dissolvit paritatem petitam a verbo otioso, quæ esse solet Achilles adversariorum. Et de Patribus, quos pro notione verbi otiosi citaverat, ita loquitur.

*Veruntamen neque hi Patres priori opinioni favent.*

Demum eodem capite sexta solidè probat, pro actibus indiffærentibus in individuo, quos & ipse propugnat, stare S. Hieronymum, Sanctum Gregorium Nazianzenum, Auctorem Hypognosticon, S. Gregorium, Sanctum Bonaventuram, Alexandrum de Ales, & Scotum. Hæc est sincerissimè & candidissimè doctrina Patris Vasquez, quod attinet ad rem præsentem.

Cum igitur P. Vasquez concedat sententiæ oppositæ solos S. Augustinum, Prosperam, Fulgentium, & S. Thomam: cum omnes alios illi sententiæ apertissimè neget: cum contendat stare pro sua ex Patribus Hieronymum, Nazianzenum, Auctorem Hypognosticon, S. Gregorium, S. Bonaventuram, & ex principibus Theologis Alexandrum de Ales, & Scotum: quo jure, qua fide pronunciat P. Concina, PATRES OMNES JUDICE IPSO VASQUEZIO defendere illam sententiam: VASQUEZIO CANDIDE FATERI, illam esse S. Augustini, Prosperi, Fulgentii, ALIORUMQUE PATRUM: & non obstante hujusmodi candida confessione, minimè sibi vertere religioni, recedere a communissima Doctrina Patrum? Si P. Vasquez id aliàs præstat, ut præstat hic; certissimè nunquam præstabit.

Nec P. Concina instituat hic forte disputationem, utrum Patres pro se citati a P. Vasquez ipsi faveant nec ne? Utrum alii etiam Patres produci possint pro sententia contraria? Non est hoc quod quærimus. Hoc misso, semper verissimum remanet, Patrem Vasquez NON FATERI, OMNES PATRES esse in opinione opposita; immo paucos ipsi concedere; & judicare PLURES PATRES stare pro sua. Atque ideo injuriosa est impostura, Patrem Vasquez candidè fateri, stare pro opposita communissimam,

179  
mam Patrum, & nihilominus, supposita hac confessione, sine ullo conscientiae stimulo communissimæ Patrum contradicere. Rigidioris Ethices Professor Religioni sibi veterere deberet, hæc in vulgus disseminare.

## C A P U T L X.

### *Vindicatur ab impostura P. Suarez.*

P. CONCINA Tom.6. pag.404.

*Unde colligendum sit, legem sub mortali, aut sub veniali obligare? .... P. SUAREZ lib.3. capite 25. num.3. EX INTENTIONE legislatoris id erui posse CONTENTIT. NEGANT ALII, quia si materia præcepta LEVIS omnino sit; nequit legislator pro sua voluntate eam GRAVI afficere obligatione.... Quare optime concludunt perdocti Viri, EX PLURIBUS colligendam esse obligationem aut gravem aut levem, nempe EX GRAVITATE MATERIÆ, EX VERBORUM EFFICACITATE, EX POENÆ IMPOSITIONE, EX INTENTIONE LEGISLATORIS. Ne multa. Quando materia natura sua gravis est, verbis propriis legis præcipiatur, nisi expressè legislator declares, se velle sub culpa tantum levi, concludendum est, & legem graviter, & sub mortali obstringere subditos .... HÆC EST VERA, & COMMUNIOR SENTENTIA.*



**I**mposturam impactam hic Patri Suarez lectorum oculis ita subijcio. Tria asserit in recitatis verbis P. Concina. Asserit primo, Patrem Suarez CONTENDERE, obligationem aut gravem aut levem legis erui posse EX INTENTIONE legislatoris.

Afferit secundo, **ALIOS NEGARE** hanc P. Suarez Doctrinam propter hanc rationem; quia si materia sit omnino **LEVIS**, nequit legislator pro sua voluntate eam afficere obligatione **GRAVI**.

Afferit tertio, optimam, veram, & communio- rem sententiam eam esse, quam tenent perdocti Viri, qui repetunt præfatam obligationem ab enumeratis quatuor capitibus: nimirum **EX GRAVITATE MATERIAE; EX VERBORUM EFFICACITATE; EX POENÆ IMPOSITIONE, ET EX INTENTIONE LEGISLATORIS**. Et ab iis perdoctis Viris, qui hanc sententiam tuentur, certissimè excludit Patrem Suarez, siquidem hanc Sententiam refert tamquam diversam a sententia Suarii, immo ut contrapositam illi, quam in Suario reprehendit.

Jam verò si P. Suarez **NON CONTENDAT**, obligationem legis aut gravem aut levem erui **POSSE AB INTENTIONE** legislatoris: Plus: Si idipsum neget sicut **NEGANT ALII**: etiã plus: si neget propter ipsissimam rationem; quia nempe nequit legislator pro sua voluntate afficere obligationi **GRAVI** materiam **LEVEM**: Adhuc plus: Si ex professo & ordinatè per plura capita propugnet optimam illam veram, & communio- rem sententiam, quam propugnant perdocti Viri; & conceptissimis verbis doceat quantitatem obligationis a præfatis quatuor capitibus repetendam esse: Imposuit P. Concina P. Suarez nec-ne? Nemo, puto, negabit. Demonstramus igitur omnia supradicta.

P. Suarez lib.3. de Legibus citatum caput 25. ita orditur.

*Quoniam dictum est, legem posse de se obligare sub mortali, licet non semper ita obliget, & ideo necessarium est declarare quando obligatio legis pertingat usque ad illum gradum, in quo tam rigorosè obliget. Quantum autem* **EX COMMUNI Doctrina** Doctorum in hac materia colligi potest, **TRIA CAPITA** designari solent ad hanc

GRA

*gravitatem obligationis in lege discernendam: Nimirum, qualitas, seu quantitas, aut GRAVITAS MATERIÆ, in quā lex præcipit; (en primum Caput designatum cum perdoctis viris a P. Concina) VERBA, quibus lex profertur, (En secundum) sub quibus POENAM in lege aditam comprehendimus, (En tertium) ET INTENTIO præcipientis (En quartum) de quibus singillatim dicendum est.*

Deinde hoc capite 25. ex professo probat requiri primum, nempe GRAVITATEM MATERIÆ. Cap. 26. probat requiri secundum, & tertium, nempe VERBA propria legis, ET POENAM gravem. Et tandem cap. 27. probat requiri quartum, nempe INTENTIONEM legislatoris: requiri scilicet, ut legislator non se declaret velle tantummodo obligare sub levi. Ut patebit legentibus vel solos titulos Capitum, quæ hic rescribere nimis esset prolixum.

Certissimum ergo atque evidentissimum est, Patrem Suarez expressè propugnare optimam, veram & communem sententiam, quam defendunt perdocti viri, qui docent EX PLURIBUS, nempe ex quatuor dictis capitibus quantitatem obligationis repetendam esse.

Videamus nunc, utrum CONTENDAT, quemadmodum affingit P. Concina, præfatam quantitatem EX INTENTIONE legislatoris erui posse. An verò illud neget sicut NEGANT ALII, & propter ipsissimam rationem, quia nempe, quando materia est omnino levis, nequit legislator pro sua voluntate eam afficere obligatione gravi.

Eodem citato cap. 25. num. 2. P. Suarez ita pergit.

*Circa primum (ex enumeratis quatuor capitibus) CERTUM est, GRAVITATEM materia præcepti esse necessariam ad gravem legis obligationem; ITA UT NON SIT IN POTESTATE legislatoris humani obligare SUB MORTALI IN MATERIA LEVI, etiamsi id maxime velit, & intendat.*

CON-

CONTENDIT ne P. Suarez obligationem legis aut gravem, aut levem erui posse EX INTENTIONE legislatoris: an verò id negat, sicuti NEGANT ALII, & quidem propter eandem rationem? Pergamus; nam audientur illustriora.

Num.3. objicit sibi illam sententiam, quam ipsi asserunt ut propriam P. Concina, objicit, inquam, ut contrariam suæ, quam stabiliverat num.2. verbis modo recitatis; atque ita loquitur.

*Contra hanc verò sententiam referri possunt varii auctores, qui frequenter dicunt, EX INTENTIONE LEGISLATORIS pendere, quòd præceptum obliget sub mortali.*

Et post allatas aliquas eorum rationes, inter quas est Præceptum grave impositum Adamo de non comendo poma, quæ videtur materia levis: Audi quomodo non CONTENDAT cum illis quantitatem obligationis pendere AB INTENTIONE legislatoris; sed hanc opinionem ipsi afficiam a P. Concina expressè rejiciat, & firmiter adhæreat sententiæ oppositæ, quam numero secundo verbis supra relatis jam stabiliverat.

*Sed nihilominus, inquit, assertio posita (num.2.) verissima est, & COMMUNIS, sufficienterque demonstrata.*

Et deinde solvit obiectionem petitam a Præcepto Adæ; dicendo num.5. materiam illam de se LEVEM, propter circumstantias & finem fuisse GRAVEM. Quamobrem tantum abest, ut P. Suarez CONTENDAT id, quòd ipsum contendere dicit P. Concina, ut afferat illam opinionem per modum obiectionis, ut illam rejiciat, ut ejus rationes solvat, ut amplectatur & solidè probet oppositam tamquam VERAM & COMMUNIOREM.

Ergo P. Suarez neque CONTENDIT quantitatem obligationis erui posse AB INTENTIONE LEGISLATORIS; & expressè defendit contrarium, & docet eam quantitatem repetendam esse ab iis quatuor Capitibus, a quibus illam repetunt perdocti Viri. Ergo P. Concina in pœnit. Q.E.D. Pro-



143

Propulset aliquanto longius P. Concina rancidulam  
cantionem.

## CAPUT LXI.

*Restituitur sua integritati sententia  
P. Sanchez.*

P. CONCINA Tomo 6. pag. 437.

*Quid si Confessarius pro poenitentia præscriberet tres missas audiendas? Posses ne eodem tempore omnes audire? ADFIRMAT P. SANCHEZ lib. 1. cap. 14. num. 11. CUI NON REPUGNAT LEDESMA..... Sed hæc opinio mihi improbabilis omnino est, quia legem circumvenit, immo eam deludit. Confessarius, qui tres audiendas Missas præscribit majorem se imponere poenitentiam intendit, quam si unam aut duas juberet. Porro tres Missas eodem tempore audire non est major poenitentia, quam unicam audire. Nemini Christianorum lumine naturali judicanti hæc casuistica opinio in mentem veniret.*

§\*\*\*§\*\*\*§.

**P**Utabitur sine dubio, Lectores æquissimi, P. Sanchez EXPRESSE & conceptis verbis loqui de tribus Missis a Confessario pro poenitentia præscriptis. Id enim omnino persuadent, immo propinant recitata verba Patris Concina. Atqui scitote, Patrem Sanchez de Missis pro poenitentia a Confessario præscriptis ne verbum quidem facere, neque illud ex ejus generali doctrina inferri posse, immo potius inferri oppositam. En prius verba Sanchezii loco citato.

Po-

*Potest uno & eodem tempore diversis actibus DUPLICI PRÆCEPTO satisfieri, quando unum non impedit aliud: quòd nullibi TEMPORUM DIVERSITAS præcipiatur. Atque ita fatentur fere universi Doctores, nam dicunt posse quempiam tempore, quo Missam in Festo præceptam audit, recitare horas canonicas, vel quascumque alias preces, ad quas ratione Ordinis, Voti, aut poenitentiae injunctæ tenetur.*

Tum post citatos plurimos auctores pro præfata Sententia ita pergit num. 12.

*Hinc deducitur, eum, qui duplicem Missam audire tenetur, posse eas simul audire, dum eæ simul in duplici altari celebrantur. Sic Petrus de Ledesma in summa Sacramen. ubi de Eucharistia in cap. 27. paulo ante conclusionem 9.*

Primum nihil EXPRESSE habet Sanchez, ut dicebam, de Missis a Confessario præceptis pro poenitentia. Loquitur quidem de precibus pro poenitentia injunctis, & has docet recitari posse, dum quis audit Missam in Festo præceptam: sed MISSAS PRO POENITENTIA PRÆCEPTAS nusquam nominat.

Deinde quamvis doceat posse simul audire duas Missas, ad quas quis tenetur; non tamen hinc statim inferitur posse eas simul audiri, si a Confessario pro poenitentia præceptum sit duas Missas audire. Sed potius attenda tota Doctrina Sanchezii inferitur contrarium.

PRIMO. Quia P. Sanchez quando docet, posse uno & eodem tempore diversis operibus DUPLICI PRÆCEPTO satisfieri, loquitur de operibus debitis ex præceptis diversis, dissimilibus, & ut ajunt, disparatis. E.G. de Missa debita ratione Festi; & de Horis Canonicis debitis ratione ordinis: De Missa debita ratione Voti, vel poenitentiae injunctæ. Patet hoc evidenter. Nam ibi profitetur se amplecti sententiam Ledesmae, & Ledesma apertè loquitur de duabus Missis a duobus dissimilibus præceptis imperatis *Lo segundo, inquit, se ha de advertir,*

*tir, che quando un' hombre està obligado a oyr dos missas POR DOS DIFERENTES TITULOS, las puede oyr ambas juntamente en dos altares.* Atqui tres missæ injunctæ a Confessario pro poenitentia non sunt debita ex dissimilibus titulis, immo neque propriè EX DUPLICI, sed ex uno eodemque præcepto. Ergo de istis neque apud Sanchezium, neque apud Ledesma sermo est.

SECUNDO. Quia Pater Sanchez loquitur de iis casibus, in quibus non præcipiatur DIVERSITAS TEMPORUM. Si enim simul cum operibus constet præcipi diversitatem temporum, non ita insanit, ut doceat satisfieri præcepto per opera posita eodem tempore. Atqui Confessarius præcipias pro poenitentia audire tres Missas, apertissimè præcipit diversitatem temporum. Quia, ut rectè advertit P. Concina, intendit imponere majorem poenitentiam, sive imperare poenitenti diuturniorem moram & assistentiam sacris, quàm si juberet audire unam vel duas. Ergo de hoc peculiari casu non loquitur P. Sanchez.

Quare cum P. Sanchez id non affirmet EXPRESSE, ut est evidens; cum probabilissimum sit, illud nec affirmare IMPLICITE, ut ostendimus, non videtur mihi satis bona fides absolute & intrepide pronunciare, **ADFIRMAT P. SANCHEZ.**

Postremo hoc adverto. Ledesma scripsit ante Patrem Sanchez. P. Sanchez hoc in loco se Ledesmae discipulum profitetur. Et tamen Sanchez primus ostentatur, primus in scenam producitur intrepido illo **ADFIRMAT SANCHEZ.** Et Dominicanus velatur mitissimo illo loquendi modo **CUI NON REPUGNAT LEDESMA.** Cur P. Concina non dixit, ut ratione temporis & magisterii dicendum erat, **ADFIRMAT LEDESMA, CUI NON REPUGNAT SANCHEZ?** Fortasse ob ejus vacillatam a studio partium.

## CAPUT LXII.

*Vindicatur a repetita impostura  
P. Bauny.*

P. CONCINA Tom. 6. pag. 438.

*Alteram casuisticam opinionem, quæ docent BAUNYUS, . . . . te videlicet posse plures Missæ partes simul audire a diversis Sacerdotibus, ab uno usque ad consecrationem, ab altero usque ad finem, & præcepto satisfacere, damnavit Alexander VII.*



**H**Æc est eadem impostura in P. Baunyum, ac illa de qua dictum est capite 46. desumpta ex Tomo 5. pag. 77. at quoniam P. Concina, quod non raro præstat, repetitione utitur; mihi quoque eadem utendum est.

Igitur P. Baunys, ut ibi diximus, NON DOCET illam opinionem. DOCERE enim opinionem aliquam, significat apud omnes, illi adhærere ut propriæ, illam, præferre oppositæ, illam putare vel unicè veram, vel saltem contrariâ probabiliorem. Porro Baunys nihil horum præstat: sed relata primo loco sententia negante satisfieri præcepto per illam simultaneam auditionem, & secundo loco sententia affirmante nunc damnata, ait.

*Hæc secunda sententia, quamquam probabilis, TAMEN IN PRAXI NON EST SEQUENDA, SED PRIOR.*

Quibus verbis non modo non adhæret illi opinioni ut propriæ, non modo illam non anteposit oppositæ; non modo non reputat opposita probabiliorem: sed oppositæ longe postponit; sed reputat illam **MULTO MINUS**

NUS probabilem: siquidem neque illi concedit probabilitatem PRACTICAM; Probabilistæ enim non prohibent, sequi IN PRAXI opiniones PRACTICE probabiles. Vide alia, quæ ibi dicta sunt.

Duo hic præterire non libet. Primum. Præfata opinio non est damnata ab Alexandro VII, ut scribit P. Concina, sed ab Innoc. XI in propositione 53. Quod quidem quantum attinet ad damnationem perinde est; sed non quantum attinet ad diligentiam Scriptoris.

Secundum. P. Concina hoc in loco post affectam Baunyo memoratam opinionem, ita pergit: *Hinc collige, eo plures recentiores Theologiam casuisticam dirigere, ut vim legum extenuent zelo minuendi peccata.* AT NUMQUAM ABUNDANTIUS peccatorum torrens inundavit Christianismum, quam post inventam Theologiam probabilisticam.

Theologia probabilistica inventa est a Patribus Dominicanis præter propter post celebratum Concilium Tridentinum. Theologia probabilistica viget in certis quibusdam terrarum orbis partibus, in certis aliis viget potius Theologia probabilioristica. Utrum abundantior peccatorum torrens inundaverit Christianismum post Concilium Tridentinum, an ante: Utrum abundantior peccatorum torrens eas regiones inundet, ubi viget Probabilismus, an alias, ubi viget Probabiliorismus; judicabunt alii, qui in rebus Facti multo magis, quam ego, versati sunt. Unum ego dicam, quod a peritis & fide dignis audiui: Peccata, quorum torrens Christianismum inundat, non ea esse, de quibus hinc inde a catholicis Theologis disputatur utrum peccata sint; sed ea quæ Rigoristæ, Benignitæ, Probabilioristæ, Probabilistæ, Docti, Indocti, Senes, Pueri, Mares, femine evidentissimè norant, & concedunt esse peccata.

*Restituitur sua integritati sententia  
Tamburini.*

P. CONCINA Tom. 7. pag. 55. in catalogo propositionum damnabilium.

P. Thomas Tamburinus lib. 3. Methodi Confess. cap. 4. n. 5  
 „ Si prævideat Confessor, poenitentem non restitutum,  
 „ si illi detegatur nullitas tituli, quam pro se adesse  
 „ poenitens putat, non erit ex Sanchez talis nullitas  
 „ illi a Confessario patefacienda; quamvis sit in præ-  
 „ judicium tertii, qui suo carebit. „ *Quàm sit princi-*  
*pium illud justitiæ, negotiationi, & societati pernicio-*  
*sum, quisque judicet.*



MUtilata conjicitur in Catalogum propositionum damnabilium propositio Tamburini; & ea rescatur, quæ æquivocationem tollunt; ac sententiam multo minus invidiosam reddunt. Tamburinus enim loco citato expressè dicit, a Confessario NON INTERROGATO. Illæ autem voces NON INTERROGATO a P. Concina nescio cur rescetæ, non levis momenti sunt. Nam sine illis sententia Tamburini apparet indefinita, & loquens de quocumque Confessario, sive interrogetur, sive non; Et tunc esset contra communissimam opinionem omnium Theologorum; quia, si Confessarius interrogetur, patefaciendam ab eo esse veritatem omnes concedunt. Utrum verò patefacienda sit a Confessario NON INTERROGATO, quando nullum speratur bonum neque Poenitentis, neque Tertii; & quando Tertius

tius cariturus est suo, tametsi poenitens moneatur, in quaestione est, & negatur communis, ut videbimus: Ideoque sententia Tamburini, adjectis, sive in sua sede relicta, duabus praedictis vocibus, quas P. Concina detruncavit, est multo minus odiosa.

Sed quoniam hujus sententiae mentio incidit, placet alia subungere. Incredibile est, quo impetu contra praefatam opinionem invehatur P. Concina multis in locis suae hujus Theologiae. Ostentando tamen semper more suo ferme solos Auctores Societatis, ut iis vel solis, vel potissimum laxitatis nota adhærescat. Ejus convicia, & declamationes prius referam: tum indicabo Auctores eam opinionem defendentes; postremo dicam, quid colligi velim.

Hoc in loco eam damnationi proponit praefixo solo nomine Tamburini; eamque appellat, ut vidimus, *Principium Justitiae, negotiationi, & Societati perniciosum*.

Tomo 9. pag. 695. citato unico P. Viva illam sic insectatur: *Oro, efflagiteque, ut salvo erga pium, doctumque Auctorem officio (erga multos Dominicanos salvandum erat, ut videbimus, hoc officium) ea promere sincere, & liberè, quæ imbecillitati meæ vera videntur, valeam. Hæc doctrina, ut mihi videtur, non modo falsa, & LAXA est, sed ex illa HORRENDA consequi ABSURDA judico: nempe UNIVERSUM EVANGELIUM everti, & susceque principia EVANGELICÆ PRÆDICATIONIS evolvi. Quis alienum possidet bona fide: contractum senectrem justum existimat: ille bona fide versatur in occasione proxima: isti bona fide procrastinant, differunt debitorum solutiones. Et minister Evangelicus poenitentes istos ad confessionem accedentes admonere non tenetur? Immo ignorantia non est amovenda, non debet amoveri? Cur? Ne revelatio veritatis noceat poenitenti. O TEMPORA, O MORES!*

Tomo 10. pag. 373. citatis quidem etiam Salmantisensibus, sed praecipue exagitando La-Croix, & Gobatum,

tum, eam opinionem in medium rursus producit, & his conviciis afficit. Pag. 374. *Commenta peregrina*, & *Evangelio pugnantis*. Pag. 377. *Principium*, quo recentiores docent, *omittendam a Confessario admonitionem*, quia scilicet penitens praevidetur non paratus, non dispositus, non promptus ad eam acceptandam, est evidenter falsum, *Evangelio Christi vi evidentis ratiocinii adversum*, laxitatis plenissimum; unde sacrilegia, & innumera absurda proficiuntur. Pag. 380. *Hæc doctrina*, ut locis indicatis palam feci, *hostiliter cum Evangelio pugnat*.

Videamus nunc, quinam docuerint sententiam, *JUSTITIÆ, NEGOTIATIONI, ET SOCIETATI PERNICIOSAM; HORRENDORUM ABSURDORUM PARENTEM, UNIVERSUM EVANGELIUM EVERTENTEM, SUSQUE DEQUE EVANGELICAM PRÆDICATIONEM EVOLVENTEM, COMMENTUM PEREGRINUM, & EVANGELIO PUGNANS, EVANGELIO VI EVIDENTIS RATIOCINII ADVERSUM, LAXITATIS PLENISSIMUM, SACRILEGIORUM, ATQUE INNUMERABILUM ABSURDORUM FONTEM, HOSTILITER DEMUM CUM EVANGELIO PUGNANS*. Hi sunt sequentes.

I. Martinus Ledesma Dominicanus secunda 4. quæst. 8. art. 4. dub. 9.

*Dubatur 9. an Confessarius debeat dicere veritatem penitenti ignorantı invincibiliter, quando ignorantia est CUM GRAVAMINE ALTERIUS, ut si quis habeat alienum, & ignoret invincibiliter; an Confessarius debeat dicere veritatem, quando ex conjecturis cognoscit? Ad hoc dico, quod si Confessarius credit, quod resistit, tenetur ei dicere veritatem, quia aliàs esset socius furti. Secundo dico; quod si nihil est PROPECTURUS, NIHIL EI DICERE. Probat. Quia est perdere opus, & nihil debet sine utilitate fieri.*

II. Melchior Cano Dominicanus Relección de Penitencia Part. 6. quæst. 6. §. *Atque id intelligi volo; pag. 255. editionis Ingolstadtienfis anni 1580.* At-



*Atque id intelligi volo, ( Confessarium teneri admonere ) cum existimo, me penitenti profuturum . Nam frustra niti, & nihil aliud, quam laborando odium querere, ut Sallustius ait, extrema dementia est . Et D. Augustinus de Penit. dist. 7. Cap. Si quis : Ideo, inquit, do tibi penitentiam, quia nescio ; nam si scirem nihil tibi prodesse, non tibi darem, non admonerem . Ratio quoque perspicua est ; quia nulla lex obligat ad actus inutiles, & otiosos . Item sicut correctio ad bonum illius, qui corripitur ; ita confessio ad bonum penitentis ordinatur . Sed quando scio, nihil me mea admonitione profuturum, non teneor fratrem corripere aut delinquentem, aut ignorantem . Ergo . Hinc facile discernetur, quid in multis eventis Confessarius habeat facere, SI PRUDENS ESSE VELIT . Ut si mulier nupsit Petro occultè non consummato matrimonio . Deinde contraxit cum Joanne publicè, & consummavit, cum quo manet BONA FIDE . Item si mulier contraxit cum fratre suo, vel affine, quem invincibiliter ignorat esse fratrem, &c. Nam in his omnibus casibus, SI CREDO MEUM CONSILIUM PROFUTURUM ; TENEOR ADMONERE ; SIN MINUS, TENEOR NON ADMONERE ; sive id sit IN DETRIMENTUM PROXIMI, sive non : sive sit contra jus divinum, sive humanum .*

III. Magister Bannez Dominicanus in 2. 2. quæst. 33. in commentario articuli 6.

*Ex hac doctrina sequitur quod Confessarius, qui novit penitentem ignorantia invincibili laborare, maxime si est ignorantia facti, NON DEBET DOCERE IGNORANTEM, si probabiliter æstimat, quod ille adhuc permanebit in suo facto, & amplius peccabit .*

IV. Magister Serra Dominicanus in 2. 2. quæst. 33.

*Si Confessarius sciret, mulierem esse nuptam cum Viro, qui re vera non est suus vir ; timeret tamen probabiliter, ac prudenter, illam, etiamsi admoneretur, non fore recessuram ab eo, NON TENETUR ILLI VERITATEM APERIRE . Quod verum etiam est, quamvis peccatum*

*catum per ignorantiam excusatum ESSET IN DETRIMENTUM TERTII; ut si quis bona fide possideret hereditatem alienam, aut contractum usurarium efficeret, & sciret Confessarius, aut probabiliter timeret, ejus admonitionem nihil esse profuturam; quia difficillimum est relinquere hereditatem, aut lucrum hujusmodi.*

V. Dominicus Soto Dominicanus in 4. dist. 18. quæst. 2. a. 4. quamvis teneat, Confessarium debere instruere pœnitentem, quando ignorantia est eorum, quæ omnes tenentur scire, quia putat talem omnem ignorantiam esse culpabilem: tamen si ignorantia sit inculpabilis, in qua solum hypothese loquuntur cæteri Auctores, ipse etiam docet præfatam sententiam his verbis.

*Quando ignorantia est juris, quod omnes tenentur scire, sive divini, sive humani, vel facti, quod ille pœnitens scire tenetur; Sacerdos obligatur pœnitentem instruere, quidquid sequatur, sive proficit, sive obsit. Res est clara: NAM OMNIS TALIS IGNORANTIA EST CULPABILIS, & PECCATUM. Quare si pœnitens ignorat articulum fidei; nulla de causa debet silere Sacerdos, sed illum docere. Si autem ignorantia sit eorum, quæ non omnes tenentur scire, sive sit juris divini, sive humani: tunc distinguendum est. Si Sacerdos viderit quod possit prodesse, idque sine gravi scandalo; tunc tenetur rem detegere. SI VERO VIDET, QUOD NULLATENUS PRODESSE POTEST, AUT SINE GRAVI SCANDALO; TUNC TENETUR TACERE, ET DISSIMULARE, si non interrogatur, [en verba detruncata a Patre Concina in Tamburino] aut si alter non confitetur de illo tamquam de re scrupulosa.*

VI. Petrus du Fay Dominicanus quæst. 9. supplementi art. 2. disp. 4. concl. 4.

*Sacerdos tenetur docere pœnitentem tam in communi, quam in particulari ea, quæ scire debet, etsi ignorantia invincibili excusetur v. g. contractum aliquem, quem novit esse usurarium; fornicationem simplicem esse illicitam.....*

IN-

INTELLIGENDA tamen hæc sunt, quando Sacerdos probabiliter existimat, pœnitenti profuturum suum consilium, & doctrinam: SI ENIM AB EISDEM NULLUM RELATURUS SIT PROPECTUM AUT EMOLUMENTUM, SED POTIUS SCANDALUM ALIQUOD INCURSURUS, EXCUSABITUR AB HOC OFFICIO.... Ratio est, quod sicut correctio fraterna ordinatur ad bonum fratris corripiendi; ita sacramentalis confessio, & ea, ad quæ tenetur Sacerdos in administratione ejusdem, diriguntur ad bonum spirituale pœnitentis. Sed quando corrigens probabiliter existimat, quod sua correctione non emendabitur, sed potius scandalizabitur corripiendus, potest, IMMO TENETUR ABSTINERE correctione. Ergo similiter in nostro casu.

VII. Ludovicus Lopez Dominicanus prima parte Instructorii cap. 27. §. Ad prudentiam Confessoris.

Ad prudentiam quoque Confessoris attinet TACERE, & nihil interrogare, quando videt pœnitentem ignorantia inculpabili ignorare, aliquid esse peccatum mortale; QUANDO EX ADMONITIONE NON SPERATUR EMENDA, VEL QUANDO DIFFICILE EST REMEDIUM.

VIII. Bartholomæus Medina Dominicanus in Instructione Confessariorum ex idiomate Hispano in Italicum versa, lib. 2. cap. 3.

Il quarto avviso. Quando il Confessore vedrà il Penitente essere d' un' ignoranza invincibile, o con buona fede in cosa, che per altro sarebbe peccato mortale, NON BISOGNA, CHE NE PARLI; e particolarmente, se dall' avviso del Confessore non dee seguirne profitto; ma molto travaglio, e scandalo.

Omitto, ne tædio sim, alios plurimos, tum Dominicanos, tum Franciscanos, tum Jesuitas, tum cujuslibet conditionis, & instituti. Unum tantum præterire nolo Patrem Suarez, quem cum tota theologica Republica P. Concina magni facit, & bene facit. Is igitur disp.

disp. 32. de Pœnitentia sect. 4. num. 4. ita loquitur.

*Tertio, quando Confessor non sperat fructum, vel quia probabiliter, & prudenter timet, pœnitentem non effecturum; vel certè non posse sine gravi incommodo id efficere, de quo admonendus est; potest, & DEBEET tacere, ac pœnitentem in sua bona fide relinquare..... Ratio autem est, quia tunc Confessor nec ratione officii, nec ratione caritatis tenetur admonere pœnitentem. Primum patet, quia tunc pœnitens est benè dispositus, & integrè confessus. Ergo ex vi officii Confessoris absolvi potest. Secundum etiam est manifestum; quia charitas, & correctio fraterna solum obligat quando est spes fructus. Item in eo casu potius esset admonitio contra charitatem, quia posset afferre magnum incommodum proximo sine ullo fructu.*

Everfionem verò Evangelii, & apostolicæ prædicationis ruinam, quam obtrudit P. Concina, præoccupat ibidem P. Suarez paulo post, afferendo latum discrimen inter apostolicam, & publicam prædicationem, ac privatam admonitionem Confessoris. Quia nempe illa ordinatur ad bonum publicum; ac propterea omittenda non est, etsi non speretur bonum, immo timeatur malum alicujus particularis. At Confessoris admonitio ordinatur ad privatum bonum pœnitentis: quod si non speratur, immo timetur oppositum; admonitio remanet actus omnino inutilis, & otiosus, immo noxius, ad quem nulla lex obligat, ut optimè advertebat Melchior Cano, & Martinus Ledesma perdocti Dominicani. Atque eandem objectionem sicuti Suarez ita etiam præoccupat Sanchez lib. 2. de Matrimonio disp. 38. num. 19. his verbis.

*Doflor publicus five Concionator tenetur publicè veritatem docere, licèt fructus alicujus privati non speretur, sed scandalum. Quia doctrina ea ad bonum publicum ordinatur: quare propter privatum malum non est intermittenda.*

Hi sunt Auctores qui sententiam defendunt, quam P. Concina tam acribus declamationibus infectatur, tam atro-

atrocibus conviciis dehonestat. Quorum etsi non omnes expressè ad casus particulares descendant, omnes tamen generatim, & universaliter loquuntur; atque implicite eventa omnia comprehendunt. Nunc dicam, quæ a Lectoribus colligenda velim.

Colligant primò: Utrum P. Concina sit omnino vacuus a studio partium, & æquus, ut tantopere jactat, erga Theologos cujuslibet Instituti. Poterat præfigere propositioni damnandæ octo insignes Dominicanos, atque adeo plures, neque enim omnes adduxi; & tamen præfixit solum Tamburinum, & quidem detruncando eas voces NON INTERROGATO, quæ non levis momenti sunt; si enim Confessarius interrogetur, detegendam ab eo esse veritatem, conveniunt omnes. Poterat Tom. 9. citare laudatos octo Theologos Ordinis sui; & tamen citato solum Patre Viva, & onerata conviciis ejus sententia, altè exclamavit: O tempora, o mores! Quasi mores unius Patris Vivæ facerent, ut forderent hæc tempora; & non facerent mores Martini Ledesmae, mores Melchioris Cano, mores Magistri Bannez, mores Magistri Serra, mores Dominici Soto, mores Petri du Fay, mores Ludovici Lopez, mores Bartolomæi Medinae. Poterat tandem aliquis ex iis Dominicanis in indicibus legi: & tamen Jesuitæ quidem recensentur; ex iis nemo indicatur.

Colligant secundo, quàm verum sit, quod aliàs dixi, familiarissimum esse Patri Concinae hoc artificium, vel occultatis omnino aliis Auctoribus, vel cursim, & festinanter nominatis, vel post terga protectis, ita objectare, & ostentare Scriptores Societatis, ut appareant Lectoribus vel unici defensores opinionum, quas appellat laxas, vel saltem primpili.

Colligant tertio, Jesuitas in plurimis sane sententiis, quas P. Concina infectatur, alios habuisse magistros; quod ego quidem ostendere paritissimus sum. In hoc opusculo, ne nimis ab inituito digrediar, tunc solum id præ-

sto, quando hanc mihi dat occasionem sententia aliqua Jesuitarum suæ sinceritati restituenda. Dicit forte P. Concina, sua nihil hoc interesse. Hortabitur, quod re ipsa facit, ut aliquis existat, qui Thomistarum laxitates refutet, & tunc pura undecumque splendeat christiana Theologia. (Ejus verbis usus sum). Verum si flagrat studio reformandæ Moralis, cur hanc Provinciam alteri relegat; ipse non suscipit? Cur rivulos purgare nititur; de fontibus non laborat? Cur ramos cædit, & infectatur; radices integras atque intactas relinquit?

Colligant quarto, quando convicia & censuras Patris Concinae contra aliquam opinionem legent, non esse festinanter præcipitandam sententiam. Judicium parumper sustineant, donec illam ab alio aliquo pertractatam videant; & tunc sentiant quod in Domino judicabunt.

## C A P U T LXIV.

### *Restituitur sua integritati sententia Viva.*

P. CONCINA Tom.7. pag.62. in *Catalogo propositionum damnabilium.*

P. Dominicus Viva in *Trutina theologica* in hanc propositionem 37 num.7. „ Quod in hac thesi proscribitur, „ est, posse famulos occultè compensare id quod ipsi „ judicant ex iustitia sibi deberi in salarium... Idcirco „ ad occultam hanc compensationem faciendam requi- „ ritur judicium Viri docti simul, & periti „.



**I**N primis P. Concina male confuit in unam propositionem citando solum numerum 7. duas partes, quæ in P. Viva longissimè distant inter se. Una enim pars habetur numero primo, & altera in fine numeri septimi. Hoc omisso: Plura prætermittuntur & rescantur, sine quibus nullo pacto intelligitur vera mens, & genuina sententia Patris Vivæ. Ego illam sincere exponam.

Ejus igitur opinio hæc est. Ad licitam occultam, compensationem non sufficit **PROBABILITAS**, non sufficit **PROBABILIORITAS**, sed requiritur omnino **CERTITUDO MORALIS**, quòd debeat ex justitia salarium majus. Quia possessor bonæ fidei, qualis est Dominus, non posset privari re possessa, donec jus alienum, nempe famulorum, sit **MORALITER CERTUM**. Jam verò de hac **CERTITUDINE MORALI** non sunt idonei judices ipsi famuli, immo neque quilibet Confessarius minus doctus & peritus. Et idcirco ad occultam compensationem faciendam (suppositis aliis conditionibus jam notis, quas P. Viva ibi enumerat num. 1.) requiritur judicium Viri docti simul ac periti, qui judicet (quid? hoc enim est recisum, & occultatum) qui **SPECTATIS OMNIBUS JUDICET, MORALITER CERTUM ESSE, QUOD MAJUS SALARIUM DEBEATUR**.

Paucis. Sententia Vivæ limpida & sincera hæc est. Tunc possunt famuli uti licitè occulta compensatione, quando suppositis cæteris requisitis Vir doctus, peritus, **ET PASSIONE DENUDATUS** judicaverit, **CERTUM MORALITER ESSE**, quòd ipsis debeat ex justitia majus salarium.

Rogo duo lectores: primùm, ut ipsi judicent, an hæc Vivæ sententia eadem sit, atque hæc trigesimaseptima damnata ab Innoc. XI. „Famuli & famulæ domesticæ possunt occultè Heris suis surripere ad compensandam operam suam, quam majorem *judicant* salario, quòd recipiunt „.

Se-

Secundum, ut dignentur oculos rursum reflectere ad propositionem oblatam a P. Concina damnationi, & videre, an ex illa intelligatur genuina mens P. Vivæ, quam modo exposui: an intelligatur, Patrem Vivam requirere prædictam CERTITUDINEM MORALEM de majori salario debito ex justitia: an intelligatur Virum illum doctum & peritum de hac determinata re judicare debere; nimum, utrum verè existat illa MORALIS CERTITUDO? Si hæc intelliguntur, non hisco. Si non intelliguntur, ut videtur mihi certissimum, ergo P. Concina non retulit integrè & sincerè sententiam Vivæ. Quodd vero hæc sit ea, quam exposui, en ejus verba.

*Quod in hac thesi proscribitur, est, posse famulos occultè compensare i. d., quod ipsi judicant ex justitia sibi debere in salarium, quod certè scandalosum est, & viam aperit innumeris furtis.*

Et post hæc dicta num. 1. ex quibus P. Concina desumpsit primam partem suæ propositionis, sic habet n. 7.

*Ratio a priori (falsitatis propositionis damnatæ) est, quia universim possessor bonæ fidei non tenetur restituere rem possidens, etiam si sit PROBABILIUS, nedum si solum PROBABILE sit, quod ea sit aliena, prævalente jure certo, quod habetur a possessione bonæ fidei, juri incerto alieno, quod oritur ex opinione probabili, aut probabiliori... Ergo Hæc jure suo retinent illud salarium, quod famuli putant sibi debere, donec MORALITER CERTUM sit, quod debeat. Ergo injuriam patiuntur & injustitiam, si per occultam compensationem eo spoliuntur a famulis judicantibus citra moralem certitudinem illud sibi debere. Cum autem hæc MORALIS CERTITUDO non possit haberi per hoc, quod IPSI FAMULI, immo etiam per hoc, quod CONFESSARI MINUS DOCTI & PERITI ita judicent, ut ostendimus (ibi num. 6.) IDCIRCO (en verba assuta a P. Concina quibusdam verbis numeri 1.) IDCIRCO ad occultam hanc compensationem faciendam requiritur judicium Viri docti simul ac periti, (quæ*



(quæ sequuntur, & mentem Vivæ manifestè ostendunt, omnia resecta sunt) ET PASSIONE DENU DATI, QUI SPECTATIS OMNIBUS JUDICET, MORALITER CERTUM ESSE, QUOD MAJUS SALARIUM DEBEATUR.

Auditis verbis Vivæ poterunt lectores etiam facilius judicare, utrum ejus sententia a P. Concina integrè & sincerè relata sit: & utrum in ea, ut jacet in P. Viva, non avulsa a contextu, non mutilata, aliquid sit damnatione dignum: Nam de hoc postremo, ego more meo nihil definio.

## C A P U T L X V.

### *Restituitur suæ integritati sententia Cardinalis de Lugo.*

P. CONCINA Tom. 7. pag. 65. in *Catalogo propositionum damnabilium.*

*Cardinalis de Lugo Tom. 2. de Just. disput. 26. sect. 13. n. 208.*

„ Infertur tertio, neque reddi injultum hunc contra-  
 „ ctum (*mobatræ*) ex natura rei per hoc, quod vendi-  
 „ tor suam intencionem manifestet emptori, dicendo:  
 „ Ego liberè tibi credito vendo has merces, si tamen  
 „ volueris eas postea viliori pretio vendere ad haberi-  
 „ dam pecuniam præsentem, ego paratus sum ad eas  
 „ emendas „.



**T**Runcata est sententia Cardinalis de Lugo, & qui-  
 dem non mediocri Eminentissimi Auctoris damno.  
 Resecta enim est limitatio & admonitio ab ipso statim  
 adie-

adjuncta, quæ opinionem non modo multum temperant; verum etiam omnino immutant. Igitur Cardinalis post recitata verba, interjectis puncto solum & comate, ita pergit.

**DUM TAMEN ALIQUOD PACTUM IMPLICITUM SUB HAC MANIFESTATIONE NON INCLUDATUR.** *Quod etiam consequenter concedit Salas illo num. 3. Qui tamen RECTE MONET, CAUTE in hoc procedendum esse, propter periculum usuræ implicitæ in tali modo loquendi.*

Quæro nunc: Est ne idem sensus, dicere absolute & simpliciter, manifestationem intentionis redimendi merces non esse injustam: ac dicere, non esse injustam solum sub hac limitatione, & conditione, **DUM TAMEN ALIQUOD PACTUM IMPLICITUM SUB HAC MANIFESTATIONE NON INCLUDATUR?** Et præterea monere, cautè esse procedendum propter periculum hujus pacti impliciti? Certissimè non esse eundem quivis Logicus novit. Primus enim illimitatus est, & absolutus: secundus verò limitatus, & conditionalis. Porro primus sensus, quem exhibent amputatis ceteris verba recitata a P. Concina, non est Cardinalis de Lugo: Sed est tantum secundus. & quidem adhuc magis temperatus adjuncta illa admonitione. Ergo P. Concina truncatum referendo textum Cardinalis, imposuit ipsi sententiam, quam non docet, & suppressit eam, quam docet.

Non defendo opinionem Cardinalis de Lugo, quem admodum neque illius Auctoris, etiam ut in ipso jacer, quod repetere sæpius juvat, ne P. Concina divertat. Sed propugno Patrem Concina non referre integrè & sincere Jesuitarum sententias, & ipsas collocare in maligniori luce, quam merentur.

## CAPUT LXVI.

*Vindicatur ab impostura P. Lessius.*

P. CONCINA Tom.7. pag.66. in eodem Catalogo  
propositionum damnabilium.

P. Leonardus Lessius lib.2. cap.20. dubit.14. *Utrum ratione CARENTIÆ pecuniæ, seu obligatione non repetendi ante certum tempus aliquid exigi possit?..... Num.123.*  
 „ Tertio probatur hæc sententia: quia sicut aliis re-  
 „ bus, & oneribus potest aliquod pretium imponi, ita  
 „ etiam oneri CARENTIÆ sua pecunia tanto vel tanto  
 „ tempore. Cum enim pecunia sit instrumentum ne-  
 „ gotiandi, & privare se instrumento suæ artis sit pre-  
 „ tium æstimabile, cur non etiam mercatores pote-  
 „ runt CARENTIÆ pecuniæ pretium aliquod com-  
 „ muni consensu imponere, præsertim si ratio boni  
 „ communis id postulet? „

\*(o)~(o)\*

Certissime lectores, dum vident nomen Lessii præfixum  
 tertiæ illi probationi, quæ recensetur ut damnabi-  
 lis, putabunt illam esse unam ex rationibus quibus Lessius  
 confirmet sententiam suam. Atqui sciant, illam esse ter-  
 tiam obiectionem adversariorum, quam assert contra se P.  
 Lessius, & quam solidè dissolvit, postquam ex proprio sensu  
 stabilivit, NIHIL EXIGI POSSE ratione CARENTIÆ  
 pecuniæ, sive OBLIGATIONIS non repetendi mutuum  
 ante certum tempus. Nec mihi sed Lessio credant.

Lessius igitur loco citato proponit prius sententiam  
 adversariorum, & tres eorum rationes, quarum sententia illa  
 est, quam sub nomine Lessii P. Concina recitavit, &  
 damnationi proposuit. De his rationibus ita scribit.

X

„ Hæc

„ HÆ RATIONES VIDERI POSSINT ALICUI PROBABILES, POTISSIMUM TERTIA „. Tum sic pergit ex propria sententia.

*Nihilominus censeo, non esse tam laxas habenas mercatoribus dandas; nec illis concedendum, ut quidquam supra sortem exigant, si illis ex carentia pecuniæ nullum lucrum cessat, nullum periculum impendat, nullum incommodum metuitur. Quia sententia illa videtur nova, nec illam apud Auctores reperio; ac proinde in re morali tanti momenti non facile admittenda. Deinde quia CARENTIA pecuniæ, & OBLIGATIO non repetendi ante aliquod tempus EST QUID INTRINSECUM rationi mutui, aliquin mutuum non differret a Precario. Unde si mutuum debet gratis fieri, ut constat ex supradictis, NIHIL PRO HAC CARENTIA VEL OBLIGATIONE PETENDUM EST. Ex hoc fundamento elicenda est responsio ad primum, & secundum argumentum. AD TERTIUM (propositum damnationi sub nomine Lessii) responderi potest tale pretium imponi a mercatoribus non posse, quia carentia pecuniæ non est pretio æstimabilis, nisi ratione alicujus incommodi vel periculi conjuncti.*

Placet ne hæc sinceritas in referendis sententiis Jesuitarum? Neque dicat hic P. Concina, Lessium saltem exhibere ut probabilem sententiam oppositam. Non, inquam, hoc dicat.

Primum: Quia Lessius non dicit HÆ RATIONES PROBABILES SUNT: HÆ RATIONES SUNT MIHI PROBABILES: SED VIDERI POSSINT ALICUI PROBABILES. Quod est concedere illis non veram & solidam probabilitatem; sed solum speciem aliquam, & fucum probabilitatis, ob quem ALICUI non tam attentè res consideranti apparere possunt probabiles.

Deinde, quia hoc omisso, de quo disputationem habere nolo, semper stat, ipsum nec sincerè nec bona fide representasse lectoribus sententiam Lessii. Siquidem le-  
Go-

ctoribus persuasum reliquit, tertiam obiectionem adversariorum esse unum ex argumentis quibus Lessius confirmet opinionem suam, & Lessius adherere illi opinioni, quæ ab illa tertia ratione comprobatur.

Quòd si P. Concina scire aveat, quinam absolute & expresse defendant opinionem proscriptam, quam ipse persuasum reliquit esse Lessii, & quam Lessius efficacissimè impugnat; paratissimus sum, statim doceo.

Petrus de Ledesma Dominicanus Parte 2. summæ Tract.8. capite 33. conclus.4. his verbis *Utrum accipere pretium, quando alicui mutantur mille ducati CUM OBLIGATIONE NON REPETENDI ANTE CERTUM SPATIUM TEMPORIS, sit usura?* Respondetur; si huiusmodi obligatio duret longo tempore, potest esse æstimabilis pretio: & ratione illius potest aliquid justum pretium accipi absque ulla usura. **ITA PASSIM THOMISTÆ** (& in autographo hispano dicit, **TODOS LOS DISCIPULOS DE S. THOMAS**) *Ratio est manifesta, quia ista obligatio est pretio æstimabilis.*

Mag. Serra Dominicanus in 2. 2. quæst.78. artic. 2. his verbis: *Dicendum secundò: licitum etiam esse mutuanti aliquid ultra sortem exigere, SI SE OBLIGET AD NON REPETENDAM SORTEM USQUE AD CERTUM TERMINUM. Hujus oppositum tenent LESSIUS lib.2. cap.20. dubit.14. & alii recentiores.*

Si hæc scripsissent Jesuitæ, quàm alte vociferaretur P. Concina! quàm acriter declamaret! quàm subito proferret propositionem hanc 42. ab Alexandro VII. proscriptam „ **Licitum est mutuanti aliquid ultra sortem, exigere SI SE OBLIGET AD NON REPETENDAM SORTEM USQUE AD CERTUM TEMPUS** „! Et tamen Lessius, qui, fatente etiam Serra, **TENET OPPOSITUM**, in catalogum propositionum damnabilium conjicitur. Dominicani, qui expresse propositionem damnatam defenderunt, non nominantur. Egregia verò vacuitas a studio partium! Videbis infra caput 74.

## CAPUT LXVII.

*Restituitur sua integritati sententia  
P. La-Croix.*

P. CONCINA Tom.7. pag.67. in eodem Catalogo.

P. Claudius La-Croix lib.3. parte.2. de Usura num.854.  
„ Sylvius, Serra, alique apud Mendo in statera disput.6.  
„ artic.2. num.58. docuerunt, SEMPER esse periculum  
„ fortis, quando datur mutuum, ideoque ratione peri-  
„ culi SEMPER posse aliquid exigi. „

(o)\*.\*.\*.\*.\*(o)

Quid contendit P. Concina præfigendo illi Sententiæ nomen Patris La-Croix? Vel contendit, Patrem La-Croix solum referre illam opinionem; vel contendit, Patrem La-Croix illam amplecti & defendere, aut saltem non impugnare. Si contendit, Patrem La-Croix solum referre: quis unquam recensendo propositiones damnabiles, & earum catalogum pertextendo præfigit nomen ejus Auctoris, qui sit merus earum relator? Certissime lectores, statim sibi persuadent, scriptorem præfixum eas defendere, vel ut mitissime loquar, non rejicere, ut proprio experimento qui legunt recitata verba Patris Concina testari possunt. Si verò contendit, Patrem La-Croix eam opinionem defendere, aut saltem non impugnare, ut relinquit lectoribus persuasum; egregie est calumniatus. Illam enim opinionem P. La-Croix statim rejicit, & post recitata a Patre Concina verba, interjectis puncto tantum, & virgula, ita pergit.

SED TENENDUM EST OPPOSITUM: Si enim mutuatarius sit potens solvere, simulque homo industrius,  
✽

*& verax, ideoque præsumat soluturus, nullum ibi est morale periculum. Quamvis autem sit periculum commune, v. g., quia mutuatarius posset depauperari, posset postea non velle solvere; tamen tale periculum non est sufficiens; uti rectè Pallavicinus de Just. num. 128. tale enim periculum compensatur cum periculo cui fors subesset apud mutuantem, posset enim perdi, vel eripi.*

Sanè P. La-Croix non poterat clariùs & validiùs impugnare præfatam opinionem relatam ex Sylvio, & Serra Dominicano. Quare non video, quid tantùm committere in Patrem Concina potuerit, ut illi opinioni damnabili, quam impugnât, præfigi mereretur. Citentur integri textus, & aliam imbibent opinionem lectores de Auctoribus Societatis.

## C A P U T LXVIII.

### *Restituitur sua integritati opinio Tamburini.*

P. CONCINA Tom. 7. pag. 122.

*Ad quid tenetur, qui impedit collatorem ne beneficium ecclesiasticum digniori conferat?..... Et primùm eligendum esse digniorem pro certo habeo: cum Concilium Tridentinum id expressè sess. 24. cap. 1. definiert. „Eosque „alienis peccatis communicantes mortaliter peccare, „nisi quos digniores, & Ecclesiæ magis utiles ipsi „iudicaverint &c. „RESPONDET P. THOMAS TAMBURINUS lib. 8. in Decal. Tract. 3. cap. 4. §. 4. Tridentinum Concilium vel primo videtur per hoc DIGNIORES non aliud significare velle, nisi dignitatem eligendorum sumpto comparativo pro positivo: vel secundo, locutione minus propria ponit digniores, ut ex-*  
*clu-*

*cludat indignos non verò dignos .... Vel tandem tertio loquitur quando fit concursus, & adducit auctoritatem Laurentii Valla assertentis Juniores & Seniores accipi pro Juvene & Sen. Hanc Tamburini, & aliorum PROBABILISTARUM opinionem damnavit Innoc. XI.*

\*\*\*

**V**Acuitas a studio partium, & bona fides postulabat, ut quemadmodum ex opinione Tamburini assertur illa pars, quæ ipsi invidiam constat, ita detegeretur alia pars, quæ invidiam multum imminuere, & temperare poterat. Præsertim cum suppressa hac alia parte representetur Tamburinus absolute & simpliciter adhærere illi primæ, quod falsissimum est.

Igitur Tamburinus adhibuit quidem illam interpretationem textui Tridentini: & in hoc lapsus est; atque illa interpretatio damnata postea fuit ab Inno. XI. in propositione 47. Sed illam interpretationem dedit, **UT MERE PROBABLEM**, docendo expressissime ac disertissime, oppositam interpretationem esse **MULTO PROBABILOREM**, & **UNICE IN PRAXI CONSULENDAM**. En ejus verba loco cit. n. 11.

*Respondeo secundo ad instantiam numero 8. scilicet; me INGENUE fateri, propter hunc Tridentini textum ESSE MULTO PROBABILIUS, Episcopatus, & similia majora beneficia curata, de quibus solum hic loquitur Tridentinum, debere DIGNIORIBUS conferri; NEC IN PRAXI ALITER ESSE CONSULENDUM.*

Hocposito: referre solum primam partem invidiosam, & occultare hanc aliam: persuadere lectoribus, Tamburinum absolute & simpliciter amplecti primam interpretationem, cum secundam interpretationem oppositam Tamburinus reputet **MULTO probabiliorem**, & **UNICE in praxi consulendam**, est ne representare **INTEGRE** & sincere Tamburini opinionem? Lectores sint judices.

Ad



Ad illud, *Hanc Tamburini, & aliorum PROBABILISTARUM opinionem*, quod dictum de more est ad conciliandum odium Probabilismo, & ad persuadendum, ipsum esse hujus quoque laxitatis parentem: respondeo, etiam oppositam sententiam, nempe beneficia, de quibus hic loquitur Tridentinum, sub gravi conferenda esse dignioribus, esse PROBABILISTARUM.

Illam acriter defendunt PROBABILISTA Vasquez opusc. de Beneficiis Cap. 2. §. 3. dub. 1. PROBABILISTA Sanchez lib. 2. consiliorum cap. 1. dub. 2. PROBABILISTA Lessius lib. 2. cap. 34. dubit. 14. PROBABILISTA Castropalaus Tract. 13. disp. 2. puncto 11. §. 2., PROBABILISTA Cardinalis de Lugo Tomo 2. de sust. disput. 35. sect. 2., Et alii plurimi. Hæc artificia adversus Probabilissimum fortasse sciolis possunt imponere: Doctis, qui noverunt quid sit Probabilismus, non possunt.

## C A P U T LXIX.

*Restituitur sua sinceritati sententia  
Cardinalis De Lugo, &  
Pellizarii.*

P. CONCINA Tom. 7. pag. 157.

*Scorta sue publica, sive occulta tenetur ne restituere premium receptum ob turpem concubitum a Religioso ?.....*  
PELLIZARIUS in manuali regular. Tract. 4. cap. 2. sect. 4. questione 3., Machadus Tomo 2. lib. 5. p. 2. tract. 1. Docum. 2., LUGO Disp. 3. sect. 3. (debit scribere 7.)  
Joannes a Cruce lib. 1. de statu Relig. cap. 3. dub. 1., & alii OPINIONEM NEGANTEM DEFENDUNT..  
*Hæc mihi opinionum PORTENTA apparent, quæ mi-*  
*rum*

*rum in modum patefaciunt, quò laxitatis novus opinandi  
modus pertrahat humanam mentem.*



**D**efendere opinionem negantem, nisi pervertere velinus omnem vocum significationem, est neganti opinioni adhærere, est illam affirmanti antepondere, est illam vel unicè veram, vel saltem probabiliorem reputare. Jam verò ego sincerè referam quid sentiant Cardinalis de Lugo, & Pellizarius; & utrum eorum mens atque opinio in suo verò adpectu collocetur, an verò adulterinis coloribus depingatur per illa verba PELLIZARIUS & LUGO NEGANTEM OPINIONEM DEFENDUNT, lectoribus judicandum relinquam.

Cardinalis de Lugo post relatum cum suis auctoribus & argumentis sententiam ADFIRMANTEM, restituendum esse a scortis illis pretium receptum a religioso, num. 142. ita pergit.

*Ceterum licet hæc pars, (adfirmans) UT DIXI, COMMUNIS, ET PROBABILISSIMA SIT; non tamen puto IMPROBABLEM contrariam sententiam.*

Tum affert rationes, ob quas NON putat IMPROBABLEM opinionem negantem: & idem præstat Pellizarius, cujus verba non recito; quia sermè syllabatim exscribit doctrinam Cardinalis de Lugo.

Expendant nunc lectores potestatem & vim istarum vocum, DEFENDERE OPINIONEM NEGANTEM; quæ juxta communissimam hominum intelligentiam significant, opinioni neganti adhærere, illam amplecti, illam affirmanti antepondere, illam vel unicè veram, vel ad minimum probabiliorem putare, hæc, inquam lectores expendant, & utrum defendant opinionem negantem illi, qui, cum doceant opinionem adfirmantem esse PROBABILISSIMAM, ne PROBABLEM quidem audent vocare negantem, sed temperatissimo loquendi modo

vo-

vocant solum NON IMPROBABLEM, ipsi, ut dixi, sint iudices.

Quod si hic etiam P. Concina scire cupiat, quinam tradiderint PORTENTA hæc opinionum, & multò minori cum moderatione docuerint sententiam, quam Cardinalis de Lugo vocavit tantum NON IMPROBABLEM, paratissimus sum; statim doceo.

Magister Bannez Dominicanus 2. 2. quæst. 62. artic. 5. Dubio 5. Conclusionem 3. his verbis: *De religiosis autem, qui sunt omnino pauperes, aliter arbitrandum est, quantum ad huiusmodi expensas secundum facultatem, quam unusquisque habere præsumitur a suis Prælati ad expendendas pecunias in sibi placitis. Neque in hoc peccabit peccato iniustitiæ, NEC TENEBITUR AD RESTITUTIONEM IPSE, NEQUE MERETRIX, quæ accepit tale pretium iustum proportionatum cum facultate interpretativa Prælati ad expendendum in rebus sibi placitis in animi sui gratia.*

Ludovicus Lopez Dominicanus de Contractibus lib. 2. cap. 40. non longe a fine his verbis: *An autem Religiosus pecuniam sibi concessam a Prælati, ut expendat etiam in sibi placentes usus, si ludo perdat, vel donet foemina causa obtinendæ copulæ, an validæ sint istæ donationes? Diximus autem in nostro Instructorio parte 2. cap. 34., AFFIRMATIVAM Alcozeri in summa de Ludo; & Metina in sua instructione folio 153. esse probabilem, scilicet quod talis Datio teneat. Licet etiam opposita probabilis (Lugo dixit esse PROBABILISSIMAM) quoque reputetur.*

En a quibus magistris didicerint PORTENTA hæc opinionum Lugo, & Pellizarius. Isti tamen discipuli, qui opinionem illam temperarunt, vocando tantum NON IMPROBABLEM, & oppositam PROBABILISSIMAM, a P. Concina divexantur. Magistri, qui longius progressi sunt, ne nominantur quidem. Aegrè persuadebit P. Concina suam vacuitatem a studio partium, & æquitatem erga Auctores cujuslibet Instituti.

## CAPUT LXX.

*Vindicatur a falsa criminatione  
P. Lessius.*

P. CONCINA Tom.7. pag.161.

*Verum P. LESSIUS non modo S. Augustini doctrinam manifestè deludit, & cavillatur, sed falsam doctrinam etiam IMPONIT S. THOMÆ ibidem num.52, ubi hæc scribit. „ Dico primo: si solum jus naturæ spectetur, ac „ ceptum ob turpem causam, seu propter opus, quod „ est peccatum, opere impleto, non necessario est „ restituendum, sive illud opus sit contra iustitiam, „ sive non. Colligitur ex D. Thoma quæst.32. artic.7. „ Corpore, & quæst.62. art.5. ad 2. UBI DOCET „ posse retineri id, quod propter opus malum est ac „ ceptum, nec distinguit sit ne opus illud contra iustitiam, an non „. Attentè legi loca citata: ET VERBA, QUÆ P. LESSIUS SANCTO DOCTORI TRIBUIT, non inveni. Porro qua dignum censura sit, AFFINGERE pro arbitrio S. Ecclesiæ Doctori VERBA, ut in propriam sententiam concedere lektoribus persuasum fiat, judicent æqui rerum arbitri. Immo, quod plus, est non modo VERBA non reperi, sed neque DOCTRINAM: cum utrobique S. Thomas solum meretricibus retinere pretium turpe concedat, limitibus tamen adjecit.*

§(o)\*.x(o)(.\*.(q)§

**D**uo crimina, & quidem cum gravissima expostulatione, obijciuntur hic Patri Lessio. Primum est, quod Sancto Thomæ AFFINGAT VERBA, quæ in  
S.

S. Doctore non inveniuntur. Secundum est, quòd Sancto Thomæ IMPONAT DOCTRINAM FALSAM, quæ in S. Doctore item non reperitur. Videamus uter imponat, Lessius ne S. Thomæ, an P. Concina Lessio.

Quòd attinet ad primum: verba Lessii, ut audistis, hæc sunt, UBI DOCET, POSSE RETINERI ID, QUOD PROPTER OPUS MALUM EST ACCEPTUM. Quæ verba attribuit hic S. Thomæ P. Lessius? Si P. Lessius ita loqueretur, UBI S. THOMAS HÆC HABET: UBI SCRIBIT, UBI DICIT, UBI SIC, & similia, tunc certè significaret, sequentia ea verba POSSE RETINERI ID, QUOD PROPTER OPUS MALUM EST ACCEPTUM, esse concepta verba Sancti Thomæ. Cùm vero dicat UBI DOCET, quomodo probat P. Concina Lessium significare voluisse, sequentia illa verba esse concepta verba Sancti Doctoris? Certè ille modus loquendi UBI DOCET, in sua naturali & obvia significatione indicat, ea, quæ sequuntur, non esse VERBA, sed sensum & doctrinam Auctoris: neque aliâ phrasi utimur, vel uti possumus, quando volumus significare sensum & doctrinam. Ergo primum crimen, propter quod æqui rerum arbitri judicare debent QUA CENSURA dignus sit P. Lessius, a Patre Concina confictum est non modo gratis & sine ullo fundamento, sed contra naturalem significationem verborum, quibus utitur P. Lessius.

Quod attinet ad secundum; afferam prius verba Sancti Doctoris; & deinde videbimus, utrum probabilius sit Sanctum Thomam loqui universaliter & sine distinctione, ut dixit P. Lessius, an concedere solum meretricibus retinere pretium turpe, ut contendit P. Concina.

Verba S. Doctoris in primo loco citato a Lessio hæc sunt: *Tertio modo est ALIQUID ILLICITE ACQUISITUM, non quidem quia ipsa acquisitio sit illicita; sed quia id, ex quo acquiritur, est illicitum: SICUT patet de eo quod mulier acquirit per meretricium: & hoc propriè*

priè vocatur turpe lucrum. Quòd enim mulier meretricium exerceat, turpiter agit, & contra legem Dei. Sed in eo quòd accipit non injustè agit, nec contra legem. Unde, quòd sic illicitè acquisitum est, retineri potest.

Verba in secundo loco hæc sunt. *Alio modo aliquis illicite dat, quia propter REM ILLICITAM dat, licet ipsa datio non sit illicita: SICUT cum quis dat meretrici propter fornicationem. Unde & mulier potest sibi retinere, quòd ei datum est: sed si superflue ad fraudem vel dolum extorsisset, tenetur eidem restituere.*

His positis, ita argumentor. S. Thomas initio utriusque textus loquitur indefinitè de ACQUISITIS illo tertio modo, EST ALIQUID ILLICITE ACQUISITUM, DAT PROPTER REM ILLICITAM, & quòd est sic illicitè acquisitum docet retineri posse. Jam sic. Totalis ratio coarctandi doctrinam Angelici ad solas meretrices esset, quia solas meretrices affert in exemplum: IN EXEMPLUM, inquam, ut patet ex illa particula Sicut. Atqui hæc ratio nulla est: passim enim fit, ut post traditam doctrinam aliquam indefinitam, afferamus claritatis gratia exemplum aliquod particulare, quin tamen ad illud solum doctrinam coarctemus: immo eo ipso, quòd aliquid afferimus IN EXEMPLUM, satis clarè indicamus, nos non loqui de illo tantum, sed de pluribus aliis aliqua ratione illi similibus. Ergo sine ullo fundamento P. Concina D. Thomæ doctrinam coarctat ad solas meretrices, & omnino gratis imponit hoc secundum crimen P. Lessio.

Doctrinam Lessii, posse scilicet retineri omne turpe lucrum, seclusa irritatione legum, sive acquisitum per meretricium, sive per aliud, ut omittam fermè omnes Theologos, defendunt duo perinsignes & doctissimi Dominicani.

Cajetanus in commentario secundi citati loci D. Thomæ, ubi sic: *Non refert in proposito, an propter fornicationem, an propter ADULTERIUM, aut aliam speciem*

la-

173

*luxuriæ detur.* ET SIMILITER EST DE ALIIS MALIS SERVITIIS.

Et S. Antoninus parte 2. titulo 2. cap. 5. ubi sic. *De illicitis ergo tertio isto modo secundum THOMAM, & Raymundum, potest dari elemosyna, & potest etiam retineri, nisi superfluum per fraudem & dolum mulier extorsisset, quia illud est restituendum. Et ad hoc pertinent LUCRA FACTA EX HISTRIONATU ILLICITO, EX DUELLO..... EX ARTE MATHEMATICA, SEU DIVINATORIA.*

ET paulo superius explicando, quænam sint illicitè acquisita tertio modo, quæ SECUNDUM THOMAM retineri possunt, dixerat: *Ut in meretricio, ET HUIUSMODI.*

## C A P U T LXXI.

*Vindicatur ab impostura Cardinalis  
De Lugo.*

P. CONCINA Tom. 7. pag. 221.

*Quando adultera duos admittit eodem tempore, si ignoretur cujusnam proles sit, quisnam istorum COMPENSATIONI obnoxius est? Resp. UTRUMQUE LIBERANT A RESTITUTIONIS ONERE LUGO, Lopez, Trullenchus, Sanchez, Sotus, & alii, quos citant, & sequuntur Salmaticenses..... Hanc opinionem propugnat quoque Cardinalis Gotti..... Recensita sententia falsa & improbabilis mihi est.*

CA-

**H**ic habemus evidentem imposturam contra Cardinalem de Lugo, quæ faciliè detegitur & propulsatur. Duplex potest esse quæstio, quod attinet ad duos illos adulteros. Prima: Uter eorum teneatur ad ALENDAM prolem dubiam. Secunda; Uter eorum teneatur ad RESTITUTIONEM, ET COMPENSATIONEM pro damno illato Marito, & Filiis legitimis.

Quod attinet ad primam: Cardinalis de Lugo non liberat quidem illos adulteros ab obligatione ALENDI prolem: propendet tamen ad illos liberandos.

Quod attinet ad secundam, multo minus LIBERAT UTRUMQUE AB ONERE RESTITUTIONIS, ut imponit Pater Concina: sed potius admittit in utroque obligationem restituendi, & compensandi, validissimoque argumento a paritate petito eam comprobatur. Audiamus ipsum Tomo 1. de Just. disput. 13. sect. 2. Ubi postquam retulit Sententiam adfirmantem prælatas obligationes, & Sententiam negantem, earumque fundamenta, ita concludit num. 24.

*Hæc sunt, quæ pro utraque parte afferri possunt. Ego quidem in secundam sententiam (negantem) propendo, quod attinet ad obligationem ALENDI prolem illam dubiam; quia argumenta adducta illam probabiliter suadere videntur. Cum prima tamen sententia admitterem OBLIGATIONEM RESTITUENDI marito, & filiis legitimis saltem quoad partem pro damno illis illato ex prole adulterina. Quia, ut nunc dicebam in exemplo sagittæ projectæ, singuli sua actione injusta fuerunt in causa, ne certus auctor damni agnosceretur. Et per consequens saltem quoad partem videntur ex injusta actione RESTITUERE DEBERE. Singuli enim certam injuriam intulerunt, & damnum aliquod, nempe vel prolem illegitimam, vel incertitudinem auctoris, qui solvere teneretur ea damna.*

Pro-



Propulset longius P. Concina raucidulam cantionem:  
vel si ab aliis deceptus est, COLLIGAT NECESSITA-  
TEM LEGENDI AUCTORES IN FONTE.

## C A P U T LXXII.

*Restituitur sua sinceritati sententia  
Valentia.*

P. CONCINA Tom.7. pag.175.

P. Lessus loco citato (lib.2. cap.14. n.64.) præter VA-  
LENTIAM, Solonem, Dianam, & plures alios, hanc  
propugnat opinionem, quòd nempe JUDEX PECU-  
NIAM ACCIPERE JURE VALEAT proferenda sen-  
tentia juxta unam opinionem probabilem, potius quàm  
juxta aliam.



**D**Oceat P. Concina, si potest, ubi Valentia propu-  
gnet præfatam opinionem. Propugnat ille quidem,  
posse Judicem, quando opiniones sunt æquè probabiles,  
judicare propter amicum secundum illam, quæ amico  
magis favet: sed nusquam propugnat, POSSE JUDICEM  
ACCIPERE PECUNIAM, ut ferat in eo evento hanc  
Sententiam potius quàm aliam. En ejus verba in 2. 2.  
Disput.5. quæst.7. puncto 4.

*Dico 5. Si Judex reputaret, utramque opinionem  
æquè esse probabilem, licitè potest propter amicum secundum  
illam judicare, quæ amico magis favet.*

Et ne verbum quidem habet usquam de acceptione  
pecuniæ, vel P. Concina, ut dixi, doceat Ubi. At ab  
aliis citantibus Valentiam deceptus est. Respondeo pri-  
mo.

mo. COLLIGAT NECESSITATEM LEGENDI AUCTORES IN FONTE. Respondeo secundo. Non ita se gerit cum suis Dominicanis. Sed si legit, eos citari pro invidiosa aliqua sententia statim currit ad consulendos eos in fonte, clamat, esse illis impositum; eosque defendit etiam quando non potest, ut non semel vidimus. Si vacuus est a studio partium, si æquus erga Auctores cujuslibet Instituti, cur non præstat idem officium Jesuitis, ut eos in fonte legat, antequam illis affingat odiosas opiniones & ab Ecclesia damnatas?

Quamquam verò defendo Valentiam ab impostura, non tamen defendo in Sententia, quam reipsa docuit. Scio enim quid Judici faciendum sit, quando pro litigantibus sunt rationes æquè probabiles. Solum ut aperiam latiore campum æquidimo zelo Patris Concina, indicabo; quinam docuerint opinionem Valentia, quos ipse non nominavit.

Bartholomæus Medina Dominicanus 1. 2. quæst. 19 artic. 6. Conclus. 2. his verbis *Ex hac conclusione sequitur quòd liceat Judici aliquando pronunciare Sententiam secundum unam opinionem, & aliquando secundum oppositam, quando in opinionibus est æqualis probabilitas.*

Petrus de Ledesma Dominicanus 2. p. Summæ Tract. 8. cap. 22. post Conclusionem undecimam, difficultate 1. his verbis: *Dubium primum. Utrum quando sunt duæ opiniones Juris æquè probabiles Judex possit alterutram sequi?..... Respondetur, in tali casu CERTISSIMUM ESSE, quòd liceat Judici alterutram opinionem æquè probabilem sequi. ITA OMNES DOCTORES.*

Dominicus Soto Dominicanus, (quamquam cautius, & mitius) De Justitia lib. 3. quæst. 6. a. 5. in fine his verbis. *Secunda propositio sit. Ubi pariles esse omnino contigerint opiniones, non est apertum scelus (judicem) nunc unam, nunc alteram opinionem amplecti. Vix tamen carere potest scandalo.*

Vin etiam audire, quinam docuerint sententiam pe-

jo-

jorem, nimirum posse judicem in judicando amplecti opinionem probabilem in conspectu probabilioris, quod damnatum est ab Innoc. XI. in 2. propositione? Statim dicam.

Idem Bartholomæus Medina loco supra citato in responsione ad ultimum argumentum contra ultimam Conclusionem, his verbis: *Quod autem hactenus docuimus, hoc est, quod quando sunt duæ opiniones in jure altera probabilis, altera verò probabilior, licitum est Judici PROBABLEM amplecti.*

Idem Petrus de Ledefina loco citato his verbis. *Dubium secundum. Utrum quando inter duas opiniones juris altera est PROBABILIOR, judex possit sequi SOLUM PROBABLEM relicta probabiliori? ..... Respondetur, esse probabilius, quod stando in jure divino, & naturali liceat Judici sequi opinionem probabilem relicta probabiliori. Hanc sententiam docet M. Medina 1. 2. quæst. 19 artic. 6. quæstioncula ultima ad ultimum, Orellana, & plures alii, PRÆSERTIM THOMISTÆ.*

P. Concina in loco quem versamus proponit hanc festivam quæstionem, UTRUM PROBABILISMUS SIT MATERIA VENDITIONIS? Et hanc suam festivitatem tuetur exemplo Tamburini, qui præfixit suæ quæstioni hanc titulum VENDITIO SENTENTIÆ PROBABILIS. Sed qui norunt, quid sit Probabilismus, noscunt etiam quàm latum intercedat discrimen inter serium titulum Tamburini, & festivam quæstionem Patris Concinae. Quod si velit P. Concina, Probabilismum pretiosam esse mercem, & venalem, ego modò satis aperte emptoribus indicavi, apud quos copiose prodest merx hujusmodi.

## C A P U T LXXIII.

*Restituitur sua sinceritati sententia Molina, Lessii, Rebelli, & de Lugo.*

P. CONCINA Tom.7. pag.281.

PECCANT Monachi, & Clerici, si propriis manibus negotiationi pecunias exponant. SECUS, si has pecunias dent mercatoribus, qui propriis eas immisceant, & negotientur, & lucra cum Clericis dividenda assquantur. ITA DOCENT Molina tom. 2. tract. 2. disp. 342. Lessius lib. 2. cap. 21. num. 26. (debit dicere 6.) Rebellus lib. 9. quæst. ult. sect. 2. Lugo disp. 26. sect. 3. n. 36. ....  
DISTINCTIUNCULA inuenta PER SE IPSOS, ET PER ALIOS, arbitrium commentum est ad legem eludendam; quodque cum legis spiritu hostiliter pugnat.

\*\*\*\*\*

**N**ON ITA DOCENT; sed minus sincerè refertur eorum sententia, & depingitur invidiosior, quàm sit. Ratio est. Quia ille modus loquendi NON PECCANT indefinitas, & illimitatus, significat, eos Clericos immunes esse ab omni prorsus peccato; & ita doceri a laudatis Auctoribus. Porro hoc est falsissimum. Laudati enim Auctores etsi excusent eos Clericos A PECCATO MORTALI, omnes tamen eos accusant alicujus peccati, nisi adsit iusta causa exercendi illam negotiationem PER ALIOS; Quod productis eorum verbis manifestum fiet.

Molina loc. cit. *Ego quamvis non existimem culpam LETHALEM esse, per alios negotiari: ALIQUID TAMEN FÆDITATIS, ATQUE INDECENTIÆ IN EA NE-*

NEGOTIATIONE INTERVENIRE ARBITROR RATIONE STATUS, *quando circumstantia non adesset, quæ illam excusaret. Quocirca IMPROBANDAM, quantum est ex se, ILLAM ARBITROR.*

Lessius loc. cit. Quarto (adverte) non esse peccatum, si Clerici, vel Religiosi per alios negotientur, qui totam industriam præstent; ut si pecuniam in societate mercatorum depositam habeant; quia tunc cessat ratio prohibitionis, & quod solum prohibitum est ne PER SE negotientur, ut probat Medina supra. VIDETUR TAMEN PARUM DECORUM STATUI ECCLESIASTICO; UNDE NON PUTAREM FACIENDUM NISI IUSTA ALIQUA CAUSA EXCuset.

Rebellus loc. cit. Non peccabunt tamen MORTALITER Clerici, vel Clerici, etiam in Sacris constituti, si negotiationem sibi prohibitam non per se, sed per alios exercent.

Card. de Lugo loc. cit. Ego etiam EX VI JURIS POSITIVI concedo non esse culpam venialem; quia leges adductæ, ut bene ponderat Molina loc. cit. videntur solum loqui de negotiante per se ipsum; non de illo, qui totam curam alteri relinquit; & ipse nullo modo se ingerit. Si ergo culpa esse potest; hæc erit PROPTER INDECENTIAM CONTRA LEGEM NATURALEM, & CONTRA REVERENTIAM IPSIUS STATUS. Quæ culpa aliquando poterit esse MORTALIS ratione magni scandali, aliquando VENIALIS solum, ratione scandali levis, vel aliquantis distractionis, & nimis applicationis, quam secum offert illa negotiatio mediata: aliquando NULLA ERIT CULPA, QUANDO IUSTA SIT ID CAUSA FACIENDI. Et ideo ipse etiam Lessius, & alii CONSULUNT, NE ID FIAT SINE IUSTA ALIQUA CAUSA, QUIA PARUM DECORUM VIDETUR.

Cur P. Concina selegit, & protulit quidquid in his Auctoribus odiosum est: omne verò temperamentum suppressit? Religiosa sinceritas postulabat, ut diceret,

laudatos Auctores liberare eos Clericos a PECCATO MORTALI, non etiam a VENIALI; & omnes improbare, saltem ex jure naturæ, illam inediatam negotiationem. Quæ dixi, non ut defendam eorum Auctorum opinionem, cum toto etiam temperamento ab ipsis adjecto. Novi enim inter alia sapientissimam Constitutionem Benedicti XIV. quæ incipit *Apostolica servitutis*. Sed ut ostendam, Patrem Concina modo plus, modo minus deficiere a bona fide in referendis Jesuitarum sententiis.

Quod si item hic P. Concina scire cupiat, quinam defendant mediatam illam negotiationem sine ullo temperamento; & adhibeant **DISTINCTIUNCULAM** cum ipiritu legis hostiliter pugnanti; isti sunt.

Joannes de Tabia Dominicanus in summa vulgo *Tabilia*, V. *Emptio*, quæst. 7. his verbis. *Utrum Clerici, vel Monaci possint PER ALIOS exercere negotiationem; ut puta dando pecuniam mercatori in justo exercitio, de quo fui sæpe interrogatus. Vitetur, QUOD SIC. Tum quia non reperitur prohibitum nisi IN PROPRIA PERSONA: Tum quia in dicto cap. Ne cler: vel Mo: permittitur justa negotiatio: Tum quia ratio, quod Clericis prohibeatur, est, ut vacent Divinis; sed hic deficit.*

Bartholomæus Fumus Dominicanus in summa vulgo *Armilla*, V. *Emptio*, num. 26. his verbis: **PER ALIOS** autem videtur, quod possint exercere negotiationem dando pecuniam mercatori, quia cessat ratio prohibitionis; quia non impediuntur hoc modo vacare Divinis; dummodo lucrum ordinetur ad honestum finem, & sine fraude; quia sic nulli liceret.

Rogo Lectores, ut commiserationem aliquam adhibeant Jesuitis, si hos Magistros secuti sunt: præsertim cum Magistrorum sententiam discipuli temperaverint.

## C A P U T LXXIV.

*Vindicatur ab evidenti impostura Matthæus Moya, sive Amadæus Guimenius.*

P. CONCINA Tom. 7. pag. 373.

*Quod Caramuel indefinitè asserit, Interpretes S. Thomæ in 2. 2. quæst. 78. defendere ut probabilem præfatam opinionem (scilicet, licitum esse exigere aliquid ultra sortem pro OBLIGATIONE non repetendi mutuum ante certum tempus) MANIFESTA CALUMNIA EST, quam transcripsit MATTHÆUS MOYA, SIVE AMADÆUS GUIMENIUS. Docuerint ne aliqui Dominicani hunc errorem nec affirmo, nec nego, quia non vacat omnes expendere. Si illum docuerunt, non secus in istis, quàm in aliis de more improbo. Cur quemadmodum in Dominicanos, ita & in externos Casuistas criticem tuam non coarces? Jam pluries dixi, me laxas opiniones refellere illorum Auctorum, qui COMMUNITER OBVII SUNT, ET OMNIUM FERE MANIBUS TERUNTUR. Illi, quibus hoc displicet, Dominicanorum laxas opiniones refutent. Et sic purgata a laxis opinionibus omnino splendet Theologia christiana. Interim leges Vincentii Baronii apologiam in Manuductione ad Theologiam moralem part. 2. disp. 1. sect. 2. §. 3. IMPOSTURÆ dumtaxat arguo Caramuelem, & GUIMENIUM, quod ABSOLUTE ASSERANT; Interpretes S. Thomæ hanc laxissimam opinionem probabilem reputasse. Apertè enim hoc falsum est; cum non paucos ego legerim, qui de hac quæstione nec verbum faciunt.*

Et

**E**T ego EVIDENTIS IMPOSTURÆ arguo P. Concina, quod hoc de Guimenio scribat: Quod enim dicit Guimenius non MANIFESTA CALUMNIA, non IMPOSTURA, sed patentissima, atque evidentissima VERITAS EST. Ostendo.

Guimenius non ASSERTIT ABSOLUTE, quemadmodum calumniatur P. Concina, Interpretes S. Thomæ hanc laxissimam opinionem probabilem reputasse. Sed refert narrative, Patrem Ledesnam Dominicanum dicere, eam opinionem communem esse inter discipulos S. Thomæ. En verba Guimenii Tract. de Usuris Proposit. 1. num. 5.

*Hanc sententiam esse communem inter discipulos D. Thomæ, AIT LEDESMA SUPRA.*

Jam verò videamus, Utrum Guimenius calumniatus sit, an rem verissimam dixerit. Id est videamus Utrum Ledesma reipsa scribat, eam sententiam esse communem inter discipulos S. Thomæ. Superiori Capite 66. citavi latinam versionem P. Ledesmi Dominicanum, citabo nunc autographum hispanum: in quo sic habet Ledesma Part. 2. tract. 8. cap. 33. concl. 4.

*La segunda dificultad es, quando uno presta mil Ducados con obligacion de no los boluer a pedir en tanto tiempo, o por algun espacio di tiempo, si será usura llevar precio? ..... A esta dificultad se ha de responder, que si la obligacion de no lo boluer a pedir es por mucho tiempo, se puede muy bien estimar con precio, y por razon de aquella obligacion se puede muy bien llevar el justo precio sin usura ninguna. ESTO ENSEÑAN TODOS LOS DISCIPULOS DE SANCTO THOMAS. La razon esta clara, porque la tal obligacion es estimable con precio.*

AIT ne Ledesma, eam sententiam esse communem inter DISCIPULOS S. THOMÆ? Guimenius, qui non aliud dixit, nisi Ledesnam id dicere, scripsit ne patentissimi-



tiſſimam, atque evidentiſſimam veritatem? Uter igitur eſt IMPOSTOR, Guimenius, an P. Concina?

Hactenus quod attinet ad impoſturam Guimenio aſſectam; nuoc ad alia quædam.

Quod ait P. Concina ſe nec affirmare, nec negare, docuerint ne aliqui Dominicani præſatum errorem; non ſatis capio ſuam hanc ſive ignorationem, ſive dubitationem. Legit ſine dubio Guimenium, ſiquidem adeo intrepidè illum arguit impoſturæ. Porro Guimenius in eo ipſiſſimo loco æſert verba Ledefmæ, & Serræ, quibus conceptiſſimè defendunt illum errorem. Hæc Patri Concina ignota eſſe non potuerunt: & hæc ſatis eſſe non poterant, ut ſaltem de his duobus Dominicanis id affirmaret.

Quod ait, ſe non coercere ſuam Criticen in Caſuiſtas externos, quemadmodum coerces in ſuos Dominicanos, id quidem veriſſimum eſt: ſed non video, qua ratione ingenua hæc confeſſio componi poſſit cum ea vacuitate a ſtudio partium, & æquitate erga Auctores cujuſlibet Inſtituti, quàm pluries alibi tantopere jactat.

Ad illam excuſationem, quam prolixius repetit Tomo 9. pag. xxix. his verbis: *Aliàs dixi, & repetendum ſæpius eſt, me ex illis Caſuiſtis potiſſimam opiniones excerpere, qui COMMUNITER OMNIUM MANIBUS TERUNTUR, cujuſcumque ſint Inſtituti. Fateor alios Caſuiſtas eaſdem non raro docere opiniones: ſed cum IN BIBLIOTHECIS ISTI JACEANT ABSCONDITI, idcirco eorumdem non memini. Deum reſtor, me non excerpere laxas opiniones ex hoc aut illo Caſuiſta, quia eſt hujus, aut illius Inſtituti; ſed quia CONFESSARII COMMUNITER TALIBUS CASUISTIS UTUNTUR. Iſtius veritatis teſtes ſunt libri mei, in quibus NON MINUS Dominicanorum occasione data, opiniones reſellere pro imbecillitate mea ſtudiui; QUAM cujuſvis alterius Inſtituti Theologorum. Inmanis, & apertiſſima calumnia eſt, quam nemo evulgat ad invidiam odiumque mihi conſtruendam;*

*cò scilicet vota mea pertinere, ut hujus aut illius Instituti Casuistas vellicem, & lectionem dissuadeam.*

Ad istas, inquam, excusationes, quæro: Teruntur ne omnium Confessariorum manibus octodecim Tomi in Sacram Scripturam Cornelii a Lapide? Teruntur ne omnium Confessariorum manibus ingentia, & spissa volumina Gregorii de Valentia? Teruntur ne omnium Confessariorum manibus tam multi Tomi Theologiæ P. Arriaga? Teruntur ne omnium Confessariorum manibus tam multa volumina P. Suarez, tam multa P. Vasquez, tam multa P. Molina, & sic de reliquis? Teritur ne omnium Confessariorum manibus P. Amicus? Teruntur ne Dicastillus, Fagundez, Reginaldus, Rebellus, Baunys, Conink; & ne rædio afficiam, alii multi, qui communissimè Confessariis, & Parochis ne de nomine quidem noti sunt? Equis Confessarius, vel Parochus tempus impendit in ejusmodi innumeris, atque inmanibus voluminibus volutandis? Jacent in BIBLIOTHECIS ABSCONDITI libri isti, sicuti jacent Auctores Dominicani. Et tamen ex iis omnibus P. Concina opiniones excerptis, quas carpendas putavit; seu verius, a Litteris Provincialibus, a Theologia morali Jesuitarum, ab Henrico a S. Ignatio, a Sinnichio, aliisque Societatis osoribus jamdiu excerptas, & collectas in hanc suam Theologiam acrioribus salsamentis recoctas transportavit.

Quod ait, libros suos testes esse, se NON MINUS Dominicanorum opiniones, QUAM CÆTERORUM, data occasione, refellere: ejus libri mihi testantur oppositum. Posset enim occasione refellendi sententias Jesuitarum, refellere ferme semper Dominicanos, qui easdem propugnarunt, ut pluries palam feci, & facturus sum. Et tamen nunquam, vel ferme numquam id præstat. Sed suos, vel omnino occultat, vel post terga Jesuitarum protegit, vel mitissimè cum ipsis agit. Præterire silentio nolo, præter dicta, & dicenda, exemplum quod nunc succurrit. Natalis ab Alexandro acerrimus Antiprobabili-

bilista lib. 2. de Sacram. Pœnit. art. 7. Regula 20. docet : Justum habentem sola venialia accedere posse ad Confessionem sine contritione requisita ad Sacramentum, quia peccet lethaliter; & tunc Sacramentum illi Justo nec profuturum esse, nec obsuturum. Si hanc sententiam è purissimis Antiprobabilistis fontibus manantem Jesuita aliquis divulgasset, P. Concina declamando latera dirupisset. Statim eam appellasset laxam, laxissimam, scandali plenam, horridam, cum scriptura, Patribus, Concilio Tridentino hostiliter pugnantem. Audire tamen quàm delicatè, quàm molliter Tom. 9. pag. 724. cum Amico agat. *Sententia, inquit, Patris Natalis mihi non probatur.*

Demum allatam excusationem P. Concina didicit a Wendrochio, acerrimo illo Societatis osore, qui Litteras Provinciales latinas fecit. Montaltius, ut solis Jesuitis, quibus ob Jansenismum suum infensissimus erat, incommodaret; iisque solis, quod & obtinuit, laxitatis nota adhæresceret; ex Auctoribus tantùm Societatis propositiones excerptis, quas irrideret potius quàm refutaret. Quæsti sunt etiam tum Jesuitæ, quòd suam Criticem in ceteros quoque Casuistas non exerceret; sibi quæ ea conspiceretur invidia, quæ dividenda in plurimos, & tribuenda foret. Montaltium contra hanc querelam ita excusavit Wendrochius in notis præambulis ad quintam. Epistolam Provinciale Nota 3.

*Queruntur, inquit, deinde sibi tribui, quod ab aliis ipsi acceperint. Respondetur ..... Alii Scriptores fere sibi peccant, aut certe non multis. Jesuitæ toti Ecclesiæ peccant, quam ubique suis novitatibus insciunt. LATEBANT HÆC DOGMATA IN BIBLIOTHECARUM ANGULIS, paucis nota, paucis nocebant. At ipsa Jesuitæ super tella prædicarunt, in aulis Regum, in familias privatorum, in curias Magistratuum invexerunt.*

Conferant, quæso, Lectores ejusmodi excusationes inter se, & videbunt, non esse multum absimiles.

A a

Quod

Quod demum P. Concina hortatur illos, quibus ejus ratio scribendi displicet, ut opiniones Dominicanorum refutent; præterquamquod, quid illi operi eventurum esset, nec satis scio, nec si sciam, dicere ausim; repeto, quod aliàs dixi. Si ardet zelo reformandæ moralis, cur hoc negotium aliis mandat; non agit ipse per se? Ego tamen non capio hujusmodi antilogias. Hic ingenue fatetur, se coercere critice in suos Dominicanos, & onus refellendi eorum opiniones imponit aliis. Deinde alibi testes invocat libros suos, se NON MINUS Dominicanorum, QUAM ceterorum sententias refutare. Componat hæc qui potest.

## C A P U T LXXV.

*Vindicantur ab evidenti impostura  
Valentia, & Reginaldus.*

P. CONCINA Tom.7. pag. 437.

VALENTIA..... REGINALDUS ..... alique PROBABILISTÆ defendunt, sat esse, ut mutuator destinaverit pecuniam negotiationi, LICET OB DEFECTUM OCCASIONUM ACTU, AUT PROXIME PRÆSENTIUM PECUNIAM NON EXPONAT. Quæ opinio falsa est, & usuras fere omnes de mundo aufert.

UTrum alii PROBABILISTÆ id defendant, nunc non inquirō. Ut verò P. Concina videat, Probabilismum nullam habere cognationem cum sententiis, quas ipse reprobat; atque hoc suum artificium apud doctos inane esse: atque ut una defendam ab evidenti impostura

ra accusatos Auctores; Dico, **PROBABILISTAM** Valentiam, **PROBABILISTAM** Reginaldum non modo id non defendere; sed acriter, & expressè tueri opinionem contradicentem. Uterque enim, ut mutuator aliquid possit exigere ratione lucri cessantis, expressè postulat, ut occasiones exponendi pecuniam, quam mutuatur, sint **PROXIME**, vel **ACTU** præsentes, & expressè docet, non sat esse si sint **REMOTÆ**.

En verba Valentiae Tom.3. disp.5. de Just. quæst.20. Punct.2. §.5. *Hic advertendum est diligenter, nos hic supponere, quod vere lucrum cesset propter contractum cum altero transactum. Id autem continget, si existant hæc quatuor conditiones. Prima, ut pecunia vel ACTU fuerit exposita negotiationi, vel certe negotiationi destinata, & JAM ei exponenda, & quidem illa eadem, quæ alteri creditur aut mutuatur. NON ENIM SATIS EST, ut poterit exponi. Nam pecunia cum hac potentia lucrandi REMOTA non plus valet, quàm pecunia absolutè secundum se .... DEBET ergo esse lucrum IN POTENTIA PROXIMA, ut de eo pactum fieri possit, sicut est dictum.*

En verba Reginaldi volumine 2. lib.23. num. 84. *Primum (documentum) est. Ad hoc ut lucrum revera cessare censeatur, opus esse in primis, ut pecunia, aut quodvis aliud, quod mutuo datur, sit aliquid ita deputatum negotiationi, ut nisi mutuum intervenisset, negotium DE FACTO esset; sicque cessationis a negotiatione, & amissionis lucri ex ea proventuri mutuum causa fuerit PROPINQUA. Ut contingit cum mercator JAM HABEBAT PRÆ MANIBUS tales merces emendas: ex quibus verosimiliter lucratus fuisset, si illas emisset ex pecunia mutuata: aut cum Nobilis, vel alius homo dives propter mutationem impeditus est, ne prædium TUNC venale, vel castrum, vel censualem redditum emeret, contra quam planè statuerat, & poterat DE PRÆSENTI. Cujus documenti ratio est, quod quando mutuum causa, est TANTUM REMOTA amissionis lucri; in re, quæ ma-*

A a 2

tuo datur , non inest ille major valor , quem supra diximus , sed solum potentia illa REMOTA ad lucrandum ; propter quam supra etiam diximus , pecuniam non valere aliquid plus , quàm de se valebat .

Et paulo post in eorum numero , qui nequeunt a mutuuario exigere lucrum cessans , collocat ( sunt ejus verba ) Mercatorem , qui habet pecuniam expectans occasionem emendi merces , nec DE PROPINQUO empturus est .

Nihilominus , si audiamus Patrem Concina , VALENTIA , & REGINALDUS defendunt , sat esse si mutuato destinaverit pecuniam negotiationi ; nec requirunt , ut occasiones sint ACTU , vel PROXIME præfentes . Ego credo hos Auctores , cæteroquin non indignissimos , qui legantur , quantum ad Patrem Concina , latuisse semper absconditos IN BIBLIOTHECARUM ANGULIS . Credo tamen , communissimè latere quantum etiam ad omnes Confessarios .

## C A P U T LXXVI.

### *Defenditur ab impostura P. Lessius.*

P. CONCINA Tom. 7. pag. 509.

*P. Lessius non defendit contractum Mobatra CUM PACTO PRÆVIO . Non ? Propugnat contractum , quem Hispani vocant Baratas , & Mobatras , QUEM POSTEA DAMNAVIT ECCLESIA . Quid plus exigit ? Verum ne quis suspicetur , invidiam constatam esse Patri Lessio , rescribo quæ loco citato immediatè subiicit ,*  
*„ Adverte tamen hunc modum contrahendi sæpe non*  
*„ carere culpa in mercatore , qui EX COMPOSITO*  
*„ ita vendit , ut pretio infimo redimat , &c.*  
*Tum pergit referre totum textum Lessii , quem ego , ne*  
*bis rescribam , paulo infra dabo .* Non



**N**ON defenſitat P. Leſſius contractum Mohatra, CUM PACTO PRÆVIO. NON: ut ego oſtendam.

Præmitto, propoſitionem 40. proſcriptam ab Innoc. XI. hanc eſſe. Contractus Mohatra licitus eſt etiam reſpectu ejuſdem perſonæ, & CUM CONTRACTU RETROVENDITIONIS PRÆVIE' INITO, cum intentione lucri.

Hoc præmiſſo; ſumma fide reſcribam omnia verba Leſſii: & Lectores iudicabunt, utrum in illis reperiatuſ contractus in ea propoſitione damnatus.

Leſſius igitur lib.2. capite 20. dubit. 16. ita incipit. *Utrum venditiones, & emptiones reciprocæ ejuſdem rei di-verſo pretio, quas Hiſpani vocant BARATAS, & MO-HATRAS ſint licitæ? Exemplum ſit. Petit quis 100. aureos mutuos. Mercator non vult mutuare; ſed paratus eſt vendere illi merces credito ſummo pretio, v.g. 105., vel 106. aureis, ut eas vendat pecunia numerata CUI VOLUERIT. Ille eaſdem OFFERT mercatori, qui eaſdem emit, vel potius redimit pecunia numerata, ſed minoris, pretio, nimirum medio vel infimo, v.g. 100. aureis, & illi manet debitor centum & quinque.*

Haſtenus ne verbum quidem de contractu illo, quem damnavit Eccleſia; nempe de contractu CUM PACTO RETROVENDITIONIS PRÆVIE' INITO. Immo talem contractum evidenter hic legimus expreſſe excluſum iis verbis UT EAS VENDAT CUI VOLUERIT: & iis alij ILLE EMPTAS OFFERT. Si enim PRÆVIE' initum fuiſſet pactum retrovendiſionis; neque mercator traderet emptori merces cum facultate vendendi CUI VOLUERIT; neque emptor illas deinde redimendas OFFERRET. Ut per ſe patet.

Pergit deinde immediatè Leſſius: *Quidam Doctores exiſtimant id eſſe INJUSTUM, & palliatam uſuram, quando idem redimit, qui vendidit. Sed verius eſt NON ESSE*

**ESSE INJUSTUM**, etiamsi redimat ipse venditor, modo intra limites iusti pretii consistat, ita ut quando vendis credito, non excedat pretium rigorosum, & quando redimit numerato, non descendat infra iustum infimum. Ita Navarra 23. num. 9. Et Petrus Navarra lib. 3. cap. 2. num. 170. & alii recentiores. Ratio est, quia & venditio prima iusta est, cum fiat iusto pretio quamvis summo, & secunda etiam est iusta, qua eadem merces revenduntur. Nec refert, quod hæc revenditio fiat pretio infimo. Tum quia pretium infimum etiam est iustum, præsertim in numerata pecunia: tum quia merces, **QUÆ A VENDITORE INGERUNTUR** viliscunt. Nec etiam refert, quod idem sit emptor, qui ante erat venditor. Quia si alius quivis poterat illo pretio emere, cur non ille qui vendidit? Immo beneficium alteri in hoc præstare videtur, dum ille liberatur a quærendis aliis emptoribus, & sumptibus in proxenetis faciendis. **NON TAMEN POTEST ILLUM AD HOC COGERE; SED DEBET OMNINO LIBERUM RELINQUERE.**

Neque hic apparet ullum vestigium contractus Mohatra cum **PACTO PRÆVIO RETROVENDITIONIS**. Immo tale pactum hic etiam expresse excluditur, & improbatum. Tum quia Lessius apertè supponit, illas merces ab emptore **INTRUDI** mercatori, ut eas redimat; non autem **INTRUDERENTUR**, si **PRÆVIE** inter se convenissent, ut mercatori revenderentur: Tum quia Lessius disertè docet, mercatorem **NON POSSE COGERE EMPTOREM AD REVENDENDUM, SED DEBERE OMNINO LIBERUM RELINQUERE**: Cogere autem, nec omnino, immo nullo modo liberum, relinqueret, si præcederet pactum, ut retrovenderet.

Hæc evidentissima sunt, neque ipse P. Concina in his locat difficultatem: Sed locat in iis quæ consequuntur; qui est textus ab ipso recitatus, & quem ego pollicitus sum, me daturum.

Lessius igitur post superiora verba nullis interjectis  
ita



ita pergit. *Adverte tamen hunc modum contrahendi saepe non carere culpa in mercatore, qui EX COMPOSITO ita vendit, ut pretio infimo redimat. Nam primo peccare potest contra charitatem, ut si COGAT miserum aliquem hominem EMERE merces, (non dicit RETROVENDE-RE, quod jam hinc advertendum est) quibus non eget, magno illius dispendio, cum possit illi facile, & absque suo incommodo mutuum dare. Secundo peccare potest præbendo malum exemplum; nam contractus ille habet speciem mali, & suspicionem usuræ. Tertio se ipsum, & suos infamando: non tamen tenetur ad restitutionem, ut inquit Navarrus; quod intellige non teneri ex iustitia: sed fieri potest, ut teneatur ex charitate, si alter sit pauper, & grave sit illi tale detrimentum.*

In his P. Concina reperit contractum Mohatra damnatum ab Ecclesia, nempe contractum CUM PACTO PRÆVIO RETROVENDITIONIS: interpretatur enim ea verba EX COMPOSITO de PACTO PRÆVIE'INITO; ita ut sensus Lessii sit, non peccare contra iustitiam, neque teneri ad restitutionem ex iustitia mercatorem illum, qui prævie paciscitur cum emptore, ut sibi merces minoris retrovendat. Sed ego dico in ejusmodi interpretatione, & in quibusdam etiam aliis, quæ in decursu attingentur, sitam esse imposturam.

Ratio mihi brevis, & clara est: quia P. Concina interpretando illa verba EX COMPOSITO DE PACTO PRÆVIE'INITO, ea interpretatur in sensu, ut ajunt, contradictorio illis, quæ Lessius non alio in libro, non alio in loco, non in alia quæstione, sed ibi immediate ante, nullisque interjectis docuerat. Quæ quidem superiora, maximam lucem ad mentem Lessii perspicendam efferentia, P. Concina tum in Eleacho propositionum damnabilium pag. 65. tum pag. 291. tum hoc in loco, ter enim contra Lessium repetiit hanc cationem, alto semper silentio suppressit, & lectoribus suis occultavit.

Ut evincam quod dixi, syllogismum efformo. Si ea

ver-

verba **EX COMPOSITO** significarent in P. Lessio, ut P. Concina contendit, **PACTUM PRÆVIUM**; Lessius docuisset immediatè, & nullis interiectis, duo contradictoria. Atqui hoc de Lessio non est credibile. Ergo. Propositionem minorem P. Concina, puto, non negabit. Neque enim si Lessium laxonem fingit; stolidum etiam volet, & bardum fingere. Probo propositionem maiorem.

Lessius, ut contractus ille purgetur **AB INIUSTITIA** (ab iniustitia, inquam, non ab alio vitio, quia quod Lessius probandum assumpserat, erat, contractum illum non esse **INIUSTUM**,, Quidam Doctores, inquit, existimant id esse iniustum; sed verius est non esse iniustum,,) requirit, ut emptor possit vendere merces **CUI VOLUERIT**; ut emptas ipse **OFFERAT** mercatori redimendas; parum hoc, **UT INGERAT**, etiam parum; **UT mercator NON COGAT ILLUM AD HOC, SED UT OMNINO LIBERUM RELINQUAT**. Hæc omnia docet Lessius, dum immoratur in ea solùm quæstione, utrum contractus ille sit iniustus; & una ex potissimis rationibus, quibus probat non esse iniustum, hæc ipsa est, quia merces, **QUÆ A VENDITORE INGERUNTUR**, vilescunt. Ergo in superioribus manifestissimè docet hanc Propositionem **TALIS CONTRACTUS CUM PACTO PRÆVIO RETROVENDITIONIS INIUSTUS EST**.

Jam verò finge illa verba **EX COMPOSITO** habere sensum affectum a P. Concina, idest significare **PACTUM PRÆVIUM**: Cum Lessius doceat, talem mercatorem vendentem **EX COMPOSITO** ut pretio infimo redimat, non peccare contra iustitiam; manifestissimè immediatè doceret hanc aliam propositionem **TALIS CONTRACTUS CUM PACTO PRÆVIO RETROVENDITIONIS NON EST INIUSTUS**. Quæ directè contradicit primæ. Ergo immediatè, & nullis interiectis duo contradictoria docuisset. Quæ erat Major syllogismi probanda.

At

At quinam ergo erit sensus illorum verborum **QUI EX COMPOSITO ITA VENDIT, UT PRETIO INFIMO REDIMAT**? In primis quicumque sit, mihi satis est, non esse illum affectum a P. Concina, ut solidè probatum est. Deinde assigno duplicem, & quidem non obortum. Primum ea verba significare possunt intentionem internam, etsi nullo modo manifestatam. Ita ut sensus sit,, Qui **EX INDUSTRIA**; qui **EX HAC INTENTIONE** negat pecuniam mutuam misero illi petenti, & vendit illi merces, ut pretio infimo redimat, peccat contra charitatem,,. Et ea verba **EX COMPOSITO** significant **REM COMPOSITAM SECUM IPSO, IN ANIMO SUO** a mercatore, non verò **COMPOSITAM EXTERIUS CUM EMENTE**.

Secundus sensus potest esse iste,, Mercator, qui **CONCORDITER** cum misero emptore tali pacto negotium transigit, ut prius vendat, & deinde pretio infimo reoinnat, peccat contra charitatem,, Quæ **CONCORDIA** haberi potest per hoc, quod prius communi consensu celebrent emptionem; & postea communi novo consensu celebrent retrovenditionem, quin tamen secundus iste consensus deductus fuerit in pactum prævium, sed emptor fuerit relictus omnino liber, ut revenderet merces **CUI VOLUERIT**. Uterque sensus naturalis est. Primum tamen puto esse genuinum sensum Lessii.

Dices. At Lessius docet, mercatorem illum non peccare contra iustitiam, si **COGAT** miserum aliquem hominem emere merces quibus non eget, magno illius dispendio, cum possit illi facillè, & absque suo incommodo mutuum dare. In quam doctrinam ita declaratorie invehitur P. Concina hoc Tomo 7. pag. 252.

*Mercator ergo, qui ex composito cogit miserum hominulum ad emendum pretio summo merces, quibus non eget, ut easdem sibi RETROVENDAT PRETIO INFIMO, non peccat contra iustitiam? Si emptor iste sit dives mercator, non peccabit neque contra charitatem. Si autem absit scandalum*

B b

dalum

*datum nullo modo peccabit . Hæc porro doctrina damnata est .*

Respondeo, COACTIONEM, de qua loquitur Lessius non cadere supra RETROVENDITIONEM, sed solum supra PRIMAM EMPTIONEM, ad quam mercator COGIT miserum homulum nolendo dare mutuum, & quam posset impedire mutuum dando. Ait enim Lessius „ si COGAT miserum aliquem hominem EMERE,, Non ait „ SI COGAT SIBI RETROVENDERE PRETIO INFIMO „, ut advertendum monui, cum textum darem .

Hinc P. Concina, ut mihi quidem videtur, ter defecit a bona fide . Primo ; supprimendo semper, & occultando Lectoribus verba Lessii, quibus ad liberandum AB INJUSTITIA illum contractum postulat, ut retrovenditio sit OMNINO LIBERA, ET SPONTANEA retrovendenti . Secundo ; interpretando illa verba EX COMPOSITO in sensu contradictorio illis, quæ immediatè ante Lessius docuerat . Tertio, repræsentando, & suadendo Lectoribus, COACTIONEM illam, de qua Lessius, cadere supra RETROVENDITIONEM, cum solum cadat supra PRIMAM EMPTIONEM.

Immerito etiam P. Concina pag. 509. carpit Vivam, quod in expositione ejus propositionis damnatæ dixerit, nostros Theologos communiter docere contractum illum esse injustum: cum Lessius, ut ait P. Concina, contra doceat . Immerito, inquam, Primo, quia etsi unus Lessius contra doceret ; alii tamen Theologi, quamquam PROBILISTÆ defendunt injustitiam ejus contractus, quod satis, superque est, ut nostri Theologi COMMUNITER doceant, contractum illum esse injustum . Secundo ; quia neque Lessius contra docet, ut ostensum est.

# C A P U T LXXVII.

195

*Restituitur sua sinceritati sententia*  
*P. Sanchez.*

P. CONCINA Tom.7. pag.619.

*Utrum opinio, quam Pater Sanchez lib.1. Consil. cap.7. dub.2. docet, pauperem nempe, qui jus mendicandi in urbe obtinuit, posse hoc jus VIRO NON PAUPERI locare, probabilis sit? Respondeo, eandem opinionem defendit P. Sporer num.23.: quia eleemosyna etiam tunc datur pauperi mediare, quia datur Conductori solventi pensionem pauperi. Nonne pauper ager per alium DIVITEM petere eleemosynam valet? Hæ sunt quaestiones, quæ IN PATRIBUS SANCTIS discussæ non reperiuntur. Opinio hæc falsa est, & FRAUDIS PLENA. Fraus quippe populo fieret, qui pauperi, non DIVITI, eleemosynam dare se arbitratur. Dum pauper ægrotus per alium etiam divitem eleemosynam petit, verè eleemosyna pauperi, non DIVITI porrigitur, nullaque fraus occurrit. At dum pauper locat DIVITI jus mendicandi pacto pretio, tunc DIVES conductor NOMINE PROPRIO eleemosynam petit, & eidem datur. Prasfata opinio ordinem divinæ Providentiæ pervertit, quæ vult pauperes patientia, humilitate, & verecundia tolerantia sibi comparare. Qui nam pauperes isti, qui redditibus vivunt? Sed opinio hæc CONTEMNENDA, non refellenda est, potissimum quod si praxim spectes, CHIMÆRICA apparet; Quis enim est, qui jus mendicandi a paupere conducere velit NULLA EGESTATE PRESSUS? Nemo sane, nisi aut avarus, aut veterator, aut aleator, aut projectæ frontis homo.*

Bb 2

Si

SI P. Sanchez doceret opinionem, quam ipsi affingit P. Concina, sine dubio doceret opinionem falsissimam, & PLENAM FRAUDIS: Sed cū ejus doctrina mirum in modum immutata sit, ac deformata, nulla reprehensione dignus est. Itaque P. Concina ita depingit lectoribus Sententiam Sanchezii, tamquam si iste defenderet Jus illud mendicandi locari posse conductori DIVITI, qui, pro se eleemosynam petens, populo fraudem faceret, atque ad se veteratorio artificio nummos averteret, dum populus non DIVITI, sed pauperi eleemosynam præbere se arbitratur. Verū apud Patrem Sanchez de Conductore DIVITE ne verbum quidem: sed has omnes divitias huc contulit P. Concina de suo; quibus hoc lucratus est, ut opinio Sanchezii ridicula atque absurdissima lectoribus appareret. En totam illam dubitationem secundam a capite ad calcem.

*An qui habet licentiam Papæ vel Episcopi ad petendam eleemosynam uno anno vel per se, vel per alium, ut suæ necessitati consulat, possit hoc jus locare alteri pretio aliquo? Duplex est Sententia. Prima dicit, non posse: & teneri alterum restituere quod acquisierit ultra pretium locationis, quod dedit, & suam sustentationem, vel illi, cujus erat licentia, si nondum consultum erat suæ necessitati; si autem consultum erat, aliis pauperibus. Quia intentio Pontificis concedentis hanc licentiam non est, ut locetur. Sic Manuel Rodriguez in Bulla Composit. num. 51. sine: Corduba summa quæst. 98. Secunda Sententia probabilior dicit, posse: nec causari obligationem restituendi, quia expresso aliquo jure non prohibetur locare; nec fit inhabilis ad pretium locationis recipiendum, & locat illud jus, quod habet, estque contractus fortunæ, quo uterque lucri & jacturæ periculo exponitur. Sic Henriquez lib. 7. De Indulgentiis cap. 35. num. 5.*

Hæc est integra dubitatio illa secunda, in qua Sanchez

chez eam quæstionem pertractat. Jam verò ex qua propositione Patris Sanchez, ex qua periodo, ex quo verbo exculpere potest P. Concina, ipsum loqui de CONDUCTORE DIVITE, qui PRO SE, qui NOMINE SUO eleemosynam petat, populunque veteratoriè decipiat, qui PAUPERI non DIVITI se stipem præbere putat? Indicet, si potest, ubi P. Sanchez nominet DIVITEM. Indicet, quod magis necessarium est, ubi CONIUNCTIM nominet DIVITEM, qui NOMINE SUO, qui PRO SE petat, atque ideo populo fraudem faciat. Quod si indicare non potest, fateatur se imposuisse Sanchezio opinionem FRAUDIS PLENAM, Divinæ Providentiæ ordinem PERVERTENTEM, non refellendam, sed CONTEMNENDAM.

Quod ait P. Concina, CHIMÆRAM esse, divitem conducere a paupere jus mendicandi pro se & nomine proprio, verissimum est. Sed hoc ipsum probat, Patrem Sanchez non loqui de tali Divite: Sed vel de Conductore paupere, qui opus habeat ad mendicandum communicatione illius Juris, vel ad summum de Divite, qui eleemosynam petat non pro se, & nomine proprio, sed pro paupere aut nominato aut innominato, neque enim tunc etiam divites mendicare erubescunt.

Quod ait, has quæstiones in PATRIBUS SANCTIS non reperiri discussas: habet quidem sæpius in ore P. Concina Scripturas, Concilia, Canones, Patres. Sed, si loquamur de quæstionibus, quæ inter catholicos controvertuntur, paucissimæ illæ sunt, siquidem cum ingenti cæterarum numero comparentur, quas ipse ex scriptura, Conciliis, Canonibus, Patribusque resolvat. Quod me puderet dicere, ni verum esset, cum a quocumque, qui oculos habeat, & hanc Theologiam perlustrat, facillimè mendacii revinci possem.

## CAPUT LXXVIII.

*Vindicantur ab impostura Castropalaui,  
Gobat, Arriaga & alii.*

P. CONCINA Tomo 8. pag. 88.

*Disputant quoque, num adjecta conditio exprimi ore, an sola mente concipi debeat? Castropalaui, Joannes Sanchez, Arriaga, Gobat, Escobar contendunt, sat esse eam mente concipi, VOLO OMNES ET SOLOS ABSOLVERE, QUI ERUNT LEGITIME DISPOSITI. Ultra pergit Moya, ut refert idem La-Croix, docetque, se non damnaturum mortalis culpæ, qui ne mente quidem EXPRESSE conciperent conditionem, quia certum est semper adesse CONDITIONEM IMPLICITAM, ciam nemo intendat conferre Sacramentum nisi prout potest & debet. Hæc & plura alia de more P. La-Croix arbitrio lectoris relinquit. HINC juxta relatum Doctrinam OMNIBUS ACCEDENTIBUS ad tribunal poenitentiae dispensare ministri thesaurum absolutionis poterunt, ut dispositi illam percipiant, secus indispositi. HOC CONDITIONIS IMPLICITÆ ARCANO CONFESSARIIS A MOLESTIA SEVERE EXAMINANDI DISPOSITIONEM POENITENTIUM SESE LIBERANT, ET NUMEROSISSIMAM POPULORUM FREQUENTIAM SIBI CONCILIAN. Omnes se absolutos existimant, cum ignorent SECRETUM CONDITIONIS IMPLICITÆ. Quàm sit hæc doctrina, & perniciosa poenitentibus, & Christianæ disciplinæ infesta quisque intelligit.*

Hic



**H**ic habemus, Christiani lectores, orationem plenam sarcasmi, & imposturis, quas majori claritate, quàm potero, vestris oculis subjiciam.

Prima impostura, vel saltem defectus bonæ fidei in eo est, quodd apertè non exponat casum, pro quo solum laudati auctores tradunt illas Doctrinas de conditione absolutioni apponenda. Immo satis insinuat, eos loqui de omni casu, quo quis audiat confessiones, vel ad eas audiendas se accingat. Innuit enim, ex eorum Doctrina sat esse, ut, qui se exponit audiendis confessionibus, mente concipiat hanc intentionem: **VOLO OMNES ET SOLOS ABSOLVERE QUI ERUNT LEGITIME DISPOSITI**: Et non solum innuit, sed affirmat expressè, juxta relatam Doctrinam posse **OMNIBUS**, qui ad tribunal poenitentiae accedent, dispensari thesaurum absolutionis, ut dispositi illam percipiant, secus indispositi. Porro hoc est falsissimum, ut patebit ex eorum verbis infra producendis. Loquuntur enim solum de casu, in quo danda sit absolutio conditionata. Ut esset e.g. casus moribundi destituti sensibus, de quo dubitatur, num sit capax: Et casus, in quo Poenitens jam manifestasset sua peccata, & post diligentem discussionem dispositionis Sacerdos esset dubius: vel casus in quo Poenitens non haberet nisi unum peccatum dubium. Et de his solum casibus loquentes instituunt quæstionem, quâ ratione conditio apponenda sit. Circa quod variae sunt Sententiae. Aliqui dicunt, conditionem esse ore exprimendam; & hoc consultius esse docet La-Croix. Aliqui dicunt, sat esse, si mente **EXPRESSE** concipiatur. Alii demum, dicunt, sat esse, si concipiatur mente solum **IMPLICITATE**, quod tamen Moya ita temperat, ut id non liberet a culpa veniali.

Secunda impostura est, Castropalaum, Gobat, Ariagam **CONTENDERE**, sat esse mente eam concipi.

**VO-**

**VOLO OMNES ET SOLOS ABSOLVERE, QUI ERUNT LEGITIME DISPOSITI.** Nemo enim eorum hoc contendit, aut de hoc verbum habet: ut item patet ex eorum textibus.

Tertia impostura est, ex relata doctrina sequi, posse omnibus indiscriminatim dari absolutionem sine severo examine dispositionis, ita ut dispositi illam accipiant, secus indispositi. Tum quia fere omnes laudati auctores expresse requirunt diligentem discussionem talis dispositionis: tum quia ex eo, quod in supradictis casibus dubiis, in quibus impertienda est absolutorio sub conditione, sufficiat, hanc conditionem vel explicitè vel implicitè mente concipere; certissimè juxta nullam bonam dialecticam sequitur, non incumbere Confessariis onus severè examinandi dispositiones Poenitentium: & posse indiscriminatim absolvi OMNES ad Poenitentiae tribunal accedentes. Sed asseramus auctorum verba, quæ polliciti sumus.

Castropalaus Tract. 23. disput. unica, Puncto 5. n. 9. *Præterea prædicta verba absolutionis proferri debent absolute, non conditionate, quia hic est usus & praxis Ecclesie. Ideoque absolutioni tenetur Sacerdos PRÆMITTERE POENITENTIS NOTITIAM, QUEM SI RITE DISPOSITUM INVENIAT, ABSOLVIT: SIN MINUS; ABSOLUTIONEM DENEGAT. Sed quia sæpe contingit POST DILIGENTEM EXCUSSIONEM, Sacerdotem dubium esse, an Poenitens rite dispositus sit absolutioni recipiendæ, ut in casu proxime dicto videri potest, non est illicitum, sed potius conveniens, absolutionem concedere SUB CONDITIONE de præsentī MENTE SALTEM RETENTA, nempe si rite es dispositus, te absolvo.*

Gobat Tractatu 7., cum num. 267. proposuisset tertio loco casum, in quo dubitatur, an poenitens sit rite dispositus, quoad dolorem, propositum, integritatem: num. 268. ad hunc tertium casum ita responder. *In tertio SI ADHIBITA CONFESSARII DILIGENTIA nequeat tolli dubium, absolvatur in nomine Domini etiam sub condi-*

ditione. Ut primum enim coepit aperire Sacerdoti unum peccatum acquisivit aliquod saltem imperfectum jus ad absolutionem: fructu hujus certi juris non debet integrè privari ob solum dubium. Ergo sub conditione danda.

Et deinde num. 272., quærens quomodo IN TALIS CASU apponenda sit conditio, sic habet. *At oportet ne in mente illam EXPRESSE habere? an sufficit si VIRTUALITER & IMPLICITE?* Respondeo esse consultius, UT EXPRESSE in animo dicas, Te absolvo in quantum possum & indiges. Quia tamen quisque confessarius incipit excipere confessiones cum intentione aut expressa, aut implicita, virtualive faciendi id quod facit Ecclesia, seu quod statuit Christus, Christus autem statuit, ut IN TALIBUS CASIBUS FIAT ABSOLUTIO SUB CONDITIONE; ideo facit illam sub conditione implicita seu virtuali omnis non sceleratissimus confessarius, etsi non cogitans expressè de conditione, quia omnis probus habet intentionem satisfaciendi intentioni Christi.

Moya Tomo 1. Tract. 3. disp. 6. quæst. 4. agit per totam illam quætionem de casu moribundi sensibus destituti, tum n. 42. quærens quomodo conditio sit tunc apponenda hæc habet: *Inquiunt Lugo, Sanchez, & Diana debere absolutionem impertiri sub conditione mente saltem concepta.... Verùm ego de lethali non damnarem non concipientem expressè conditionem, quia certum est, ut supponit Lugo supra, semper atesse conditionem implicitam.*

Arriaga de Poenitentia disp. 31. num. 39. loquitur solum de Casu, quo poenitens non habeat nisi unicum peccatum dubium, & quærens utrum tunc danda sit absolutio sub conditione exterius expressa, hæc habet. *Eo ipso, quod Poenitens unum tantum peccatum, & illud quidem sub dubio confitetur, intelligitur Sacerdos dando absolutionem respondere illi eo sensu, quo est confessus, hoc est sub dubio dare absolutionem, etiamsi exterius id non explicet verbis.*

Ex his textibus habetur primo, laudatos auctores

tradere illam doctrinam de conditione vel explicita, vel implicita, non pro omni casu, quo quis audiat confessiones, & absolvat, ita ut possit indiscriminatim OMNES absolvere, & siquidem dispositi sint, absolutionem percipiant, secus, si non sint dispositi: Sed solum pro casibus superius dictis, vel moribundi destituti sensibus, vel Poenitentis jam confessi peccata, de cujus dispositione POST DILIGENTEM DISCUSSIONEM Sacerdos maneat dubius, vel Poenitentis habentis unum tantum peccatum, & illud dubium. In quibus Casibus ILLI PUTANT dandam esse absolutionem sub conditione. Dixi verò ILLI PUTANT. Quia more meo non definio ullam questionem; ideoque neque istam, Utrum in dictis casibus danda sit absolutio etiam sub conditione.

Habetur secundo, Castropalaum, Arriagam, Gobat nusquam CONTENDERE, sat esse eam mente concipi, VOLO OMNES & SOLOS ABSOLVERE, QUI ERUNT LEGITIME DISPOSITI, & de hujusmodi intentione ne verbum quidem eos facere.

Habetur tertio, neminem eorum talem doctrinam tradere, juxta quam OMNIBUS accedentibus ad Tribunal Poenitentiae dispensari possit absolutio, ut dispositi illam percipiant, secus indispositi. Cum aliqui ex laudatis auctoribus expressè requirant diligentem EXCUSSIONEM dispositionis, quæ si non inveniatur, negetur absolutio, si ADHIBITA DILIGENTIA Sacerdos dubius maneat, absolvat sub conditione. Alii verò doctrinam suam restringant ad casum moribundi, vel Poenitentis habentis unicum peccatum, & illud dubium; quæ non ideo applicari potest ad OMNES Poenitentes, quorum dispositio per otium severè examinari & potest & debet. Ergo habentur supradictæ tres imposturæ.

Quarta impostura, vel potius calumnia est Confessarios illos, qui NUMEROSISSIMAM POPULORUM FREQUENTIAM SIBI CONCILIENT, HOC CONDITIONIS IMPLICITÆ ARCANO LIBERARE SE A MO-

101

MOLESTIA SEVERE EXAMINANDI DISPOSITIO-  
 NES POENITENTIIUM. Quos confessarios velit hic in-  
 telligi, divinent alii. Quicumque illi sint, quo funda-  
 mento affingit illis P. Concina hoc gravissimum crimen?  
 Demus etiam, quod tamen ignotum est, eos Confessa-  
 rios esse in hac Sententia, sat esse in tribus casibus supra  
 dictis concipere mente IMPLICITÆ conditionem, num-  
 quid ignorant, esse nihilominus diligenter examinandam  
 dispositionem OMNIUM, qui ad accipiendam absolutio-  
 nem accedunt? Nemo illos tam ignaros existimabit in  
 re gravissima officii sui. Cur ergo P. Concina conatur  
 illos hujus sceleris suspectos reddere? Cur illorum Poe-  
 nitentes conjicit in timorem, ne forte non absoluti di-  
 scedant; cum putent se absolutos QUIA IGNORANT  
 SECRETUM CONDITIONIS IMPLICITÆ? Utrum-  
 hæc deceant severioris ethices professorem, aliis judi-  
 candum relinquo.

## C A P U T LXXIX.

*Restituitur sua sinceritati opinio Conink,  
 & Viva.*

P. CONCINA Tom.8. pag.227.


*Opinio P. Dominici Viva a culpa VENIALI cum Trul-  
 lenco, CONINK, aliisque Casuistis, excusantis Fideles  
 qui tantum Sacramentum ( Confirmationis ) NEGLI-  
 GUNT, NIMIUM LAXA est: siquidem, ut fatetur  
 vel ipse Leander loco citato quæst.7. ex Patre Valentia,  
 communiter illi ipsi auctores, qui negant præceptum, fa-  
 tentur peccare illos, qui hoc Sacramentum NEGLI-  
 GUNT.*

*Et pag.223. relata Sententia Vivæ ita scripserat.*

Cc 2

Nec

*Nec VENIALEM quidem culpam perpetrat Christianus, qui in hoc agone constitutus, & undique hostium multitudine circumdatus, deliberatè nolit se tali munire prasidio? Declamator ne ero, & sanctæ caritatis violator, si dixerò hanc doctrinam NIMIAM redolere LAXITATEM?*



**N**ON refertur sincerè, neque in suo vero aspectu depingitur opinio PP. Conink, & Vivæ. Repræsentatur enim lectoribus, hos auctores liberare fideles o-mittentes hoc Sacramentum indefinitè & universaliter ab OMNI prorsus culpa veniali undecumque orta: quod falsissimum est, ut jam ostendo.

Itaque aliud est liberare aliquem a culpa veniali, orta ex OBLIGATIONE DIRECTA alicujus præcepti, aliud liberare a culpa veniali, orta ex aliis capitibus. E. G. Qui negligeret Communionem toto integro anno, & illam sumeret solum in Paschate, ne VENIALITER quidem peccaret EX VI DIRECTA præcepti; quia præceptum Communicandi semel in anno ne venialiter quidem obligat ad Communionem frequentandam in anni decursu. Nemo tamen liberabit Christianum negligentem communionem toto anno a culpa veniali orta aliunde, scilicet a Prodigalitate quadam spiritali, & a negligentia in re adeo conducente ad salutem.

Jam verò Conink, & Viva negant quidem culpam venialem ortam EX OBLIGATIONE DIRECTA, quia negant præceptum suscipiendæ confirmationis. Sed P. Concina non iudicabit verbum, quo neget culpam venialem ortam aliunde, sive, quo negent illam culpam, quam fatente ipso Leandro admittunt illi Auctores, qui negant præceptum.

En verba P. Conink quæst. 72. De Confirm. artic. 8. num. 91. *Conclusio tertia. Nulla est DIRECTA OBLIGATIONE*

**TIO** ad hoc Sacramentum suscipiendum etiam sub peccato veniali. Ratio est, quia NULLUM EST PRÆCEPTUM humanum ad hoc nos obligans, ut patet ex dictis; neque etiam divinum vel naturale, quia si tale esset, cum hæc sit materia gravis, obligaret sub mortali. VIX UMQUAM TAMEN SINE JUSTA CAUSA HOC SACRAMENTUM OMITTITUR SINE PECCATO VENIALI. Quia per illam omissionem privamus nos magnis bonis, & auxiliis spiritualibus, QUOD PER SE CONTINET QUAMDAM PRODIGALITATEM, ET INDECENTIAM: & hac ratione efficimur minus idonei ad resistendum peccatis, unde exponimur majori periculo peccandi sæpius: quod, quando ita commodè possumus, saltem SUB PECCATO VENIALI TENEMUR VITARE.

Negat ne hic P. Conink OMNEM culpam venialem etiam ortam ex aliis titulis? Negat ne etiam illam culpam, quam admittunt Auctores negantes cæteroquin præceptum?

En verba Vivæ in Cursu Theologico Parte 5. quæst. 3. artic. 2. num. 6. Respondeo cum communi apud Dianam... non esse mortale illud nolle suscipere præciso contemptu & scandalo: immo cum Trullen. & Henr. contra Navarrum APUD CONINK, ne veniale quidem, CUM NULLIBI EXTET PRÆCEPTUM de illo suscipiendo.

Etiam P. Viva hic negat solum culpam venialem, quantum est ex vi præcepti directi. Tum quia loquitur in sensu P. Conink negantis culpam venialem, ut vidimus, solum EX OBLIGATIONE DIRECTA. Tum quia non aliam affert rationem negandi talem culpam, nisi quia NULLIBI EXTAT PRÆCEPTUM de illo suscipiendo. Tum quia ne verbum quidem habet, quo neget culpam venialem aliunde ortam. Ergo neque Conink, neque Viva negant indefinitè & universaliter omnem culpam venialem; etiam illam, quam admittunt Auctores negantes præceptum. Ergo P. Concina hoc ip-  
sis assignando aperte imposuit.

Hoc

Hoc satis ad institutum: tamen præterea hoc adverto. P. Conink non modo non negat culpam venialem aliunde ortam, & admissam ab aliis auctoribus, qui cum ipso negant præceptum; sed disertissime & expressissime illam admittit & probat, ut visum est. P. Viva de illa EXPRESSE non loquitur: dicendus tamen est, non modo illam non negare, ut est certissimum; sed implicite eam admittere, quia loquitur juxta sensum P. Conink eam EXPRESSE admittentis.

Occasione hujus quæstionis P. Concina more suo exagitat nominatim, & mirum, quantum! solos Patres Vivam, & La-Croix; qui & ipse negat præceptum, nusquam tamen negat culpam aliunde ortam. Eos solos ostentat lectoribus: eos solos in eorum oculis conatur insigere, & quidem tum in titulo capitis illius sexti, quod versamus, tum in decursu capitis, tum in Indice. Sed mihi placet instruere lectores etiam de iis, quæ super hac quæstione scripserunt alii Theologi, qui certè cum P. Concina consentientes non sunt.

I. Dominicus Soto Dominicanus in 4. Distinct. 7. quæst. unica artic. 8. *Contrarium autem, scilicet NUL-LUM esse præceptum obligans sub peccato mortali est longe probabilius: immo hic S. THOMAS ID TAM-QUAM CERTUM affirmare videtur. Glossat enim Huiusmodi verbum dicentis, Periculosum esse sine confirmatione mortem obire, dicens, „ Non quia homo ille damnaretur nisi forte propter contemptum, sed quia detrimentum perfectionis pateretur „. Et eandem opinionem quasi P. THOMÆ assiverat Adrianus quæst. de Confirm. a. 1., scilicet quod neque est PRÆCEPTUM DEI, NEQUE EC-CLESIAE.*

Sciant lectores, P. Concinam acriter defendere Præceptum, acriter propugnare S. Thomam stare pro sua Sententia, & acriter declamare adversus eos, qui interpretationem adhibent Patribus, & Conciliis ab ipso allatis. Pergamus.



II. Cajetanus Dominicanus in summa V. Confirmatio. Confirmationis Sacramentum, quod Chrisma vocatur, negligens accipere, peccat, quia debet esse sollicitus de Sacramento communi omnibus Christianis ad robur Fidei a Christo instituto. Non peccat tamen mortaliter, si desit contemptus, quia Sacramentum hoc nec est necessitatis absolutæ; **NEC EX EXACTIONE ECCLESIAE.**

III. Bartholomæus Fumus Dominicanus in summa, vulgo Armilla V. Confirmatio: Confirmationis Sacramentum, quia non est necessitatis, ideo dimittens non est contemptu, sed tantum ex negligentia, peccat quidem, sed non mortaliter.

IV. Martinus Ledesma Dominicanus in 4 Parte 1. quæst. 13. art. 8. Dubitatur primo, an omnes adulti teneantur ad Confirmationem sub pœna peccati mortalis? Ad hoc respondetur, & sit Prima propositio. Negligentia vel omisso hujus Sacramenti sine contemptu numquam est peccatum mortale **STANDO IN JURE DIVINO.** Hanc **PONIT FORMALITER S. THOMAS** in ista quæstione artic. 1. ad 3. & in isto octavo articulo ad 4. Secunda propositio est. Etiam **NEC LEGE HUMANA præceptum,** est de sumptione hujus Sacramenti. Quia **IN TOTO CORPORE JURIS NON HABETUR TALE PRÆCEPTUM.**

V. Bonifacius Maria Grandi Dominicanus Tomo 3. cursus Theologici quæst. 72. a. 8. De tertio dico. **PER SE** loquendo non tenentur Fideles sub mortali ad hoc Sacramentum suscipiendum. **ITA CUM DIVO THOMA** hic tam artic. 1. ad 3. quàm in hoc ad 4. Contra Contensonium spec. 2. & alios etiam antiquos. **NULLUM** namque assignari potest **PRÆCEPTUM DIVINUM, VEL ECCLESIASTICUM** hoc imponens: unde nec ab adversariis adducuntur Auctoritates Sacræ Scripturæ. **TRADITIONES VERO, AC PATRUM AUCTORITATES** assermantem necessitatem hujus Sacramenti legitime interpretantur **DUCE ANGELICO PRÆCEPTORE** de necess-

CESSITATE SECUNDUM QUID , SEU AD MELIUS  
ESSE.

VI. Joannes Baptista Corradus Dominicanus p. 2. quæstione 179. *Dimittere autem illud ex negligentia non esset mortale contra jus divinum, quæviscumque negligentia sit, etiam crassa. Stando autem in jure humano Adrianus & S. THOMAS tenent, quod NON EST PRÆCEPTUM, & ita credit Franciscus Victoria.*

VII. Bartholomæus ab Angelo Dominicanus Dialogo 3. §. 68., & 69. *Alii autem contrarium tenent, scilicet NULLUM ESSE PRÆCEPTUM obligans sub reatu mortali.... Hanc opinionem sequor etiam ipse. Nam cum perceptio Sacramenti Confirmationis NON SIT DE JURE DIVINO, UT OMNES CONCORDITER TENENT: ergo neque est de JURE PONTIFICIO.*

VIII. Philippus Maria Grossi Dominicanus Tract. 22. De Confirmatione quæst. 1. art. 4. *Dico quod NULLUM DATUR PRÆCEPTUM obligans sub mortali peccato ad susceptionem hujus Sacramenti.*

IX. Martinus Wingandt Dominicanus in Tribunali Confessariorum Tractatu undecimo, examine 6. quæst. 1. *Ex his colligitur, quod nemo mortaliter peccet, qui hoc Sacramentum non suscipit, modo non omittat cum contemptu, vel cum scandalo.*

X. Dominicus de Marinis Dominicanus Archiepiscopus Avenionensis in 3. p. quæst. 72. art. 12 cap. 9. *Ceterum S. DOCTOR, ut mox vidimus, NEGAT HOC PRÆCEPTUM, dum explicans auctoritatem Hugonis dicentis, omnino periculosum esse, si ab hac vita sine confirmatione migrare contigerit, dicit, Non quia damnare, tur, nisi forte propter contemptum, .. Quo dicto manifestè ostendit, quod omittens Sacramentum Confirmationis non peccat mortaliter, nec contra ALIQUOD PRÆCEPTUM, & quod si ex contemptu hoc faceret, peccaret mortaliter. Auctorem sequuntur hæc tempestate OMNES THEOLOGI: immo hic est sensus TOTIUS ECCLESIAE.*

Un-

*Unde in Catechismo Romano de Confirmationis Sacramento hæc habentur. „ Atque illud in primis &c. „*

Et pergit referre pro sententia negante præceptum totum & prolixum textum Catechismi, quem affert P. Concina tamquam validissimum argumentum pro sua Sententia affirmante.

Laudati decem Dominicani conveniunt con Conink, Viva, & La-Croix in negando præcepto obligantè sub gravi: nec dissentiunt ab istis in negando præcepto obligante sub levi. Ratio. Nam quamvis partim tacitè partim expressè doceant esse culpam venialem omittere Confirmationem, tamen nemo illorum explicat, utrum id sit ex vi præcepti directi obligantis sub levi, an verò ex aliis titulis allatis & illustratis a Patre Conink, & culpam venialem ortam ex illis nusquam negarunt PP. Viva & La-Croix: vel P. Concina doceat ubi, & quibus verbis.

Videamus nunc alios, qui expressè consentiunt in negando indefinitè & universaliter omne præceptum tum Divinum tum Ecclesiasticum, tum grave tum leve: quorum multi citant pro hac quoque Universaliori sententia S. Thomam, & præoccupant, ac dissolvunt Auctoritates, quas tam ingenti clamore intonat P. Concina.

XI. Gonet Dominicanus acerrimus ANTIPROBABILISTA disput. 6. de Sacramento Confirmationis articulo 3. Dico 2. *Ad recipiendum Sacramentum Confirmationis IN NULLO CASU tenentur adulti SUB PRÆCEPTO PER SE ET DIRECTE OBLIGANTE. Est contra Scotum, Bellarminum, Turrianum, Martinonium, & alios. EST TAMEN DIVI THOMÆ.... Ratio etiam suffragatur. NULLUM EST PRÆCEPTUM NEQUE DIVINUM NEQUE ECCLESIASTICUM PER SE OBLIGANS Fideles in aliquo casu ad suspensionem Sacramenti Confirmationis. Ergo ex præcepto PER SE ET DIRECTE numquam tenentur illud suscipere.... Quando in Canone omnes dicitur, quod omnes fideles per impositionem manus Episcoporum Spiritum Sanctum accipere DEBENT,*

D d

76-

*verbum illud DEBENT non significat præceptum, SED CONSILIUM.*

Antequam progrediar. Auctor rei Sacramentariæ, cujus conviciosissima verba refert, & adoptat hic P. Concina, lib. 2. pag. 348. loquens de sententia negante indefinitè omne præceptum tum divinum tum ecclesiasticum, hæc habet. „ Non ita sane Christus, non ita Apostoli, non ita Pontifices Maximi, non ita Patres, & Concilia præscripserunt. Non de fonte Traditionis, SED DE SENTENTIA PROBABILITATIS OPINIO PORTENTOSA EFFLUXIT „. Ex verbis Gonetii habemus, de purissimis etiam fontibus ANTIPROBABILITATIS PORTENTOSAM OPINIONEM effluxisse. Adeo verum est, quòd alias monui, PROBABILISMUM nullam cognitionem habere cum Sententiis directis, quas P. Concina appellat laxas. Sed pergamus.

XII. Petrus de Ledesma Dominicanus in summa hispana Part. 1. cap. 8. Conclus. 2. *No es peccado VENIAL no recibir esto Sacramento, aun quando ay oportunidad .... La razon es, porque no ay PRECEPTO DIVINO, ny ECCLESIASTICO de recibir esto Sacramento, como queda ya determinado: luego no sarà peccado VENIAL no lo recibir, porque no se haze contra LEY NINGUNA.*

XIII. Mag. Serra Dominicanus in 3. p. quæst. 72. artic. 4. Dubio 1. *Dicendum est secundo. Ad recipiendum hoc Sacramentum Confirmationis neminem teneri ex præcepto PER SE DIRECTE ad hoc obligante. Docent hoc COMMUNITER Theologi, præsertim M. Soto, ubi supra.... Et hoc colligit ex D. THOMA.*

XIV. Joannes Martinez de Prado Dominicanus Tomo 1. de Sacramentis p. 3. quæst. 72. dub. 9. num. 15. *Afferendum est NULLUM DARI PRÆCEPTUM NEQUE DIVINUM, NEQUE HUMANUM recipiendi Confirmationem. ITA SUMITUR EX D. THOMA.*

XV. Nugnus Dominicanus in 3. p. quæst. 72. artic. 8. *PER SE loquendo non est peccatum etiam VENIALE non velle*

velle suscipere hoc Sacramentum. Patet ista Conclusio. Quia ubi non est lex, neque prævaricatio. Sed ut constat ex præcedentibus, NULLUM EST PRÆCEPTUM in hac parte. Ergo.

XVI. Petrus Labat Dominicanus Tomo 6. Theologiæ disp. 3. De Sacramento Confirmationis non longe a fine. Colliges secundo & ultimo, Sacramentum Confirmationis: PER SE loquendo non obligare ex necessitate præcepti. EST D. THOMÆ in 4. Dist. 7. quæst. 1. artic. 1., & quæst. 2., & hic artic. 8. ad 4. ET DISCIPULORUM EJUS contra Scotum & alios.... Unde cum SANCTI PATRES loquuntur de hoc Sacramento nihil dicunt, quod ostendat NECESSITATEM PRÆCEPTI, SED SOLUM MODUM CONSILII, nimirum ut homo Christianus perficiatur in vita spirituali, scilicet perfectione SUPERABUNDANTIÆ, ET SUPEREROGATIONIS, NON AUTEM NECESSITATIS.

XVII. Victoria Dominicanus in summa quæst. 48. Stando in jure divino NON EST PRÆCEPTUM, nec invenitur in Evangelio locus obligatorius, sicut invenitur de Baptismo, Poenitentia & Eucharistia. Verum est quod contemptus ejus est peccatum mortale: Contemneret verò qui noleret illud recipere, quia non vult obedire, & putat nullius meriti esse.... Stando verò in jure humano Adrianus & S. THOMAS tenet, quod non est præceptum; & ego ita credo.

XVIII. Ludovicus Bancet Dominicanus Tomo 7. Theologiæ, quæst. 2. de Sacramento Confirmationis artic. 1. Utrum fideles teneantur ad suscipiendum Confirmationis Sacramentum? Duplex est Sententia circa propositam difficultatem. ALTERA D. THOMÆ, OMNIUMQUE THOMISTARUM, & plurium aliorum, QUOD NULLUS PER SE LOQUENDO TENETUR suscipere hoc Sacramentum. ALTERA est Scoti, Scotistarum, & quorundam aliorum doctorum oppositum. Conclusio. NULLUS EST CASUS, in quo PER SE loquendo obligemur ad suscipiendum Sacramentum Confirmationis. Probatur primo: Quia

*hujusmodi Sacramentum non obligat. SI NULLUM SIT DE IP SO PRÆCEPTUM, NEQUE DIVINUM NEQUE ECCLESIASTICUM, SED NULLUM TALE PRÆCEPTUM ASSIGNARI POTEST. Ergo. Sed etiam convincitur ex ipsa natura hujus Sacramenti. Diximus enim quòd institutum est ad hoc ut Fideles publicè protestentur fidem coram Tyrannis tempore persecutionis. Sed possunt Christiani sic protestari fidem per solam virtutem Fidei, & zelum Religionis Christianæ SINE AUXILIIS CONFIRMATIONIS, quanvis cum auxiliis quæ conferuntur per hoc Sacramentum talis protestatio MELIUS fiat, & FACILIUS. Ergo hoc Sacramentum non est absolute & simpliciter necessarium ad publicam fidei protestationem, sed tantum secundum quid. Et ideo PERFECTIO EST ET OPTIMUM CONSILIUM suscipere hujusmodi Sacramentum, non est tamen de ipso rigorosum PRÆCEPTUM ..... Respondeo quod illud verbum DEBENT indicat solummodo CONSILIUM ad majorem perfectionem, non verò RIGOROSUM PRÆCEPTUM.*

XIX. Joannes Nicolai Dominicanus in Parisiensi facultate celebris Sacræ Theologiæ Professor in 3. p. quæst. 72. artic. 8. illa verba S. Thomæ in fine Corporis „ Et ideo hoc Sacramentum debet omnibus exhiberi „ Ita commentatur. *Non mediis necessitate, VEL PRÆCEPTI, quasi non possit sine illo acquiri salus, modo contemptus absit, sicut additur infra, SED AD MELIUS ESSE saltem, & EX DEBITO CONGRUENTI.* (Advertant lectores quomodo insignis iste Dominicanus præoccupaverit auctoritates, in quibus adeo triumphat P. Concina) *Sic intelligi debet Urbanus I. dicens „ Omnes fideles per „ manus Episcoporum impositionem Spiritum Sanctum „ accipere DEBERE, ut pleni Christiani inveniantur „ sic Cyprianus „ Necessè esse ungi eum, qui sit baptizatus, ut accepto Chrismate habere in se Christi gratiam „ possit, sive plenè sanctificari „. Sic S. Clemens Epistola 4. „ Non aliter perfectum Christianum fieri posse,*

*fi*

*si non necessitate, sed incuria sine Chrismate remanserit „.*

XX. Vincentius Candidus Dominicanus in The-  
sauro desiderabili, collecto a Francisco Salasia ejusdem Or-  
dinis, Disquisit. 38. artic. 8. numero octavo. *Fideles non  
habent divinum PRÆCEPTUM suscipiendi Confirmatio-  
nem..... Nullum est præceptum positivum AB ECCLE-  
SIA..... Neque est VENIALE non velle suscipere, quia  
PRÆCEPTA SUB CONSILIO omittere non est peccatum.*

En quorum sit opinio, propter quam tam acri de-  
clamatione nominatim exagitantur soli Viva & La-Croix.  
Laudati Dominicani negant, sicut Viva & La-Croix,  
indefinitè & universaliter omne præceptum tum divinum,  
tum Ecclesiasticum, tum grave, tum leve. Negant cul-  
pam venialem quantum est ex OBLIGATIONE DIRE-  
CTA, sive EX VI PRÆCEPTI PER SE ET DIRE-  
CTE OBLIGANTIS: Non negant culpam venialem,  
ortam ex alio titulo. Sed hanc neque usquam negavit  
P. Viva, quamquam id calumniose persuaserit lectoribus  
P. Concina, quia negavit non indefinitè atque univer-  
saliter omnem culpam venialem; sed solum culpam veni-  
alem EX OBLIGATIONE DIRECTA, ut a me supe-  
rius EVIDENTER ostensum est. Et tamen cum adeo  
consentiant inter se laudati Dominicani, & duo illi Je-  
suitæ; Jesuitæ lectorum oculis objectantur, Dominicani  
absconduntur. Ne finat P. Concina elabi sibi e manibus  
WENDROCHIANAM excusationem.

Laudatis Dominicanis placet addere unicum Patrem  
Suarez: qui Tomo 3. in 3. p. Disput. 38. sectione prima  
eamdem prorsus opinionem solidè clarissimeque propu-  
gnat, his verbis.

*Quarta itaque absolutè negat, datum esse aliquod  
præceptum suscipiendi hoc Sacramentum. HÆC CEN-  
SETUR ESSE SENTENTIA D. Thomæ in 4. Distinct. 7.  
quæst. 1. a. 1. quæstione. 2. & hic artic. 8. ad 4. .... Funda-  
mentum hujus Sententiæ est: Quis præceptum obligans  
sub mortali non est asserendum SINE COGENTE FUN-  
DA-*

**DAMENTO.** *Hic autem NULLUM EST NON SOLUM COGENS, VERUM NEQUE ADMODUM URGENS: quia neque in Scriptura habemus hoc præceptum, neque EX TRADITIONE: Nam OMNES SANCTI, ET PONTIFICES, qui de hoc Sacramento loquuntur, explicant quidem vim, efficaciam, & utilitatem maximam, quam quodammodo NECESSITATE appellant, hujus Sacramenti: NIHIL tamen dicunt, quod sufficienter indicet PRÆCEPTUM..... Neque sufficienter colligitur hoc præceptum ex ipso usu, vel traditione: Tum quia Fideles communiter non inducuntur ad recipiendum hoc Sacramentum tamquam ex NECESSITATE obligati; sed tamquam invitati ad id quod per se bonum atque utile est. Unde nullis censuris astringi solent, neque aliis mediis, quæ necessitatem indicent: Tum etiam, quia si hoc Sacramentum esset jure divino præceptum, daretur omnibus adultis in articulo mortis, quod tamen usus Ecclesiæ non habet. Tandem non colligitur ex sola ratione, etiam supposita institutione, & sine, ac effectu hujus Sacramenti. Quia ex his omnibus solum colligitur, hoc Sacramentum esse valde utile ad præservandum in Fide, non tamen necessarium; atque adeo neque præceptum propter hanc causam, quia sunt alia media sufficientia ad eum finem consequendum, qualia sunt oratio, meritum, virtutis exercitium, & similia....* **DE JURE AUTEM ECCLESIASTICO** manifestius hoc constare videtur: tum ex dictis: tum quia Ecclesia non solet imponere affirmativa præcepta, nisi determinando tempus in quo implenda sint: imò in materia Sacramentorum non solet præcipere usum, quoad substantiam ejus, ut sic dicam; sed solum determinare tempus, in quo talis usus exercendus sit: in usum autem hujus Sacramenti nullum tempus determinavit. Quocirca hæc postrema sententia vera est **PER SE** loquendo **DE PRÆCEPTO PROPRIO, & INTRINSECA OBLIGATIONE HUIUS SACRAMENTI.** Ex quo fit **PER SE** etiam loquendo non esse peccatum mortale hoc Sacramentum vo-

lun-



*luntariè omittere. (Advertantur, quæso, quæ nunc Suarez differit de culpa veniali) An verò sit peccatum VENIALE, ut Cajetanus & alii volunt, ex fine & modo voluntatis judicandum est. NAM EX VI OBJECTI & INTRINSECÆ OBLIGATIONIS consequenter dicendum est, NULLUM ESSE PECCATUM, quia talis actus non est IN PRÆCEPTO, sed in CONSILIO. Alioquin si esset præceptum, materia ejus esset satis gravis, & ideo per se loquendo OBLIGATIO AUT DEBET ESSE SUB MORTALI, VEL OMNINO NULLA; neque est dare medium: EX ACCIDENTE verò potest esse VENIALE PECCATUM (Hoc nunquam negavit Viva) si censetur IRRATIONABILIS QUÆDAM PRODIGALITAS SPIRITUALIS, vel nonnulla temeritas in modo aggrediendi periculum Fidei. Sed his etiam modis potuit interdum esse peccatum MORTALE etiam per ACCIDENS.*

Hactenus eximius Suarez, cum quo consentiunt Gregorius de Valentia in 3. p. disput. 5. generali quæst. 2. Puncto 3. affirmans esse COMMUNEM; Castropalaus, Bonacina, Henriquez, Filliuccius, Layman, Villalobos, Salmanticenses, & alii plurimi videndi apud Dianam, & Leandrum.

Cum igitur hanc opinionem doceant tot insignes Dominicani; cum dicant, illam esse S. THOMÆ & DISCIPULORUM EJUS; cum auctoritates allatas a Patre Concina explicent de CONSILIO, non de PRÆCEPTO: cum idem præsent (audacter & jure dico) duo SUMMI THEOLOGI Suarez, & Valentia: cum idem teneant alii plurimi gravissimique cujuscumque Instituti & conditionis: Commiseratione aliqua mihi videntur digni VIVA & LACROIX, quos solos nominatim exagitandos sibi de more proposuit P. Concina, si a Magistris tot ac tantis decepti, ipsi etiam novissimi omnium subscripserunt OPINIONI LAXÆ, NIMIUM LAXÆ, PORTENTOSÆ, DE SENTINA PROBABILITATIS EFFLUENTI. Magno animo opus est, ut his præconiis exorpenatur Sententia, quæ

quæ a tot ac tantis auctoribus propugnantur.

Nulli tamen mirum sit, si tam strenuè defendit P. Concina præceptum suscipiendæ Confirmationis. Siquidem inter effectus hujus Sacramenti recenset etiam animi robur, & firmitatem ad impugnandas opiniones laxas.

## C A P U T LXXX.

### *Vindicantur a falsa criminatione Patres Societatis Venetiis Paulo V. Pontifice discedentes.*

P. CONCINA Tom.8. pag.304.

*Qui plura hac de re scire cupit consulat .... Martenium de antiquis Ecclesiæ ritibus lib.1. cap. 5. art.4. Ubi narrat, Patres Soc. Jesu, Paulo V. Pontifice summo Regnante, Venetiis discessuros, Hostias singulas collo sibi singulos alligasse; atque hoc devotionis fervore Urbe discessisse.*

\* \* \* \* \*

**F**Abellam a Martenio narratam non refert, puto, P. Concina, ut Jesuitas ornet, sed ut irridendos Lecto-ribus, atque improbandos proponat. Historia illius diffidii, quam Martenius citat, composita est a celebri Paulo Soave: illa verò lib. 2. pag.98. editionis Mirandulanæ anni 1675. sic habet.

*Partirò la sera alle due ore di notte ciascuno con:  
UN CRISTO al collo PER MOSTRARE, che Cristo  
partiva con loro.*

Quam interpretationem addidit quidem Historicus de suo: nihil tamen habet DE SINGULIS HOSTIIS SINGULORUM COLLO ALLIGATIS.

Mar-

Martenius in eo articulo habet plurima scitu dignissima de ritu ferendi in itineribus Eucharistiam. Cur P. Concina cæteris omnibus prætermisissis, id solum in suam Theologiam transferendum selegit, quod Jesuitas vellicare poterat? Fateor falsam hanc criminationem non pertinere ad sententias, cum sit res facti. Eam tamen silentio præterire nolui, ut clarius semper elucescat, quàm sit bene animatus hujusmodi scriptor erga nostram Societatem.

## C A P U T. LXXXI.

### *Restituitur sua integritati sententia Laymanni.*

P. CONCINA Tom.8. pag.6. in *Catalogo propositionum damnabilium.*

- P. PAULUS LAYMAN lib.5. *Tract.4. capite 5. num. 4.*  
 „ Infirmus paulo ante, puta octo vel decem diebus,  
 „ communicavit cum sanus esset, & nihil de mortis  
 „ periculo cogitans: tunc non tenetur iterum com-  
 „ municare in morbum lapsus. „



**A**rtificiosè, nec sati: bona fide amputatum est caput textui Patris Laymanni; & quidem non in leve damnum Auctoris illum integrum exhibeo.

*Quare ita distinguendum est CUM PALUDANO in 4. distinct.9. quest.1. art.3. in fine. Vel infirmus paulo ante, pura octo vel decem diebus communicavit, cum sanus esset, & nihil de mortis periculo cogitans, tunc non tenetur iterum communicare in morbum lapsus. Sin vero lon-*

E c

gius

*gius tempus e.g. UNIUS MENSIS a communione præcedente elapsum est ; & nihil de mortis discrimine cogitans communicavit , debet iterum communicare , si in præsens mortis periculum cadat .*

**PALUDANUS** Dominicanus est , & quidem perdoctus , & perantiquus . Si P. Concina caput textui nondetruncasset , vidissent Lectores Laymannum non esse fundatorem ejus sententiæ ; vidissent quàm magno auctore se tueatur ; vidissent quem Præceptorem secutus sit . Et invidia ejus doctrinæ , si qua est , divisa fuisset inter Paludanum , & Layman ; imo multo major pars obtigisset Dominicano Magistro , quàm Jesuitæ discipulo . Nunc autem totum odium in auctorem Societatis exoneratur : siquidem P. Concina non modo Paludani nomen propositioni damnandæ non præfixit , ut propter antiquitatem , & magisterium præfigere debuisset ; sed præfixum a Laymanno satis subleste amputavit . An hæc simpliciter facta sint , ego valde dubito .

Sed ut videant Lectores , quàm exigua invidiæ pars Laymanno obringeret , si ex æquo tribueretur in eos , quibus debetur : Ego detegam quinam fuerint Patri Laymanno Magistri in ea sententia , quorum aliqui ulterius etiam progressi sunt .

**I.** Paludanus Dominicanus in 4. dist. 9. quæst. 1. *Utrum autem ille , qui communicavit in Paschate , si illo anno moriturus sit , teneatur tunc iterum communicare ? Videtur quod non ; quia a præcepto divino liberatus est semel in vita communicando , sicut semel confitendo : item a præcepto Ecclesiæ communicandi in Paschate illo anno . Sicut ergo non tenetur iterum confiteri ; ita nec communicare , ut videtur . Quod satis est rationabile , si non distat multum a communione ; puta quia eadem hebdomada , vel*  
**QUINDENA** ( Laymanus extendit illud tempus ad summum ad **DECIM** dies ) *ægotat , quàm communicavit .*

**II.** Dominicus Soto Dominicanus in 4. distinc. 12. quæst.

quæst. 1. art. 11. Nihilominus si hujusmodi infirmus homo esset, qui frequenter in sanitate Sacramentum sumeret; & ut ait PALUDANUS, paulo ante sumpsisset, neque ulum præsentificeret criminis remorsum, sed puram putaret habere conscientiam; licet non tantam adhiberet diligentiam ad sumendam Eucharistiam, sed sine illa decederet, non esset peccati mortalis condemnandus.

III. Cajetanus Dominicanus in Summa, V. Communio: Utrum autem in mortis articulo teneatur fidelis quisque communicare, in dubium non est vertendum: quoniam CONSUETUDO ECCLESIAE hoc mandat ( Laymen. cap. cit. num. 2. docet hoc esse de JURE DIVINO ) & procul dubio peccat, qui sine rationabili causa absque Viatico recedit. Si tamen contemptus dedit, non video rationem peccati mortalis, ex quo PASCHALEM COMMUNIONEM ( Laymanno hæc paschalis Communio non sufficit, si præcessit per longum tempus, idest, ut ipse ait, per MENSEM ) implevit.

IV. Victoria Dominicanus in Summa num. 86. Qui autem jam communicaverit in vita, & SEMEL IN ANNO, ( Laymanno hæc communio facta SEMEL IN ANNO non satis est ) in articulo mortis non communicans propter negligentiam quamdam, non peccabit mortaliter.

V. Bartholomæus Fumus Dominicanus in Summa, vulgo Armilla, V. Communio num. 4. In mortis articulo tenetur homo communicare; quia sic habet USUS ECCLESIAE ( Layman, ut dixi, docet id esse de JURE DIVINO, ) & dimittens peccat quidem; non tamen dimittens ob negligentiam videtur mortaliter peccare: quia Viaticum istud non est Sacramentum necessitatis; dummodo communicaverit quis ( hoc non satis est P. Layman ) IN PASCHATE.

VI. Martinus Ledesma Dominicanus Par. 4. quæst. 21. a. 11. Dubitatur secundo an sit de præcepto, quod ægrorantes sumant Eucharistiam? Ad hoc dicit PALUDANUS, quod si tales paulo post Pascha morerentur, & fue-

*sunt communicati in Paschate non peccarent, licet non sumerent Eucharistiam. Aliter autem peccarent. Tamen Sylvester dicit, quod nullum est peccatum saltem mortale. Et ita est tenendum, quia NON EST ALIQUOD PRÆCEPTUM IN CONTRARIUM. Præterea quod quis ægotans ob negligentiam non sumeret Eucharistiam propter Ecclesiæ antiquam consuetudinem graviter peccaret; VENIALITER tamen citra contemptum. Unde stando IN JURE DIVINO, SUFFICERET (Laymanno non sufficeret) SOLUM SEMEL IN ANNO COMMUNICARE.*

Advertant modo Lectores. Layman, qui Dominicanorum opiniones multum temperavit, & circumscripsit, ponitur tum in Catalogo propositionum damnabilium, tum in Indice cum solito LAXE' DOCET. Sex laudati Dominici, qui ultra progressi sunt, non modo non nominantur; sed, ut melius & securius delitescant, PALUDANI citatio a Laymanno suæ doctrinæ præfixa rescatur. Hæc est bona fides, & vacuitas a studio partium.

Nec quemquam moveat, quod laudati Dominici vel tacite, vel expresse dicant id fore peccatum veniale. Nam primum id non dicunt de eo, qui paulo ante Communionem percepit, de quo solum loquitur Layman; sed de eo qui SEMEL IN ANNO communicavit; quem Layman non solum non liberat a VENIALI, sed neque a MORTALI. Deinde Layman hunc ipsum qui paulo ante, puta octo vel decem dies, communicavit, liberat a peccato, quantum est ex VI PRÆCEPTI DIRECTI, & quidem DIVINI de sumendo Viatico: cui putat satisfactum per Communionem sumptam ante octo, vel decem dies; quia videtur facta intra illud tempus, in quo obligat tale præceptum, ut egregie explicat Magnus Suarez statim afferendus. Non tamen liberat a culpa veniali, orta ex negligentia, & prodigalitate spirituali, & similibus. Neque enim assignabitur verbum, quo Layman istam neget.

P. Con-

P. Concina hoc Tom. 8. pag. 320. ubi agit hanc questionem, sententiam suam Laymanno oppositam appellat **PROBABILIOREM, & COMMUNIOREM**: nullum tamen patronum citat. Et innititur huic argumento. Quia Communio facta in sanitate, quamquam solum ante octo vel decem dies, facta est extra tempus præcepti de sumendo Viatico: sicuti Communio sumpta Sabbato ante Dominicam Palmarum, peracta est extra tempus præcepti Paschalis. Ac proinde sicuti hæc iterum peragenda esset, ita & illa.

E contrario P. Suarez sententiam P. Concina appellat **NIMIS RIGIDAM, ET SCRUPULOSAM, ET NULO AUCTORE SUFFULTAM**. Et præoccupat, atque in antecessum dissolvit prædictum argumentum, solide probando ex fine præcepti, Communionem illam esse peractam intra tempus præcepti: quia finis præcepti est, ut a Communione peracta **PAULO ANTE MORTEM** juvetur homo ad transitum ab hac vita: & illa Communio continetur intra hoc tempus, quo ita hominem juvare potest, ut patet de Viatico sumpto octo, vel decem dies ante mortem: neque obest, ut ipse probat, sanitas, & ignoratio mortis brevi futuræ. Audiamus ipsum disp. 69. de Euchar. sect. 3.

*Hæc sententia ( P. Concina ) NEQUE AB ULLO AUCTORE expressè tradita est, nec videtur simpliciter amplectenda, quia NIMIS RIGIDA, & SCRUPULOSA videtur..... Aliter ergo explicari potest hæc obligatio per brevitatem, aut longitudinem temporis; ita ut sensus præcepti sit, ut homo teneatur PAULO ANTE MORTEM communicare: nam finis præcepti esse videtur, ut per communionem se ad transitum ex hac vita homo præparet; quod SATIS ASSEQUITUR PAULO ANTE MORTEM COMMUNICANDO. Quantum autem futurum sit illud tempus, prudenti arbitrio videtur relinquendum; ut si v. g. OCTO, AUT DECEM dierum esse censetur..... Solum adverte, ( quod advertit etiam Layman, sed P. Con-*

Concina sæpissimè non vult advertere ) ALIUD ESSE, QUID CONSULENDUM SIT; ALIUD, QUID SUB OBLIGATIONEM CADAT. *Obligationi ergo censet prædicto modo satisfieri, quia quando tempus est breve, jam periculum moraliter imminet, QUOD IN RE VERE EXISTIT, LICET HOMO ILLUD IGNORET: & ideo censetur esse obligatio IN RE IPSA; quamvis homo ob ignorantiam excusetur. Quod tamen non obstat quominus homo per Communionem eo tempore factam illi obligationi satisfaciatur. Eo vel maxime, quod unusquisque in suis actibus censetur habere intentionem virtutalem, & implicitam implendi omnem obligationem, quam potest, & debet, licet fortasse eam ignoret ..... DE CONSILIO loquendo melius erit in simili eventu iterum semper in occurrente periculo communicare.*

Utri potius standum sit P. Concinae an Suario, perpensis omnibus, quæ attulimus, Lectores sint arbitri. Ego more meo nihil definio. Sed satis mihi est ostendisse P. Concina textum Laymanni artificiosè detruncasse.

## C A P U T LXXXII.

### *Restituitur fama Patri Tamburino.*

P. CONCINA Tom.8. pag.338.

*Quid sentiendum de interpretatione P. TAMBURINI in præceptum Concilii Tridentini confitendi QUAMPRI-  
MUM? Respondeo. Si Sacerdos in peccato mortali celebravit, tenetur quamprimum confiteri, ut declaravit Concilium Tridentinum sess.13. cap.7. his verbis „Quod „ si necessitate urgente Sacerdos absque prævia confessione celebraverit, quamprimum confiteatur „ Disputare non pauci PROBABILISTÆ ceperunt, num hoc præceptum sit, an merum consilium. P. Thomas Tam-*



*Tamburinus de methodo Commun. cap. 1. §. 6. num. 49. refert utramque sententiam & afferentem, & negantem præceptum latum esse a Tridentino; & de more VI PROBABILISMI utramque probabilem adjumat his verbis.* „ Equidem non possum priorem sententiam, agnoscere in illis verbis præceptum sub mortali non fateri probabilem. Ajo tamen, & hanc non agnoscere esse probabilem „ *Hanc Tamburini opinionem, quam etiam alii docuerunt, ut Villaloby, Ledesma, Machadus, quos refert ex Diana P. Viva in Trutina num. 1. damnavit Alexander VII. in hac propositione num. 38.* „ Mandatum Tridentini factum Sacerdoti sacrificanti ex necessitate cum peccato mortali confitendi quamprimum, est consilium, non præceptum „ . NULO MODO ERGO PROBABILIS EST.

*Opportunissima enim verò est hæc dialectica, qua infertur ex damnatione, opinionem illam NULO ERGO MODO ESSE PROBABLEM. Perinde ac si quis esset, qui affirmaret probabilem post damnationem.*



**B**ona fides, & rigidior Ethice postulabant, ut quemadmodum P. Concina publicè manifestavit erratum Tamburini, qui reputavit probabilem illam sententiam: sic etiam ad famam restituendam manifestaret retractationem, quæ ibi proximè habetur num. 54. his verbis.

*Adversus doctrinam hanc olim a me bona fide traditam insurgunt hodie duæ propositiones ab Alexandro VII. damnatæ, CUI OMNINO PARENDUM EST.*

Tamburinus nusquam, quod ego sciam, doctrinam hanc typis impresserat, nisi hoc ipso in loco, in quo ingenue fatetur errorem suum, illumque retractat. P. Concina ex libro impresso Tamburini errorem avidè arripuit; retractationem statim atque immediatè sequentem reliquit, & occultavit.

Quod

Quod ait, Tamburinum VI PROBABILISMI utramque sententiam probabilem affirmare, mihi videtur minus recte dictum. VIS PROBABILISMI non in eo posita est, ut hæc vel illa sententia, vel utraque ex oppositis reputetur probabilis. Reputare probabilem hanc, vel illam sententiam, vel utramque ex oppositis, commune esse potest Probabilitatis, Probabilioris, Benignitatis, Rigoris. Ut cuique mediocriter Theologo notum est. VIS PROBABILISMI in eo tantum est: quod ex duabus opinionibus practicè æquè probabilibus sequi possumus, quam libuerit; immo quod possumus sequi practicè probabilem faventem libertati in conspectu probabilioris faventis legi. Siquidem P. Concina a deo infensus est Probabilismo, ne jaculando erret, noscat saltem de facie inimicum suum.

Quod ait, opinionem Tamburini traditam fuisse etiam a LEDESMA; videtur parum. Opinionem negantem præceptum in laudatis verbis Tridentini Tamburinus affirmavit solum probabilem, & quidem cum retractione statim adjecta, & a P. Concina suis Lectoribus non manifestata. LEDESMA Dominicanus eam opinionem affirmavit PROBABILOREM. Ita enim habet in summa Hispana part. I. cap. II. de Eucharistia paulo ante conclusionem 9. „ *Però a mi me parece cosa MUY MAS PROBABLE lo que tienen otros, che NO ES PRECEPTO* „ . Quod tamen a me non dicitur factum VI PROBIORISMI.

Sed siquidem de Ledesma mentio incidit: quæro hic a P. Concina, cur in loco quem versamus, tum in titulo capituli, tum in proponenda quæstione nominatim posuit, & quidem diversis characteribus, ne Lectorum oculos fugeret, solum Tamburinum, qui eam opinionem affirmavit solum PROBABILOREM; non posuit vero Ledesmam Dominicanum, qui ultra progressus est; eamque opinionem pronunciavit MULTO PROBABILOREM, MUY MAS PROBABLE? Cur non proposuit potius quæ-

quæstionem sic. „ Quid sentiendum de interpretatione „ P. LEDESMA in præceptum Concilii Tridentini con- „ fitendi quamprimum ? „ Cur propter hanc opinionem legitur in indice Tamburinus ; Ledesma non legitur ? Constringat fortiter , ne elabatur , WENDROCHIA- NAM EXCUSATIONEM.

Artificium hoc præfigendi sententiis solum nomen aliquorum Jesuitarum , vel ut in eos solos totam invidiam exoneret , vel ut imperitis earum opinionum laxitatem facilius persuadeat , familiarissimum est Patri Concinz , ut sæpe animadvertimus . Aliud exemplum præterire non possum , quod habeo hic sub oculis citata pag. 338.

Antiqua est quæstio inter Theologos , & ferè itatim post Tridentinum excitata , num supradictum præceptum eos solum Sacerdotes afficiat , qui OB INOPIAM CONFESSARII , ut sonant verba legis , ET NECESSITATE URGENTE sine prævia confessione celebrarunt : an verò etiam eos , qui NULLA URGENTE NECESSITATE celebrare voluerunt absque confessione ; ac proinde celebrarunt sacrilegè .

In hac quæstione ita scripsit amplius ante sæculum cum dimidio eximius Doctor Franciscus Suarez Tom.3. in 3. part. disp.66. sect.7. in fin.

*Tertio declarandum est an Sacerdos , qui sine necessitate ob malitiam celebrat absque Confessione præmissa , hac lege comprehendatur . Videtur enim obligatus multo majori ratione . Nam si obligatur is , qui non peccavit omittendo Confessionem ; cur non multo magis obligabitur is , qui peccando eam omisit ? NIHILOMINUS dicendum est , hujusmodi hominem non comprehendi hac lege . Quia Concilium solum loquitur de illo , qui NECESSITATE URGENTE hoc facit . Lex autem positiva solum obligat PRO UT LATA EST : & argumentum a paritate rationis in hac materia EST INEFFICAX .*

Et per eadem tempora ita scripsit Gabriel Vasquez Tom.3. in 3. part. disp.208. cap.3.

F f

Jam

*Sed jam vero videamus quo pacto hoc præceptum Concilii Tridentini obliget quamprimum finita Missa confiteri. Sunt autem tres Casus, in quorum uno tantum existimo, hoc præceptum Sacerdotes obligare. Primus est cum Sacerdos sciens, & prudens, & habens copiam Confessarii noluit confiteri; & in hoc casu censeo, eum non obligari præcepto Concilii ad confitenda peccata quamprimum possit. Quoniam præceptum solum latum fuit pro iis, qui non habentes copiam Confessarii antequam accederent ad celebrandum, URGENTE NECESSITATE sine Confessione ad Altare accesserunt, & celebrarunt; ut ex littera patet. Et certè MAJOR RATIO fuit, ut pro iis ferretur, ne prætextu illo diu differrent Confessionem, & in peccato celebrarent; sed elapsa illa occasione Confessarium quærerent. Nam qui scienter habita copia noluit confiteri, non indigebat hoc novo præcepto, cui satis deberet esse divinum de præmittenda Confessione.*

Eandem sententiam, & propter easdem rationes tenent NUGNUS Dominicanus de Sacram. Tom. 2. quæst. 80. art. 4. difficult. 4. concl. 2. Illustrissimus ARAUXO Dominicanus Episcopus Segobienensis in 3. par. qu. 80. a. 4. nu. 29. Villalobos Franciscanus Tr. 7. difficult. 37. nu. 9. Card. de Lugo disp. 14. de Euch. sect. 7. nu. 149. & 150. Franciscus de Lugo Erater de Sacram. lib. 4. cap. 6. qu. 8. n. 70. Filliuccius Tr. 4. de Euchar. cap. 8. num. 223. Granado in 3. part. contr. 6. Tr. 10. disp. 7. n. 15. Diana coordinatus Tom. 1. Tr. 3. Resol. 172. Mercerus de Sacram. quæst. 80. art. 4. dub. 30. Stephanus a S. Gregorio de Sacram. lib. 3. cap. 26. num. 12. Thomas Hurtado Tom. 1. Tract. 3. cap. 1. Resol. 14. num. 62. Bonacina de Sacram. Euch. disp. 4. qu. 6. part. 1. n. 38. Leander Tom. 2. Tr. 7. disp. 7. qu. 51. Et demum alii plurimi; ita ut hæc sententia appelletur passim ab Auctoribus communissima; & merito: nam cum a tam multis Theologis, & quidem non levibus propugnetur, non invenio citatos contra ipsam nisi Sylvium, Wiggers, & Zanardum Dominicanum, quem P. Bonacina non magni facit.

Audite nunc quàm conviciose loquatur P. Daniel Concina de sententia tot gravium Theologorum; & quod propius rem nostram attingit, quàm artificiose conetur totam invidiam, si qua est, exonerare in solos La-Croix, & Vivam, perinde ac si essent inventores, & antesignani antiquæ hujus sententiæ. Ejus verba referam brevissimis animadversionibus interjectis.

*Quid dicendum de interpretatione P. CLAUDII LA-CROIX, P. VIVA, & aliorum in præfatum Tridentini præceptum?*

Cur nominatim & diversis characteribus, ne Lectorum oculos fugerent, P. CLAUDII LA-CROIX, P. VIVA? Et non potius NUGNI Dominicani, ARAUXO Dominicani; & si paritum Dominicanis voluit; cur non Suarii, Vasquii, Dianæ, Bonacinæ, & sic de reliquis supra citatis, qui La-Croixio, & Vivæ præverunt.

*Respondeo COMMENTUM exponendum est, ut mihi videtur, VALDE LAXUM, ET PEREGRINUM.*

Utrum jure videatur P. Concina COMMENTUM VALDE LAXUM sententia, quæ incipiendo a Suarez, & Vasquez, communissima est inter Theologos cujuslibet conditionis, & Instituti, Lectores judicent. Ego de laxitate, rigore, veritate, vel falsitate opinionum in hoc opusculo more meo nihil definio. Nescio tamen cur vocetur Commentum PEREGRINUM illa sententia, quæ non tum primum a La-Croixio, & Viva introducta est; sed jam inde a temporibus Patris Suarez theologica civitate donari cœpit.

*P. Claudius La-Croix cum pluribus aliis in disputationem vocat, num Sacerdos peccati mortalis conscius, qui Confessarii copiam habens, celebret non præmissa Confessione, teneatur quamprimum confiteri vi præcepti Tridentini.*

Sæculum, & amplius ante Patrem La-Croix id voluerant in disputationem P. Suarez, P. Vasquez, & alii; & cum istis negantem sententiam communissime Theologi amplexi sunt.

*Videō, te commoveri, Lector Christiane, ob hoc solum quod in controversiam id adduci audias.*

Si Lector Christianus sit quidam Sciolus, imperitus, Jesuitarum osor, & qui solum P. Concinau legerit, fortasse commovebitur contra Patrem La-Croix. Si doctus sit, & noverit, id esse adductum in controversiam summis Theologis fere statim post Tridentinum; & negantem sententiam ab his usque temporibus communiter apud Theologos cujuscumque Instituti obtinuisse; commovebitur fortasse contra alium quemdam.

**QUID?** *Tenentur quamprimum confiteri Sacerdotes, qui urgente necessitate carentes copia Confessarii nequeunt confiteri: & ab hoc præcepto immunes erunt, qui Confessarios obvios habentes ex mera malitia confiteri recusant?*

Ciceronianum illud **QUID?** quod tam sæpe usurpat P. Concina; ut illud videatur tamquam filiolum osculari suum; præoccupaverant jam, & dissolverant P. Suarez, & P. Vasquez verbis supra relatis, quæ, rogo, ut relegantur.

**CUINAM** *in mentem venire potest* **TAM PERERGRINUM INTERPRETAMENTUM.**

**CUINAM?** Nugno Dominicano; Illustrissimo Arauxo Dominicano; Nescio cui Francisco Suarez; nescio cui Gabriel Vasquez, nescio cui Cardinali de Lugo, nescio cui Bonacina, nescio cui Dianæ, nescio cui Thomæ Hurtado; Demum omnibus supra laudatis, & communisimè omnibus Theologis, si tres, vel quatuor excipias.

*Audi quæ scribit P. LA-CROIX lib. 6. p. 1. de Euch. num. 546. §. 4. Integrum licet prolixum COMMENTUM transcribo, ne ADVERSARI DE MORE CLAMITENT, TRUNCATUM ESSE TEXTUM.*

P. LA-CROIX scribit, quæ ante ipsum scripserant fere omnes Theologi, ducendo initium a PP. Suarez, & Vasquez. **ADVERSARI** verò non clamitant, truncatos esse textus, nisi cum **IN DAMNUM AUCTORUM** re ipsa truncati sunt,

*Hec*

*Hæc opinio*, SALVO MELIORI JUDICIO, FALSA, IMPROBABILIS, ET LAXA NIMIUM *mibi videtur, & in nihilum redigit Tridentinum præceptum.*

Talis non est visa Suariorum, Vasquiorum, Nugnorum, Arauxorum, Bonacinarum, Dianarum, Card. de Lugo, ac tot Theologorum supra laudatis, quorum judicium fortè non omnibus videbitur contemnendum.

*Sed quid diutius immoror in LAXA opinione convellenda, quam COMMUNIS SENSUS DETESTARI VIDETUR TAMQUAM NIMIS CAPTIOSAM?*

Vel loquitur de COMMUNI SENSU THEOLOGORUM, vel de COMMUNI SENSU HOMINUM ab ipso naturæ lumine proficiscente. Si de primo; id falsum est; nam COMMUNIS SENSUS THEOLOGORUM eam opinionem adoptat; & tres solum vel quatuor illam reiiciunt, non tamen DETESTANTUR; hujusmodi enim verba ante P. Concinam Theologis non erant nota. Si de secundo: ergo COMMUNI SENSU caruerunt, & DETESTABILEM, AC NIMIS CAPTIOSAM opinionem docuerunt Suarez, Vasquez, NUGNUS, Arauxo, Bonacina, Diana, Card. de Lugo, & ne tædio Lectores afficiam, fere omnes Theologi.

Hæc retuli, ut idemtidem Lectoribus specimen darem, cujusmodi sint, & quibus Auctoribus commendentur sententiæ, quas conviciorum plaustris P. Concina onerat; propter quas fere solos La-Croix, & Vivam exagitat; eorumque nominibus vel ipse, vel quicumque sit alius, tam multas in indicibus laxitates attexit,

Videbis Caput sequens.

ob aliam rationem petitam a fine legis, quam infra attingemus. En Vasquii verba loco quem citavimus Capite Superiori.

*Secundo accidere potest, ut Sacerdos habeat quidem copiam Confessarii, & illi sit confessus antequam accedat ad altare, postea tamen RECORDETUR alterius peccati non explicati in confessione: aut putans se non habere mortale, si non confiteatur: IN IPSA TAMEN ACTIONE CELEBRANDI RECORDETUR (non dicit COMMITTAT, ut imposuit P. Concina) alicujus mortalis: ne tamen incurrat notam, non confitetur; neque confessarium vocat cum possit. Et in hoc casu aliqui recentiores putant hoc præceptum Concilii obligare.... Ego verò puto in hoc secundo Casu etiamsi ante sumptum Sacramentum, quis RECORDETUR alicujus mortalis, illud tamen non confiteatur, non QUIA DESIT COPIA CONFESSARII, neque prætextu illius, sed ne incurrat infamiae notam, Sacerdotem non teneri præcepto Tridentini.*

De Sacerdote verò PERPETRANTE SCELUS, DUM SACRIFICIUM DEO IMMOLAT, neque hic, neque uspiam verbum habet; vel P. Concina doceat UBI.

Hanc autem suam assertionem probat Vasquez tripliciter.

Primo, ut dicebam, ex verbis legis, quæ loquitur solum de eo qui celebrat URGENTE NECESSITATE, & Confessionem non præmittit OB INOPIAM CONFESSARII. Lex verò positiva obligat solum, ut aiebat Suarez, PROUT LATA EST.

Secundò ex FINE LEGIS. Finis enim fuit, ne Sacerdotes, præsertim ruri commorantes, ob inopiam confessarii sæpius celebrarent cum sola contritione, negligenter fierent in quærendo confessario, & diutius confessionem differrent. Quod timeri non ita poterat in Sacerdotibus habentibus copiam Confessarii, quia isti sufficienter obligantur a præcepto divino, sine nova positiva lege, ad præmittendam confessionem celebrationi, si peccati mortalis sibi conscii sint.

Ter-



Tertiò ex Rubricis Missalis Romani de defectibus animæ: ubi enumerantur duo casus. Primus est, quando quis non habens copiam Confessarii urgente necessitate celebrat, & huic ponitur necessaria contritio, ET CONFITERI QUAMPRIMUM. Secundus est, cum quis in altari RECORDATUR alicujus peccati, & quamvis habeat copiam Confessarii, illum tamen non advocat ob metum infamiæ, & huic ponitur quidem necessaria contritio, sed non fit mentio Præcepti DE CONFITENDO QUAMPRIMUM. Quod signum est, ait Vasquez, Pontificem approbantem eas Rubricas intellexisse, Præceptum Tridentini in primo solo casu locum habere.

Pendant, quæso, lectores has rationes, animadvertant etiam cujus notæ Auctores sint, qui hanc opinionem tuentur: & deinde ipsi judicent, num sententia restringens præceptum Tridentini ad eos tantum, quos comprehendunt verba ipsa legis, mereatur ornari a P. Daniele Concina iis præconiis, COMMENTUM VALDE LAXUM, & PEREGRINUM; FALSA, IMPROBABILIS, NIMIUM LAXA; A COMMUNI SENSU DETESTATA, CAPTIOSA, INAUDITUM PARADOXON, ET INCREDIBILE. Venustissimis hæc floribus conspersa est tota iſthæc Christiana Theologia.

Demum ne P. Concina exprobrare pergat PROBABILISTIS, præsertim Jesuitis; quod nolint extendere mandatum Tridentini nisi ad eos, de quibus loquuntur verba legis: Audiat suum GONETUM Dominicaum acerrimum ANTIPROBABILISTAM Disput. 9. de Euch. n. 29. ubi sic.

*Querunt hic Theologi, quos NOVUM hoc præceptum, quod Ecclesiasticum est, comprehendat; an solos Sacerdotes, vel etiam laicos (Hos quoque comprehendere contendit P. Concina ob suam paritatem rationis) Respondeo breviter, sub hoc novo præcepto non comprehendere nisi solos Sacerdotes celebrantes. QUIA CUM SIT POENALE, EXTENDI NON DEBET NISI AD EOS, AD QUOS*  
VER-

VERBA LEGISLATORIS IN PROPRIA SIGNIFICATIONE SUMPTA SE EXTENDUNT. *At verba Concilii non se extendunt nisi ad Sacerdotes celebrantes, ut patet ex ipso textu: colligiturque* EX FINE PRÆCEPTI, *qui est, ne Sacerdotes, quibus ex officio celebrare incumbit, PRÆTEXTU URGENTIS NECESSITATIS SÆPE CELEBRENT PRÆTERMISSA CONFESSIO-* NE SACRAMENTALI.

Video, Gonetum quæstionem instituere de solis Laicis: duo tamen advertenda sunt.

Primum. Gonetus constituit illud principium, quod in auctoribus Probabilistis P. Concina tam acriter infestatur. Nempe PRÆCEPTUM TRIDENTINI, CUM SIT POENALE, EXTENDI NON DEBET NISI AD EOS, AD QUOS VERBA LEGISLATORIS IN PROPRIA SIGNIFICATIONE SUMPTA SE EXTENDUNT. Cui principio si subnectantur istæ evidentes minores: Atqui verba Legislatoris IN PROPRIA SIGNIFICATIONE SUMPTA non se extendunt ad Sacerdotes, qui cum habeant copiam Confessarii, nulla premuntur urgenti necessitate celebrandi sine Confessione præmissa, ideoque illam omittunt malitiosè, & sacrilegè celebrant: non se extendunt ad Sacerdotes, qui recordantes in ipsa celebratione alicujus peccati, Confessarium, cujus habent copiam, non advocant ob metum infamiae: Imò non se extendunt ad Sacerdotem perpetrantem scelus DUM SACRIFICIUM DEO IMMOLAT, si non habeat copiam Confessarii, cui confiteri possit antequam Missam prosequatur: si, inquam, illi principio subnectantur istæ evidentes minores; ex Doctrina Goneti DOMINICANI & ANTIPROBABILISTÆ; immediate & evidenter sequentur omnes supradictæ opiniones COMMENTA VALDE LAXA & PEREGRINA, FALSÆ, IMPROBABILES, NIMIUM LAXÆ, A COMMUNI SENSU DETESTATÆ, NIMIS CAPTIOSÆ, PARADOXA INAUDITA.

Secundum. Gonetus docet, quemadmodum Vasquez, FINEM LEGIS esse, ne Sacerdotes prætextu urgentis necessitatis sæpe celebrent prætermiſſa Confeſſione Sacramentali. Addo minorem. Atqui Sacerdotes HABENTES COPIAM CONFESSARII, ideoque NULLA PRESSI NECESSITATE omittendi Confeſſionem, AD HUNC FINEM non indigebant hoc novo præcepto: quia ſi HABENT COPIAM CONFESSARII jam obligantur ſufficientiſſimè a præcepto divino ad non celebrandum, ſine Confeſſione Sacramentali præmiſſa. Ergo ex Doctrina Gonetæ Præceptum Tridentini iſtos non comprehendit.

Vides, amice lector, Gonetum antiprobabiliſtam: docere EXPRESSE contra P. Concina, Laicos non comprehendî; docere verò IMPLICITE & re ipſa quod docent cum Suario, Vaſquio, & comuniſſima Theologorum La Croix & Viva. Gonetum tamen neque in corpore Tomi P. Concinae, neque in indicibus leges.

## C A P U T LXXXIV.

### *Reſtituitur ſua integritati ſententia Tamburini.*

P. CONCINA Tom.8. pag.344.

*Nimis laxa quoque eſt opinio Tamburini de Miſſ. Comm. cap.1. n.63. & Leandri quæſt.18. qui docent, poſſe Laicum aſſidentem cum aliis ſcanno ſeu menſæ Communio- nis Euchariftiam ſuſcipere non præmiſſa confeſſione le- thalis culpæ, cujus recordatur, etiamſi abſque ſcandalo recedere valeat,*

Non

**N**on est erratum, si velis, magni momenti, nihilominus non exponitur integrè & sincerè sententia Tamburini. Tamburinus enim non loquitur indefinitè & universaliter de quacumque culpa lethali, cujus quis recorderetur: e. g. de culpa lethali, post quam ille numquam confessionem peregerit, quòd esset durius. Sed loquitur de finitè de culpa lethali non manifestata per oblivionem in Confessione præmissa, & in ea indirectè absoluta, quòd est minus durum. En titulum illius paragraphi.

*De eo, qui ante communionem recordatur peccati IN-DIRECTE ABSOLUTI.*

Rationem verò, cur hunc liberet ab obligatione recedendi, etsi possit sine scandalo, Tamburinus sic exponit.

*Ratio est, quia ex una parte irreverenter se gereret inchoatam quasi actionem sine clara necessitate relinquendo: sicuti non bene moratè se gereret, qui invidatus a rege, ubi sedet ad mensam vellet vel ad leve tempus recedere: Et ex alia parte non apparet clara necessitas: quia hic jam est JUSTUS, BENEQUE DISPOSITUS PROPTER ABSOLUTIONEM INDIRECTAM TALIS PECCATI.*

Quòd si P. Concina scire cupiat, quisnam loquatur laxius quàm Tamburinus, statim dicam.

Victoria Dominicanus in summa num 79. ubi idem docet non tantum de Laico, sed etiam de Sacerdote, & quidem non cohibendo ac restringendo doctrinam ad peccatum INDIRECTE REMISSUM. Cum enim dixisset, Sacerdotem, qui inchoata missa recordatur alicujus lethalis, nec addit INDIRECTE REMISSI, non teneri præmittere confessionem, etsi possit absque scandalo, subdit.

*Idem dicendum est de His, qui sunt ibi parati ad recipiendam Eucharistiam, qui si recordati fuerint alicujus*

mortalis, SECURE possunt communicare etiam ante confessionem PROPTER REVERENTIAM SACRAMENTI. Nec de hoc dubito.

Victoriam magistrum nusquam lego. Tamburinum, discipulum, qui Magistri doctrinam temperavit, tum hic, tum in indice lego cum consueto LAXE' DOCET. Nova semper habemus documenta Concilianæ vacuitatis a studio partium.

Prædictam Sententiam Victoriz, & deinde Tamburini optimè impugnat Eximius Suarez Tomo 3. in 3. p. Disput. 66. sect. 4. Ubi advertit, irreverentiam illam, in qua vim faciunt, tam parvi esse momenti, ut propter majorem causam contemnenda videatur.

## C A P U T LXXXV.

*Vindicatur ab impostura idem Tamburinus.*

P. CONCINA Tomo 8. in *Indice*.

*Tamburinus (P. Thomas) LAXE' quotidianam communionem omnibus peccato lethali inquinatis CONCEDIT.*

§\*§§\*§§\*§

**E**Videntem hanc imposturam non possum melius lectorum oculis subicere, quàm recitando verba Tamburini in *Methodo Communionis* Cap. 1. §. undecimo, ubi sic.

*Licere communionem quotidianam laico etiam uxorato, immo eam vetare illi nec Confessarium, nec Superiorem posse, quia cum Christus Dominus omnibus qui peccati mortalis sibi conscii non sunt, sive cum magno sive cum parvo devotionis affectu, liberaliter concessit, docet CUM PAUCIS Joannes Sanchez in selectis disput. 22. Negat CUM ALIIS MULTIS Joannes de Lugo disput. 17. de Eucharistia sect. 2. solumque concedit maxima ser-*

servoris spiritu accensis, Sanctæ Catharinæ, & similibus. Lege eos, si hanc quæstionem latè discussam videre in animo est. Nos breviter NEGANTEM SENTENTIAM amplectimur, quia putamus id cedere majori reverentiæ Sacramenti. Affirmans opinio illud a Confessariis obtineat, ut Fidelibus Sacram Communionem (non dicit QUOTIDIANAM, aliter sibi statim & immediatè contradiceret, quare significare non potest, nisi FREQUENTEM) appetentibus, seu etiam solùm petentibus sese faciles in posterum exhibeant.

Facile crescet census laxitatum attextus Tamburino, si cum ille disertissimè amplectatur SENTENTIAM NEGANTEM, in indice ponatur CONCEDIT.

## C A P U T LXXXVI.

*Vindicatur ab injusta criminatione  
P. Viva.*

P. CONCINA Tom. 9. pag. 86.

*Quam sint falsæ, & INTEMPERATÆ CENSURÆ PP. Dominici VIVA; Balthassaris Francolini, & aliorum plurium Casuistarum in sententiam exigentem AMOREM INITIALEM.*

*Ut methodo mihi præstituta insistam, & quam PERPETUO SERVARE SOLEO (utinam illam servarent adversarii mei) priusquam quidquam pronunciem adversus P. Dominicum VIVA, illius verba SINCERE ET INTEGRE transcribo. In suo cursu Theologico Tom. 2. p. 6. qu. 3. art. 2. num. 6. P. Dominicus Viva hæc scribit.*  
*„ Ex verbis Tridentini si minus de fide, certum ta-*  
*„ men moraliter est, attritionem cum Sacramento sa-*  
*„ tis esse ad justificationem ..... Non nego plures Do-*  
*ctores*

„ flores ante Tridentinum, immo aliquos post Tri-  
 „ dentinum asserere, attritionem non esse sufficien-  
 „ tem ad justificandum cum Sacramento. Verum post  
 „ Tridentinum tamquam IMPROBABILIS rejicitur  
 „ communissimè, ut constat ex iis, quæ fusè dixi in  
 „ Trutina theologica..... Fuit quidem opinio probabi-  
 „ lis ante Tridentinum suffulta auctoritate magnorum  
 „ Virorum; sed post Tridentinum omnem probabili-  
 „ tatem amisit: SICUT plures opiniones, quæ quon-  
 „ dam probabiles fuerunt; postquam a Pontificibus  
 „ damnatæ sunt, probabilitatem omnem exuerunt. „  
*Tandem aliquando (pergit ironicè, & per Sarcasum P.*  
*Concina) coercitam, & limitatam videmus amplissimam*  
*Probabilissimi jurisdictionem. Omnem probabilitatem amis-*  
*it doctrina Charitatis inchoatæ necessariæ ad peccatoris*  
*justificationem in Sacramento Pœnitentiæ: Et hanc pro-*  
*babilitatem amisit, SICUT illam amittere plures opinio-*  
*nes postquam damnatæ sunt a Pontificibus. En quam*  
*MODESTÆ, quam TEMPERATÆ, quam OBSE-*  
*QUIOSÆ erga Alexandrum VII. sunt CENSURÆ*  
*Patris Viva .....*

*Insurgit P. Viva in sua Trutina in propos. 15. damna-*  
*tam ab Alex. VIII. suasque CENSURAS sic defendit a*  
*prohibitione Decreti Alex. VII. „ Ex quo perspicuum*  
 „ est præceptum illud in virtute S. Obedientiæ, ne  
 „ censura ulla his opinionibus inuratur, non impedire,  
 „ quominus aliqua ex iis dici possit IMPROBABILIS,  
 „ & falsa; ut docent Theologi communiter „. AD-  
 MITTO DOCTRINAM HANC. *At cur eam non ad-*  
*mittunt Probabilistæ in aliarum opinionum CENSU-*  
*RIS? Cur quando rejicimus tamquam improbabiles, sal-*  
*sas, & nimium laxas innumeras Probabilistarum opi-*  
*niones, continuo obtrudunt Decretum Innoc. XI. quo ca-*  
*vetur ne censura, nota, aut convicio notentur proposi-*  
*tiones, quæ adhuc inter Catholicos hinc inde controver-*  
*zuntur? .....*

*Quid plura P. Viva ultra pergit. Docet ITA improbabilem esse sententiam nostram, & exuisse omnem probabilitatem; SICUT plures opiniones, postquam a Pontificibus damnatae sunt. Eodem ergo loco, Julice sedente P. Viva, habenda est haec nostra de ATTRITIONE INITIALI (voluit dicere de CARITATE INITIALI) sententia, quo habentur propositiones ab Ecclesia damnatae. Et dum talia scribit P. Viva, obsequium, & obedientiam exactissimam se prestare credit Alexandrino Decreto. Judicent autem aequi rerum aestimatores, quod PARTIUM STUDIUM, & impotens erga opiniones minus probabiles INVETERATUS AMOR impellat.*



**U**trum P. Concina perpetuo servet hanc methodum, ut sententias Jesuitarum SINCERE' & INTEGRÉ' transcribat, satis jam, credo, patet. Veniamus ad falsam, & injustam criminationem.

Observandum tamen est prius. diligenter, Patrem Vivam non loqui de quacumque sententia exigente AMOREM INITIALEM, ut sonant verba P. Concinae: sed de illa solum, quae nomine AMORIS INITIALIS intelligit amorem Dei propter se benevolum, & super omnia; si-ve appretiati-ve summum, quamquam intensi-ve remissum. Hanc Pat. Viva, & alii dicunt improbabilem, quia putant omnem hujusmodi amorem justificare extra Sacramentum, freti tum auctoritate Scripturae, & Concilii Tridentini, tum damnatione propositionum Baii. In quo rectè ne an secus sentiant, ego non disputo, sed eorum tantum mentem sincerè refero. Ceterum, sententiam exigentem AMOREM INITIALEM; & nomine hujus amoris intelligentem aut amorem concupiscentiae inclusum in spe, aut propositum servandi totam legem, adeoque servandi primum, & maximum mandatum; si-ve propositum amandi Deum in posterum super



super omnia, quod propositum est initium quoddam amoris: talem, inquam, sententiam P. Viva non modo non vocat improbabilem, sed ultro amplectitur, ut patere potest cuilibet legenti ipsum in Trutina ad propositionem 15. Alexandri VIII. num. 32.

Hoc observato: Falsum omnino est Patrem Vivam censurare; & multo magis est falsum, censurare INTEM-  
PERANTER. Ratio. Nam P. Viva non aliud tandem piaculum admisit, nisi vocare IMPROBABILEM sententiam asserentem, necessarium esse ad justificationem in Sacramento amorem benevolum Dei propter se, & super omnia, five appetitativè summum, licèt intensivè remissum. Porro IMPROBABILIS tantum abest, ut sit CENSURA INTEMPERATA; ut ne sit quidem CENSURA.

Primo. Quia in nulla Pontificia Constitutione damnante propositiones inveniet P. Concina hujusmodi censuræ genus.

Secundo. Quia gravissimi Theologi, quos citat, & sequitur eximius Doctor Franciscus Suarez de fide disp. 19. sect. 2. enumerantes, atque explicantes censuras theologicas, nusquam inter illas recensent IMPROBABILE.

Tertio. Quia alii Theologi communiter non modo non recensent IMPROBABILE inter censuras; sed illud expressè a censuris excludunt; ut videre est apud La-Croix lib. 1. num. 199. & lib. 6. part. 2. num. 875. Audiatur Cardenas, quem doctissimum esse P. Concina ultro fateatur. Is igitur in prima Crisi disput. 9. num. 257. hæc habet.

*His accedit, quod IMPROBABILE non est censura theologica, ut notavit P. Hurtado 2. 2. disp. 81. §. 46. addens §. 41. TEMERARIAM esse levissimum genus censuræ theologicae. Et in Indice expurgatorio Inquisitionis Hispanicae in regulis generalibus regula 16. ponuntur omnes censuræ theologicae, ob quas expunguntur propositiones; & non fit mentio propositionis IMPROBABILIS. Et quidem in materia morum aliquæ sunt opiniones STRICTÆ improbabiles; quæ tamen, quia non scandalum generant, si-*

*cus*

ent *LAXÆ* improbabilis : ideo non damnantur ab *Inquisitione*.

At etiam P. Concina ADMITTIT DOCTRINAM HANC. Sed per Superos omnes, SI ADMITTIT, ut ipse profitetur, DOCTRINAM HANC : idest si admittit, IMPROBABILE ne esse quidem CENSURAM, & ideo non vetari ab Alexandro VII. vetante cœteroquin. CENSURAS : Cur scribit QUAM SINT INTEMPERATÆ CENSURÆ P. VIVA ? Cur scribit EN QUAM MODESTÆ, QUAM TEMPERATÆ, QUAM OBSEQUIOSÆ ERGA ALEX. VII. SUNT CENSURÆ P. VIVA ? Cur scribit P. VIVAM SUAS CENSURAS SIC DEFENDERE ? Cur Sarcasms, & ironiis insectatur P. Vivam PROPTER CENSURAS ? Cur illum PROPTER CENSURAS violati Alexandrini Decreti reum postulat ?

Paucis. IMPROBABILE, vel censura est, vel non est. Si est; Cur P. Concina ADMITTIT ILLAM DOCTRINAM, quæ docet non esse ? Si non est : Cur calumniatur Vivam, tamquam utentem INTEMPERATIS CENSURIS ? Extricet hæc qui potest.

Quod quærit P. Concina, cur eandem doctrinam non admittant Probabilistæ in aliarum opinionum censuris : quæro ego, Putat ne esse idem appellare una vice unam sententiam improbabilem ; & qualibet fere pagina appellare omnes, quæ non arrident, quamvis multis, ac magnis Auctoribus commendentur ; appellare, inquam, LAXAS, LAXISSIMAS, LAXITATIS PLENAS, HORRENDAS, PIIS AURIBUS HORROREM INCUTIENTES, SCANDALI PLENAS, SCANDALI PLENISSIMAS, PORTENTOSAS, DE SENTINA PROBABILITATIS EFFLUENTES, ERRONEA COMMENTA, MONSTRA, PARADOXA INAUDITA ; & his similia ? IMPROBABILE non esse censuram, ac proinde non vetari ab Alexandrino Decreto, etiam ipse cum omnibus Theologis ultro concedit. Po-  
H h test

test ne æquo jure concedere laudatas venustates, quibus tamquam pigmentis illita est tota sua Theologia, non esse vel centuras verè theologicæ, vel inurbana convicia, quæ in virtute S. Obedientiæ verantur a Decreto Innocentiano? Et tamen cùm illa impingere huic vel illi sententiæ sibi religioni non vertat; modo tam delicatis est auribus, ut ad voculam IMPROBABILITATIS commoveatur; & contra P. Vivam, quia illam adhibuit, tot rumores cieat.

At Decretum Innocentianum, ait P. Concina, non loquitur de sententiis, quas defendit hic & ille Casuista; sed de iis solum, quas defendunt integræ scholæ inter se dissidentes, ut essent exempli causa Decreta prædeterminantia, Scientia media, Decreta concomitantia, & his similia.

Primum, si quis Jesuita uteretur hac interpretatione, clamaret statim P. Concina, eludi distinctiunculis Decreta Pontificia; nullam legem admittis hujusmodi interpretamentis posse consilire, ut sæpe clamat, quando id e re sua esse ducit.

Deinde illa interpretatio nullo nititur fundamento. Decretum non dicit „ Propositiones, quæ adhuc inter SCHOLAS CATHOLICAS hinc inde controvertuntur „ Sed „ Quæ adhuc inter Catholicos „ Quæ ratio est coercedi Decretum, & explicandi de solis propositionibus, quæ inter Scholas Catholicas disputantur? Controverti verò inter Catholicos plurimas opiniones, quas P. Concina, vel theologicis censuris, vel turpissimis conviciis dehonestat, manifestum est. Cùm neque ab Ecclesia scriptæ sint, & a multis propugnentur, & non raro sint communissimæ; ut de non paucis in hoc opusculo, cùm se tulit occasio, palam feci: quamquam ipsis consueti artificio sola nomina Tamburini, Vivæ, La-Crois præfigantur.

Demum præfata interpretatio satis propulsatur a fine Decreti. Finis enim est, quemadmodum ait Pontifex, ut paci, & charitati consulatur. Porro Pax, & Charitas

tas, ipsa experientia teste, non minus violantur per censuras, & convicia in propositiones primi generis, quam in propositiones secundi.

Quod carpit P. Vivam, quia scripsit, sententiam requirentem ad justificationem in Sacramento amorem Dei benevolum propter se, & super omnia, amisisse probabilitatem, SICUTI amiserunt multæ propositiones postea damnatæ ab Ecclesiâ, est mera cavillatio. Vel Logici primorum mensium norunt, particulam SICUT non semper afferre secum perfectam, & omnimodam similitudinem. Itaque similitudo illa in his limitibus sistit: Quod SICUT multæ propositiones probabiles, per aliquid superveniens, nempe per damnationem Ecclesiæ, factæ sunt improbables: Ita illa sententia olim probabilis, per aliquod superveniens, nempe per argumenta theologica ex Tridentino petita, facta est improbabilis. Neque excurrit ad comparanda inter se, & exæquanda illa, quæ decursu temporis supervenerunt. Neque enim P. Viva ita insanit, ut putet, tantum habere ponderis argumenta illa, quæ, ut ipse disertè ait, pariunt solum certitudinem moralem, quantum ponderis habent Ecclesiæ definitiones, quæ pariunt certitudinem infallibilem.

Quod verò P. Viva hæc scripserit impulsus A STUDIO PARTIUM, ET AB IMPOTENTI INVETERATO ERGA OPINIONES MINUS PROBABILES AMORE, in primis itæ sunt consuetæ urbanitates, quibus P. Concina obsequium, & obedientiam exactissimam se præstare credit Innocentiano Decreto. Deinde non video, cur opinionem de sufficientia attritionis appellat MINUS PROBABLEM. Certè Alexander VII. dixit esse inter Scholasticos communiorem: Et ignoro, utrum post Alexandrum ullum novum argumentum contra ipsam inventum sit; aut ulla nova solutio ad argumenta probantia certitudinem ejus moralem. Quæ certitudo prius est destruenda; & tunc ea sententia non poterit deduci ad praxim in conferendo, vel suscipien-

do Pœnitentiæ Sacramento, juxta Decretum Innoc. XI. Sed hæc non pertinent ad præsens Institutum. Qui videre velit eam sententiam ab Eminentissimo, ac Doctissimo Probabiliorista hisce nostris temporibus propugnatam, adeat Cardinalem Gotti Tract. de Pœnitentia dub. 4. §. 2.

## C A P U T LXXXVII.

*Vindicantur a pluribus imposturis  
Francolinus & La-Croix.*

P. CONCINA Tom.9. pag.256.

*Quid dicendum de censura, quam P. Francolinus inurit Episcopo Gennet; quia is vult propositum esse FIRMUM ET CONSTANS? (Propter hoc solum terminos Francolinus nullam censuram inurit; sed propter hos terminos, ut illos explicat & intelligit Episcopus Gennet, quæ explicatio a Patre Concina occultata est) Respon-  
deo. P. Balthasar Francolinus in suo Clerico Romano lib.2. Calumnia 10. distinctione (debit dicere disputatione) 10. num.26. pag.99. Venetæ editionis Episcopum Gennet appellat rigidissimæ Doctrinæ auctorem; præsertim quod pro contritione requirat propositum FIRMUM AC STABILE (Jam dixi, propter hoc tantum non esse verum). Hæc sunt P. Francolini verba. „ Franci-  
„ scus Gennetus in sua recentissima Theologia morali  
„ edita Parisiis anno 1703. Ex pluribus exemplis ri-  
„ gidissimæ ipsius Doctrinæ, unde gravia sequantur ab-  
„ surda, unum afferam ex Tomo 4. Tract.6. De Sacra-  
„ mento Pœnitentiæ, ubi cap.5. quæst.19. docet: Ad  
„ veram contritionem in hoc Sacramento requisitam,  
„ esse necessarium constans propositum; non, inquit  
„ pro-*


„propositum, sed **CONSTANS PROPOSITUM** ;  
 „idque debere innotescere confessario, antequam ab-  
 „solvat „. (occultantur hic multa alia Francolini, quæ  
 summopere faciunt ad rem, ut videbimus.)

*Redarguit iterum P. Francolinus Gennetum, quod moneat,  
 non esse sæpe credendum lachrymis Peccatorum. Hæc  
 sunt Francolini verba loco citato. „ His enim non esse  
 „credendum satis docet capite 5. quæst. 21. audi pul-  
 „chram rationem. Nam sæpe lachrymæ proveniunt,  
 „inquit Gennet, ab humano prorsus affectu, vel ex  
 „imaginatione objecto aliquo insolito commota. „*

*Ex his Doctrinis Episcopi Genneti plura absurda elicit  
 P. Francolinus; deinde ibidem num. 27. exclamans conclu-  
 dit. „ Quis umquam audivit tam absurdas doctrinas,  
 „tam SEVERAS? „*

*Hæc quis unquam audivit tam ABSURDA PARADO-  
 XA, CONTRARIA ET TAM LAXA? Doctrina  
 Genneti est ipsissima S. Pauli, cujus testimonium Gennetus  
 ipse adducit. „ Quæ secundum Deum est tristitia, poe-  
 „nitentiam operatur stabilem. Et Francolinus vocife-  
 „ratur „ Quis audivit tam absurdas Doctrinas? „.  
 Absurda ne S. Paulus Apostolus docet? Absurda immo,  
 quæ elicit P. Francolinus non ex doctrina S. Pauli &  
 Genneti; sed ex novo opinandi modo ab Evangelica sim-  
 plicitate, & Patribus alieno profuiscuntur. Excusandus  
 concludit Francolinus, Gennetus, quod has consequentias  
 non vidit. „ Sed has consequentias videt optimè Dx-  
 „mon, qui sub hac specie rigidæ pietatis nos decipit  
 „& latens venenum securibus miscet. Ibidem num. 27.  
 LAXAM Francolini opinionem transcripsit Pater LA-  
 CROIX lib. 6. p. 2. n. 1824 ubi inquit „ Inferes secundo  
 „etiam audiendum non esse Gennetum Tom 4. &c. ubi  
 „docet, pro hoc Sacramento requiri **CONSTANS**  
 „propositum, & quod **CONSTANS SIT** debere in-  
 „notescere Confessario antequam absolvat „. Non de-  
 bet ergo Confessarius prudenter judicare Poenitentem,  
 absq-*

*absolvendum habere CONSTANTEM voluntatem non peccandi in posterum? NEQUAQUAM.* (istud NEQUAQUAM ita siccum & absolutum nusquam docent Francolinus & La-Croix) *Ergo sufficit illum habere voluntatem INCONSTANTEM,* (multo minus docent hoc) *ut hodie habere permulti Poenitentes solent, qui consentunt, & post TRIDUUM, AUT QUATRIDUUM eadem repetunt flagitia, & in perpetuo Sacramentorum ac relapsuum circulo vitam agunt. Scilicet. Cedo: Aut debet habere Poenitens voluntatem CONSTANTEM, aut INCONSTANTEM.* (Non debet habere, ait Francolinus IN SENSU GENNETI, non verò IN ALIO SENSU) *si primum, Doctrinam rigidissimam doces; inquit P. Francolinus cum P. La-Croix. Si contra nos dicamus, Doctrinam Francolini, & La-Croix esse LAXISSIMAM, lamentantur, turbas cient. (Judicabunt statim lectores, utrum Doctrina Francolini, & La-Croix, non quæ depingitur a P. Concina, sed quæ reipsa ab ipsis traditur, sit LAXISSIMA) Quæro si vos ipsi adverteretis, cum qui accipit pecunias mutuas, voluntatem INCONSTANTEM restitutionis habere, illi ne pecunias crederetis? Doctrina Francolini, & La-Croix non modo LAXA, sed CONCILIO TRIDENTINO, ET ECCLESIAE CONTRARIA apertissime mihi videtur. Poenitens habere debet voluntatem constantem, fortem, & ut S. Paulus dicit, STABILEM non offendendi Deum, ut sit rite dispositus ad absolutiorem, idque ex signis probabilibus judicare Confessarius debet. ALIUD est (Tandem P. Concina descendit, ut videbimus, in Sententiam Francolini, & La-Croix; & contradicit Genneto) quòd Poenitens post hanc voluntatem CONSTANTEM, RELABATUR. ALIUD est, quod dum confitetur, habere non debeat voluntatem constantem.*



**S**I P. Concina INTEGRÆ, & SINCERÆ referret doctrinam Francolini, & La-Croix; imposituris, censuris, & declamationibus non esset locus. Appareret enim lectoribus QUAM CONSTANTIAM in proposito necessario ad Sacramentum Poenitentiae requirat Episcopus Gennet; QUAM CONSTANTIAM Francolinus appeller RIGIDAM; QUAM CONSTANTIAM rejiciant Francolinus, & La-Croix. Appareret, num rejiciant, & absurdam putent Doctrinam S. Pauli. Appareret, num contenti sint voluntate INCONSTANTI, qualem si adverteremus in Mutuatario, pecunias illi mutuas non traderemus. Appareret, num illationes, quas ex Doctrina Genneti elicit Francolinus, RIGIDÆ SINT, & SEVERÆ, ut ait Francolinus. Appareret demum, num propositiones contrariæ iis illationibus PARADOXA SINT ABSURDA, ET LAXA, ut pronunciat P. Concina.

Ego, referendo quæ a P. Concina truncata sunt, & permagni intererat non truncari, revelabo Doctrinam Genneti; Doctrinam Francolini, & La-Croix; illationes ex Doctrina Genneti ritè deductas; propositiones iis illationibus contrarias: & de his omnibus judicandum lectoribus more meo relinquam. En igitur torus atque INTEGER textus P. Francolini loco citato.

*At ipsi forte (Doctores rigidi) non vident suæ Doctrinæ consequentias; ut certè eis non vidisse dicendus est (Hic incipit P. Concina a nominativo omnino suspensio) Franciscus Gennettus in sua recentissima Theologia moralis edita Parisiis anno 1703. Ex pluribus exemplis rigidissimæ ipsius doctrinæ, unde gravia sequantur absurda, unum afferam ex Tom. 4. Tract. 6. de Sacram. Poenit., ubi cap. 5. quæst. 19. docet; ad veram contritionem in hoc Sacramento requisitam, esse necessarium CONSTANS propositum, non inquit propositum; sed CONSTANS PROPOSITUM, id-*

*que*



que debere imotescere confessorio antequam absolvat; (Hic definit P. Concina) quod ipsum confirmat cap. 7. quæst. 15. dicens: unam ex necessariis dispositionibus ad absolutionem esse juxta Concilium Tridentinum CESSATIONEM a peccato: NON ESSE AUTEM CENSENDUM, QUOD CESSARIT A PECCATO, QUI QUAMVIS POST ULTIMAM CONFESSIONEM, ET PROPOSITUM RARIUS PECCET, ALIQUANDO TAMEN PECCAT.

Ex hac doctrina (Hic incipiunt illationes) Sequitur Primo, quod qui post plures lapsus, & peccata paulo ante commissa accedit prima vice ad Confessorem, is non possit statim eum absolvere, sed debeat differre. Hanc consequentiam ipse videt, & admittit, NEC REPUGNO.

Sequitur secundo: quod si is redeat ad confessorem, sed nihil emendatus, nec debeat absolvi, si præsertim media ipsi præscripta non adhibuit. Hanc etiam videt & admittit. Igitur erit is iterum rejiciendus, utcumque dicat se nunc verè dolere, ET LACRYMAS FUNDAT. His enim non esse credendum satis docet cap. 5. quæst. 21. Audi pulchram rationem. „ Nam sæpe lacrymæ proveniunt, in „ quit, ab humano prorsus affectu, vel ex imaginatione „ objecto aliquo insolito commota. „

Sequitur tertio, quod si is redeat tertia vice ad Confessarium FERE PENITUS EMENDATUS; ita ut PEC-CARIT SOLUM SEMEL, AUT BIS QUALIBET HEB-DOMADA, CUM PRIUS IDEM PECCATUM COM-MITTERET SÆPIUS IN DIE (sunt verba Genneti) nec possit absolvi: non habet enim dispositionem necessariam ex Tridentino, juxta modernum hunc interpretem; nempe, PROPOSITUM CONSTANS, ET CESSATIONEM A PECCATO. Hanc etiam consequentiam videt & admittit pagina 112.

Sequitur quarto: quod si vel semel tantum intra spatium plurium mensium suæ probationis lapsus sit, & quarto redeat ad Confessionem; sit similiter sine venia dimittendus. Consequentia est manifesta. S.

*Sequitur quinto; quòd si Poenitens accedat cum uno solo peccato mortali, quòd heri prima vice commisit, e.g. cum pravo desiderio, cum morosa delectatione, vel alio hujusmodi, non possit statim absolvi: non enim potest Confessarius scire, an habeat propositum CONSTANS, nisi POST PROPOSITUM perseveret sine peccato per tempus aliquod notabile, quod ipsi dicitis esse ad minus aliquot hebdomadarum, seu mensis spatium.*

*Sequitur sexto; quòd is neque IN ARTICULO MORTIS possit absolvi; ut neque ille, de quo loquebamur paulo ante, qui propter unum relapsum est quartò rejectus (Negat hoc quidem Gennetus: sed incohærenter. Id enim verissimè sequitur, ut probat evidenter argumentum Francolini statim subjiciendum: quia nempe dispositio necessaria juxta Tridentinum ad Sacramentum Poenitentiae non est alia pro tempore vitae; & alia pro tempore mortis) siquidem nec IN MORTIS ARTICULO absolvi potest, qui caret dispositione necessaria, nempe aliqua ex illis, quæ requiruntur ex Tridentino, quarum unam dicit is Auctor esse PROPOSITUM CONSTANS, ET HABITUALEM CESSATIONEM A PECCATO.*

*Sequitur septimo; eandem praxim esse servandam cum iis, qui sola peccata venialia confitentur. Tridentinum enim NON DISTINGUIT; ut vera poenitentia est requisita IN UTRAQUE CONFESSIONE. Ergo si in confessione mortalium requiritur PROPOSITUM CONSTANS, quia requiritur vera poenitentia, id etiam requiritur in confessione unius venialis præsertim deliberati. Ergo erit differenda absolutio etiam ei, qui cum uno solo peccato veniali heri commissio accedit ad confessionem, eritque prius DIU probandus.*

*Quis unquam audivit TAM ABSURDAS DOCTRINAS; TAM SEVERAS, ET REPETITAS ejusdem Poenitentis FERE IN TOTUM EMENDATI DIMISSIONES, tam impiam cum moribundis crudelitatem?*

*Hactenus Francolinus; cujus integer, quamquam*

prolixus, textus afferendus erat, ut lectorum oculis in suo vero adspectu ejus doctrina proponeretur.

En igitur quænam sit illa **CONSTANTIA**, quam in proposito necessario ad absolutionem requirit Episcopus Gennetus, & quam e contrario rejiciunt Francolinus, & La-Croix. Nimirum, non **CONSTANTIA** sumpta pro deliberatione firma, absoluta, & efficaci vitandi in posterum omne peccatum, incomponibili, ut ajunt Theologi, cum omni voluntate peccandi; quam certè Confessarius non potest, per se loquendo, prudenter præsumere in Poenitente, qui tertia vel quarta vice redeat sine ulla, aut ferè ulla emendatione: sed **CONSTANTIA**, quæ trahat secum **RE IPSA**, &, ut ajunt, in actu secundo, **CESSATIONEM OMNIMODAM & HABITUALEM PER NOTABILE TEMPUS**. Ita ut **TALEM CONSTANTIAM** non habeat, ac proinde utpote indispositus absolvi nequeat; neque ille, qui licèt post ultimam confessionem & propositum rariùs peccaverit, **ALIQUANDO** tamen peccavit; neque ille, qui **SEMEL VEL BIS** in hebdomada commisit illud peccatum, quod ante ultimam Confessionem committere solebat **SÆPIUS IN DIE**; sed ille solus qui **OMNINO AD LONGUM TEMPUS A PECCATO CESSAVIT**. En quas doctrinas appellaverit Francolinus **ABSURDAS, ET SEVERAS**; superiores nempe illationes, quæ ab exposita Genneti Doctrina ritè descendunt.

Et tamen **P. Concina** producendo in medium eas tantùm duas voces ambiguas **PROPOSITUM CONSTANTANS**, & reliqua supprimendo, occultat de qua **CONSTANTIA** loquantur Francolinus, & La-Croix: instillat lectoribus, ipsos rejicere propositum efficax supra descriptum; eos contentos esse **VOLUNTATE INCONSTANTI**, idest velleitate inefficaci, qualem si adverteremus in mutuario, non daremus illi pecuniam mutuam, & sic deformata eorum sententia, contra illam conviciose declamat, eam appellando **LAXAM, LAXISSIMAM,**  
CON-

# CONCILIO TRIDENTINO, ET ECCLESIAE CON- TRARIAM.

At etiam P. Concina admittit, aliud esse, quod Poenitens post voluntatem **CONSTANTEM RELABATUR**; aliud esse, quod, dum confitetur, habere non debeat voluntatem **CONSTANTEM**. Rectè quidem. Sentit enim cum D. Thoma, qui 3. p. quæst. 84. art. 10. ad 4. apertissimè docet, relapsum non impedire, quominus propositum fuerit verum & efficax; & simul explicat quænam sit **CONSTANTIA** requisita in proposito, ut habeatur vera poenitentia. Audi ipsum loco citato.

*Dicendum, quod Poenitere est anteacta peccata desistere; & fienda non committere SCILICET SIMUL DUM FLET vel actu vel proposito. Ille enim est irrisor, & non poenitens, qui simul dum poenitet, agit quod poeniteat, vel proponit iterum se facturum quod gessit, vel etiam actualiter peccat. Quod autem aliquis postea peccet vel actu vel proposito, NON EXCLUDIT quin prima poenitentia vera fuerit; numquam enim veritas prioris actus excluditur per actum contrarium subsequenter: sicut enim verè currit, qui postea sedet, ita verè poenituit, qui postea peccat.*

Rectè, inquam, Pater Concina. Sed illa ejus doctrina favet Francolino, quem impugnat; & contradicit Geneto, quem defendit. Gennetus enim **HABERE VOLUNTATEM CONSTANTEM, & NON RELABI**, non vult esse **ALIUD, & ALIUD**; sed unum & idem. Docet enim, **VOLUNTATE CONSTANTI** carere illum, qui etsi rarè relabatur, **ALIQUANDO tamen RELABITUR**: & voluntatem constantem in eo tantum reperiri, quæ redit ad Confessionem cum **HABITUALI & OMNIMODA CESSATIONE** a peccato per longum tempus.

Quoniam verò P. Concina non modo carpit Francolinum, quia superiores illationes ex Doctrina Genneti ritè deductas appellavit absurdas, & severas: sed præterea propositiones contrarias iis illationibus a Francolino

admissas ipse appellat **PARADOXA ABSURDA, LAXA, & PROVENIENTIA** ex novo opinandi modo ab evangelica simplicitate, & Patribus alieno; nempe, ut ipse interpretatur, a Probabilismo: Placet subijcere hic lectorum oculis, quænam sint propositiones supradictis illationibus contrariæ, ut ipsi de censuris Patris Concina judicium ferant.

Prima. Potest absolvi Poenitens in secunda confessione, quamvis nullam emendationem attulerit; dummodo tamen affirmet se tunc verè dolere, & **LACRYMAS FUNDAT**.

Secunda. Potest absolvi Poenitens, si redeat tertia vice **FERE PENITUS** emendatus, ita ut peccarit **SEMEL VEL BIS IN HEBDOMADA**, cum prius idem peccatum committere soleret **SÆPIUS IN DIE**.

Tertia. Non est dimittendus sine absolutione ille Poenitens, qui semel tantum peccavit intra spatium plurium mensium suæ probationis; & quartò redit ad Confessionem.

Quarta. Potest absolvi Poenitens accedens cum uno solo peccato mortali heri prima vice commissio; quamvis tunc confessarius non habeat pro argumento propositi **CONSTANTIS OMNIMODAM ET DIUTURNAM CESSATIONEM** a peccato.

Quinta. Potest absolvi Poenitens in articulo mortis, quamvis ante illum articulum non cessaverit **OMNINO** a peccato per longum tempus.

Sexta. Potest absolvi Poenitens solitus committere sola venialia, quamvis ab iis per longum tempus omnino non cessaverit; & si afferat unum veniale primo commissum heri, non est prius diu probandus, ut cognoscamus, an ejus propositum sit **CONSTANS**.

Utrum istæ propositiones, sint **PARADOXA TAM ABSURDA, & TAM LAXA**, ut ait P. Concina; alii judicent. Ego hoc tantum dico; eas ex Probabilismo certissimè non producere, Ex Probabilismo enim nil aliud pro-

proluit nisi sententia illa reflexa; Nempe licitum esse sequi opinionem practicè probabilem faventem libertati in conspectu æquè probabilis, vel etiam probabilioris faventis legi. Alia omnia Probabilismo extranea sunt. Hoc plurimi sæpissimè & verissimè inculcarunt: Sed semper surdis cecinerunt. Nam Pater Concina ad conflandam apud imperitos Probabilismo invidiam, servavit semper hoc PROPOSITUM CONSTANS attribuendi omnia mala Probabilismo.

Quæret fortasse quis, quinam sit sensus Apostoli a Genneto citati? Respondeo breviter; neque enim hic disputationes instituo. Vel Apostolus ibi non loquitur de actibus necessariis ad absolutionem in Sacramento Poenitentiae; sed de Poenitentia integraliter & extensivè perfecta. Vel si loquitur de illis, nomine STABILITATIS intelligit Propositum firmum, absolutum, & efficax, incomponibile cum omni voluntate peccandi, quod, ut diximus, non potest, per se loquendo, prudenter præsumi a Confessario in Poenitente, qui sine ulla emendatione redit ad Confessiones: quod propositum omnes exiunt.

Quæro ego nunc ab æquissimis lectoribus: Ex iis tantum, quæ retulit P. Concina, imbiberant ne animo eam opinionem, atque ideam Doctrinæ Francolini & La-Croisii, quam ex adductis hætenus imbiberunt? Si affirmant: nihil habeo dicere. Sin minus: Rogo illos iterum, atque obtestor; ut, cum legerint intrepidæ censuras, & declamationes Patris Concina, sustineant aliquantisper Sententiam, donec eas opiniones vel apud Auctores exagitaros, vel apud aliquem alium legant; & tunc judicium, quod libuerit, ferant. Non mihi videor rogare improba,

*Vindicatur ab impostura Pater La-Croix.*

P. CONCINA Tom.9. pag 259

**P. Claudius La-Croix lib.6. p.2. n.898. hæc scribit „** Pro-  
 „ babilis videtur pro absolutione a mortalibus requiri  
 „ propositum **UNIVERSALE** imposterum cavendi  
 „ omnia mortalia „ .... *Deinde quid juvat asserere esse*  
 „ *probabiliorem illam Sententiam, QUANDO JUXTA*  
**PATREM LA-CROIX LICITUM EST SEQUI OP-**  
**POSITAM MINUS PROBABLEM?**

\* \* 66 \* \* 66 \* \*

**E**VIDENS est impostura, **LICITUM ESSE JUXTA**  
**PATREM LA-CROIX SEQUI OPPOSITAM MI-**  
**NUS PROBABLEM.**

Primo: Quia P. La-Croix in eo ipsissimo numero ci-  
 tato docet, **OPPOSITAM ILLAM MINUS PROBA-**  
**BILEM ESSE PRACTICE IMPROBABLEM.** Sic enim  
 habet „ Sententiam (docentem non requiri propositum  
 illud universale) **NON ESSE PRACTICE PROBABI-**  
**LEM RECTE** dicit Gormaz num.461 „ Juxta Proba-  
 bilitas autem **NON EST LICITUM SEQUI**, quod non  
 est **PRACTICE** probabile.

Secundo: Quia versamur in materia pertinente ex  
 parte suscipientis ad valorem Sacramenti, agimus enim  
 de Proposito. Porro P. La-Croix apertissime & omnino  
 universaliter docet, esse peccatum mortale sequi sen-  
 tentiam probabilem relicta tutiori in iis, quæ pertinent  
 ad valorem tum in collatione, tum in **SUSCEPTIONE**  
 Sacramentorum. Ea ejus verba lib.6. p.1. numero 104  
 & 105.

Pit.

*Peccat mortaliter, qui in administratione Sacramentorum sequitur sententiam tantum probabilem de valore relinquens tutiorem..... Peccat graviter, qui etiam in susceptione Sacramenti sequitur opinionem minus probabilem de valore Sacramenti, pendente etiam ab ipso suscipiente, relinquendo tutiorem.*

Quam Doctrinam erutam a damnatione primæ propositionis Innoc.XI. tam religiosè ubique servat; ut doceat non solum esse illicitum sequi minus probabilem relicta tutiore, sed etiam probabiliorem. Duo tantum exempla afferro.

Primum. Lib.6. p.2. n.696. post agitatam quæstionem, utrum Dolor elici debeat EX INTENTIONE confessionis, ita concludit. *Quamvis concederemus, quod sententia dicens, non requiri ut dolor sit elicited ex intentione confitendi, esset PROBABILIOR, tamen ejus praxis foret illicita, & damnata ab Innoc.XI. in prima propositione; nam hic agitur de valore Sacramenti.*

Secundum. Ibidem num.701. post agitatam quæstionem, utrum dolor debeat præcedere confessionem; an verò satis sit ipsum præcedere absolutionem; in qua quæstione ipse P. Concina confitetur hoc Tomo 9. pag. 233. esse VALDE PROBABLE fat esse, si dolor præcedat solum absolutionem; Pater La-Croix ita loquitur: *Quamvis secundum dicta PROBABILIOR sit, sufficere dolorem post confessionem elicited; tamen praxis illius Sententiæ est illicita & damnata ab Innoc.XI.: agitur enim de valore Sacramenti.*

Quibus positis, quo jure P. Concina impingit Patri La-Croix hanc calumniam; cum agatur de universalitate doloris, quæ pertinet ad valorem, LICITUM ESSE JUXTA IPSUM SEQUI OPPOSITAM MINUS PROBABLEM?

Duo hic summopere animadverti velim adversus Patrem Concina.

Primum. P. Concina sæpe dixit, ex vi sistematis proba-



babilitici inferri, nos posse sequi probabilem etiam quando agitur de valore Sacramenti relicta probabiliori & tutiori. Ostendat ipse cur ex vi systematis probabilioristici non inferatur, nos posse sequi probabiliozem, quando agitur de valore Sacramenti relicta tutiori. Et idem dicent pro se Probabilistæ.

Secundum P. Concina, ut diximus, ultro fatetur, sententiam de dolore præcedente solam absolutionem esse **VALDE PROBABLEM** : & tamen, ut ipse etiam rectissime monet, illa non potest deduci in praxim, ut docuit etiam P. La-Croix. Ergo illa sententia **VALDE PROBABILIS** non est **PROBABILIS PRACTICE**; immo **PRACTICE IMPROBABILISSIMA**, & **FALSISSIMA**. Ergo etiam ipse tenetur distinguere **PROBABLE SPECULATIVUM**, & **PROBABLE PRACTICUM**. Cur ergo tam sæpe irridet, & insectatur in Probabilistis præfatam distinctionem?

## C A P U T LXXXIX.

### *Vindicatur ab impostura Pater Gobat.*

P. CONCINA Tom 9. pag. 291.

*Quid dicendum de opinione Patris Gobat, negantis debitum confitendi circumstantias mutantes speciem, dum peccator de iisdem non dubitat? Resp. P. Georgius Gobat Tractat. 7. num. 324. Non contrahitur adeoque confitenda non est malitia circumstantiæ mutantis speciem, nisi poenitens. QUANDO PECCATUM COMMITTEBAT saltem dubitarit, an non adesset circumstantia talis, & an non contraheretur propter illam peculiare peccatum. Ita fert communis sensus Theologorum. Utere mi bone Vir frequenter hæc*

„regula, præsertim in excipiendis confessionibus rudium; & nominatim quando malitia circumstantiæ „est nota soli doctorum vulgo „Peccatores, dum adulterantur, fornicantur, aut incestum perpetrant, VOLUPTATE SCELERIS ANIMUM ABSORPTUM HABENT; & quidquid aliud, præter circumstantiam mutantem speciem, cogitant. Nemo ergo communiter tenetur manifestare circumstantias speciem mutantem. Nam Gobatus dicit: Nisi poenitens QUANDO PECCATUM COMMITTEBAT saltem dubitarit. Vix est, qui quando peccatum committit ad circumstantias variantes speciem advertat, vel dubitet. Sed, ut dixi, Peccator FLAGITII VOLUPTATE ABREPTUS in hanc animum, sensus, & corpus intenta habet. QUOD ANTE, vel post scelus patratum cum Sorore, cum aliena uxore, cum Virgine Deo consecrata, SCIAT debitum circumstantiæ specie diversæ manifestandæ, NIHIL REFERT. Debet QUANDO PECCAT saltem dubitare, ut teneatur confiteri. Et nisi saltem dubitet, non tenetur eam confiteri. Et in TAM LAXÆ DOCTRINÆ confirmationem allegatur communis Theologorum sensus. Qua fide? Quo fundamento? An communem Theologorum nationem constituunt aliqui Casuistæ mollioris Ethicæ? Quid conturbas conscientias? Utere mi bone Vir frequenter hac Regula, inquit P. Gobat. CAVETE CONFESSarii, REPONO EGO AB HAC REGULA TAMQUAM A LAXISSIMA OPINIONE.

§\*.\*[o]\*.\*[o]\*.\*§

**I**mpostura non est in eo, quod verba Gobati integrè & sincerè non referat: sed in eo, quòd affingat Gobato sensum alienissimum, & absurdissimum, quem ipse ne per somnium quidem cogitavit. Affingit nempe, Gobatum per illa verba QUANDO PECCATUM COMMITTEBAT significare illud præcisum tempus actus ex-

K k

ter-

terni, quo quis e. g. turpiter se commiscet cum aliqua foemina: ita ut per Gobatum non sufficiat ad contrahendam malitiam, puta, adulterii, si cognitio præcesserit immediatè ante, cum ille homo deliberate se accinxit tali actui, & concepit voluntatem adulterandi; sed requiratur, ut illa perseveret in ipso fervore operis, quando adulterans **VOLUPTATE SCELERIS ABREPTUS, IN EAM ANIMUM, SENSUS, & CORPUS INTENTATA HABET**, & alia omnia cogitat, præter circumstantiam mutantem speciem. Hunc autem esse sensum Gobati omnibus modis nititur persuadere lectoribus, tum semper insitendo contra Gobatum illi rationi; quod tunc Peccator habet animum **ABSORPTUM VOLUPTATE SCELERIS**, quod in eam **INTENTATA HABET SENSUS ET CORPUS**, quæ de tempore solum actualis turpis congressus vera sunt: tum dicendo in persona Gobati **NIHIL REFERRE**, si peccator habuerit cognitionem vel dubium ejus circumstantiæ **ANTE** patratum scelus.

Porro hæc est insignis impostura. Primum: quia nulum est fundamentum coercendi & redigendi significationem illorum verborum Gobati **QUANDO PECCATUM COMMITTIT** ad solum & præcisum tempus actualis turpis congressus, quo adulterans **ABREPTUS VOLUPTATE SCELERIS** certè ut plurimum omnia alia cogitat, præter circumstantiam mutantem speciem: vel hujusmodi fundamentum proferatur. Et hoc sufficeret: nam attribuere alteri crimen aliquod temerè & sine ulla ratione, calumniari est.

Secundò. Quia prædicta verba **QUANDO PECCATUM COMMITTIT** in sua propria significatione non comprehendunt solum & præcisum tempus actualis externi turpis congressus: sed etiam, & quidem potissimum, tempus, quo quis concipit internam voluntatem peccandi, & se applicandi illi operi externo: neque enim **PECCATUM COMMITTITUR** solum quando quis turpiter externè congreditur, & **VOLUPTATI** sceleris intentata ha-

251

habet SENSUS, & CORPUS; sed etiam, & POTISSIMUM, &, ut loquuntur Theologi, FORMALITER, quando concipitur voluntas interna; quo tempore sicut voluptas sceleris non impedit cognitionem peccati, ita nec impedit cognitionem vel dubium circumstantiæ mutantis speciem.

Quamobrem sensus Gobati est, non contrahi, neque confitendam esse illam malitiam, nisi ejus cognitio saltem dubitativa PRÆLUXERIT peccato commisso: non verò nisi talis cognitio habita sit præciso tempore VOLUPTATIS, in quam intenti sint SENSUS, & CORPUS. Idque confirmatur ex ipsa allegatione communis sensus Theologorum, qui est, qualem ego explicui, non qualem asserit P. Concina Gobato. CAVETE IGITUR, repono ego, Confessarii tamquam a laxissima Doctrina ab ea regula, non quam Gobatus tradit; sed quam P. Concina ABSORPTUS VOLUPTATE carpendi Jesuitam Gobato imponit. Cavete ab habenda statim fide P. Concinæ; alias sæpissimè in fraudem, & quidem non uno rerum in genere, inducemini.

Genuinam & communissimam sententiam Gobati tradit Cajetanus ex S. Thoma 1. 2. quæst. 79. art. 3. his verbis.

*In eodem tertio articulo, circa primum modum, quo ignorantia non excusat totaliter a peccato, scilicet ex parte rei ignoratæ, quæ est ignorantia facti vel faciendi; dubium occurrit, an excusetur taliter peccans totaliter ab illa mala circumstantia ignorata. Et est ratio dubii, quia talis dat operam rei illicitæ, ex quo in scientia ejus, in littera dicitur, remanet quod ille actus, quem facit, est malus. E. G. Judas cum cognovit Thamar, quam nesciebat esse nurum suam, an sit totaliter ab incestus vitio excusatus, sciens autem illum esse fornicationem, sed ignorans incestum. Ad hoc dicitur, quod TOTALITER est excusatus ab incestu, licet non a fornicatione, quam voluntariè committebat.*

Kk 2

Ad

Advertatur hoc diligenter. Cajetanus excusans Judam a malitia incestus, quia NESCIEBAT illam esse nulum suam, CUM COGNOVIT THAMAR; non accipit illa verba CUM COGNOVIT pro solo & præciso tempore turpis congressus, tunc enim quilibet NESCIT, five non advertit ad malitiam incestus; adeoque juxta Cajetanum quilibet excusaretur: sed illa accipit etiam pro tempore, quo Judas concepit voluntatem internam, quamvis illa verba pressius significant solum tempus actus externi. Ergo a fortiori idem dicendum est de Gobato, qui usus est illis verbis QUANDO PECCATUM COMMITTEBAT, quæ in sua propria significatione complectuntur etiam tempus, quo quis internè constituit exercere actum externum, siquidem, ut dictum est, tunc potissimum, & FORMALITER COMMITTITUR PECCATUM.

## C A P U T X C.

*Vindicantur ab impostura PP. Viva  
& Layman.*

P. CONCINA Tom.9. pag.293.

*An Sponsi, & Sponsæ carnaliter se cognoscentes, aut alii cum eisdem se commiscentes, debeant talem circumstantiam patefacere? ..... Prima (Sententia) NEGAT, quam DEFENDUNT ..... LAYMAN, VIVA, & alii.... QUID? Equum contractu promissorio vendidisti Petro opportuno tempore tradendum. Ante traditionem eidem oculum eruis, & non peccas peccato injustitiæ?*

§:§\*\*(o)\*\*(o)\*\*§:§

**V**ivam, & Laymanum DEFENDERE SENTENTIAM NEGANTEM, significat apud omnes, & omnibus persuadety illos adhærere Sententiæ neganti, eam amplecti ut propriam; eam vel absolute præferre sententiæ affirmanti, & hanc omnino rejicere; vel saltem præferre tamquam VERIOREM, & PROBABILIOREM. Hoc omnes intelligunt per illa verba DEFENDERE SENTENTIAM NEGANTEM, ut de propria experientia lectores testari possunt.

Atqui tantum abest, ut Viva, & Layman præferant affirmanti SENTENTIAM NEGANTEM, ut Viva adhæreat AFFIRMANTI tamquam VERIORI, & Layman tamquam PROBABILIORI. Et quidem, quod festivius est, propter illam eandem similitudinem Equi, quam ab ipsis mutuata contra ipsos intorquet P. Concina.

Audi Vivam quæst. 5. artic. 3. num. 5., ubi post relatas Sententias & auctores, ita pergit.

*VERIOREM tamen existimo Sententiam Ægidii, & Rebelli, quod uterque (Sponsus, & Sponsa) TENEATUR; quia per sponsalia licet non acquiratur jus in re, acquiritur tamen jus ad rem. Sicuti v. g. PER PROMISSIONEM EQUI mihi factam habeo jus non in re, sed ad rem circa equum mihi promissum, ita ut fiat mihi injuria, si equus etiam ab ipso Domino occidatur.*

Audi Layman lib. 5. Tractatu 10. cap. 1. n. 6.; Ubi licet sententiam NEGANTEM fateatur practicè probabilem propter magnitudinem Auctorum, eorumque rationes: tamen ex proprio sensu ita loquitur.

*Licet fornicatio Sponsæ cum altero viro soluto adulterii crimine notari non possit. . . . Nihilominus talis fornicatio videtur continere gravem injuriam adversus Sponsum, quippe cui jus saltem inchoatum & traditione*

non-

*nondum completum competit ad Corpus Sponsæ, quod per fornicationem violatur. Non secus atque injuriam inferre censetur, si quis EQUO, qui mihi ex emptionis contractu debitus, & nondum traditus est, OCULUM ERUAT.*

Et paulo inferius inquit *Retenta priori sententia (affirmante) quæ est PROBABILIOR.*

Igitur Viva sententiam **AFFIRMANTEM** amplectitur ut **VERIOREM**, Layman amplectitur ut **PROBABILOREM**: & quidem uterque propter illam similitudinem **EQUI**, qua insurgit contra ipsos cum suo illo familiarissimo **QUID?** P. Concina. Nihilominus, si ipsum audiamus, uterque **DEFENDIT SENTENTIAM NEGANTEM.**

Et deinde P. Concina, ut audietis capite sequenti, **ORAT OMNES**, ut legant in **FORTE**, ad experientiam scilicet ejus fidem, & Gobat, & Vivam, & **OMNES**, quos in hoc opere citat.

## C A P U T XCI.

### *Vindicatur ab impostura P. Gobat.*

P. CONCINA Tom.9. pag.350.

*Quid dicendum de opinione Patris Gobat, quæ ELUDIT suæ societatis decretum prohibens absolutionem moribundi destituti sensibus? Respondeo. P. Gormaz citat Patrem Gobat, & P. Gobat citat Tractatu 7. num.601. hoc Decretum inclayæ suæ societatis his verbis „ VI. „ Merito inhibuere recentissimè superiores nostræ Societatis suis ne in posterum doceant hanc propositionem: Moribundus etsi nullum signum det, aut dederit contritionis; adeo ut Sacerdos nec sciat, NEC PRUDENTER PUTARE POSSIT, præcisse sensibilem aliquam confessionem, absolvi potest „. DUO EX-  
CO-*

COGITAVIT Pater Gobat, ut hoc prudens decretum ELUDERET. En illius verba loco citato num. 604.

„ Porro circa ordinationem illam nostri Ordinis, de  
 „ qua numero præcedenti disseruimus, notanda sunt  
 „ DUO. Primum: quòd loquatur de casu, quo non  
 „ potest PRUDENTER PRÆSUMI quod dederit si-  
 „ gnum..... ( Hæc puncta mea non sunt, sed Patris  
 „ Concinae ) Alterum: quod ordinatio expressè solum  
 „ prohibeat, ne illa sententia doceatur; non autem  
 „ expressè ne practicetur... *Vim pulchriora?* QUID?  
 „ Si vel ipsius Societatis, decreta LEPIDIS ELUDUN-  
 „ TUR COMMENTIS, ( Videant Lectores, num se-  
 „ quentia pertineant ad zelum reformandæ Theologiæ  
 „ moralis ) QUAM EXPECTARE OBEDIENTIAM  
 „ DECRETA EXTRANEA VALENT? ALTO  
 „ PRÆTEREO SILENTIO CONSECTARIA, QUÆ  
 „ HINC SPONTE SUA PROFICISCUNTUR. *An di-  
 „ cent, textum Patris Gobat minus sincerè esse productum?*  
 „ ORO OMNES, ut legant IN FONTE, & Gobat, &  
 „ Gormaz, & La-Croix, & Viva, & OMNES, quos  
 „ in hoc opere cito.

Utinam Lectores precibus annuant. Certè ego non tantum  
 oro; sed etiam atque etiam vehementer obsecro, atque  
 obtestor.

§§.\*.§§ \*.\*§§.\*. §§.\*.§§

Duo affirmat P. Concina in recitatis verbis. Primum  
 est, Patrem Gobat ELUDERE decretum suæ in-  
 clytæ Societatis. Alterum est, Patrem Gobat duo EX-  
 COGITASSE ad illud decretum ELUDENDUM. Utra-  
 que est impostura.

Quod attinet ad primum. Ut Pater Gobat ELU-  
 DAT suæ inclytæ Societatis decretum, oportet ut doceat  
 aliquid contra quàm decretum præscribit. Nemo, puto,  
 hoc inficiabitur. Rectè. Quid præscribit decretum? Præ-  
 scri-



scribit, nequis doceat, posse absolvi moribundum, si Sacerdos nec sciat, **NEC PRUDENTER PUTARE POSSIT**, præcessisse sensibilem aliquam confessionem. Hæc sunt ipsissima decreti verba. Videamus nunc, an P. Gobat aliquid contra doceat; sive an doceat, posse absolvi moribundum, **TAMETSI Sacerdos nec sciat, NEC PRUDENTER PUTARE POSSIT**, præcessisse sensibilem aliquam confessionem. Quod quidem jam Lectoribus patuisset, si P. Concina, qui cæteroquin insultat iis verbis **ANDICENT, TEXTUM P. GOBAT MINUS SINCERE' ESSE PRODUCTUM?** Si, inquam, P. Concina multa verba P. Gobat substitutis aliquot punctis non occultasset.

Igitur P. Gobat non docet, posse absolvi moribundum, **TAMETSI Sacerdos nec sciat, NEC PRUDENTER PUTARE POSSIT**, præcessisse **SENSIBILEM** aliquam confessionem: sed expressissimè, & disertissimè docet, posse absolvi in eo solum evento, quo Sacerdos **PRUDENTER PUTARE POSSIT**, moribundum illum edidisse **ALIQUOD SIGNUM**.

Deinde quærendo quodnam sit hoc eventum, sive quærendo quænam sint fundamenta illius **PRUDENTIS JUDICII**, & quandonam habeantur; circa quæ fundamenta (Nota bene) nihil dicit Decretum, & neque præcipit, neque vetat doceri, hoc vel illud fundamentum esse vel non esse sufficiens: quærendo, inquam, quænam sint hujusmodi fundamenta; non est contentus vita pia, & christiana ante acta, qua cæteroquin multi contenti sunt; sed hoc rejicit num 602. his verbis.

*Negandum est licitè validè absolvi, de quo constat non edidisse ulla signa petentis absolutionem; esto constet fuisse VIRUM PROBUM, OPTIMUM. Verùm pro fundamento PRUDENTIS PRÆSUMPTIONIS requirit hanc totam rerum complexionem. I. Quod ille fuerit **BONUS CHRISTIANUS**. II. Quod ille **PRÆSENSE- RIT DEFECTIONEM SUAM**, & periculum mortis in-*

instantis. III. Quod inter præfensionem, & defectionem interfluxerit aliquod tempus. Violentissimè enim, & prudentissimè præsumitur; BONUM Christianum, qui præfentiat suam mortem instantem, & habeat tempus, tempore illo intermedio edere aliquod signum desiderantis absolutionem.

Hanc esse Gobati sententiam, patebit legentibus loco citato num. 612. & sequentès; quos hic non rescribo; tum quia satis prolixi sunt: tum quia clarè etiam, & expeditè cognoscetur, si restituantur verba, quæ Pater Concina suppressit substitutis aliquot punctis; & reciteatur integer Gobati textus, qui est hujusmodi.

Porro circa ordinationem illam nostrè ordinis, de qua numero præcedenti disseruimus, notanda sunt duo. Primum, quòd loquatur de casu, **QUO NON POTEST PRUDENTER PRÆSUMI**, quod ediderit signum. (Loco eorum quæ sequuntur substituta sunt puncta) Atqui **POTEST PRUDENTER** de quolibet BONO Christiano, qui **PRÆVIDIT** periculum instantis mortis, **PRÆSUMI**, quòd dederit signum Contritionis in ordine ad Confessionem: illud quippe prudenter præsumitur factum, quod plerumque fieri solet. DD. in l. **IN OBSCURIS** ff. de regulis juris, &c.

His positis. Decretum vetat docere, absolvi posse moribundum in evento, quo Sacerdos non possit **PRUDENTER JUDICARE**, nullam præcessisse **SENSIBILEM** Confessionem. Gobat docet, absolvi posse moribundum solum quando potest Sacerdos **PRUDENTER JUDICARE** præcessisse signum desiderantis absolutionem, quod **SIGNUM** est Confessio **SENSIBILIS**. Decretum nihil dicit de fundamentis prudentis iudicii, & neque præcipit, neque vetat docere hoc vel illud. Gobat pro hujusmodi fundamentis non est contentus vita piè, & christianè ante acta; qua cæteroquin contenti sunt viginti, & octo Auctores relati ab ipso P. Concina hoc Tom. 9. pag. 345. quos inter novem aut decem sunt acer-

rimi Antiprobabilistæ. Sed rejecta istorum sententia, rigidior est, & postulat præterea, ut **BONUS** ille Christianus **PRÆSENSERIT** instantem defectionem, & mortem, & **HABUERIT TEMPUS INTER MEDIUM** inter præensionem, & defectionem; & hæc omnia constent Confessario. Quæro ab æquissimis Lectoribus, ubi **ELUDIT** Gobat decretum suæ inclýtæ Societatis?

Quod attinet ad secundum; scilicet ad duo Notata Patris Gobat; Impostura item est, Gobatum duo **EXCOGITASSE AD ELUDENDUM** decretum. Primum notatum est, Decretum loqui de casu, quo Sacerdos non **POTEST PRUDENTER PUTARE**, moribundum edidisse aliquod signum, sive aliquam præcessisse confessionem sensibilem. Hæc non est **EXCOGITATIO** Gobati, sed sunt ipsissima verba Decreti. Secundum notatum est, Decretum vetare, ne illa propositio doceatur; non verò vetare **EXPRESSE**, ne illa, ut verbo Gobati utar, **PRACTICETUR**. Hæc item non est **EXCOGITATIO** Gobati; sed illorum qui Decretum condiderunt; quorum verba a Gobato relata, & a P. Concina omissa, hæc sunt. *Porro prædictas propositiones omnes nulla afficimus censura: sed SOLUM prohibemus DOCERI in nostris gymnasiis ad maiorem uniformitatem, & soliditatem doctrinæ inter nos, & copiosiores fructum in Auditoribus faciendum.* Ex quibus verbis, cum ibi **EXPRESSE** dicatur **SOLUM PROHIBEMUS DOCERI**, numquam exculpet P. Concina ullam **EXPRESSAM** prohibitionem, ne doctrina contenta in ea propositione **PRACTICETUR**. Quamquam, quod diligenter advertendum est, P. Gobat nusquam docuit, opinionem illam prohibitam doceri, posse reduci ad praxim. Sed docuit oppositum, & præscripsit praxim valde diversam.

Stat igitur, Patrem Gobat non **ELUSISSE** Decretum; **NULLA** prorsus **EXCOGITASSE** ad eludendum Decretum; sed Patrem Concinam dupliciter imposuisse.

Quamquam, ut verum fatear, ego non capio, cur  
tan-

rantopere P. Concina hic laboret de una ordinatione Superiorum nostræ Societatis, cum Tom. 2. pag. 139. tantum laboraverit de una constitutione Sanctissimi Fundatoris a pluribus Pontificibus comprobata, & contra impugnatorum tela clypeo supremæ auctoritatis protecta.

S. Ignatius ita præscribit: *Ad majorem in spiritu profectum; & præcipue ad majorem submissionem, & humilitatem propriam, contentus quisque esse debet, ut omnes errores & defectus ipsius; & res quæcumque, quæ notatæ in eo, & observatæ fuerint, Superioribus per quemvis, qui extra Confessionem eas acceperit, manifestentur.*

Audi nunc quid P. Concina post multa alia citato loco scribat. Inquit igitur: *Quod in hac controversia mihi negotium faceffit, illud est, quod nulla Religio disciplinam profiteatur perfectiorem illa, quam Christus ipse in suo Apostolico Collegio instituit. Hanc perfectionem omnes Sacri Ordines sequendam amplectuntur. Porro Christus Dominus ea omnia præscripsit, quæ ad hunc finem obtinendum conducunt. Inter alia autem præcipit, SECRETO CORRIGENDUM ESSE DELINQUENTEM FRATREM. QUI CONTENDUNT, melius efficaciusque incolumem evangelicam disciplinam consistere, si, neglecto fraternæ correctionis ordine, immediatè ad Prælatum denuntiandum delictum afferatur, HI profecto EVANGELIUM CORRIGERE, REGULASQUE PERFECTIORES, AC PRUDENTIORES PRÆSCRIBERE VELLE VIDENTUR. Utcumque tamen res hæc sese habeat, non est quod diutius in eadem immorari debeam. Nec enim litem hanc decidere mihi in animo est. Quod quisque ob honestum finem famæ detrimentum liberè pati possit, extra controversiam est, ut docet Angelicus 2. 2. quæst. 73. art. 4. ad 1; idque præstiterunt Sancti. Sed aliud est quod aliquis nolit semper famam suam vindicare; ALIUD LEGEM CONDERE, VI CUJUS DIVINUM MANDATUM AB ALIQUA ARCEATUR COMMUNITATE.*

Subdit quidem statim Pater Concina . *Hoc mihi difficultatem ingerit, nec ob id tamen improbo, siquid sapientes, Sanctique Viri oppositum statuerunt; quin illis, utpote divino perfusis lumine, fasces submitto, & utroque pollice subscribo. Sed hoc non impedit, quominus illam S. Ignatii Regulam omni argumentorum genere ( Num. satis piè, Lectores judicent ) impugnaverit; & argumenta sine ulla directa solutione reliquerit. Quod utrum sit saltem INDIRECTE' impugnare, aliorum judicium esto.*

Ad illos aculeos de Decretis extraneis, quibus frequentius, quàm par est, in hac Christiana Theologia Jesuitas pungit, ne queratur, si unica saltem vice hoc repono. Ajo igitur, non pertinere isthæc ad purgandam Theologiam Moralem, sed ad vellicandas personas, conflandamque illis invidiam, contra quam ipse sæpius protestatur. Ceterum si qui sunt, qui Decretis extraneis debitam obedientiam non præsent, universa Societas eos improbat, condemnat, detestatur: neque Societatem constituunt unus vel alter, immo decem aut viginti.

## C A P U T XCII.

### *Restituitur sua integritati sententia Cardinalis De-Lugo.*

P. CONCINA Tom. 9. pag. 407.

*Quid dicendum de opinione Sporer, LUGO, & aliorum docentium NULLAM, aut MODICAM injungendam esse penitentiam, dum Penitentes consentunt ad indulgentiam lucrandam?*

Annus-



**A**nnuentes precibus P. Concinae legimus in fonte Cardinale De-Lugo, quem hic citat, & vidimus ejus sententiam fuisse insigniter mutilatam, & deformatam. Si ipsi credimus, sententia Card. De-Lugo concluditur hac disiunctiva propositione „**NULLA**, vel **MODICA** poenitentia **INJUNGENDA EST** Poenitentibus, qui confitentur ad indulgentiam lucranda,„ Hæc sunt verba P. Concinae, & nulla alia. Videant nunc Lectores, num. sententia Cardinalis integrè, & sincerè repræsentata sit.

Primo. Card. De-Lugo nihil habet de prima illa parte disiunctivæ **NULLA**; Sed hæc pars quantum ad Cardinalem De-Lugo gratis intrusa est a P. Concina de suo.

Secundo. Card. De-Lugo non dicit **MODICA**, sed dicit **LEVIORES**, & quidem comparatione habita ad gravissimas poenitentias, quæ aliàs ob magnitudinem, & multitudinem criminum huic homini imponendæ forent. Fieri autem potest, ut poenitentia sit **LEVIORE** comparatè ad gravissimas tot ac tantis criminibus hic & nunc debitas; & tamen absolute non sit **MODICA**.

Tertio. Card. De-Lugo non dicit **INJUNGENDAM** esse, quod significat obligationem, & aufert a Confessario potestatem injungendi leviores, si velit. Sed dicit **INJUNGI POSSE**; quod significat solam facultatem, & relinquit Confessarium liberum ad alias graviores injungendas.

Quarto. Card. De-Lugo dicit, in tali eventu **INJUNGENDUM** esse a Confessario pro Poenitentia hoc ipsum, ut scilicet ille homo Jubilæum lucretur; adeoque ut omnia opera bona exequatur, quæ a Pontifice pro Jubilæo lucrando imposita sunt. Hoc autem additamentum, quod, ut vident Lectores, valde immutat sententiam, a Patre Concina omnino suppressum est.

Quinto demum. Card. De-Lugo monet, omittendas non esse poenitentias injunctas prætextu Indulgentiarum,

rum . Ad quod monitum confirmandum aſſert incertitudinem eandem conſequendi , & plures etiam rationes , quàm aſſerat , ut videbimus , S. Thomas in eandem rem .

Quamobrem genuina ſententia Card. De-Lugo concluditur hac alia propoſitione „ Tempore Jubilæi **PO-TEST** Confeſſarius injungere pœnitentias **LEVIORES** , quàm cæteroquin ille homo mereretur , **IMPONENDO** tamen illi pro pœnitentia hoc ipſum , ut Jubilæum lucretur „ Quæ ſententia , vociferetur , & convincietur P. Concina quantum velit , comuniſſima eſt apud Theologos cujuſlibet Inſtituti .

En verba Card. de-Lugo diſp. 27. de Pœnit. ſect. 2. num. 30 *Hinc inferitur primo , tempore Jubilæi POSSE Confeſſarium LEVIORES pœnitentias imponere , OBLIGANDO tamen Pœnitentem ad lucrandum Jubilæum : Ad hoc enim conceditur illa remiſſio a Pontifice , ut ſublevetur Pœnitens , qui pro TANTIS peccatis non poterat agere debitam pœnitentiam : quod redundat etiam in levamen Confeſſarii , qui frequenter nescit , quomodo peccatori INGENTIBUS PECCATIS gravato poſſit CONGRUENTEM PœNITENTIAM imponere .*

Et num. 31. ita monet : *Prudenter advertunt , conſulendum ſemper eſſe Pœnitenti , ut opera impoſita , quoad fieri poteſt , adimpleat ; nec debere pœnitentias omitti indulgentiarum occaſione : quia illa opera impoſita etiam fuerunt a MEDICO ex deſiderio ſalutis : & quia preſunt ad meritum , quod pluris faciendum eſt , quàm redemptio pœnæ temporalis : & quia frequenter homo reus eſt majoris pœnæ , quàm putat , & facile continget , ut poſt Jubilæum etiam reus manet pœnæ ; quia propter varias cauſas indulgentiæ effectus potuit ex aliqua ſaltem parte impediſi . Ultimo advertendum eſt , doctrinam poſitam locum habere , quando quis lucretur indulgentiam **PLENARIAM** , non verò ſi lucretur **PARTIALEM** .*

Hanc ſuam , immo comuniſſimam , opinionem intulit Card. De-Lugo **LEGITIMA , ET EVIDENTI CON-**

**CONSECUTIONE** ab alia sententia docente, manere liberum in conscientia ab implendis pœnitentiis inunctis illum, qui lucratur indulgentiam plenariam. Dixi **CONSECUTIONE LEGITIMA, ET EVIDENTI**. Quia si ipse Pœnitens etiam post pœnitentiam inunctam liber manet ab illa implenda, si Jubilæum lucratur: a fortiori **POTERIT** Confessarius **LEVIOREM** imponere, **OBLIGANDO** tamen ad Jubilæum lucrandum. Si sententiam illam, ex qua Card. De-Lugo **EVIDENTER** intulit suam, P. Concina velit de more appellare **LAXAM, LAXISSIMAM, HORROREM INGERENTEM, SCANDALI PLENAM**, appellet; nihil ad me. Ego tantum Lectoribus patefaciam, quinam illam doceant.

I. S. Thomas Aquinas Dominicanus in 4. distinct. 20. quæst. 1. art. 3. quæstioncula 1. Ubi post relatam sententiam illorum, qui dicebant, Indulgentias non valere ad absolvendum a reatu pœnæ luendæ in Purgatorio, sed solum ad absolvendum ab **OBLIGATIONE** implendi pœnitentiam a Sacerdote impositam; totus est in refellenda prima parte ejus sententiæ pertinente ad Purgatorium; & deinde concludit, Indulgentias valere **AD UTRUMQUE**; scilicet ad absolvendum & a reatu Purgatorii, & **AB OBLIGATIONE** implendi pœnitentiam inunctam a Sacerdote. En ejus verba.

*Quidam dicunt, quod non valent (Indulgentiæ) ad absolvendum a reatu pœnæ, quam quis in Purgatorio secundum judicium Dei meretur: sed valent ad absolutionem ab OBLIGATIONE, QUA SACERDOS OBLIGAVIT PœNITENTEM ad pœnam aliquam, vel ad quam etiam ordinatur ex canonum statutis. Sed hæc opinio non videtur vera (intellige quoad primam partem negantem de Purgatorio, ut itatim patebit) Primo, quia est expresse contra privilegium Petro datum, ut quod in terra remitteret, & in Cælo remitteretur. Unde remissio, quæ fit QUANTUM AD FORUM ECCLESIAE valet*

*eti-*



etiam quantum ad forum Dei. Et præterea Ecclesia hujusmodi Indulgentias largiens, magis damnificaret, quam adjuvaret; quia remitteret ad graviore pœnas, scilicet Purgatorii, ABSOLVENDO A PœNITENTIIS INJUNCTIS. Et ideo aliter dicendum est, quod valent, ET QUANTUM AD FORUM ECCLESIAE, & quantum ad judicium Dei ad remissionem pœnæ residuæ post contritionem, & absolutionem, & confessionem.

Et ibidem in responsione ad 4. hæc habet, ex quibus Cardinalis De-Lugo desumpsit monitum suum.

Tamen CONSULENDUM est eis, qui indulgentiam consequuntur, ne propter hoc AB OPERIBUS PœNITENTIÆ INJUNCTIS abstineant, ut etiam ex his remedium consequantur, quamvis a debito pœnæ essent immunes; & præcipue quia quandoque sunt plurium debitorum, quam credant.

Ubi diligenter advertenda est illa vox CONSULENDUM; qua S. Thomas aperte ostendit, non esse PRÆCEPTUM sed CONSILIUM, ut lucrantes indulgentiam exequantur pœnitentias INJUNCTAS.

II. Bartholomæus Fumus Dominicanus in summa vulgo Armilla, verbo Indulgentia num. 17. SECUNDUM D. THOMAM non est DE NECESSITATE, quod, quod accipit hanc indulgentiam plenariam, faciat pœnitentiam TAXATAM A CONFESSORE, quamquam expediat.

III. Dominicus Sotus Dominicanus in 4. distinct. 21. 2. 1. concl. 1. Indulgentia, si pia causa adsit, tantum valet non solum in foro Ecclesiæ, sed apud Deum, quantum sonat. Ut si visitantibus limina Petri concedantur Indulgentiæ quadraginta dierum, qui v.g. IMPOSITI ERANT IN PœNITENTIAM alicui; absolvitur ille non solum AB OBLIGATIONE illam implendi; verum & ab illa pœna Purgatorii, cujus veniam pœnitentia impleta obtinisset.

IV. Sylvester Dominicanus in Summa, V. Indulgentia n. 23. Nono quaeritur, utrum ille qui, indulgentiam  
POE-

**POENITENTIARUM INIUNCTARUM** rite consecutus est, teneatur **ILLAS EXPLERE**, puta si alicui **INIUNCTA ERAT POENITENTIA SEPTENNIS**, & indulgentiam septennem affecutus est? Et dico **QUOD NON**. Quia per contritionem poena aeterna dimittitur; & in temporalem commutatur. Temporalis verò per satisfactionem, aut per indulgentiam, quæ illi æquipollet, unde per indulgentiarum satisfactionem enervatur poenitentialis satisfactio.

V. Durandus Dominicanus in 4. dist. 20. quæst. 4. n. 9. **Poenitentia injuncta sunt illæ solum, quæ imponuntur a Sacerdote consenti**. Canones enim nulli imponunt poenitentiam. Sed docent qualis & quanta sit ponenda. Et ideo de prædictis poenitentiis sic a Sacerdote injunctis certa quantitas per indulgentiam relaxatur: ita quod **LICITUM EST** recipienti indulgentiam **OMITTERE TANTAM PARTEM POENITENTIÆ SIBI INIUNCTÆ**.

Ejusmodi sunt Theologi, omnis aliis, qui docent Poenitentem lucrantem indulgentias posse omittere tantumdem poenitentia sibi a Sacerdote injunctæ. Ex qua Doctrina **EVIDENTER**, ut dixi, infertur multo temperatior opinio Cardinalis de Lugo, & aliorum docentium, posse Confessarium tempore Jubilæi imponere poenitentias **LEVIORES**, **OBLIGANDO** tamen Poenitentem ad lucrandum Jubilæum.

Quæ opinio confirmatur Auctoritate Glossæ in Extravagantem Bonifacii VIII. *Antiquorum*: Ubi Auctor Glossæ, qui dicit se locutum fuisse cum Bonifacio, hæc de illo Pontifice testatur.

**Declaravit etiam, quod sui Pœnitentiarii NIHIL DEBENT INIUNGERE** ultra injunctionem hic positam: alias, ut dicebat, Indulgentia frustraretur: nisi consensens volens facere opera supererogationis, voluntarie poenitentiam satisfactoriam, aliam ab hac taxata, reciperet.

Utrum verò opinio approbata a Bonifacio VIII., ut constat ex modò allato monumento; **EVIDENTER** a fortiori deducta a recitata Doctrina D. Thomæ, & alio-

M m

rum

rum insignium Thomistarum; & multo temperatior, quam sit præfata doctrina; utrum, inquam, talis opinio in ore P. Sporer, & Cardinalis de Lugo mereatur itatim notam LAXITATIS; definiant alii, neque enim attinet ad institutum meum.

Hoc unum ego addam. Argumentum, quo P. Concina impugnât opinionem Cardinalis de Lugo petitem ab INCERTITUDINE consecutionis Indulgentiarum; & debito certo non satisfacit per solutionem incertam; non est satis efficax. Nam retorquetur in primis ad evidentiam contra S. Thomam & laudatos Thomistas docentes, Poenitentem lucrantem indulgentias absolvi AB OBLIGATIONE exequendi poenitentias a Sacerdote impositas: Deinde neque satisfactio imposita a Confessario est solutio omnino certa. Potest enim impediri ejus effectus, vel quia homo putans se esse in statu gratiæ cum illam exequitur, verè non est; vel ex aliis capitibus. Quamobrem sicuti quis certus est se peregisse opera satisfactoria injuncta a Confessario; & prudenter confidit, non esse impeditum eorum effectum: Ita etiam quis certus est, se peregisse opera a Pontifice injuncta; & prudenter confidit non esse impeditum eorum effectum, nempe consecutionem Indulgentiarum. Ac proinde utrobique par ratio.

## C A P U T XCIII.

*Vindicatur ab impostura Pater Viva.*

P. CONCINA Tomo 9. pag 574.

*Qui directe absolvitur ab aliquo reservato tempore Jubilæi, deinde post absolutionem mutat animum, & omittit ea opera implere, quæ præscripta sunt ad Jubilæum laudandum, peccat ne mortaliter? Affirmat Suarez laudat.*

*datus a P. Viva, quia deficit in re gravi, ad quam se obligavit. Sed P. Viva DE MORE AMPLECTITUR OPPOSITAM OPINIONEM LAXAM, quam defendunt Lugo, Sanchez, Henriquez, & alii.*



**O** Ro P. Concina, ut legat IN FONTE & Gormaz, & Gobat, & Layman, & VIVAM, & omnes, quos in hoc opere citat. P. Viva apertissimè & disertissimè profitetur, se PRÆSCINDERE ab hac quæstione. En ejus verba quæst.9. artic.4. num.5.

PRÆSCINDIMUS hic, an si iste talis virtute Jubilæi absolvatur directè ab aliquo reservato, peccet deinde mortaliter, ut docet Suarez, mutando animum, & non ponendo alia opera ad asscutionem Jubilæi. Etenim videtur deficere in re gravi, ad quam se obligavit veluti ex pacto, acceptando beneficium absolutionis. Verùm solùm venialiter peccare docent Lugo, Sanchez, Henriquez, & alii apud Dianam p.3. tract.4. Resolut.145., & p.5. tract.12. Resolut.42. quia non deficit in pacto utili Promissario, sed utili ipsi Poenitenti.

Posita verò hac tam manifesta protestatione, qua fide scribit P. Concina, P. VIVA DE MORE OPPOSITAM OPINIONEM LAXAM AMPLECTITUR? Saltem imposturam convicio non cumulasset.

## C A P U T XCIV.

*Restituitur Jua integritati sententia  
Laymani.*

P. CONCINA Tom.9. pag.674.

*Absolvendi ne sunt recidivi, QUOTIES SPONTE accedunt ad Confessionem? Respondeo .... Pater Layman lib.5. Tract.6. cap.4. numero undecimo. „ Qui est recidivus si „ affert aliquod signum emendationis, est SEMPER „ ABSOLVENDUS. Signa autem sunt vel rarius „ peccare, vel aliquis major dolor ex vero animo conceptus, vel IPSUM SPONTE CONFITERI, in his „ qui non urgentur à Præceptore, Patre, Pædagogo, „ consuetudine congregatorum ad confitendum, &c. „ Tunc enim habetur signum emendationis, secus non „ item „. Placet quod docet Layman, inquit Tamburinus. Revera mirum esset, nisi Tamburino placeret doctrina P. Layman adeo benigna, & mihi LAXISSIMA.*

§\* \* §(o):(o) §\* \* §

**R**ecitata verba, imò recitata Doctrina nusquam sunt in toto Laymano. Audi ipsum loco citato, sed n.10. non 11., ut scribit P. Concina.

*His quædam addenda sunt. Primo considerandum in hac materia QUO PRÆCIPUE MOTIVO Pœnitens ad frequentes confessiones accedat. An quia a Domino, Præfetto, Pædagogo adigitur, aliàs non accessurus: in tali homine magnum periculum est, ne male dispositus sit. An solum quia consuetudinem habet octavo quoque die confitendi. In tali etiam magnum periculum est si eandem mortalis peccati speciem sine emendatione sæpius offerat,*  
An

*An denique* (Nota bene lector, non dicit Layman QUIA SPONTE ACCEDIT, ut imponit Pater Concina) QUIA DOLORE, ET INDIGNATIONE PROPTER RELAPSUS SUOS CONCEPTA, iterum Pœnitentiæ ac confusionis suæ remedium quærit.

At deceptus est a Tamburino citante Laymanum. COLLIGAT NECESSITATEM LEGENDI AUCTORES IN FONTE; præsertim, ut alias monui, quando agitur de imponendis invidiosis Sententiis, quæ exultationem Auctorum, & famam lædunt; & quando eo animo scribitur, ut illi auctores, certi potissimum Instituti, in suspicionem & odium adducantur; & ex omnium manibus exterminentur. Protestatur quidem P. Concina, non hoc se animo scribere; & ego, siquidem ipse vult, ita credam. Sed ejus vicem doleo, quod magnam habeat adversariam: communissimam persuasionem.

His missis hoc non capio. Alicubi in hac sua Theologia (non recordor ubi) fatetur; se ad hujusmodi fontes digitos non intendisse. Alibi dicit, sibi non tantum otii fuisse, ut auctores videre posset in fonte. Deinde monet graviter alios, ut colligant necessitatem legendi Auctores in fonte, & quod festivius est, ut sibi fidem conciliet, intrepide ORAT lectores, ut legant IN FONTE OMNES, quos in hoc opere citat.

Ad illius sarcasum, „Revera mirum esset, nisi Tamburino placeret doctrina P. Layman adeo benigna & mihi laxissima, „Repono. Re vera mirum esset, nisi Doctrina Laymani Patri Concinae laxa esset; cui tantum placet Doctrina sui Genneti, & similium; qui volunt, neminem habere PROPOSITUM CONSTANS, neminem esse dispositum, neminem esse absolvendum, nisi per longum tempus probatus fuerit, & ab ultima confessione per plures hebdomadas a peccatis OMNINO cessarit. Relegatur Caput 87.

## CAPUT XCV.

*Restituitur sua integritati sententia  
P. La-Croix.*

P. CONCINA Tom. 10. pag. 72. Sic habet in titulo  
Capitis undecimi .

*A quibus præsertim rebus abstinere clerici debeant ratione sui status. LAXÆ P. LA-CROIX opiniones refelluntur.*

Deinde pag. 73. sic incipit referre & refellere LAXAS opiniones P. La-Croix .

*Utrum negotiatio clericis sit interdicta ? .... Casuista plures excogitarunt opiniones, quas omnes more suo colligit P. La-Croix lib. 3. p. 2. n. 997. & sequentibus. ET PRIMO asserit, clericum posse emere aliquid, ut consumat; & si postea PRETIUM ILLIUS CRESCAT, vendere potest, sperans se vilius empturum. Est enim actus oeconomicæ prudentiæ. Sub istius oeconomicæ prudentiæ pallio re ipsa Clerici negotiantur.*

:§:[o]:§:[o]:§:[o]:§:

**P**ater Concina refert verum, sed non refert totum; & illud occultat, quod cedit in maximam utilitatem Patris La-Croix. Ego autem revelabo, ut lectores videant tum artificium P. Concinae, tum cuiusmodi sint, & quibus auctoribus muniantur Sententiæ, quas in libris Jesuitarum statim notat ut LAXAS. En textus integer P. La-Croix.

*Licetum est omnibus emere cum animo vendendi SINE LUCRO, quia non est prohibita negotiatio, nisi fiat causa lucri, uti habetur Cap. Secundo Ne Clerici vel Monachi.*  
Un-

Unde si Clericus emerit aliquid ut consumat, & postea pretium illius crescat, vendere potest, sperans se vilius empturum. Est enim actus oeconomicae prudentiae. S. THOMAS, Molina, Sà, Layman, Castropalao, Lugo.

Quæro: Cur P. Concina suppressit citationem S. THOMÆ? Parum ne facit ad imminuendam invidiam Patris La-Croix habere S. Thomam auctorem Doctrinæ suæ? Et reipsa illam tradit Angelicus 2. 2. quæst. 74. artic. 4. ad 2. his verbis.

*Ad secundum dicendum quod non quicumque carius vendit aliquid, quod emerit, negotiatur. Sed solum, qui AD HOC emit, UT carius vendat. Si autem emerit rem non ut vendat, sed ut teneat, & postmodum propter aliquam causam eam vendere velit, non est negotiatio, quamvis carius vendat. Potest enim hoc licite facere, vel quia in aliquo rem melioravit, vel quia PRETIUM REI EST MUTATUM secundum diversitatem loci, vel temporis.*

Et tamen hæc Doctrina, quæ in S. Thoma erat verissima, in libro P. La-Croix tamquam circæo beneficio facta est repente LAXA.

Carpit hic P. Concina more suo Patrem La-Croix, illumque vocat opinionum contrariarum collectorem, qui lectoribus libertatem eligendi quam placuerit, passim relinquat. Ait, hanc esse methodum, quam in universa sua Theologia servat Doctor iste: Ait, hanc methodum casuistici Pyrrhonismi speciem redolere. Ait, hanc esse justam criticen in opera La-Croixii. Et hinc repetit causam cur La-Croix tam libenter ematur, & facile distrahatur.

Primum, fallum est, hanc esse perpetuam methodum Patris La-Croix. Nam quamvis aliquando productis hinc inde auctoribus, eorumque argumentis iudicium suum sustineat: quamvis censoriam virgam non attollat: quamvis partem faventem libertati magnis, sæpe permultisque Theologis communem LAXAM, LAXISSIMAM, HORRENDAM, SCANDALI PLENAM, ERRONEUM COMMENTUM, INAUDITUM PARADOXON, CUM



**CUM EVANGELIO PUGNANTEM** appellare non audeat : quamvis hanc methodum Patri Concinae perpetuo servandam , & servatam relinquat : Nihilominus ut plurimum suam sententiam promit ; solidis ratiociniis , aptisque auctoritatibus communit ; & in omni Theologiæ moralis parte sese doctissimum , & versatissimum ostendit . Et hæc est causa ejus facilis distractionis , quæ tam acriter urit P. Concinam .

Deinde hanc ipsam accusationem P. Concina desumpsit a P. La-Croix ; qui sibi illam objicit in Præfatione totius operis num.4. Et promissam ibi responsum , sive causas suspendendi aliquando judicium , assert postmodum lib.4. num.1542. his verbis .

Primò *Quia non potest semper resciri veritas .* Secundo . *Quia difficillimum est invenire , & periculosissimum definire , quam sint peccata levia , vel gravia .* Tertio . *Quia etiam DIFFICILLIMUM est semper determinare .* QUÆNAM INTER OPINIONES SIT PROBABILIOR . Quarto : *Quia si adducantur auctores & rationes in utramque partem , PRUDENTI lectori suggeruntur sufficientia motiva sibi formandi conscientiam practicam .* Quinto ( Notent hanc quintam modestissimam rationem ii , qui contemptis , & in malam crucem amandatis cæteris casuistis , vellent soli regnare in his judiciis , & unice comprobati sententias suas ) *Quantum ad me attinet , plane judico , alios esse prudentiores , quàm me ; nec credo a lectore magnificiendum judicium meum , quando attuli alios auctores omni exceptione majores .*

Demum sicut ille adhibet illam criticem Theologiæ P. La-Croix ; sic alii aliam adhibent Theologiæ suæ . Ajunt , illam esse meram collectionem opinionum omnium rigidiorum solido ratiocinio vacuam , declamationibus verò conviciisque plenissimam . Ajunt , recoctum hic esse quidquid litteræ Provinciales , Theologia moralis Jesuitarum , Henricus a S. Ignatio , Sinnichius , alique notissimi Societatis oïes jam collegerunt . Ajunt ,  
omnes

273

omnes hos Tomos in hanc ferè propositionem cogi potuisse: In quæstionibus inter casuistas catholicos controversis sequenda semper est pars, quæ favet legi. Utra critice iustior sit, ego non tantum sum, ut definire valeam: Docti iudicabunt.

## C A P U T XCVI.

*Vindicatur ab injustis criminationibus  
P. Valentia.*

P. CONCINA TOM. 10. pag. 89.

*P. Gregorius Valentia inter PRIMOS citari solet, quæ mandata contra Simoniam LAXAVIT. Hunc Auctorem propriis oculis legi, & reipsa Tom. 3. disp. 6. quæst. 16. Punct. 3. consuetis distinctiunculis legem eludit, inquiens „ Potest quis conferre spirituale propter temporale principaliter, tamquam propter finem; ita ut „ temporale apud eum non sit finis ipsius rei spiritualis, „ quasi temporale pluris ab eo quàm spirituale „ æstimetur; sed tantummodo VOLUNTATIS, SI- „ VE APPLICATIONIS ANIMI AD ACTUM „ CONFERENDI SPIRITUALE: & hoc non est „ Simonia „.*

Et paulo infra pag. 90.

*P. Viva rescribit verba Valentia, qui SUAM PROSCRIPTAM AB ECCLESIA, ut mox videbimus. OPINIONEM affinxit S. Thomæ.*



**P**ater Gregorius Valentia inter PRIMOS citari debet, qui mandata contra Simoniam ab insigni DOMINICANO LAXATA consuetis distinctiunculis multum restrinxit. Et quidem eo ipso in loco, quem propriis oculis P. Concina legit; sed valde mutilum recitavit; ut occultaret Lectoribus, opinionem Dominicani sui verè proscriptam temperari eo in loco a Valentia, & coerceri. Hoc quomodo se habeat, rem ab initii repetendo, palam faciam.

S. Thomas Quodlibeto 8. art. 11. loquens de illo, qui pergit ad Ecclesiam PROPTER distributiones, ALIAS NON ITURUS; & quærens, utrum iste Simoniam committat, ita resolvit.

*Si hujusmodi distributiones respicit quasi finem SUI OPERIS PRINCIPALITER INTENTUM, Simoniam committit, & ita mortaliter peccat. Si autem habet principalem finem Deum in tali actu; ad hujusmodi autem distributiones respicit SECUNDARIO, non quasi finem, sed sicut in id, quod est necessarium ad suam sustentationem, constat, quod non vendit actum spirituales; & ita Simoniam non committit, nec peccat. Sic enim acceptio distributionum non erit CAUSA, quare ad Ecclesiam vadat; sed proprie hujusmodi determinatio, QUARE NUNC VADAT, & non alia vice.*

Dominicus Soto insignis Dominicanus difficultatem patitur in admittenda hac Divi Thomæ resolutione. Quia cum Clerici, & Beneficiati eant ut plurimum ad persolvenda divina Officia NON NISI STIPENDII GRATIA, NON NISI INTUITU NUMMULARIÆ DISTRIBUTIONIS, ALIAS NON ITURI; TANTUM DISTRIBUTIONIS GRATIA, ITA UT ALIAS NON IRENT; adeoque cum distributiones respiciant tamquam FINEM SUI OPERIS PRINCIPALITER INTENTUM, ex doctrina D. Thomæ sequeretur, ait Soto, omnes damnandos

dos esse Simoniae; **QUOD PROPECTO DURUM EST CREDITU.**

Quamobrem relicta doctrina Divi Thomae defendit, eos Clericos non committere Simoniam, tametsi habeant temporale **PRO FINE PRINCIPALI, IMMO UNICO (TANTUM distributionum gratia, ITA UT ALIAS NON IRENT) SUI OPERIS SPIRITUALIS;** dummodo non intendant illud temporale **TAMQUAM PRETIUM SPIRITUALIS;** quæ est doctrina ab Ecclesia proscripta, ut mox videbimus. En summa fide verba SOTI lib.9. de Just. quæst.6. art.2.

*Postremum hic dubium restat triviale de Canonicis, atque aliis Clericis, qui ad horas Canonicas in Ecclesia NON NISI (en, Lectores, finem non modo PRINCIPALEM, SED UNICUM) STIPENDII GRATIA concurrunt; utrum Simonia vitium contrahant? Ad hoc D. Thomas Quodlibeto 8. quæst. 6. seu art.11. respondet; quod si stipendium sit FINIS intentionis celebrandi divinum Officium, Simonia committitur, quoniam tunc stipendium HABET RATIONEM PRETII, quo non est licitum vendere rem spiritualem, quale est divinum Officium. Si autem PRINCIPALIS INTENTIO non sit nisi divinus cultus; temporalis verò fructus sit accessorius, tamquam ad sustentationem necessarius, non est Simonia. Hæc autem solutio, nisi sanè intelligatur, SCRUPULIS PUNGET humanas conscientias. Videtur enim hic D. Thomas ut Simoniacos condemnare quotquot ad Ecclesiam ire pergunt INTUITU NUMMULARIÆ DISTRIBUTIONIS ALIAS NEQUAQUAM ITURI (en iterum finis PRINCIPALIS, VEL UNICUS) QUOD propecto DURUM EST CREDITU ..... Resolutio ergo est, quod ire ad Ecclesiam tempore, quo Clericus non tenetur TANTUM distributionum causa, ITA UT ALIAS NON IRET. (En tertio FINIS PRINCIPALIS IMMO UNICUS) non est vera Simonia, nisi intenderet pro re spiritali PRETIUM recipere modo supra exposito.*

N n 2

Ha.

Hactenus Soto, qui docet, ut oculis vestris videris, non esse Simoniam habere temporale PRO FINE PRINCIPALI IMMO UNICO REI SPIRITUALIS, nisi illud temporale INTENDATUR UT PRETIUM. Et sic *scilicet* intelligit D. Thomam.

Affero statim propositiones damnatas ab Innoc. XI. ut facilius cum doctrina SOTI conferri possint.

45. *Dare temporale pro spiritali non est Simonia, quando temporale non datur TAMQUAM PRETIUM, sed dumtaxat tamquam motivum conferendi, vel EFFICIENDI spirituale: vel etiam quando temporale sit solum gratuita compensatio pro spiritali; aut è contra.*

46. *Et id quoque locum habet, etiamsi temporale SIT PRINCIPALE MOTIVUM dandi spirituale: immo etiamsi sit finis IPSIUS REI SPIRITUALIS sic, ut illud pluris aestimetur quam res spiritalis.*

His præmissis P. Gregorius de Valentia in theologica Republica non ignotum nomen, ut temperaret, & coerceret doctrinam SOTI; ipsumque, quantum poterat, conciliaret cum D. Thoma, adhibuit DISTINCTIONEM: & distinxit inter ipsam REM, SIVE OPUS SPIRITUALE; & VOLUNTATEM applicandi se ad tale opus: &, loquendo pressius ad rem nostram, distinxit inter ipsam RECITATIONEM divini Officii, & VOLUNTATEM eundi ad Ecclesiam ad divinum Officium recitandum.

Hac DISTINCTIONEM excogitata docet: si temporale sit FINIS PRINCIPALIS ipsius REI SIVE OPERIS SPIRITUALIS; verissimam esse sententiam S. Thomæ, quam Sotus deseruit; nempe committi Simoniam. Si verò temporale sit FINIS PRINCIPALIS non ipsius REI, SIVE OPERIS SPIRITUALIS, sed VOLUNTATIS applicandi se ad tale opus, e.g. VOLUNTATIS eundi ad Ecclesiam; Sotum in hoc sensu non contradicere S. Thomæ, & veram esse ejus sententiam, nempe non committi Simoniam. Et præterea, quod diligenter

figenter advertendum est, Valentia habet pro uno, & eodem hæc duo: Habere temporale pro fine principali REI SPIRITUALIS: & intendere illud TAMQUAM PRETIUM, quæ Sotus cum propositione damnata supponit separari posse: siquidem docet, non esse Simoniam habere temporale PRO FINE PRINCIPALI, IMMO UNICO, REI SPIRITUALIS, dummodo non intendatur TAMQUAM PRETIUM. En integer Valentia textus, ex quo videbunt Lectores, quid dexterè subduxerit P. Concina; quid tantùm recitarit.

*Sed possunt in concordiam redigi istæ duæ opiniones. Nam dupliciter potest quis conferre spirituale PROPTER temporale PRINCIPALITER tamquam PROPTER FINEM. Uno modo, ita ut temporale apud eum sit finis non modo VOLUNTATIS, ET APPLICATIONIS ANIMI ad actum conferendi spirituale; sed etiam IPSIUS SPIRITUALIS; si videlicet illud temporale æstimet pluris non modo quàm actum conferendi hic & nunc spirituale, sed etiam quàm IPSUM SPIRITUALE, quod confert. Et tunc omnino committit talis Simoniam. Nam hoc ipso quod pluris æstimat temporale, quàm spirituale; æstimat etiam illud tanti, quanti spirituale; siquidem æstimat illud etiam pluris, atque adeo tanti quoque. ET EO IPSO spirituale pro temporali, TAMQUAM PRO PRETIO, venditur; in quo consistit perversitas Simonia. Atque isto modo est vera, & a suis Auctoribus intellecta opinio prima Adriani, S. THOMÆ, Covarruviae, & aliorum. Altero modo (Hic incipiunt verba a P. Concina recitata) potest quis conferre spirituale PROPTER temporale PRINCIPALITER tamquam PROPTER FINEM, ita, ut temporale apud eum non sit etiam finis IPSIUS REI SPIRITUALIS, quasi temporale pluris ab eo, quàm spirituale æstimetur; sed tantummodo VOLUNTATIS, SIVE APPLICATIONIS ANIMI ad actum conferendi spirituale. Et hoc non est Simonia. (Hic desinuat). Nam tunc non propterea vel tanti, vel pluris æsti-*

*æstimatur temporale, atque spirituale. ET ISTO modo est vera secunda opinio SOTI.*

Modò hæc animadvertant Lectores. Sotus scripsit multo prius. Valentia scripsit multo posterius, & multùm temperavit doctrinam Dominicanæ prioris. Sotus docuit, non esse Simoniam habere temporale pro FINE PRINCIPALI, immo unico ipsius REI SPIRITUALIS, dummodo temporale non intendatur TAMQUAM PRETIUM: quod aiebat propositio proscripta: & in hoc sensu dixit intelligendam esse sententiam S. Thomæ. Valentia docuit, esse Simoniam, habere temporale PRO FINE PRINCIPALI ipsius REI SPIRITUALIS; & eo IP SO jam illud temporale intendi UT PRETIUM, non esse verò Simoniam habere temporale PRO FINE PRINCIPALI VOLUNTATIS applicandi se ac efficiendi illud opus spirituale; CUJUS VOLUNTATIS nullam mentionem facit propositio damnata; & dixit, in hoc sensu, certè multò temperatiore, veram esse opinionem SOTI.

Nihilominus juxta Patrem Concinain, qui propriis oculis Valentiam legit, suppressis supradictis omnibus, quæ ad Sotum pertinebant; Valentia inter PRIMOS citatur, qui mandata contra Simoniam LAXAVIT; Valentia docuit propositionem proscriptam: Valentia affixit suam propositionem proscriptam Sancto Thomæ. Quæ omnia de SOTO, non de Valentia verissima sunt, ut ostendimus.

## CAPUT XCVII.

*Vindicatur ab evidenti impostura  
P. Viva.*

P. CONCINA Tom. 10. pag. 89.

P. Dominicus Viva in sua Trutina in proposit. 45., & 46. Innoc. XI. num. 13. inquit „ Videtur hæc esse doctrina „ Angelici 2. 2. quæst. 100. artic. 3. ad 4. „ Deinde subdit „ Montaltius in famoso illo libello &c. hanc doctrinam tribuit ETIAM Valentia; „ DUO HIC PECCAT P. VIVA. Primò, quòd asserat videri hanc doctrinam esse Angelici. Secundò, quòd Montaltius talem Doctrinam tribuat ETIAM Valentia; quasi Montaltius hanc doctrinam adscripserit S. Thomæ; quòd falsum evidenter est. Epistolas Provinciales ab Ecclesia damnatas detestor; tum quòd Janseniana lue sint inquinata; tum quòd quorundam Casuistarum laxas opiniones Jesuitis, & ipsi incluta Societati impingere videantur; quam ego calumniam millies execratus sum, æternumque execrabor. Cum ET LEGES SOCIETATIS, & SAPIENTIORES JESUITÆ sicuti PROBABILISIMUM, ita laxas, quæ inde veluti ex fonte profluunt opiniones, improbant. Cæterum unum adjicio; Montaltium, ut plurimum, FIDE SUMMA transcribere opiniones casuistarum, & quantum ad verba, & quantum ad sensu. E contrario P. Viva cum aliis non infrequenter sententias & S. Thomæ, & aliorum Thomistarum, falso, ut mitissimè loquar, in sensu refert. Factum hoc quis expendere ad Critices leges honesto literario certamine voluerit, me paratum exhibeo.

Et in Indice V. Viva ita scribitur.

Falso



*Falso propositionem 45. ab Innoc. XI. damnatam ADSCRIBIT S. THOMÆ: quam etiam falso asserit eidem S. Doctori tributam a Montaltio.*



**N**ON P. Viva sed P. Concina DUO hic certissimè PECCAT; & cum eo peccant foederati Indicum fabricatores. Primò peccat peccato IMPOSTURÆ. Secundò peccat peccato CAVILLATIONIS.

Quoad primum. Pronunciat Pater Concina, Patrem Vivam PECCARE in eo, quòd asserat EAM DOCTRINAM VIDERI ESSE D. THOMÆ. Quis non crederet, dum audit Patrem Vivam argui hic de peccato, quis, inquam, non crederet, P. Vivam id asserere EX PROPRIA SENTENTIA, & EX ANIMO eam Doctrinam ANGELICO tribuere? Atqui sciant lectores, P. Vivam id asserere in persona adversariorum, & id asserere ut quintam eorum objectionem, quam dissolvit deinde ordine suo num. 23. Placet ne vobis, Lectores, hæc agendi ratio? Est ne hoc referre SINCERE sententias Jesuitarum? Sed audiamus Vivam.

Igitur P. Viva probat more suo falsitatem dictarum propositionum. Deinde num. 9. ita scribit „ Venio nunc AD FUNDAMENTA harum thesium DIRUENDA „. Tum numeris 9. 10. 11. & 12. assert primas quatuor objectiones; & tandem num. 13. quintam his verbis.

Quinto. VIDETUR HÆC ESSE DOCTRINA ANGELICI 2. 2. *quest. 100. artic. 3. ad 4. ubi habet* „ Licetum est aliquem provocare ad devotionem monasterii „ per temporalia beneficia, ut ex hoc inclinetur ad Monasterii ingressum, licet non sit licitum ex pacto ali- „ quid dare, vel accipere pro ingressu Monasterii „. Ergo ex D. Thoma licitum videtur esse dare pro Spirituali temporale tamquam motivum, non tamquam pretium. Et Montaltius in famoso illo libello, qui inscribitur *Littera*

*Pro-*

*Provinciales hanc Doctrinam tribuit ETIAM Valentia.*

Hanc verò objectionem solvit, ut dixi, num. 23. solidè ostendendo D. Thomam nullo modo favere adversariis: quia in eo evento, de quo loquitur S. Doctor, non modo temporale tribuitur ut purum motivum, non ut pretium: sed præterea nullum intercedit pactum, neque explicitum neque æquivalens: & nulla intervenit utilitas dantis, sed solius accipientis: ut cum muneribus allicitur mancipium ad suscipiendum baptismum: *En verba.*

**AD QUINTUM:** *sicut citra simoniam potest conferri Mancipio aliquid temporale, ut alliciatur ad suscipiendum baptismum, ut diximus in responsione ad secundum, ita potest ex Doctrina Angelici loco citato conferri alicui beneficium temporale, ut inclinetur ad monasterii ingressum: Quia in utroque casu temporale confertur tamquam motivum, non tamquam pretium: tum quia nullum intercedit pactum nec explicitè, nec implicitè, neque æquivalenter: tum etiam quia non intenditur in his casibus utilitas propria, sed illius cui confertur temporale: unde non habetur ulla permutatio temporalis cum Spirituali, nec ulla emptio; atque adeo nec Simonia.*

En igitur novum crimen P. Vivæ, & ante hoc tempus inauditum: Referre quintam objectionem adversariorum contententium stare pro se S. Thomam; illam solidè, & apertè dissolvere; & Angelicum Doctorem, ex inimicorum manibus eripere. Pro quibus meritis P. Concina calumniatur P. Vivam, quasi assereret ex proprio sensu, **EAM DOCTRINAM VIDERI ESSE S. THOMÆ;** Et paratum se exhibet ostendere, Patrem Vivam non infrequenter Sententias S. Thomæ falsò in sensu referre. Utinam lectores annuant iis precibus, quibus **ORAT**, ut legantur **IN FONTE** omnes, quos in hoc opere citat.

Dixi de **IMPOSTURA**, venio ad **CAVILLATIONEM**. P. Concina dicit, Vivam secundo peccare, quia

scribit, Montaltium tribuere eam doctrinam ETIAM Valentiae: quasi Viva per illud ETIAM significare voluerit, Montaltium tribuisse prius eam Doctrinam S. Thomae, quod falsum evidenter est. Sed hæc est cavillatio, quæ non aliud ostendit, nisi impotentem cupiditatem mordendi Vivam. Quomodo probat P. Concina, Vivam intendisse animo eam significationem? Certissimè P. Viva id EXPRESSE non dicit, ut patet ex ejus verbis supra recitatis. Deinde neque id ullo modo erui potest ex proprietate locutionis. Ostendo.

Finge ex duobus Filiis Joannis Petrum occidisse natu minorem. Quis culparet tanquam impropiam hanc locutionem? „ Petrus abtulit Joanni unum Filium, & Paulus sustulit ETIAM alterum „ & tamen illud ETIAM non significaret, eundem Paulum occidisse primum. Ita in re nostra. Cum Viva dicit, aliquos tribuere eam sententiam D. Thomae; & Montaltium tribuere ETIAM Valentiae; illud ETIAM non significat, Montaltium eam tribuisse S. Thomae.

Quod ait P. Concina, LEGES SOCIETATIS improbare Probabilismum, falsum evidenter est. Sicuti in Societate nulla lex est, quæ Probabilismum imperet; ita nulla est, quæ Probabilismum vetet. Liberi omnino sumus.

Quod ait, SAPIENTIORES JESUITAS Probabilismum improbare, multo magis est falsum. Vel de vivis loquitur, qui Sententias suas typis non imprefferunt; & ex his multi Probabilistæ sunt, multi Probabilioristæ; & nullum est argumentum ad definiendum, utri sint SAPIENTIORES. Vel loquitur de iis, qui libros ediderunt; bona ejus venia aliam habent famam SAPIENTIÆ atque existimationem, non modo apud nos, sed apud universam Literariam Rempubicam Suarez, Vasquez, Molina, Azorius, Valentia, Sanchez, Lessius, Castropalaus, Filluccius, Fagundez, Henriquez, Rebellus, Tamburinus, Salas, Laymanus, Cardinalis de Lugo, Conink, Car-

Cardenas, & plurimi similes, qui Probabilissimum non improbant; quam Comitulus, Elizalde, Camargo, Thyrsus, Antoine. Atque ut aliquid etiam de ipsis Dominicanis attingam: quo argumento probabitur; Baronios, Contensonios, Natales, Gonetos, Concinas, & similes Antiprobabilitas, SAPIENTIORES esse celeberrimis illis antiquioribus Dominicanis, qui Probabilissimum per integrum fere sæculum tutati sunt?

Quod Jesuitas eo nomine excusat, quia leges societatis & sapientiores Jesuitæ Probabilissimum improbant; gratias agimus, sed excusationem hujusmodi recusamus: Tum quod falsissimo nititur fundamento, ut dictum est; tum quod pejor est qualibet accusatione. Inde enim sequeretur, fere omnes Societatis Auctores, paucissimis exceptis, & quidem non magni nominis, condemnandos esse. Immo neque aliam excusationem accipimus, quam aliquando prætendit; Jesuitas nempe scripsisse bona intentione. Nemo enim, quod sciam, hætenus fuit, saltem ex Catholicis, tam acerbus Jesuitarum hostis, ut perverſæ intentionis Societatis scriptores accusaret.

Quamobrem vera Jesuitarum excusatio adversus Montaltium, & adversus alios qui Montaltium imitati sunt, in his est posita.

Primo. Quod sæpiſſimè sententiæ Jesuitarum sincere non referantur: quod de Montaltio apertissimè ostendit P. Daniel, & ego de P. Concina. Dicit iste quidem, Montaltium SUMMA FIDE referre sententias Jesuitarum. Et sane octavum fuisset terrarum orbis miraculum, nisi P. Concina asseruisset FIDEM Epistolis Provincialibus, quas, ut suam Theologiam locupletaret, expilavit. Sed non est aptus assertor alienæ fidei, qui tam frequenter deficit in sua.

Secundò. Quod siqui eorum sententias aliquas censurâ dignas verè tradiderunt; eas ut plurimum ab aliis magistris antiquioribus didicerunt, potissimum Dominicanis; ut ego sæpius ostendi, cum se dedit occasio: & ad hoc

ipsum uberius ostendendum, si quis id cupiat, **ME PARATUM EXHIBEO**. Et certè Jesuitas neque primos neque solos docuisse, quæ Montaltius carpit, neque ipse Wendrochius negare ausus est: sed eam excusationem, ut vidimus, excogitavit; quam postea P. Concina Montaltii artificium magna ex parte imitatus, avidè arripuit: Ceteros nimirum Casuistas **LATERE IN BIBLIOTHECARUM ANGULIS**.

Tertio. Quòd Scriptores Societatis innumeri pene sunt, quòd plurimos, ingentes, spissosque tomos ediderunt; quòd in iis myriadas, & myriadas Conclusionum rectissimè resolverunt; quod scripserunt fere omnes ante Decretum Alexandri VII.; ad quod tempus tamquam ad Asylum quemdam confugere nonnulli solent, quo nimirum tempore multæ quæstiones Theologiæ moralis nondum erant tanta luce illustratæ, quanta postea a Pontificiis Constitutionibus perfusæ sunt. Quare mirum non est, si eo tempore, si in tanta optimarum rerum multitudine ac varietate, si magnis Magistris Ducibus, Jesuitis etiam aliquid minus rectum exciderit: quod cæteroquin sapientissimis etiam sanctissimisque auctoribus aliquando evenisse compertum est.

Nec ideo tamen concedo laxum esse quidquid laxum appellat P. Concina; imò id pernego: qua de re disputare non est hic locus.

Quod demum ait P. Concina, laxas opiniones ex Probabilismo, velut ex fonte profluere: alias dixi, & apertè iterum dico; Sciolis & imperitis hoc artificio potest imponere. Illis, qui norunt, **PROBABILISMUM** nihil aliud omnino esse, præter **HANC SENTENTIAM REFLEXAM** „ Licitum est sequi opinionem solidè ac practicè probabilem faventem libertati, in conspectu vel æque probabilis, vel etiam probabilioris faventis legi „ nullamque cognationem habere cum opinionibus directis: illis, inquam, non imponet,

*Restituitur sua integritati sententia Suarii,  
Reginaldi & Azorii.*

P. CONCINA Tom.10. pag.103.

*Ad sacram Theologiam quod attinet, si accipiatur pro COGNITIONE DIVINITUS INFUSA mysteriorum Fidei, & divinarum Scripturarum, eam vendere, & pretium pro ea accipere Simonia est; ut patet ex iis, quæ dicta de Concinatoribus, verbum Dei adulterantibus, sunt. Salmanticenses loco citato numero 41. putant valde probabilem SENTENTIAM CONTRARIAM, quam defendit Suarez lib.4. cap.8. Reginaldus lib.23. num.112. Azorius 3. parte lib.12. cap.18. quæst.6..... Qui autem docent Theologiam, vel Sacram Scripturam in scholis ad auditores erudiendos pactis stipendiis, Simoniam non committunt, ut communiter Auctores docent: quia licet talis Doctrina ex principiis supernaturalibus proficiscatur, tamen SOLA INDUSTRIA & LABORE HUMANO traditur; neque ad justificandos Auditores dirigitur.*



**O**Ro P. Concina, ut legat in FONTE omnes, quos in hoc opere citat. In Suario, Reginaldo, Azorio ne verbum quidem inveniet, ex quo exculpere possit, eos defendere sententiam contrariam; idest defendere, posse vendi absque Simonia Sacram Theologiam acceptam pro COGNITIONE DIVINITUS INFUSA mysteriorum Dei & Sacrarum Scripturarum. Quod productis eorum verbis manifestum fiet.

Sua

Suarez loco citato a P. Concina non modo nihil habet de Sacra Theologia; sed expressè profitetur, se illam excludere a tota Doctrina illius Capitis: *Loquimur, inquit, semper DE DOCTORE CONDUCTO ad docendas TANTUM NATURALES SCIENTIAS, seu liberales artes. Nam de SACRA DOCTRINA nihil hactenus diximus, nec etiam de speculativa seu Scholastica THEOLOGIA, quam IN TOTA DOCTRINA HUIUS CAPITIS NON COMPREHENDIMUS.* Capite vero 18. ubi de ea disputat, relata primo loco sententia rigidiori negante, posse accipi pretium a Magistris pro tradenda in scholis sacra Doctrina, etsi ea non dirigatur ad probitatem morum in auditoribus excitandam, & secundo loco sententiam adfirmantem, hanc defendit in eo prius sensu quo admittitur a P. Concina; nempe posse accipi pretium non pro COGNITIONE DIVINITUS INFUSA, immo neque pro COGNITIONE EXCITATA IN AUDITORIBUS, quæ etiam NATURALIS esse potest; sed pro LABORE HUMANO, qui a Magistris ponitur. En verba.

*Fateor Sententiam priorem posse & facile & piè suscipi; & habere congruitatem in hoc, quod de Doctrina sacra decentius hoc modo loquimur. Nihilominus in rigore vera est hæc posterior Sententia. Fundamentum autem ejus esse debet, quia licet Doctrina ipsa Theologia in se supernaturalis sit; nihilominus actiones Magistri illam docentis NATURALES SUNT, & NATURALI MODO cooperantur ad hoc, ut Auditores discant: sive in eis generetur naturalis assensus, sive supernaturalis: quia non venditur ipse assensus, sed solum LABOR & OPUS, quod in alio juvando, & illuminando ponitur.*

Nec quemquam moveat, quod Suarez dicit, Theologiam esse in se supernaturalem, & assensum genitum in Auditoribus, esse posse supernaturalem. Nam primum non docet posse accipi pretium pro ipsa re supernaturali, sed pro labore NATURALI, qui NATURALI MODO coope-

cooperatur, ut auditores discant. Deinde; quia etiam ad Doctrinam eorum, qui juxta P. Concina possunt pactis stipendiis Theologiam docere in scholis, fieri potest, ut ita volente & disponente Deo excitetur in auditoribus assensus supernaturalis. Quamobrem nullum asserri potest discrimen inter sententiam Suarii, & P. Concinae.

Reginaldus loco citato loquitur primo de scientiis **MERE NATURALIBUS**; deinde de Theologia non accepta pro **COGNITIONE DIVINITUS INFUSA**; sed ut **NATURALIS SCIENTIA EST**, & labore humano comparatur. En verba.

*Atque hinc sequitur ad dubitationem, sit ne Simonia accipere pretium PRO TRADENDA AUT DOCENDA NATURALI arte vel scientia.... sequitur respondendum esse negativè, ut iidem, & Navarrus in Enchiridio cap. 23. num. 100. respondent, quia scientia & artes NATURALES, quamvis gignantur in nobis dono Dei, tamen USU & EXERCITIO NOSTRO ACQUIRUNTUR interveniente GENERALI concursu Dei. Et in fine numeri idem docet de Theologia. Cum & ipsa, inquit, numeretur INTER NATURALES SCIENTIAS, quæ LABORE, & Doctrina comparantur.*

Postremò Azorius loco citato tantum abest ut loquatur de Theologia accepta pro **COGNITIONE DIVINITUS INFUSA**, ut neque Theologiam nominet sed expressè loquatur de scientiis mere **NATURALIBUS**, quæ **STUDIO, & LABORE NOSTRO** comparantur cum **GENERALI** auxilio seu concursu Dei. En ejus verba.

*Sextò quæritur, an Simoniam committat, qui disciplinam, vel artem aliquam naturalem docet pretio recepto? Duæ sunt opiniones. Prima est assertentium.... Altera est negantium, ullam Simoniam committi in vendendis, vel emendis disciplinis, vel artibus, quia NON SUNT SPIRITUALES AB SPIRITU INCREATO, scilicet SPIRITU SANCTO: non enim SPECIALIA ejus do-*



*dona sunt, sed GENERALIA duntaxat..... Hæc opinio est vera; quia quamvis disciplina & artes sint dona Dei, cum auxilio ejus acquirantur; USU tamen, LABORE ET STUDIO NOSTRO comparantur; nec sunt SPECIALIA dona Dei, cujusmodi sunt GRATIÆ GRATIS DATÆ; quia GENERALI auxilio Dei parantur, & addiscuntur.*

Indicet P. Concina, ubinam isti auctores doceant, posse vendi Theologiam acceptam pro COGNITIONE DIVINITUS INFUSA. Indicet in quo dissentiant ab ipso; qui admittit, nullam esse Simoniam, pactis stipendiis docere in scholis Theologiam, & sacram scripturam. Quod si indicare non potest, cur dicit, hos auctores defendere sententiam contrariam?

## C A P U T XCIX.

*Restituitur sua sinceritati sententia  
P. La-Croix.*

P. CONCINA TOM. 10. pag. 113.

*Est ne Simonia aliquid offerre Titio, ut intercedat apud Collatorem? Respondeo. P. Claudius La-Croix lib. 3. n. 90. affirmat, quod probabilius sit, esse Simoniam contra Dianam, dum pecuniam præbes Titio, ut is intercedat apud Sempronium, ut postea Sempronius intercedat apud Collatorem; quia pretium saltem MEDIANTE datur pro beneficio. Verum continuo subdit, non esse Simoniam, si des pro LABORE. (P. La-Croix non subdit hoc solum) Cujus LAXAM opinionem transcribit de more P. Nicolaus Mazzotta Tract. 3. disp. 5. cap. 3. pag. 235. „ Si autem des aliquid intercessori sive mediato, sive immediato, non quidem pro intercessione, ne, sed pro LABORE, LUCRO CESSANTE, DA-*

„ DAMNO EMERGENTE , DISPENDIO TEM-  
 „ PORIS , &c. IN EUNDO , ET REDEUNDO non  
 „ est Simonia; quia ista sunt quid temprale OMNINO  
 „ EXTRINSECUM. La-Croix n.91. & alii commu-  
 „ niter „ *Re vera La-Croix hanc LAXAM opinionem*  
*totidem verbis docet cum Diana, Castropalao, Rayna-*  
*do, & aliis. Istius opinionis LAXITAS EVIDENS*  
 EST. Tradere pecuniam pro intercessionem apud Collato-  
 rem Beneficii, Simoniam esse fatentur: tradere verò pe-  
 cuniam PRO TEMPORE IMPENDENDO IN LO-  
 QUENDO, IN INTERCEDENDO, ( de solo hoc  
 tempore neque La-Croix, neque quisquam alius id  
 docet ) pro lucro cessante, & damno emergente in  
 eundo, & redeundo non est Simonia? Cur? quia hæc  
 sunt quid temporale omnino extrinsecum. ( Advertant  
 jam hinc Lectores ad sequentem venustam amplifica-  
 tionem; in ea enim sita est insignis deformatio sen-  
 tentiæ P. La-Croix; quia conatur persuadere, hunc  
 Theologum loqui de rebus per se necessariis ad inter-  
 cessionem; ideoque INTRINSECIS, ET NON EX-  
 TRINSECIS ) Ita ne vero? Fieri ergo potest interces-  
 sio sine aliquo temporis dispendio, sine accessu, & recessu  
 a Collatore? Si quis intercedere debet, loquatur oportet.  
 ( P. Concina docet nos res valde retrusas ) Mutus ne  
 intercessor? Per nutus, & signa intercedet? At  
 & ista ut fiant TEMPORIS INTERVALLUM, AC-  
 CESSUM, ET RECESSUM POSTULANT. ( Sine  
 dubio; sed de hoc temporis intervallo, accessu, &  
 recessu per se, & intrinsecè necessariis ad quamlibet  
 intercessionem, nemo loquitur ) TAM RIDICULA-  
 RIA PARADOXA refellere cogor? ( Cogitur a se  
 ipso, qui illa cudit ) Quis tam stultus, qui non dicat,  
 pecuniam se tradere non pro intercessionem, sed PRO  
 TEMPORE, QUOD INSUMERE INTERCESSOR  
 DEBET IN LOQUENDO, IN EUNDO, ET RE-  
 DEUNDO? ( Dixi, & repeto; pro hoc præciso tem-

pore, nemo dicit, posse quidquam accipi, vel tradi) LEPIDA HÆC EI' VENUSTA *mibi videntur COMMENTA*, (cujus sunt?) *nec dubito, quin talia apparere aliis debeant.*



**S**I P. Concina adulterinis coloribus non deformasset sententiam P. La-Croix; quæ docet iste Theologus, fortasse non apparerent aliis LEPIDA, ET VENUSTA COMMENTA.

P. Concina ita depingit doctrinam P. La-Croix, ut appareat Lectoribus, istum loqui DE ACCESSU, ET RECESSU, DE DISPENDIO TEMPORIS, ET DE ALLOCUTIONE INTRINSECE, ET PER SE NECESSARIIS AD INTERCESSIONEM; sive SINE QUIBUS NULLA UMQUAM INTERCESSIO HABERI POTEST. Patet hoc evidenter ex his figuris interrogationis, quibus declamat contra P. La-Croix.

*Ita ne vero? Fieri ne potest intercessio sine aliquo temporis dispendio, sine accessu, & recessu a Collatore? Si quis intercedere debet LOQUATUR OPORTET. MUTUS NE INTERCESSOR? Per nutus, & signa intercedet? At & ista ut fiant TEMPORIS INTERVALLUM, ACCESSUM, ET RECESSUM postulant.*

Atqui istæ meræ sunt imposturæ. Pater La-Croix non est ita bardus, & stolidus, ut ignoret, intercessionem fieri non posse, quin intercessor loco se moveat, ut eat & redeat a Collatore; & quin insumat aliquod tempus in eundo, & redeundo, & aliquod tempus atque aliquem oris spiritum in alloquendo Collatorem. Neque est ita insipiens, ut doceat, posse tradi, vel accipi pecuniam pro istis MOTU, TEMPORE, ET ALLOCUTIONE INTRINSECE, ET PER SE NECESSARIIS AD INTERCESSIONEM.

Sed loquitur de ITINERE LABORIOSO, de ITINENE-

**NERE REPETITO AD COLLATOREM.** Neque enim dicit, eundo, & redeundo **A COLLATORE**, ut scribit P. Concina, quibus verbis significatur merus **RECESSUS** post accessum; sed dicit, eundo, & redeundo **AD COLLATOREM**, quibus significatur **REPETITUS ACCESSUS**. Præterea non loquitur de **QUOCUMQUE** dispendio temporis; sed de dispendio, quod afferat damnum intercessori, quia privat illum aliqua utilitate non purè possibili, sed quàm revera tunc perciperet, si eo tempore in alia opera incumberet, a quibus abstinere cogitur in ejus gratiam, pro quo sæpe **REDIT AD COLLATOREM**. Quæ omnia extrinseca sunt, ut patet, & accidentaria intercessioni, quæ per se loquendo haberi potest **SINE ITINERE LABORIOSO, ET SÆPIUS REPETITO, ET SINE DISPENDIO TEMPORALI, UT AFFERAT INTERCESSORI LUCRUM CESSANS, AUT DAMNUM EMERGENS**. Et pro istis extrinsecis, & accidentariis intercessioni docet posse aliquid tradi; monendo tamen ne plus tradatur, quàm quanti valet ille labor extrinsecus, & illud damnum accidentale.

Quemadmodum ut Sacerdos faciat Sacrum, necessarium est, ut eat, & redeat ab aliqua Ecclesia; & infumat aliquod tempus in eundo, & sacrificando. Et quia ista sunt intrinseca ipsi Sacro, ideo non potest pro istis quidquam accipere præter consuetam elemosynam. Si vero aliquis propter aliquam causam cogat Sacerdotem adire laboriosè Ecclesiam valde distantem; & dispendium temporis in longo itinere infumendi afferat Sacerdoti damnum emergens, vel lucrum cessans; pro illo extrinseco, & accidentario incommodo, & pro illo damno emergente, vel lucro cessante, communissima sententia docet posse aliquid recipi proportionatum.

Hanc autem esse sententiam Patris La-Croix, & non illam deformatam a P. Concina, audiatur ex ejus verbis citato lib. 3. part. 1. num. 91. ubi sic.

*Dare pecuniam, non pro intercessione, sed PRO LABORE IN EUNDO, ET REDEUNDO AD COLLATOREM, aut pro DAMNO IDEO CAUSATO, vel PRO LUCRO CESSANTE, aut pro dispendio temporis (Notent lectores quale DISPENDIUM) quod ad intercedendum consumitur, ET IN QUO NEGLIGITUR UTILITAS ALIOQUIN OBVENTURA, non est Simonia: uti habet COMMUNIS apud Dianam parte 10. tract. 15. resolut. 5. Castropalao num. 5. Rayn. num. 30. Plus tamen dari non debet, quàm sit LABOR, VEL DAMNUM.*

En vobis, Lectores, in his duobus postremis vocibus tota sententia P. La-Croix, & aliorum. Potest sine Simonia aliquid tradi, non pro illis ridiculariis titulis confectis in sua amplificatione a P. Concina, sed pro LABORE in repetendis pluribus itineribus AD COLLATOREM, qui tamen tantus sit, ut censeatur æstimabilis pretio, vel pro DAMNO inde secuto. Quæ sententia non est ridicularium paradoxon solius P. La-Croix, Dianæ, Castropalai, & Raynaudi; sed

EST RIDICULARIUM PARADOXON Navarri in Manuali cap. 23. num. 106. ubi sic: *Ad quintum (respondet) quod mediator Simonie committit eam, & excommunicatur per Extrav. 2. de Simonia. Immo & dans mediatori, seu intercessori, ut procuret sibi collationem beneficii... Nisi daretur illi quod deceret, PRO LABORE QUEM SUSCIPIT IN SEMEL, VEL FREQUENTER ADEUNDO COLLATOREM, ET REDEUNDO AB EO; vel in compensationem alicujus interesse considerabilis, DAMNI, VEL LUCRI CESSANTIS ipsius mediatoris.*

EST RIDICULARIUM PARADOXON eximii Doctoris Francisci Suarez Tom. 1. de Relig. lib. 4. de Simonia cap. 53. num. 17. ubi sic: *Addit etiam Navarrus dicto num. 106., non esse Simoniam, si aliquid detur PRO LABORE SUSCEPTO EUNDO, ET REDEUNDO AD COLLATOREM, vel in recompensationem alicujus*  
DA-

**DAMNI**, quod ea de causa patitur, aut **ALTERIUS LUCRI**, quod amittit. Quod in rigore verum est; quia **HÆC ACCIDENTALIA** etiam in spiritualibus actionibus compensari possunt. Sed cavendum est, (quod monuit etiam P. La-Croix) ne sub hoc colore aliquid accipiatur ultra estimationem talis valoris, vel damni secundum se spectati: aliter *Simonia* non evitabitur.

**EST RIDICULARIUM PARADOXON** Henrici de Villalobos Theologi Franciscani Tom.2. Summæ Hispanicæ tract.37. de *Simonia* difficult.27. ubi hæc habet, quæ summa fide latinè reddo:

*Respondeo, mediatorem Simonie committere Simoniam. Ratio est, quia est idem dare Collatori, ac dare Mediatori; nisi ipsi daretur id, quod conveniens est PROPTER LABOREM, QUEM SUSCIPIT EUNDO, ET REDEUNDO AD DOMUM COLLATORIS; aut propter aliquod interesse considerabile, ut esset lucrum cessans.*

**EST RIDICULARIUM PARADOXON** Filiucci Tom.3. tract.65. cap.12. quæst.7. ubi sic: Si detur aliquid (mediatori) tantum PRO LABORE SUSCEPTO EUNDI, ET REDEUNDI, pro DAMNO, quod ea de causa passus esset, vel pro LUCRO, quod amisisset, excusant MULTI DD. a *Simonia* hujusmodi dantes, ut **ADRIANUS**, **PALUDANUS**, & **Navarrus** ex **Suarez**. Et sequitur eorum sententiam ipse **Suarez** ex parte, & limitatè: itaut non plus sumatur, quàm **LABOR**, VEL **DAMNUM** mereatur.

**EST RIDICULARIUM PARADOXON** Lessii lib.2. de Justit. cap.35. dubit.8. ubi sic: Sic etiam qui procurat alteri beneficium, aliquid PRO SUO LABORE ACCIPERE POTEST; non tamen beneficium, sed quanti per se in alia re non sacra, ut in causa civili, æstimaretur: ut si litteras scribat, SI ITER CONFICIAT, si alias expensas rationi consonas faciat; non tamen licitum est, hæc pluris æstimare propter felicem successum, vel beneficii opimitatem,

**EST**

EST RIDICULARIUM. PARADOXON. Bonacinae de Simonia disp. 1. quæst. 6. punct. 4. ubi sic: *Hæc de causa Navarrus cap. 23. num. 106. Suarez cap. 53. num. 17. Filiuccius cap. 12. quæst. 7. num. 12. Lessius, & alii excusant a Simonia eum, qui pecuniam accipit, non simpliciter, ut procures alteri beneficium, sed habita ratione laboris inscribendo, ITER PERAGENDO, in expensis faciendis, in privatione lucri, & commodi temporalis, quo se ea de causa privat, & similibus. Hæc enim sunt pretio æstimationabilia.*

Mitto alios plures, ne & mihi, & aliis tædio sim, est enim sententia communissima. Sed audire præstat robusta argumenta, quibus armatus P. Concina audet unum obfistere contra tam multos, & opinionem Navarri, Suarez, Villalobosii, Dianæ, Bonacinae, Filiuccii, Lessii, Raynaudi, Castropalai, & fere omnium appellat EVIDENTER LAXAM, RIDICULARIUM PARADOXON, LEPIDUM, ET VENUSTUM COMMENTUM.

Quod attinet ad argumenta a ratione petita nihil prorsus affert præter recitatas figuras interrogationis; quæ calumniosæ sunt, & extra rem; siquidem loquuntur de accessu, & recessu a Collatore; & de tempore infumendo in eundo, redeundo, & colloquendo; SINE QUIBUS NULLA INTERCESSIO HABERI POTEST, ac proinde INTRINSECIS intercessioni. Pater verò La-Croix loquitur de laboriosis, & repetitis itineribus, & de dispendio temporis afferente intercessori Nocumentum, & damnum; de quibus loquuntur tam multi, atque insignes Theologi, quos ipse, & Mazzotta cum ipso secuti sunt. Quæ omnia accidentaria sunt, & extrinseca intercessioni: Siquidem intercessio fieri, & stare potest cum itinere commodissimo, & eum dispendio temporis nullum damnum intercessori afferente.

Quod attinet ad argumenta petita ab auctoritate, en ejus verba: *Diana, inquit, hæc distinctiones invenit;*

(Fal-

✕ **Falsissimum**: nam iis distinctionibus usi sunt multo ante Dianam Navarrus, & Suarez ) *easdem transcribere alii Casuiste; easdem compilavit Croix, & ex Croix Mizzot-tes; & postea concludunt*, **ITA COMMUNITER DOCTORES. VERUM DOCTORES ECCLESIAE, ET SACRI CANONES OPPOSITUM APERTISSIME DOCENT**, „ qui beneficium, inquit S. Carolus in Concilio Mediolanensi l. Ecclesiasticum vacans multis, & „ ambiosis precibus per se, vel per alios petierit, eo „ facto ita redditur indignus, ut per biennium in eum „ neque illud, neque aliud beneficium conferri possit „. S. Bernardus lib. 4. de consideratione cap. 4. inquit „ Alius „ pro alio, alius forte, & pro se rogat. Pro quo roga- „ ris, sit suspectus; qui ipse rogat pro se, jam iudicatus „ est; nec interest per se, an per alium quis roget „

Hactenus P. Concina. Nec præter hos duos textus, quos, ut alia plurima, excipit ex Gennetto Tom. 2. tr. 2. cap. 3. ullum alium asserti aut Ecclesiae Doctorem, aut Sacrum Canonem.

Verum isti textus non solum **NON APERTISSIME**, sed nullo prorsus modo mihi videntur probare oppositum. Controversa est, utrum sit Simonia dare, aliquid intercessori pro repetito, & laborioso itinere ad Collatorem; & pro dispendio temporis, nocumentum aliquod intercessori afferente, ut esset lucrum cessans, vel damnum emergens. Ubi in iis testibus ne verbum quidem de rebus istis?

Illi textus, ut patebit eos consideranti, ad summum probant, **ILLICITUM ESSE** procurare sibi beneficia Ecclesiastica vel per se, vel per alium, vel propriis precibus, vel alienis. Quod quidem utrum probent, aliorum iudicium expecto. Sed demus ex iis textibus hoc posse confici, **PECCATUM** esse rogare sibi beneficium, vel pro se, vel **PER ALIUM**. Supposito hoc peccato jam perpetrato; probant ne ii textus, non esse dandam mercedem intercessori pro **SUO LABORE** extrinseco interces-



cessioni; neque esse ipsi compensanda DAMNA, quæ propter intercessionem illi obvenerunt? Cæteri judicent.

Praxis Romanæ Curix; & quid concessum sit illis, quos vulgo AGENTES, & EXPEDITIONARIOS vocant, mihi prorsus ignotum est. Quamobrem hac de re nihil dico. Sed hoc misso

Habetis, Christiani Lectores, quam sententiam P. Concina turpissimis conviciis oneret, ac dehonestet. Habetis QUAM APTIS auctoritatibus eam impugnet. Ex hac de reliquis conijcite.

## C A P U T C.

### *Vindicatur ab impostura P. Lessius.*

P. CONCINA Tom. 10. pag. 115.

P. Lessius de more asserit num. 129. Bullam S. Pii V. NULLIBI esse receptam. Sed Lessius FALLITUR, FALLITQUE. Testantur enim Salmaticenses num. 74. ex Raphaelæ a Torre in Hispania esse receptam.



Pater Concina DE MORE calumniatur Patrem Lessium, & FALLITUR, FALLITQUE. Pater enim Lessius nusquam dicit, Bullam Sancti Pii V. NULLIBI esse receptam: immo apertissime supponit esse receptam ALICUBI; & solum dicit non esse receptam IN PLERISQUE LOCIS. En ejus verba lib. 2. de justitia cap. 35. dubit. 22. cit. num. 129.

Notandum tamen, UBI Bulla Pii V. de pensionibus est recepta, IBI pensionem esse rem spiritualem. Statuit enim Pius V. ut omnes Pensionarii ratione pensionis teneantur recitare Officium B. Virginis; qua ratione pensio vera

*vera est quoddam beneficium . Sed* PLERISQUE LOCIS  
*hæc Bulla NON videtur recepta.*

In vocabulario P. Concina ad mordendum Lessium.  
 Jesuitam Synonima sunt, PLERISQUE LOCIS non videtur recepta , & NULLIBI ex recepta . Oro rursus Lectores, ut videant IN FONTE omnes, quos in hoc opere citat . Oro, ut sententiam sustineant; donec questiones, quas tractat, in aliquo Theologo legant; & tunc iudicium, quod coram Deo rectum ipsis videbitur, de opinionibus ferant.

## C A P U T C I.

*Restituitur sua integritati sententia*  
*Sanchez.*

P. CONCINA Tom. 10. pag. 248. & 249. agens de Causis  
 allegatis a P. Sanchez pro iusta dispensatione  
 Pontificis in matrimonio rato; ita refert  
 quartam & sextam causam.

*Quarta causa est, pergit Sanchez num. 7., quando alter  
 Conjugatorum asserit, se non habuisse animum contra-*  
*hendi. Sic Socinus senior..... Felinus..... Menochius.*

*Ultima causa est, concludit P. Sanchez num. 9., mutuus  
 conjugum consensus. Sic Gregorius Lopez.... Medina ....  
 Sed hanc causam non esse sufficientem testantur multi Do-*  
*ctores, quos retuli disput. præcedenti num. 2. asserentes,*  
*non posse Pontificem ex potestate ordinaria ob mutuum*  
*contrahentium consensum dispensare, si alia causa non*  
*subsistat: & quamvis fateantur posse ex potestate absoluta,*  
*id evenit, quia credunt, nullam requiri causam, ut va-*  
*lidè dispense, ut ibi explicui.*

Hactenus P. Concina; & in Indice Verbo Sanchez ita  
 liberaliter scribitur.

Q 9

FU-

FUTILES causas allegat, ob quas Papa possit dispensare  
in vinculo Matrimonii rati.

\*:§:§:\*:§:§:\*

EST hic rursus precibus meis, imo precibus Patris Concinae locus; ut legantur in FONTE omnes, quos in hoc opere citat. Truncatissimè refertur uterque textus Sanchezii, atque ea refecantur, quæ ejus opinionis ad spectum omnino immutant.

Quod attinet ad primum textum, sive ad quartam causam: P. Concina blande propinat lectoribus, Sanchezium absolute, simpliciter, & indefinite admittere ut iustam causam dispensandi in matrimonio rato, SI ALTER CONJUGATORUM ASSERAT, SE NON HABUISSE ANIMUM CONTRAHENDI. Hoc enim præcisum a reliquis, & præterea nihil aliud Sanchezio refert. Atqui sciant hoc esse falsissimum, Nam P. Sanchez eam doctrinam non adoptat: nisi multum temperatam, & his limitibus circumscriptam: Nempe in eo solum evento, quo alter conjugatorum, qui negat se habuisse animum contrahendi, nullo modo induci posset, ut præstaret verum consensum, & ex eo matrimonio adeo coactæ graves inimicitiae oriturae forent. En verba quæ Sanchez textui recitato a P. Concina continuo subdit.

*Quod credo verum, quando NULLO MODO induci posset, ut præstaret verum consensum, & ita ex matrimonio tam coactæ GRAVES INIMICITIÆ ORIRENTUR.*

Cur hos limites, qui Sanchezii sententiam valde coercent, atque invidiam vel omnino auferunt, vel certe multum imminuunt, fidelissimus P. Concina lectoribus occultavit?

Quod attinet ad secundum textum, sive ad ultimam causam: si ea solum legantur, quæ ceteris truncatis reci-

citat P. Concina; suspensi saltem, ac dubii manebunt omnes; utrum Sanchez indefinitè amplectatur laxiorem opinionem Lopezii, & Medinae, affirmantium justam esse causam dispensationis mutuum tantum conjugatorum consensum: an verò amplectatur contrariam. Hoc enim nullo modo a Patre Concina definitur, aut indicatur. Atqui hic etiam sciant, Patrem Sanchez adhærere Sententiæ oppositæ, nisi quando ex negata dispensatione infelices exitus absque remedii spe timerentur. En item verba relicta a P. Concina, quæ Sanchez continuo subdit.

Et Barbosa..... dicit, *non esse causam sufficientem.*  
**MUTUUM CONSENSUM. ET ITA CREDO, nisi quando inter se ita essent discordes Conjuges, UT INFELICES EXITUS ABSQUE REMEDII SPE TIME-  
 RENTUR.**

Et hæc quidem, quantum attinet ad defectum bonæ fidei in referenda integrè & sincerè doctrina Patris Sanchez. Tria nunc adjicere placet.

**PRIMUM.** P. Sanchez non eudit ipse primus eas Causas justæ dispensationis, quas lib.2. de Matrimonio disput.16. enumerat, & illustrat. Sed pro illis citat modo celebres Canonistas; modo aliquos Theologos; modo etiam Dominicanos, quorum tamen opiniones temperat aliquando, & coercet; ut visum est. Cur P. Concina infectatur nominatim solum Sanchezium? Cur proponit controversiam his verbis: *Quanam causæ assignentur a P. SANCHEZ pro justa dispensatione matrimonii rati?* Cum potuisset nominare tot alios, qui ante Patrem Sanchez easdem minori cum temperatione assignant? Ne sinat P. Concina elabi sibi de manibus WENDRO-CHIANAM excusationem: Aliter multi suspicabuntur, ipsum non esse vacuum a studio partium, & ad hoc possimum respexisse in hac sua Christiana Theologia; ad obruendam scilicet exultimationem Auctorum Societatis.

**SECUNDUM.** P. Concina postquam quæstionem proposuit, utrum Pontifex dispensare possit in matri-

monio rato, ita hic protestatur pag. 244. *In hac gravissima Controversia nihil omnino ego iudicii pronuntiabo. Absit a me temeritatis tantum, ut limitibus circumscribere pontificiam potestatem velim. HISTORICI dumtaxat non Theologi partes agam, & utriusque Sententiæ argumenta in medium adducam propria opinione prorsus suspensa.*

Arde summo promovet argumenta partis, quæ Pontificibus negat eam potestatem. Summo studio conatur elevare atque irridere quidquid assert pars, quæ concedit. Causas omnes, pro iusta dispensatione afferri solitas, quibus cadentibus, ea quoque potestas ruat, necesse est, rejicit tamquam laxas, & futes. Barbosam, quia dixit, præter religiosam Professionem iustas alias causas reperiri posse dissolvendi matrimonii rati, insectatur iracundo hoc scommate: *Numquid Barbosa supra jus canonicum est? Unde Barbosa colligit alias iustas causas, quæ rescindant matrimonium ratum JURE NATURALI, ET DIVINO perpetuum?* ET HISTORICI solum partes agit? Perpendant, quæso, lectores totum illum locum; & ipsi videant, an illa protestatio inane sit artificium.

TERTIUM. P. Sanchez, ut probet, non quidem immediatè Matrimonium ratum a Pontifice iusta causa dissolvi posse; sed nihil magis mutæ benevolentia adversari, quam conjugum disparitatem; post allata Scripturæ, Leonis Papæ, Boetii, Tiraquelli, veterumque Philosophorum testimonia; assert etiam hunc Ovidii versiculum ex Epistola Dejaniræ ad Herculem.

*Siqua voles aptè nubere nube pari.*

P. Concina propter hunc versum, ita ironice Sanchezium pungit: *Næ isti limpidi sacrorum Canonum fontes, unde dissolvendi Evangelici Sacramenti causæ hauriendæ.*

Ego verò non video, qua fronte P. Concina irrideat hac de causa Sanchezium; cum ex iisdem fontibus ipse quoque non semel hauserit aquam, ad irrigandam, & odoriferis veluti liquoribus conspergendam hanc suam Theologiam.

Hau.

Hausit Tomo 2. pag. 250., ubi ad improbandum foeminarum ornatum hæc assertit ex Amoribus Ovidianis.

*Dicebam: desiste tuos medicare capillos.*

*Tingere quam possis, jam tibi nulla coma est.*

Hausit eodem Tomo 2. pag. 231. ubi ut probet nimum ornatum esse argumentum impuditiæ, assertit hæc Ovidiana ex lib. 4. Factorum.

*Castæ quidem, sed non & credita: rumor iniquus*

*Læserat, & falsi criminis acta rea est.*

*Cultus, & ornatis varie prodidisse capillis*

*Obfuit; ad rigidos promptaque lingua sonos.*

Hausit Tomo 4. pag. 85. ubi ut probet, molliorem esse jure naturæ vetitam, assertit spurcissimum istud Martialis distichon

*Ipsa crede tibi naturam dicere verum.*

*Istud, quod digitis, Pontice, perdis, homo est.*

Hausit eodem Tomo 4. pag. 458. ubi ut impugnet Sententiam Cornelii a Lapide de Puella non clamante; imo Sententiam Soti & Gonetii, ut vidimus suo loco; assertit hoc aliud item spurcissimum Martialis distichon.

*Castæ igitur nulla est? castæ sunt mille: quid ergo?*

*Castæ fuit: non DAT, non tamen illa negat.*

Hausit hoc Tomo 10. pag. 337. Ubi, ut probet dari posse impotentiam ex maleficio, assertit hoc ex amoribus Ovidianis.

*Quis vetat, & magicam nervos torpere per artem?*

Sed absorptus voluptate mordendi Jesuitam Sanchez, animum non advertit ad multo plura hujusmodi, quæ ipse scripsit.

## CAPUT CII.

*Restituitur suæ sinceritati sententia  
Vivæ.*

P. CONCINA Tom. 10. pag. 295.

*Sufficit ne error communis absque titulo colorato ? P. Sanchez lib. 3. disp. 21. num. 49. & 50. licet benignissimus, ne probabilem quidem vult opinionem adfirmantem. Sed P. VIVA quæst. 4. art. 4. num. 12. fatetur quidem, Patrem Sanchez ut improbabilem rejicere opinionem adfirmativam: subdit tamen cum SUO Diana, Molfesio, & Joanne Sanchez PROSCRIPTO, aliisque, præfatam opinionem esse probabilem. Eamque suadere nititur „ QUIA, inquit, ex æquitate, & benignitate Juris „ asserendum, utrobique suppleri defectum, qui a potestate humana suppleri potest „ Hæc interpretatio ARBITRARIA, FALSA, ET LAXA EST.*

\*§\*§\*§\*§\*§\*

**P**ater Concina hic non imponit Vivæ eam opinionem, nam re vera illam putat probabilem ex Diana, & aliis: Sed imponit ineptissimam rationem, qua P. Viva nusquam utitur. Igitur P. Viva non conatur persuadere præfatam sententiam illo QUIA, quod ipsi asserunt P. Concina; neque in toto Patre Viva reperitur textus ille verborum, quem sub ejus nomine P. Concina recitat: sed utitur alio argumento diversissimo, & satis solido, quod P. Concina non modo non dissolvit, sed omnino occultat. Et verba, quæ P. Concina fugit esse argumentum P. Vivæ, in P. Viva sunt mera conclusio probata. En Vivæ verba post relatam opinionem Thomæ Sanchez.

*His*

*His tamen non obstantibus Diana part. 3. tract. 4. resolut. 122. & part. 8. Tract. 1. resolut. 94. docet cum PONTIO, Molfesio, & Joanne Sanchez valere in utroque foro gesta Parochi, Judicis, Confessarii, Tabellionis &c. etiamsi solus error communis sine titulo colorato intercedat. Uale docet, validum esse matrimonium, cui Parochus intrusus assistit, etiamsi a Contrahentibus sciatur non esse verè Parochum illum, qui communiter ab aliis Parochus existimatur. RATIO EST, ( non illud QUIA calumniosè afflictum a P. Concina ) QUIA eadem inconvenientia sequerentur in Republica, si acta istorum essent invalida, siue titulus coloratus annectatur errori communi, siue non annectatur. ERGO ( en conclusio probata, quàm P. Concina retulit ut rationem probantem ) eadem dispositio legis debet esse utrobique; atque adeo ( verbis sequentibus P. Concina præfixit illud QUIA, & verborum textum efformavit, qui in Viva non est ) ex æquitate, & benignitate juris asserendum, utrobique suppleri defectum, qui a potestate humana suppleri potest.*

Num sincerè relata sit opinio Patris Vivæ, Lectores videant. Ego ad quædam alia pergam.

Ad illud scomma CUM SUO DIANA: neminem pudere debet Dianam esse SUUM. Et sane ego malim esse MEUM Dianam, quàm esse MEUM Montaltium, quàm esse MEUM Henricum a S. Ignatio, quàm esse MEUM in Theologia morali Natalem ab Alexandro, quàm esse MEUM Auctorem Theologiæ moralis Jesuitarum, & similes.

Ad illud; ET JOANNE SANCHEZ PROSCRIPTO. Etiam P. Concina sæpe numero citat pro suis opinionibus Henricum a S. Ignatio PROSCRIPTUM, aliosque Scriptores PROSCRIPTOS; & quod plus est; non raro illos exornat præclarissima appellatione GRAVIORUM THEOLOGORUM.

Ad illud; CUM SUO DIANA, MOLFESIO, JOANNE SANCHEZ PROSCRIPTO, ALIISQUE. P.  
Viva



Viva nominaverat etiam PONTIUM. Pontius de Matrimonio auctor est gravissimus, & celeberrimus. Non parum profuisset Patri Vivæ apud Lectores, si vidissent, ad asserendam præfatæ opinioni probabilitatem, motum illum fuisse etiam ab auctoritate PONTII. Cur Pontium a P. Viva citatum P. Concina occultandum esse putavit; & hanc utilitatem Patri Vivæ apud Lectores invidit?

Ad illud; HÆC INTERPRETATIO ARBITRARIA, FALSA, ET LAXA EST. Docebo quinam sint Auctores ejus interpretationis, atque opinionis, & nulum Jesuitam citabo.

PONTIUS lib. 5. de Matrimonio cap. 20. post relatam oppositam sententiam Thomæ Sanchez ita pergit, num. 2. *Cæterum mihi PROBABILIVS videtur*; (PROBABILISTA Sanchez vult, neque esse probabile) *etiam ejus, qui caret titulo, est tamen putativus, & intrusus, valere gesta per eum. Auctores, qui nobiscum sentiunt, referam statim; placet enim hæc sententia per partes explicare, ex quibus sufficienter probata relinquatur.*

Diana part. 3. tract. 4. resol. 122. Hanc sententiam ego libenter etiam teneo; quia puto, quod ex errore communi, confertur jurisdictio etiam sine titulo colorato collato a legitimo possessore. Et hoc solidè probant PONTIUS de Matrim. lib. 5. cap. 20. num. 2. Sancius in sel. disp. 44. num. 3. & ego ipse alibi.

Bordonus Tom. 2. resol. 36. quæst. 14. num. 50. Molfesius, PONTIUS, Diana ajunt sufficere errorem communem sine titulo. ET BENE: quia Jurisdictio, quæ ab Ecclesia suppletur, non fundatur in l. Barbarius, sed in provida pietate Ecclesiæ, quæ saluti Fidelium intendit subvenire.

Franciscus Sylvius part. 1. resolut. variat. V. Matrimonium 11. Dicit. Ad hoc, ut gesta per Sacerdotem, qui ex communi æstimatione, & errore est parochus putativus, valeant; ipse debet habere titulum: eum vero non habet Sacerdos, qui, ut dictum est, assumitur a Colonel-

10, vel Capiteano Militum ..... Respondeo secundò, quod **Basilus PONTIUS** lib. 5. cap. 20. tamquam probabilis sustinet, non requiri titulum, modo adsit error communis.

**Pignatellus** Tom. 6. consult. 3. proponit hoc sextum dubium. Dato, quòd non coloratus titulus extiterit, an matrimonia coram eo contracta sint nulla? Cui sic respondet num. 14. Ad sextum respondeo quoque negativè ex regula illa universali: Quotiescumque causa publica, bonumque publicum agitur, si tamen materia subiecta est potestati Principis, valent ex æquitate in utroque foro quæ gesta sunt cum communi errore per Parochum putativum, si ve habeat titulum a legitimo Superiore, si ve non habeat. Est **PONTII**, & aliorum, qui advertunt id verum esse, etiamsi contrahentes sciant, illum carere vero titulo.

Et demum, ne Lectores fatigem, eandem opinionem tenent **Molfesius**, **Joannes Sancius**, **Del-Bene**, **Leander**, alique, quos citat **Diana** part. 8. tract. 1. resol. 94.

Quibus positis. Primum. Aliqua certè venia dignus mihi videtur **P. Viva**, si propter auctoritatem, & rationes tot Auctorum opinionem illam probabilem appellavit. Deinde cùm tam multi ipsum præcesserint, & novissimus omnium illius opinionis probabilitati ipse subscripserit, quæro, cur solus **Viva** a **P. Concina** hîc in invdiam adducitur? Cur de ipso solo ita in Indice scribitur: *Falso docet ad assistendum validè matrimonio sufficere errorem communem sine titulo colorato?* Cum idem antè ipsum docuerint **PONTIUS**, **Diana**, **Bordonus**, **Franciscus Sylvius**, **Pignatellus**, **Molfesius**, **Sancius**, **Del-Bene**, **Leander**, atque alii? Commendo iterum **P. Concina**, atque Indicum fabricatoribus **WENDROCHIANAM EXCUSATIONEM**. Neque enim aliam afferre possunt, cur tam multis antiquioribus prætermisissimum **Vivam** exagrandum susceperint, & Lectorum oculis objectarint.

Præterea: siquidem **P. Concina** eam interpretationem

R r

nem

nem ARBITRARIAM appellat, idest sine ratione; quo pacto solvit rationem Patris Vivæ petitam ex eo, quod eadem inconvenientia in Republica sequerentur, nisi illorum acta valerent, sive adjungatur errori communi, sive non adjungatur titulus coloratus? Hanc rationem non modo non dissolvit, sed de illa ne verbum quidem.

Demum quo robusto argumento opinionem illam refellit, ejusque LAXITATEM ostendit? HÆC INTERPRETATIO, inquit, ARBITRARIA, FALSA, ET LAXA EST. Nec præterea quidquam addit. Quamobrem tota vis impugnationis ad illa duo antiqua verba redigitur, IPSE DIXIT. Quæ quidem ratio impugnandi sententias apud P. Concinam frequentissima est, ut per se animadvertere, propriisque oculis Lectores videre poterunt. Nequis verò suspicetur, me hic pugnare pro Domo; norint omnes, præfatam opinionem a laudatis Theologis propugnatam rejici communissimè ab Auctoribus Societatis.

Postremò animadverto, relatam opinionem ab aliquibus PROBABILISTIS admitti; a Thoma Sanchez, aliisque PROBABILISTIS refelli. Adeo verum est, quod sæpe diximus, PROBABILISMUM nullam cognitionem habere, nulloque nexu contineri cum sententiis directis, seu laxæ sint, seu non laxæ.

## C A P U T CIII.

*Vindicatur a falsa criminatione*  
*P. Sanchez.*

P. CONCINA Tom. 10. pag. 333.

P. Thomas Sanchez in suis tribus Voluminibus DE RE UXORIA tam fuso calamo hanc coeundi impotentiam versat, ut non minus, quam xxviii. disputationibus illam explanare operæ pretium judicaverit. Non omnibus datum est quæstiones, quas Auctor iste distinctè enucleat, & perspicuè dispicit salvo pudore, & honestate tractare. Præcipua copita, ea qua potero cautione attingam, ne vel calamus ipse materiam adeo lutulentam versando maculetur.

§§§§§§§§§§

NON MINUS, QUAM xxviii. DISPUTATIONIBUS? Minus, minus. Disputationes de impedimento impotentiae lib. 7. incipiunt a 92. inclusive, & desinunt inclusive in 114. Ac proinde sunt tantum 23 non 28. At forte fuit error Typographi. Credamus. Sed de P. Concina in omnem occasionem dehonestandi auctores Societatis, & præcipue Sanchezium, imminente, nulla suspicio temeraria est. Deinde in multis ex iis ipsis viginti tribus Pater Sanchez nihil omnino lutulenti versat, ut patebit legentibus vel solos disputationum titulos. Demum ipse Sanchez satis bonam rationem affert, cur aliquanto diutius in hujusmodi impedimento immoretur: quod nempe, ait, frequenter in Tribunalibus ecclesiasticis accidat, & in confessionibus occurrat. Si lectores in

R r 2

quæ-

quæstiones de luxuria a P. Concina pertractatas reflectere parumper oculos velint, videbunt ipsum eo in loco calami maculas virgineo pavore non adeo exhorruisse.

Voces illæ DE RE UXORIA non satis virgineæ, & satis improptiæ sunt. Sanchez sua volumina inscripsit DE SANCTO MATRIMONII SACRAMENTO. RES UXORIA, si P. Concina Calepinos consulat, nescio quid aliud significat. Quamobrem voces illæ calumniose huc, ET ALIO, intrusæ sunt; ut eo loquendi modo major invidia Thomæ Sanchez conciliaretur.

Ea vero criminatio jam diu est, quod intorta fuit in Sanchezium ab Hæreticis Riveto, Christophoro Lutarado, & Sancirano: quos refert, & imitatur Bayle Tomo 3. Dictionarii Historici, & Critici Verbo *Sanchez*. Eam hic dextere & latenter renovat P. Concina; nequid esset ab ejusmodi hominibus dictum contra auctores Societatis, quod ipse non recoqueret, & in suam Theologiam transferret. Sed jam diu etiam est, quod illam alii, potissimum vero Theophilus Rainaudus, dispulerunt. Quamobrem ego nihil hic addo, ne actum agam.

## C A P U T CIV.

*Elevatur invidia conflata eidem Sanchez.*

P. CONCINA Tom.10. pag.361.

P. Thomas Sanchez lib.9. Disput.46. num.48. „ Oscula  
 „ & amplexus, aliique tactus non impudici excusantur  
 „ a culpa mortali inter sponsos de futuro ratione con-  
 „ tractus sponsalium inter ipsos initi. Ratio est, quo-  
 „ niam sicut matrimonium ipsum cohonestat copulam;  
 „ ita sponsalia, quæ quoddam matrimonii initium sunt,  
 „ cohonestare debent hujusmodi tactus qui INCHOA-  
 „ TIO quædam sunt copulæ; præsertim quia sic ma-  
 „ gis

„gis fovetur amor in ordine ad matrimonium ....”  
(Hæc puncta mea non sunt, sed P. Concinae.)

Tum post acres declamationes, & post irritam illam INCHOATIONEM, conviciatur, & censurat his liberalibus verbis.

PARADOXA LAXITATIS hæc sunt quæ CASTIS AURIBUS SCANDALUM INGERUNT.... Verum hæc refellenda non sunt, sed DETESTANDA.

§\*§\*§\*§\*§\*§\*

Totidem verba procul dubio sunt in P. Sanchez. Sed quod hic de P. Concina querimus, hoc est. P. Sanchez citat ibi pro sua sententia SEPTEM DOMINICANOS. Pater Concina in loco, quem versamus, insectatur quidem acerbe quatuor Jesuitas, Sanchez, Tamburinum, Gobatum, Læ-Croix. Verum suos Dominicanos non modo non exagitat, non modo in indice non ponit, non modo non nominat; sed cum citatos a Sanchezio certissime ibidem legerit, citationes suppressit substitutis aliquot punctis. Quod quidem utrum vacuitati a studio partium, utrum bonæ fidei, utrum VERO zelo promovendæ purioris Ethices consentaneum sit, alii judicabunt.

Ego, ut hujus opinionis invidia non tota exonere-  
tur in Sanchez; sed ex æquo dividatur in eas, in quos  
est tribuenda; revelabo, quinam fuerint, quos se magi-  
stros sequi Sanchez professus est.

Cajetanus Dominicanus in summa Verbo *Sponsalitia*,  
ubi sic. *Oscula tamen & amplexus inter Sponsos benevo-*  
*lentiæ causa non sunt peccata, ut patet. Si verò DELE-*  
*CTATIONIS CAUSA fiunt affectu maritali INCHOAN-*  
*TE, absque impudicitia tamen, VENIALIA sunt. Quia*  
*sicut Sponsa INCHOATIVE est. Sponsi; ita delectatio ve-*  
*neretæ conjunctionis carnalis inter eos INCHOATIVE per-*  
*mittitur inter eosdem. Constat autem, oscula DELECTA-*

Rr 3

TIO.

**TIONIS CAUSA facta non nisi INCHOATIONEM.** *venereæ delectationis importare.*

Idem 2. 2. quæst. 154. art. 4. *Videtur autem quoddam sponſalitium INCHOATIO quædam est Conjugii; ita hujusmodi actus INCHOATIO quædam est carnalis copula. Et quemadmodum concessum est, ut inter Sponsalia suspicerent se invicem juxta illud Augustini, „ Ne vilem habeam, beat Maritus oblatam, quam non suspicavit Sponsus dilatare, ita concessa videntur hujusmodi oscula inter eosdem, secundum indulgentiam tamen, qua venialia conceduntur & nisi, ut hujusmodi INCHOATIONES permisisse venialiter in ordine ad promissas nuptias, excusentur: Nescio excusare Sponsorum de futuro PROPTER DELECTIONEM oscula, amplexus &c. De osculis autem, & amplexibus inter eos ad benevolentiam, & familiaritatis signa non loquor: quia licita procul dubio sunt.*

Medina Dominicanus in Instructione Confessoriorum lib. 1. cap. 14 §. 18. *Todos tactos, osculos deshonestos, y libidinosos son peccados mortales; excepto solo quando son entre casados; y esto quando no se teme aun entre ellos, che de lo tal aura pollucion fuera del vaso natural, que entonces sera peccado mortal. TAMPOCO ENTRE LOS DESPOSADOS SERAN PECCADO.*

Ludovicus Lopez Dominicanus part. 1. Instructoriæ cap. 54. *Peccant Parentes, si permittant inter Filiam desponsatam de futuro tantum, & inter ejus Sponsum tactus impudicos. Sed bene possunt permittere inter eos oscula, & amplexus, qui ei licent ETIAM FINE CAPIENDI DELECTIONEM EX EIS.*

Petrus de Ledefina Dominicanus De Matrim. qu. 43. art. 1. *Dubio ultimo in tertio argumento pro sententia docente, Sponsum acquirere aliquod jus justitiæ ad corpus alterius Sponsi, quam sententiam, ejusque argumenta ipse approbat, & amplectitur; hæc habet. Tertiò. SECUNDUM THEOLOGOS, ET SUMMISTAS (jam eo tempore, & ante P. Sanchez) Sponsi etiam de futu-*

*ro licitè possunt osculari, se mutuo amplecti, & tangere se tactibus, qui de se non sunt impudici; ET FRUI VOLUPTATE, QUÆ ORITUR EX EIS; quoniam Sponsalia sunt INITIUM MATRIMONII, & ita concedunt facultatem fruendi VOLUPTATE PRÆAMBULA voluptati matrimonii.*

Bartholomæus a Ledesma Dominicanus Dub.14. de matrim. prope finem, teste ipso Sanchezio, idem docet. Sed verba non assero, quia nulla diligentia illum potui reperire.

Præterea eidem sententiæ favent alii duo Domini-  
cani, quatenus generatim atque indefinitè docent, oscula posse permitti Sponsis de futuro, saltem propter consuetudinem: nempe.

Bartholomæus Fumus Dominicanus in Summa, vulgo *Armillæ*, V. *Impudicitia*, ubi sic. *Si autem sint Sponsi de futuro, & credunt eis ista licere, quia sic consuetum est, poterunt aliquo modo excusari*

Joannes Tabienfis Dominicanus in Summa, V. *Osculum*, ubi sic. *Sponsis de futuro obstat, quod adhuc possunt separari, quia tamen (oscula) sunt quædam INITIA matrimonii futuri, possent excusari ex consuetudine.*

En Magistros, a quibus Sanchezius didicit PARADOXA LAXITATIS, QUÆ CASTIS AURIBUS SCANDALUM INGERUNT. En a quibus exscripsit opinionem NON REFELLENDAM, SED DETESTANDAM. Atque hæc est verissima Jesuitarum excusatio, ut alias monui; si quando in minus rectas opiniones prolapsi sunt: nimirum non eos esse earum fundatores, vel antesignanos; sed eas ab antiquioribus doctissimisque Magistris didicisse.

Quod si hujusmodi Magistri non ea laborant apud vulgus invidia, qua Jesuitæ; ideo hoc est, quia Montaltius contra solos Auctores Societatis hoc artificium invenit; ut cæteris Theologis prætermisiss ex solis ferè Jesuitarum libris expiscaretur, quod carpendum videri poterat



terat. Quod artificium non defuerunt usque ad hæc nostra tempora, qui magna ex parte, recta tamen cum intentione imitati sint.

## C A P U T CV.

### *Vindicantur ab impostura Viva, & La-Croix.*

P. CONCINA Tom.10. pag.383.

*P. Dominicus Viva de Sacramento Matrimonii quest. 7. art.3. num.9. pag. mihi 133. „ Demum si alter habeat „ opinionem probabilem de nullitate matrimonii, & „ simul habeat opinionem probabilem de ejus valore, „ licitè potest PETERE, ET REDDERE, cùm „ possit amplecti alterutram opinionem probabilem, „ quam mavult, etiamsi una sit probabilior, quàm „ altera „ Hæc doctrina est contra Sacros Canones, contra Sanctos Doctores Ecclesiæ; & nisi me omnia fallunt, EVIDENTER CONTENTA IN THESI I. damnata ab Innoc. XI. Nam hic agitur de valore Sacramenti matrimonii.*

Et paulo post relata non absumili Doctrina P. La-Croix, hæc subdit.

*Hæc cursim indicare libuit, ut intelligant Lectores, damnatam probabilisticam thesim ab Innoc. XI. in controversiis, in quibus agitur de valore Sacramentorum a non paucis Probabilistis promoveri, & propugnari nisi fallor ipse. Sed LECTORES IPSI SINT JUDICES.*

Utrum



**U**trum Doctrina Vivæ, & La-Croix sit contra Sacros Canones, & contra Sanctos Ecclesiæ Doctores viderint alii. Manifestissima certè impostura est, illam esse **EVIDENTER CONTENTAM IN THESI I.** damnata ab Innoc. XI. & ab his Probabilistis promoveri, ac propugnari damnatam probabilisticam Thesim. De quo Lectores sint iudices, neque ad aliud Tribunal ipse etiam provoco.

Prima thesis damnata ab Innoc. XI. hæc est. *Non est illicitum IN SACRAMENTIS CONFERENDIS sequi opinionem probabilem de valore Sacramenti relicta tutiore; nisi id vetet lex, conventio, aut periculum gravis damni incurrendi. Hinc sententia probabilis tantum, utendum non est in collatione Baptismi, Ordinis Sacerdotalis, aut Episcopalis.*

Admitto, damnationem extendendam esse non solum ad **CONFERENTEM**, de quo expressè loquitur Propositio damnata, sed etiam ad **SUSCIPIENTEM**; ita ut neque isti liceat sequi opinionem probabilem relicta tutiori in iis ponendis, quæ ex parte sua necessaria sunt ad valorem.

Admitto, damnationem intelligendam esse non solum de iis, quæ pertinent ad valorem jure divino, ut sunt materia, & forma: sed etiam de iis, quæ pertinent ad valorem jure Ecclesiastico, ut est privatio hujus, & illius impedimenti dirimentis in Sacramento Matrimonii.

His admissis, quæ verissima puto: Doctrina damnata in tota sua amplitudine hæc est. *Licetum est sequi opinionem probabilem relicta tutiore circa ea, quæ pertinent quocumque jure ad valorem IN SACRAMENTIS TUM CONFERENDIS, TUM SUSCIPIENTIS.*

Doctrina verò P. Vivæ, & La-Croix hæc est. *Licetum est sequi opinionem probabilem, etiam relicta probabili.*

314  
*habiliore*, DE VALORE PRÆTERITO *matrimonii*  
IN PETENDO, ET REDDENDO DEBITO.

Lectores nunc sint iudices: PETERE, ET REDDERE DEBITUM *est ne* CONFERRE, AUT SUSCIPERE *aliquod Sacramentum?*

Regero in P. Concinam, ut mitissimè agam, hæc sua verba, quæ habet hic ad aliam rem pag. 391. SINGULARI PATIENTIA OPUS EST IN EJUSMODI RESCRIBENDIS, ET REFELLENDIS.

Ad hanc verò opellam, qualiscumque sit, consueta diverticula, mordaces declamationes, scommata, ultrices satyras, quas ipse appellat plautinos sales, expecto. Responsiones ad rem; responsiones nimirum, quibus superiora capita percurrendo doceat, quodnam sit, in quo modo plus, modo minus a bona fide non defecerit, non expecto.

FINIS.

10.5.153

z

315

10.5.153





